

Mus. C. TETRAS Tab. 28^a

GRAVISSIMO^{n° 13}
RUM TOTIUS CA-34023
pitis Affectuum;

EX DOCTISSIMORUM ME-
dicorum, tum Dogmaticorum, tum
Hermeticorum, assiduæ vigiliis & ac-
curata Theoriæ & Praxis observatio-
ne elucubrata.

ADJECTUS EST IN EORUN-
dem morborum curatione, præter vulga-
rem Medendi methodum, ingens selectis-
simorum Medicamentorum Spagyricorum
numerus; quæ magno cum fructu addisci
& administrari possunt.

JOSEPHO QUERCETANO RE-
GIO MEDICO AVTHORE.



MARBURGI,
Typis Pauli Egenolphi, Typogr. Acad.

Anno M DC VI.



ON 12214 A 70
AD 2010 T M 14

THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637

DIRECTOR
 OF THE
 BUREAU OF
 THE
 UNITED STATES
 DEPARTMENT OF
 AGRICULTURE
 WASHINGTON, D. C.

JOHN H. HARRIS



EPISTOLA NUNCUPATORIA,

AD ILLUSTRISSI-
MUM AC POTENTISS. PRIN-
cipem MAURITIUM, Land-
gravium Hassia, &c.

MAGNA, quæ inter Do-
gmaticos & Hermeticos
Philosophos orta est, cō-
certatio: hi ut veritatem
ex naturæ luce petitam
factam testam tueantur: Illi ex suis
theorematibus extrinsecus petitis, &
ex rerum superficie erutis dogmata
sua medica asserant: me hîc non mo-
vet: nec instituti mei est, utriusq; par-
tis strophas diluere, aut lites compo-
nere; satis est, quòd veritatem rei pe-
nes me esse, Dei beneficio, agnosco,
eamq; in publicam utilitatem, ut jam-
pridem id ipsum enixus sum, pro viri-
bus exerere contendo. Tibi verò, Illu-
strissime ac Potentissime Princeps,

.): (2 tuoq;

EPIST. NUNCUP.

tuoq; nomini hunc nostrum commē-
tariolum, tanquam recentem fœtum,
hoc est, ab eo demum tempore, quo à
te dimissus sum, ex utraq; schola em-
bryonatum (ut chemicè loquar) cur
nuncupem, & Celsitudini Tuæ inscri-
bam ac consecrem, duplex est causa:
Una quidem, ut fidelissimi, quo jam
tibi devinctus sum, obsequii, ac officii
testimonium exhibeam: Altera, quæ
longè præstâtior est, quòd tibi omnis
literaturæ facilè Principi, & instru-
ctissimæ scientiarum officinæ, nihil
non in literarum studiis reconditum
admodū perspicaci tuo examini me-
ritò excutiendum debeat. Tu enim
is es, qui omni literarum genere cu-
mulate eruditus, potes de gravissimis
cujusvis scientiæ arcanis differere: De
quo etiam tanta apud omnes conci-
tata est opinio ac fides, quibus notus
es (ut apud omnes nominis tui per-
quàm celebris fama percrebuit) ut de
quibusvis in omni scientiarum gene-
re difficultatibus enucleandis, plus
quàm

quàm Gordonio nodo, etiam intricatis, ad te iudicium & veritatis enodandæ sententia equissimè deferatur, palmaq; rectæ pronunciandæ sententiæ concedatur. Quid enim est, quod ferox & acre ingenium tuum, tanquam fecundissimis saluberrimi cœli virtutibus imprægnata tellus, non producat? Ea enim cœli facie ac compositione natus videris, ut omnem omnium astrorum in te cōtractam felicitatem nemo non iudicet: quorum impressionibus quanta ubiq; emicet tua virtus, toti orbi conspicuum est. Sed in primis, quæ in te relucet divinitus concessæ dotes, Pietas videlicet & Justitia, firmissimæ imperiorum columnæ, quanti fieri te ab omnibus oporteat, satis superq; edocēt. At quid mirum, cùm fortes soleant creati fortibus: eosq; progenitores longa retrò seculorum serie habueris, qui nihil quàm pietatem ac justitiam unquam spirarint & coluerint, ut totus, non tantum Germaniæ, sed omnium terrarum

EPIST. NUNCUP.

rarum etiam orbis, virtutibus eorum ac gestis adhuc ubiq; personet? Maacte igitur, Princeps, avitis virtutibus, qui in ætate vix etiam matura, sapientissimam senectam prudentiâ, consiliis & judiciorum maturitate æmularis, nec non adæquas: Sic progenitorum tuorum virtutis vestigia ingressus es, ut ea etiam longè lateq; multis antè gressibus superaveris. Nec mirum, si quidem avitarum virtutum progressus usq; adeò longa sublimationum serie firmam stabilivit consistentiam, ut in te uno tandem Philosophicus ille virtutum lapis, post varias rotationes, perfectus confideat ac conquiescat: nec nisi in posteròs tui multiplicatione augeri possit. O quàm foelicem prædicabat divinus ille Philosophus Rempubl. cujus gubernatores essent philosophi, aut in qua Principes philosopharentur! Hoc nimirum ille ab antiquis Chaldæis, Persis, & Ægyptiis edoctus, qui neminem ad principatum promovebât, qui & Theologiam
& So-

EPIST. NUNCUP.

& Sophiam, jusq; divinum & humanum eruditissimè non calleret. Hanc scilicet adeptà est Respub. tua fœlicitatem, ut quæ tantum, quantus es, Principem nacta sit, cui triplex illud sapientiæ genus æquali libramine (ne dicam graviore) cum sapientissimi illius Hermetis Trimegisti summa eruditione infideat: siquidem vel ab ineunte ætate & Sacræ literæ, & vera rerum naturalium Sophia, cum Jurisprudentia, fixissimum in te domicilium ac sedem constantissimam posuerunt. Hanc antè viam sequuti tui Proavi, pietatis, inquam, & justitiæ alumni ac summi cultores, Dei beneficia cumulatè in se suosque subditos congesse-
runt: Nec minus omnium amorem ac gratiam *φιλανθρωπία* sua sibi devin-
xerunt, quàm pietate Deum optimum maximum conciliarunt. Hos quùm tu non tantùm sequaris, sed multis etiam parasangis ac stadiis præcurras: Dei pariter hominumq; omnium, be-
nevolentiam ac gratiam in te tradu-

EPIST. NUNCUP.

xisti ac conservasti. Quin & tantò majorem Regum Principumq; tibi amicitiam conciliaſti, ſubditorumq; ſtudia & obſequia captaſti, quantò majores etiam tuos virtutibus omnibus antevertiſ. Sed in hoc rarum eſt tuum exemplum, qui omnibus aliis Principibus (abſit invidia dicto) præluces, ut clementia cœli ac larga liberaliſq; ſyderum benignitas, necdum Dei Optimi prodiga indulgentia, profuſaq; manus, in te uno omnia ſcientiarum genera coacervarint: quarum ac ne unius quidem, ejuſq; vel minimæ, vix aliud ingenium fuerit capax, ut tanta profuſione nunquam quiſquam divinam ejuſmodi benignitatem ſit conſequutus. Quid enim eſt, quod te fugit? Si linguarum idiomata primò ſpectemus, ubiq; videberis eſſe natus & educatus, aut ſaltē quintas linguarum omnium ac gentium eſſentias in te contraxiſſe. Sive enim Hebraicè, Græcè, Latinè, Hebræi, Græci & Latini loquentem te audiant, omnes te ſuum

EPIST. NUNCUP.

suum agnoscant, & terrarum suarum
 indigenam ac oriundum glorientur:
 Si Illyricè, Italicè, Hispanicè, Germa-
 nicè (quæ tibi vernacula est lingua)
 Gallicè, Anglicè, omnes ejusmodi na-
 tiones de tua origine contendant, &
 singulæ, ut suum, te sibi omnibus viri-
 bus & magna concertatione vindicēt.
 Sed & hæc inter cætera minima sunt,
 etsi nō usq; adeò exigua, quin sublime
 ac divinum tuum ingeniū prorsus ar-
 guant, & inspiciendum omnibus præ-
 beant. Longiùs autem progressus es,
 qui istis corticibus non hæseris, sed ex
 eis perfectè nucleum erueris. Quor-
 sum enim linguarum cognitiones, si
 in usum non revocantur, & sensa sub
 eis comprehensa negliguntur ac flocci
 fiunt? Præter enim insignem illa-
 rum cognitionis fructum, quo cum o-
 mnibus totius orbis Principibus age-
 re potes, & colloqui: nec non mutua
 consilia, arcanaq; citra Interpretem
 communicare: medullas etiam ipsa-
 rum linguarum, hoc est, cœli, terræq;
):(5 secre-

EPIST. NUNCUP.

secreta mysteria sub illis latentia non
 exuxisti modò, sed planè exhausti:
 ita ut nihil Chaldæa, Judæa, Ægyptia,
 Arabia, Hispania, Italia, Illyria, Gallia,
 Germania, Anglia, reconditi habue-
 rint, quod prorsus ex illorum scriptis
 summo judicio & industria nō emun-
 xeris. Hujus rei fidem faciunt tot mo-
 numenta jam à te edita: tot sententiæ
 & divinæ & humanæ in privata con-
 suetudine, ac cum doctis viris collo-
 quiis, ex facundo tuo ore promanan-
 tes, idem testantur *νομήματα* illa tua tot
 vasorum, fornacum, Vulcanorum pe-
 ritissimorum, Ignium generibus ac
 omni pretiosissimæ suppellectilis spe-
 cie instructissima, te non corticem
 linguarum ad fastum quæsisse: sed
 nucleum illis inclusum, quò non Cel-
 situdinem ingenii tui pasceres, sed o-
 mnibus ubiq; prodesse ac auxilio ef-
 fes: longè secus, ac illæ sitibundæ auri
 spongiæ, quæ auro perpetuò inhiant:
 cum arcana naturæ tantùm rimari
 consilium tibi fuerit, eaq; in utilita-
 tem

EPIST. NUNCUP.

rem publicam referre, ut abundè ex laboratorio tuo videre est, quod cum omnis generis essentiis, salibus, spiritibus, magisteriis, arcanis instructissimum ac refertissimum sit, abundè ex eo, quicquid in gravissimis morbis desideratur, expiscari, ac mutuari liceat; tanta est tua erga omnes benignitas ac liberalis animus. Cùm enim usque adeò sagax sit tibi ingenium, ut multa Hippocraticæ ac Galenicæ medicinæ (inter cætera) deesse deprehenderis, in iisq; rebus, quæ longa, ex naturali proprietate & origine sua, vita fruuntur, longam vitam inclusam esse satis acriter animadverteris, quæ extracta à corpore, & omnibus suis impedimentis expedita, facilè nostræ commisceatur, vitalesq; ejus spiritus recreet, ac balsamum naturalem refocillet: totus incubuisti, ut quæ ex variis linguis, arcana ejusmodi interpretantibus, haurire potuisti (ut multa præclarè ac perfectè) ea non ad rem tuam augendam, sed ad communem homi-

EPIST. NUNCUP.

hominum salutem, utilitatemq; omnia conferas. O dignum te Principe encomium, qui non te tibi, sed Deo, Patriæ ac Parentibus, nec non omnibus hominibus natum esse didiceris! Quis non laudet institutum tuum, quis non miretur solertiam, ingenii tui magnitudinem, in beneficiendo studium, alacritatem ac promptitudinem? Hoc scilicet intellexerat etiam, piæ memoriæ, Parens ille tuus, qui juventutem tuam doctissimis totius orbis viris erudiendâ commisit, ut disciplinas omnes, artes & scientias, tum serias & graves, tum delicatiores ac amœniores jucundioresque animo recreando, ac celebrandis Dei laudibus, omni harmoniæ ac musici concentus genere idoneas, calle- res, ut vix ex ephœbis excedens Pandoram scientiarum, virtutumque omnium alteram, præ te jam ferres.

Quis enim & in hoc postremo ar-
 tium genere te æquet, nedum supe-
 ret? qui & suavissima voce & canoris

omnis

EPIST. NUNCUP.

omnis generis organis, dum aërem demulces, omnia ad te pellicias ac rapias, ut Phœbus ipse palmam testudinis, lyræq; musicæ tibi invideat: Musæ omnes ereptam sibi victoriam indignentur? Sed & in Metaphysicis, Mathematicis, Philosophicisq; aliis disciplinis ac scientiis, quàm sis versatus, ut neminem in his versatorem, subtiliorem ac acutiorem videre liceat, satis superq; ex ipsis etiam tuis elucubrationibus ac familiaribus colloquiis liquet, ut nihil demum in te desiderari possit, quo ad benè beateq; vivendi exemplum omnibus non præluceas, & cujusvis, vel totius etiam orbis imperii præclare & fœliciter administrandi non sis capax. Sed vereor, ne, dum, nescio quo, ad celebrandas tuas laudes, alioqui immensas, spiritu abripior, & cumulum earum attingere contendo, Ingenii mei tenuitas eas potius deterat, quàm incremento ullo, aut etiam digno encomio satis ornare possit.

Tantum

EPIST. NUNCUP.

Tantum hoc adjiciam, Illustrissime Princeps, ut pro candore, humanitate, benevolentia & mansuetudine, quibus viros bonos & literatos omnes amplecteris, me, etsi illorum infimum, intueri digneris: nostraq; quæ tibi ex candidissimo pectore voventur, scripta, si gratia tua digna sunt, prout exquisitè de omnibus pronunciare potes. Tuæ Celsitudinis clypeo, adversus nebulones, maledicos ac virulentos homines, protegere ac tueri velis. Datum ex Musæo nostro Lutetiæ Parisiorum, Idibus Decembris 1605.

*Illustrissimæ Tuæ Celsitudinis
Cuius obsequentissimus*

Jos. Quercetanus.

JOSE-



JOSEPHUS QUER- CETANUS BENEVOLO

Le&ori S. D.



*Abes hic, suavissime L&tor, de qua-
tuor gravissimis omnium morbis tra-
ctatum: quem cum ex affectuum ma-
gnitudine, causarum occultarum diffi-
cultate, curandiq; methodo, juxta dogmaticam
veterum disciplinam, plerunq; parum efficaci,
necessarium & perutilem esse dicerem: putavi,
pro ingenii mei viribus, ex utraq; schola, tum
Hippocratica, & Galenica, tum Hermetica &
Spagyrica, opera pretium fore, eum contexere.
Scio tamen, fortasse tibi multisq; aliis ingratum
fore nostrum hunc laborem: At cum tam gra-
vibus morbis, & auxilium presentissimum de-
siderantibus ex Galenicis dogmatis succurri
semper non possit, (ut satis omnes compertum ha-
bent) cum multis aliis doctissimis viris jam pri-
dem ad eundem scopum collimantibus tentavi,
vel ante viginti sex aut septem annos etiam pro-
ponere & explicare remedia, qua verè essent
medica, & scopum veri certiq; medici attinge-
rent. Quid enim laudis est, medici titulo infi-
gniri, si morbum non tollas? Quorsum tot ratio-
cinationes & contentiones ille medica de humo-
ribus,*

ribus, cōplexionibus, & theorematibus medicis, si ad usum, quicquid disceptatur, revocatum nihil prodest? Habebis igitur in nostro hoc tractatu nō consarcinatas hinc inde vulgarium medicamentorum formulas, qua utcunq; (si Dñs placeat) auxilium præstent: sed, quanta potuit fieri, diligentia nostra primum inventas, dein elaboratas, ac demum multis experimentis comprobatas, nec non ex doctissimorum virorum laboribus ac mutuis colloquiis haustas: ut, si animum ad hac nostra excutienda appuleris, Chémica auxilia, alioqui propemodum omnibus invisita, tuta & certa, ac vulgaribus etiam præstantiora deprehendas. Utriusq; tamen scholæ nos sequi vestigia, hoc est, theoremata, tibi persuasum habéas: quæ imitari, & utriusq; scholæ, in remedium præsertim præparatione, discrimen notare, ac certitudinem amplecti, si voles, poteris. Hunc si nostrum laborem gratum esse tibi intellexero, ad alia etiam fortè præstantiora meditanda, ac in lucem edenda, magis ac magis animum compelles. Te tamen deniq; hîc monitum velim, ut, si quid acerbius in nostro hoc tractatu dictum occurrat: id solistibus aut quatuor quibusdam Censoribus maledicis, ac invidis gerronibus, non autem vel universæ Dogmaticorum sectæ, cujus alumnus sum, vel bonis verisq; medicis, quos tanquam Præceptores ac fratres suspicio & colo, dicatum intelligas. Vale.



EPIGRAMMA

HERMANNI KIRCHNERI

J. U. D. C. P. Cæsarei, Histor. Academiæ

MAURITIANÆ, & pro tem-

pore Facultatis Philolophi-

cæ Decani.

F Arideas memorant quercus quondam esse locutas,
Dodonaq; sacri cultus honoris erat:

Magnus eò Macedo consultum oracla tetendit,

Credita vim superi quercus habere soni.

Vana superstitio! te, QUERCETANE, perito

Credamus Phœbi verius ore loqui.

Tu Regum accessu, tu cultu dignior, artis

Qui Cortina tuâ dia vocandus eris.

Quem, velut ex Phario regno olim Persa petebat,

Quorum consiliis ager haberet opem;

Liligera regione vocans MAURITIUS HESSUM

Regnator, merita laudis honore tulit.

Felix ingenii, quem Princeps ille probavit,

Sensus cui tripodis iudice major inest!

Felices etate, sati te auctore libelli,

Illos astra super fama superstes ager.

Ante virere Iovis cessabit quercus & ilex,

QUERCETANE tui quàm monumenta styli.

HEXAMETRO-JAMBICUM

RODOLPHI GOCLENII PHILO-

sophi in Academia Marp. in laudes longè

lateq; Clarissimi Dn. Quercetani.

ET QUERCETANE ex meritis Hermeticus audis,
Theoricus simul sagax, & Practicus,

Dogmaticos calles, Hippocraticosq; peritus,
Galenicosq; priscos cum recentibus.
Naturæ quàm cæcâ mihi myſteria pandis!
Altiffimæ hoc indaginis: magni ingenI.
Nota tibi varia eſt ratioq; modusq; medendi,
Impreſſionum gnarus es cœleſtium.
Nota tibi ante alios ratio Spagyrica multos,
Laborioſa ritè Naturæ æmula.
Vim medicatricem quantam Mineralia præſtent,
Cum rectè habent, morbis vel in graviffimis,
Te noviffe, docet liber hic. Hunc profer in auras.
In liberis librisq; longum vivitur.
Dotibus his verè per totum nobilis orbem,
Flore diu bonoq; vive publico.

SEcura & audax omnia perpeti,
Damni futura nescia flebilis,
Humana gens pejor parente
In vetitum ſcelus omne tendit.
Imbelle, at audax Iapeti genus,
Furore plenum ter temerario
Ignem intulit ſub fraude dirum
Gentibus innocuis dolosa.
Subduſto at igni ex athereâ domo,
Mox turba morborum & nova febrium
Triffisq; peſtis, digna pœna
Subſequitur ſcleris peracti.
Hinc nata noſtris anxietatibus
Eſt anſa, noſtro ſanguine fervido
Vix expianda; hinc noſtra proles
Præpropera peritura morte.
Aſt QUERCUS ingens & ſoboles ſacra
Iovis ſupremi, dote Machaonis
Imbuta, nunc imis miſeria
Suppeditat medicum medullis

Noſtro

Nostro dolori; Te puto nobili
 Claroq; natum sanguine, te puto
 O nata, QUERCETANE, nostris
 Sollicitudinibus medela.
 Dudum insolentis tu Veneris luem,
 (Qua nata cecis sedit ab ignibus,
 Et singulos artus pererrans
 Exagitat miserum, dolore
 Pellentesomnum) vel placida levas
 Solâ diatâ, vel truculentius
 Altas medullas lancinantem
 Mercurio mediante tollis.
 Infesta morbi nota Podagrici
 JOSEPHÉ dudum savities tibi:
 Ignota non est huic medela
 Fontibus è Chymicis petita.
 Non sedit ultra Tartareus dolor
 Renes, vel internè latera occupans,
 Et calculus mordaxq; arena
 Te medicante fugit magistro.
 Ast nunc Caduci, nunc Apoplexia,
 Vertiginisq; & nunc Paralyseos
 Tulisse vires savientes
 Specificis juvat insuetis.
 Sic magne magnis subvenias malis.
 Dextrâ potente atq; artibus inclytis,
 Nostrisq; ab oris pelle stultum
 Iapetum, Iapetiâq; prolem.
 Ignotus auro, aut non color ullus est
 Terris avaris dum latet abditum,
 Docta sed effossum manu, mox
 Et pretium & color urit omnes.
 Arcana fido pectore si oculis
 Nostrosq; in usus promere denegas,
 Aut livida longè invidendam
 Invidia maculam subibis;

*Aut culpam avara desidia audiet.
Hac ergo Momis linquere candidus
Pergas; at ultrò nos docendo
Perpetuam mercare famam.
Nam lucubratís condita noctibus,
Doctaq; dextra scripta volumina
Vivunt, & ibunt planè eodem,
Quo Hippocratis labor & Galeni.
Sic solus ipsum non reparabile
Seclum priorum nostraq; tempora
Vinces, tuamq; artem indolemq;
Posteritas sapiet futura.*

Jacobus Mosanus Medicinæ Do-
ctor, & in aula Cassellana Medi-
cus Ordinarius.

ERgòne credibile est (*novus id quod Censor hiatu
Insulso eructat*) tibi **QUERCETANE**, veternum
Nepenthes generasse tuum, lentumq; soporem;
Ut, quia nec lachrymæ viresq; Papaveris insint,
Morosè ante tamen tricenos plus minus annos,
Aubertum contra, tua confecisse volebas
Ex Opio plenis *Opiatica Laudana*, buccis?

Non equidem invideo, miror magis, inter & illos
Qui sapere, & soli Naturæ scrinia passim
Perreptasse volunt, agitari hæc frivola, nullis
Digna Cothurnatis Medicorum ad pulpita verbis.

Nimirum è *Salibus* vis est *Narcotica* justis
Elicienda modis; quæ compositura decenter
Nobile *Nepenthes*, post se longo agmine linquit
Infœlix Opium; cujus nec viribus usum,
Multiplici tamen effectu hinc *Opiatica* vincit
Laudana: Non igitur sunt ingredientia utrinq;
Una eademq; , licet vi significantur eadem.

Scilicet illud erat: sed *luridus omnia Livor
Impetis, & morsu dentis male conficit atrè.*

Ergo

Ergo hæc evolves cùm QUERCETANE, protorvæ
Effe hæc Fortunæ, nec ob id metuendâ videri,
Sed rifu fpargenda & contemnenda putabis.

Idcirco fi fortè aliquis tua fcripta, vel audax,
Quod vellem minus, optaret tibi carpere mores;
Tecuū agita, & fimili tibi met fuccurre medela
Atq; tuis: *Neq; enim potius eſt compoſcere quivivis*
Invidia ſtimulos; cum ſentit maxima vivis
Attribui; quæve ipſe nequit præſtare, poſtea
Alterius ſub mente videt, majoraq; ſemper
Hæc fieri, ac ſenſim alterius procedere fortem
Inſpicit; at medio in ſpatio dolet ipſe relinqui.

Tu verò has Larvas contra, vel inania monſtra
Fortiùs ingredere, & quæcunq; reſſibus abdiſ
Non ignava, ſuis Natura, potentibus auſis,
Erue. Poſteritas ſic te venerabitur omnis
Provida; quæ nulla invidia, nulloq; malignæ
Mentis inardescet vitio, verùm omnia recto
Judicio expendens nunquam feciſſe minoris
Iſta volet, quàm ſint. *Quin hæc majora putabit*
Illæ eadem, ut ſe poſt in longum proferet, ÆTAS.

Ioh. Hartmannus, Profeſſor Mathematicus in Illuſtri Academia MAURITIANA, quæ eſt Marburgi Cattorum. F.

ELEGIDION

IN AUREUM LIBELLUM TOT
ιατεκνωτάτς ιατῆς D. JOSEPHI QUERCETANI, Med. Regii, &c.

O Deus, in qua nos ſervâſti tempora, multi
Exclamant, ferro qua graviora premunt!
O Deus, in qua me ſervâſti tempora, & ipſe
Exclamo, en auro ſplendidiora micant.

*Cunſtarunt in pejus eis, ferrugōq; cuncta
 Exeſt, in putridum mox reditura lutum.
 In melius mihi multa fluunt, aurumq; reducit
 Noſtra Rota in priſcum ſecula futura brevi.
 Caligunt oculi, cor languet, membra ſenectā
 Mundi illis frigent, viſceraq; ima rigent.
 Perſpiciunt animorum oculi hoc mihi clarius, acri
 Decrepitusq; orbi corpore, mente viget.
 Ut propiora Diis rerum primordia, ſic nunc
 Ultima principiis ſunt propiora ſuis.
 Sunt mala mixta, malus magnus tamen uſus in iſtis,
 Nempe probant, ac uunt, perficiuntq; bonum.
 Nunc ver Musarum, nunc formoſiſſima meſſis
 Floret, & è loliiſ surgit amœna ſeges.
 Crimina creverunt, crevitq; Scientia Iuſti,
 Schiſmata creverunt, cognitioq; Dei.
 Morborum increſcunt fera monſtra, trucesq; tyranni,
 Herculeæ opponit robora Iovæ Pater.
 Argutos Argos non æp̃s en vehit Argo,
 Symplegadam ſpretus, aripedumq; minis.
 Vela volant, remi impellunt, regit, urget Iaſon,
 Qui Iovis à quercu nomen & om̃en habet.
 Iam Dodonæa ſenat hæc oracula quercu; ò
 Diſcite, quîs auri vellera pulcra placent.
 Hic horti Heſperidum, hic ſacratâ ex arbore glandes,
 Ramum hinc ſi carpas, aureus alter adeſt.
 Floreat ille, ægris umbram det, roſcida fudet
 Carus mella, Jovi à fulmine tutus agat.
 Liligeros ornetq; oneretq; his fructibus hortos,
 Inq; horto, exciſo hoc, floreat, orbe Dei.*

M. Henricus Petrus Schmalcal-
 dianus Heſſus, φιλίατς.


Dum later occulto rerum *Medicina* reſeſſu,
 Et cæco Pelagi gurgite merſa jacet,

Atria mortales miseris Phœbea querelis
 Complent, & querula voce precantur opem.
 Sicciné sprete tui jaceant fastigia regni?
 Et priscum pereat, præsul Apollo, decus?
 Siccine perpetua miserum caligine Mundum
 Concessu mergant livida secla tuo?
 Ergone succumbet fractis *Medicina* columnis?
 Lugeat ornatu sic viduata suo?
 Millia morborum (*dolor heu!*) nos agmina torquet,
 Atq; adigunt siccam corda subire necem.
 Hactenus astrales è corpore tollere morbos
 Expertum Medicæ non fuit artis opus.
 Qualis *Lepra* furens, & *Hydrops*, & acuta *Podagra*,
 Et quos præterea semina fixa foveant,
 Posthuma fact tandem *Medicina* gloria surgat,
 Quæ satis obscura nocte sepulta fuit.
 Imbue Præoniæ divinis flatibus auræ
 Præstantem ingenii divite dote virum.
 Amissæ tectos restauret ut artis honores,
 Restituat regni regia sceptra tui.
 Tunc ait excelsa miseratus ab arce gementes
 Morrales Clarii Præses Apollo Chori:
 QUERCETANE places, quo non præstantior alter
 Sacra Machaoniæ pocula libat aquæ,
 I celer, & nostro deduc è flumine rivos,
 Imbribus his hominum pectora anhela riga.
 Quæ latuere diu randem mysteria pande,
 Et Medicæ curæ semina grata sere.
 Ecce reviviscunt prisca vestigia veri,
 Et viridi Lauro tempora cincta gerunt.
 Nam postliminio sortem miserarus acerbam,
 Exequeris Clarii jussa, JOSEPH E, Dei.
 Altior humanis tibi mens super æthera fertur,
 Mens divina Diis nata, JOSEPH E, sapit.
 Abdita difficilis scrutaris semina morbi,
 Tollis & instantis spicula dira necis.

Cimmeria septas nostras caliginē mentes
Lumine collustras, clare JOSEPHUS, tuo.
Hinc debere tibi nos infinita fatemur
Vota, dari Pylii secula longa senis,
Ut referas Medicos quàm plurima sospes in usus,
Maximaq; ingenii tot monumenta tui.
Invida non obstat minùs æqui injuria Momi,
Quin reliquis publica des quoq; luce frui:
Erectura tuas virtus ad sidera laudes
Hæc patriæ vigeat tempus in omne tuæ.
Hæc quoq; te tandem cellis interferat astris,
Qua terris famæ culmina summa petis.

*Iohannes Ernestus Burggravius Neu-
stadio-Palatinus φιλιατρε.*





HISTORIA CUJUS- DAM NOBILISS. MULIE-

RIS EPILEPSIA AFFECTÆ,

quæ huic tractatui præbuit

argumentum.

Nobilis quædam mulier, eaq; juvenis,
utpote decimum octavum duntaxat
annum ingressa, & duos ab hinc an-
nos matrimonio juncta viro, licet ex parenti-
bus integræ sanitatis, ac ab omni hereditario
morbo prorsus ex optimâ suæ originis constitu-
tione, immunibus orta sit: primos quidem an-
nos satis habuit salubres: ut quæ omni vario-
larum & morbillorû aut exanthematum ge-
nere tunc caruerit, quibus tamen, ab ipso pri-
mo ortu, puerilis fermè omnium ætas inqu-
natur, quo tempore natura, ad sui operis con-
servationem, omnes conceptionis sordes solet
elucere ac repurgare. Quum verò illa annum
circiter duodecimum aut decimum tertium
attigisset, nec natura tunc temporis reserân-
dis menstruorum claustris præfixi, satis inten-
ta esset, aliquo, fortè viarum aut nobiliorum

Syndrome
symptomat.
ex retent.
menſium.

corporis membrorum impedimento interpellata, cæpit juvenis tum virgo vitiosis coloribus defædari, & ſenſim ingraveſcente cachexia, palloribus inſci: ut quæ etiam tum ſimul, & cordis palpitationibus, & capitis doloribus, & anhelitus difficultate, ac faciei albicante tetroq; tumore, atq; id genus aliis ſymptomatibus tæta ſit. Quibus paulo poſt icteritia, cum lenta febre, adjuncta eſt: nec non continua atq; quartana. Neq; id ſatis: Quod enim longius atate provehitur, hoc majore malorum copia premitur, & quaſi obruitur, tandemq; & crebris vertiginibus, temporis ſerie creſcentibus, uſq; adeo atrociter impetitur, ut modo viſu & voce (non tamen auditu) prorsus percellatur, modo omni judicio & cognitione deſtituatur. Idq; non ſemel tantum quotidie, ſed etiam decies aut duodecies, in dies ſingulos, malum recrudescit: Alioqui, extra paroxyſmos, hilaris, latiꝑ; animi ſpeciem ſatis præ ſe fert & exhibet, vividioꝝ; colorem recipit. Cum autem paratur illi à morbo obſidio, prænuntios ſubodoratur ſenſim hos ad ſe accedere. Primò in gyrum illi rotatur caput: rubescit facies, exclamat, ſe ab hoſte impeti,

Prædromi
paroxyſm.

quod

quod confestim accidit: protrahiturq; insultus
 iste ad integram horam. Hic notandum est, Epilept. praecedentes,
 nunquam ei fluxisse menstrua: observatumq;
 est, à quadam juniore puella crebris olim pa-
 voribus fuisse perculsam. In isto morbo quos-
 vis illius regionis celeberrimos medicos in cū-
 ra experta est, quorum opera caechexiam qui-
 dem illam in meliorem corporis habitū com-
 mutavit. At vertigines & quo atrocius tor-
 quetur, malum, in quod consilium nostrum
 efflagitatur, nulla adhuc arte coerceri, nec re-
 tundi potuit.

Hac morbi historia, quæ accurate à quo-
 dam Pharmacopæo perscripta fuit, certam no-
 bis fidem facit, Epilepticum esse affectū: eumq;
 ab inferioribus corporis membris potius, & tā
 εμπαδναι derivari, quàm ιδιοναδνός, pri-
 migenio affectu, cerebrum laborare. Quam-
 vis autem ex nobiliss. agra affectæ conspectū
 & presentia, licuisset nobis fortasse circumspe-
 ctius rem totam expendere, & tutius, quod à
 nobis expectatur, consilium & auxilium pro-
 mittere: utpote qui oculis multa certissimè no-
 tare soleamus: & coràm de multis inquirere;
 quæ non parum & ad firmam morbi cogni-
 tionem;

tionem, & ad validas curationum indicationes faciunt. Siquidem ex auditu multa nobis de agrotantis complexione, ut vocant, temperamentis & vivendi ratione, ex visu ipsa insultuum forma, ad accuratum iudicium necessaria, innotescunt. Veruntamen ex ipso scripto satis superq; edocti sumus, quæ sedes sit morbi, & ubi seminarium ac radix ejus delitescat, quiq; fructus, quamq; maligni, suo tempore epilepticum insultum indacentes, ex illa producantur. Quæ duo capita, inter cetera omnia, apprimè cognitu necessaria fuerunt.

Fons & origo hujus affectus.

Vnde etiam colligimus, malum hoc suas in tota sanguinis massa, ab ipso utero, tanquam hereditario jure, tam in maribus quam feminis corrupta, vitiosa & infecta, scaturigines fixas habere. Quæ cum in muliere nobili, de qua agimus, nunquam hæctenus à suis impuritatibus, per variolas, morbillos, & alia corporis emunctoria, à natura dicata, reparata sit, & defæcata: prout citò vel tardè ejusmodi purgationes accidunt, juxta balsami naturalis vim & robur, in aliis languidius & remissiùs, in aliis vigentiùs existens: quemadmodum in ipsis arvis videre est, quorum alia

Simile ex Macrocosmo petitur.

fæcun-

fecundiora, alia aliis steriliora & infœliciora, ex radiorum etiã solarium, hanc vel illam terram obliquè vel directè, benignè vel malignè intuentium virtutibus modò citius, modò tardius, modò maturiores, modò crudiores, è sinu suo flores fructusq; explicant ac producunt. Sic in hac nostra agrotante, cum nondum, ex nimia balsami vitalis imbecillitate, emunctoria pateant, tardiusq; sanguinis massa hereditariis suis sordibus expurgetur, fit, ut illa diutius, quàm par est, retineantur, & ex ejusmodi radicum impuritatibus tot symptomata per univèrsum corpus diffundantur. Neq; id mirum: Si enim ex Galeno, toti corpori expurgando menstruus fluor à natura, inter cetera emunctoria, destinatus est: non absurdum fuerit, ex ejusmodi impuritatibus retentis, totum corpus ubiq; laborare.

Ex hoc igitur tam venenoso mali seminario: in quo, per totam sanguinis massam, tanta sordium impuritas recumbit, ex denegato præcipuè statis suis periadis mensium cursu: cujus vis est, insignem sanguini puritatem, summumq; vigorem conciliare, ab omniq; putrefactione massam illam penitus liberare, tot

A . 3 tamq;

*Aqua à fluxu
præpedi-
ta putrefit.*

tamq̃ varia symptomata concurrere necesse est. Instar enim fluentis aquæ, in perpetuo suo fluxu vitam conservantis: à quo si præpediatur, aut ab eo separata, in quantum vis capaci vasa reponatur, statim putrefit & corrumpitur, destituta videlicet suo flore, in quo vita illius consistit. Sic & sanguis libero suo aëre & fluxu per obstructions interceptus, in quo vita ejus posita est, statim depravatur & emoritur eo loco, ubi fluor ejus fuerit interpellatus. Sic enim Medici Hermetici sanguinem in corpore microcosmi collocant, ut mare vel Nilum in toto macrocosmo, aut aliqua illius regione, constituunt. De qua sympathia aut inter utrumq̃ mundum collatione & analogia, fusius alibi, & ubicunq̃ dabitur locus, post hac adhuc pluribus agemus.

*Sang. est
ma. & Mi-
crocosmi.*

*Mechanicus
generationis
prædicti
morbi pro-
cessus.*

Hac ratione igitur, in muliere ista nobili, vitiatum & corruptum jam pridem sanguis, à duodecimo aut decimo tertio ætatis anno, cœpit viscera & membra nutritioni inservientia obsidere: cujus infectionis aut contagi parte jecur, lien, & tota viscerum œconomia depravata est, nec non circumvicina partes omnes corporis. Vnde ubiq̃ perversis omnibus,

multa

multa cruditates oborta sunt: ac inde icteritia, pallor virgineus, febres: ac tandem frequens illa vertigo, ortum & incrementum sumpserunt. Quae quamvis ex doctorum medicorum auxiliis & remediis utcumq; adjuta sit: manente tamen impuritate seminario, ex quibus omnia in corpore pervertuntur, non dubium est, quin crudelitates crescant in dies, ex quibus genita varia ubique obstructions sanguinis fluxum, & aeris illius libertatem remorantes: menstruorumq; viam intercipientes, varios paroxysmos & symptomatum concursus pariant. Unde potius incrementum morbi & habitum contrahat, quam ullo symptomate agra liberetur. Movetur enim natura quidem ad sordium illarum expulsionem: sed cum impar sit mali viribus, augeat potius, quam minuit morbum. Omnis enim materia commota, ut testatur Gal. deterior est seipsa quieta. Gal. lib. 3. de lo. aff. Præter igitur aliorum membrorum alia accidentia, cerebrum quoq; ipsum successu temporis his modis enervatum, fumisq; vaporibus & exhalationibus in ipsum continuè eVectis, indeq; majore acrimonia & aciditate virulenta ac nitrosulphurea

*Epilepsia
Sympathica.*

qualitate contracta, ex simplici scotomate aut vertigine, quæ ab antiquis, vel ipso nomine, parva epilepsia insignita est, in generalem ac universalem totius corporis convulsionem, cum omnium sensuum deperditione, & motus depravatione, quam antiqui epilepsiam vocant, planè degeneravit. Veruntamen, quæ notatur in hoc subjecto, epilepsia potius sympathica, quàm idiopathica dici debet, quòd in ipsa cerebro, omni per se corruptione carente, sed ex acribus, acidis, malignisq; vaporibus, aut potius fumis & exhalationibus vitriolatis in ipsum clatis, & magna copia, qualitateq; venenosa receptis, forma fit sympathica potius, quàm idiopathica epilepsie. Ejusmodi enim perniciose qualitates exhalationes cerebri ita conturbant, caligine suffundunt, aciditate sua comprimunt, constringunt & coarctant, ut hoc modo expirationis ac respirationis libertas, quæ spiritum animale, à cerebro ad cor, & à corde vitalem ad cerebrum permeare necesse est, aeris sui intercepto cursu, propè tota eripiatur: unde concidit agra, tanquam exanimis & quasi prorsus extincta. Sed quùm in nervorum & menyngeum gene-
re, quæ

re, quæ exquisitissimi sensus sunt partes in cerebro: acrimonia, malignitate, ac virulentia vaporum sese vellicari ea partes, compungi & erodi, ac acriter feriri sentiunt: hinc fit, ut inopino insultu, violentoq; & quasi per prodictionem impetitur cerebrum, vel potentia animalis, cum causa morbifica, tanquam cum capitali hoste, confligat & colluctetur: hæc ratione se in sese contrahat, & veluti in sua colligat arma: ut tum ab obstruentis, tum erodentis materia offensione se tueatur. Vnde spasmi & convulsi vi illi motus excitantur, nunc longiores, modo breviores, ob materiei halituaosa maiorem vel minorem copiam: modo graviores, modo mitiores, ob illorū halituum qualitatem magis vel minus acrem ac virulentam. Eundem ferè motum patitur in singultu ventriculus: cum vel acris halitu mordetur aut vellicatur: vel cibo corrupto, aut alienæ qualitatæ infestatur, vel cibi potusq; copia gravatur, ut scribitur à Galeno.

Origo paroxismi epileptici.

Singultus ventriculi.

Atq; hæ sunt internæ ac præcipuæ causæ, ad quas in consultatione, ex communi consensu per celebri viri D. nostri primarii, morbum hunc revocavimus. Quod enim ad externas

Causa ex-
terna.

Incommod.
ex pavore.

attinet, pavorem videlicet, de quo in scripto ad nos misso fit mentio: Item ad depravatam vivendi rationē, qua virgines ejusmodi pallo-ribus conflictatae uti continuē solent; eas causas, inquam, silentio pratermittimus: quū ex iis indicationes curativae nequaquam peti debeant: cū à subjecto recedant, nec illi inhæreant: nisi quatenus antecedentium causarum pars potuit aliquando ab illis excitari. Quanquam quod ad pavorem attinet, is inter alias causas magnoperē potest spiritus commovere & perturbare: ac proinde cerebrum ad ejusmodi paroxysmos proclivē reddere: qui tamen raptim citōq; solvuntur ac a volant: ut pavor ipse ex spe redintegrata statim abigitur.

Hac itaq; sunt, quae accuratē expensa de natura morbi, de illius causis, & de partibus affectis indicavimus & pronuntiavimus: unde curationum indicationes duas in genere mutuabimur. Quarum altera morbi seminarium ac radicem spectet: altera verò fructus & paroxysmos inde nascentes excutiat.

Sed priusquam scopos illos curationis aggrediamur: par est, ex dogmaticorum & hermeticorum medicorum sententia, ut promisi-

mus, de essentia, sede, causis & formatione
 tanti, tamq̃ occulti & horrendi morbi, nos
 differere. Porro hoc utiq̃ malum tam formi-
 dabile & horrendum: quod ne post annū qui-
 dem vigesimum quintum creditur prorsus &
 indicatur ab omnibus medicis tractabile, ul-
 lam vè curationem admittere: eò nos compel-
 let, ut, relicta regia ac detrita via, aliā quan-
 dam spinosam etiam scabrosamq̃ & ambagi-
 bus deviis refertam ingrediamur, ut, quò ten-
 dimus, si non citius, saltem tutius appellamus:
 hoc est, cogemur singula cominùs rimari &
 excutere, quæ à dogmaticis medicis & Philo-
 sophis Hermeticis in naturam partis affectæ,
 & tanti mali causas disputata sunt & judica-
 ta: unde facilior nobis aditus ad curam & re-
 media sternatur.

Quum autem hic morbus multis aliis af-
 fectionibus, tanquam germanis sororibus, hoc
 est, affinis, & quæ in ipsam epilepsiam pro-
 na sunt, aut contrà, stipatus sit: opportunum
 ac justum fuerit argumentum, de singulis una
 eademq̃ via dicere: quum præsertim tanta sit
 illorum perniciēs & exitium: ut potissimum
 hominis propugnaculum, ac fortissimam ar-

Epilep. plura
 res morbos
 habet sibi
 affines.

cem, cerebrum nempe, rationis & anima summam sedem, ausint invadere: hacq; obsidione & incantis insultibus prorsus aquent ea solo: ac extremam ruinam sensibus nostris tum internis, tum externis: nec non ipsis spiritibus, vita nostra assertoribus, intentent & moliantur: Vnde tota statim edificiū humani ruina, morsq; subita & inopina ingruat. Agnati autem & affines morbi, de quibus agere instituimus, præter epilepsiam, de qua hoc nostrum conceptum fuit imprimis consilium, sunt vertigines, tanquam aliorum præcursores: apoplexia & paralyses, tanquam in extremo agmine collocati: quæ summa vi cerebrum, ut supra dictum est, sensuum omnium, rationis & intellectus humani sedem, impetunt & oppugnant.

Sed ut ordine Medicorum utriusq; scholæ opiniones afferamus: Dogmaticorum priore loco æquum est sententias expendere, de natura, differentiis & causis malorum huiusmodi: Ordinemur autem ab ipsa Epilepsia: quæ huius tractatus nobis suggestit argumentum. Et de ejus natura, qualitate, magnitudine & ferocia, quæ varia idcirco ei nomina indiderunt, edisseremus.

TETRAS GRAVISSIMO.

RUM TOTIUS CAPITIS AFFECTuum, Epilepsiae nempe, Vertiginis, Apoplexiae & Paralyseos ex doctis. Medic. tum Dogmaticorum, tum Hermetic. vigiliis &

accurata praxis observatione

elucubrata.

CAPUT I.

*De Epilepsia, ejusq; differentiis, causis & signis
sententia Dogmaticorum.*

Hic calamitosus affectus, ob ferociam & *Nomina E-*
 magnitudinem, varias appellationes va- *pileps. varia*
 riaq; nomina, tum apud Philosophos, tum
 Medicos, sortitus est, communi autem voca-
 bulo Epilepsia à Græcis ferè omnibus appel-
 latur, ἀπὸ τῆς ἐπιλαμβάνειν, quod cerebrum &
 partes sibi subjectas ita apprehendat, ut fun-
 ctiones illarum prorsus intercipiat, præser-
 tim cerebri, quod idcirco omni propè motu
 & sensu spoliatur in hoc affectu. Dicitur etiã
 comitalis à Latinis: eò quod, qui erant huic
 malo obnoxii, in comitiis eo frequenter cor-
 riperentur, & in alium diem comitia rejice-
 rentur. Plinio dictus est Sonticus: Lunaticus
 Cælio: Divinus Apulejo: Sacer Hippocrati
 & Tralliano, Hercules invictusq; Aristoteli
 probl. 1. sect. 30. Hercules enim melancholi-
 cus

*Hip. lib. de
morbo sacro,
Trall. lib. 1.
cap. 15.*

eus fuisse naturâ putatur, & morbum comitiali sacrum ab illo & herculeum præsci appellarunt, sed vult Gale. lib. 6. Epid. sacrum & herculeum dici, quod ingens & immotus sit, quem difficilimè evulseris, quàm ab Hercule clavam. Aretius lib. 1. de causis & notis diuturnorum affectuum cap. 4. de hoc portentoso & terribili morbi genere hæc scribit: *Triste mediis fidius est ipsius invasionis spectaculum: turpis & ejus desinentia, cum stercore & lotio & spontanea veniris solutione: ipsius quoque morbi origo mirabilis & præter hominum opinionem est: quippe nonnulli flagitiosis hominibus à Luna immitti existimant: cujus rei causa & sacrum morbum hæc nominant: Verum & aliis rationibus id nomen fuit ei impositum: aut ob magnitudinem (omne enim magnum sacrum dici consuevit) aut quod humana ope tolli nequeat, sed divina, aut quoniam demone correptus homo videatur. Aut ob hæc simul omnia sacer morbus appellatus est. Nec immerito, cum hominem omnium animalium potentissimum regem, à quo omnia debellari debuerunt, tam subito prosternat: tamq; horrenda distensione, concussione atq; tortura, atrocissimè dilaniet ac disperdat, cum magno astantium pavore & horrore. Unde aliquid sacri & divini, quod mentes nostras procellat, in eo latere, colligere liceat.*

Is autem morbus (ut essentia & natura ejus pateat) ab omnibus definitur esse, generalis omnium corporis partium convulsio: non perpetua quidem, sicut in emprosthotono, opisthotono & tetano: sed quæ ex temporum accadat intervallis; idq; cum sensus abolitione & motus depravatione, ex sententia Gal. 3. de locis affectis, c. 5.

Epilepsia desinitio.

Plures ejusdem constituuntur differentia, quæ præsertim tum à loco affecto, tum à magnitudine, desumuntur. A magnitudine, quod aliàs gravior sit, aliàs mitior. A parte autem affecta tres numerantur differentia. Una quæ fit per idiopathiam cerebri. Duæ reliquæ sunt sympathicæ. Morbi enim ferè omnes, ut & Epilepsia, fiunt per idiopathiam & sympathiam. Idiopathia duobus modis accidit, vel per protopathiam, id est, generationem causæ morbificæ in parte jam affecta: vel per appulsum ejusdem causæ ab iis, quæ extrinsecus veniunt, ut ab intemperie aliqua, vel ab aërea tempestate suscitata, tetrivaporibus quibusdam, vel fumis cerebro funestis: quales fumus cornuum, suffitus bituminis & lapidis gagatis esse creduntur: fit & per deuteropathiam, id est, secundariam affectionem: quando scilicet alterius partis vitio cerebrum afficitur, translata, seu transplantata causa morbifica ab aliquo loco in illud, reli-

Differentia:

Et a priore radice, foco & seminario: quod per metaptosin fieri dicunt: quæ duplex à Dogmaticis constituitur: una critica, & semper ægroto salutaris, quæ *diadoxa* appellatur: altera symptomatrica, quæ metastasis dicitur, perpetuò ægrotanti exitialis.

At sympathica Epilepsia duobus modis excitatur, nempe per epigenesim, quæ fit, cum causa morbifica, per venas, arterias & nervos à priore alio foco, unde promanat, quicquid non desinit subsistere, transfertur & propagatur in cerebrum (quæ ferè semper lethalis est.) Et per simplicem communicationem, quæ generis similitudine, vel operis societate, vel vasorum vicinia intercedit, accidere solet. Atque hi sunt omnes sympathicæ & idiopathicæ Epilepsie modi. Hinc illæ tres Epilepsie differentie, quarum unam comatodem Cælius appellat, longè periculosissimam, aliam quæ diverso captu corpus afficiat, tertiam ex utraque mixtam. Vel, ut placet nonnullis, idiopathica hæc affectio Epilepsia propriè dicitur: sympathica verò alia vocatur analepsia, quæ ex vitio ventriculi emergit, alia verò catalepsia, quæ vel uteri, vel hypochondriorum, vel alicujus alius partis inferioris malè affectu veneno suscitatur. Hac postrema specie nobilem mulierem illam ex signis prædictis conflictari indicavimus. Sed sunt & alia signa
dia-

diagnostica horrenda; symptomata, quæ plerunq; horrendum hunc affectum comitari solent, quæ ab Aretæo apprimè describuntur. At (inquit) in ipso morbi insultu sensibus capitus homo jacet: manus ipsi nervorum distentione convelluntur: crura verò non solum distracta sunt, sed etiam huc atq; illuc à tendonibus projiciuntur: cervix incurvatur: caput variè distortetur: siquidem nonnunquam primum, cœcus, inflectitur, quando pectori maxilla adhaerescit: nonnunquam verò in scapulas refringitur, veluti iis, qui per vim crinibus trahuntur, usque venit: quando modò in hanc, modò in illam partem, ad humeros admovetur. Sic miseri agri magno hiato os aperiunt: id siccum habent, linguam prælongam, ut periculum sit, ne aut magno vulnere sauciatur, aut penitus abscindatur. Interdum convulsione dentes inter se colliduntur: oculi inversi sunt: palpebræ cum palpitatione frequenter dehiscunt: quòd si quando connivere velint, palpebræ non immittuntur, sed alba oculorum cernuntur ac subapparent, supercilia nonnunquam (ut iis, qui ad iram concitantur) in glabellam attrahuntur: male rubentes palpitant, labia interdum quidem in acutum clauduntur, interdum verò, sed obliquè, dilatantur, quando in ridentis speciem dentibus circumtenduntur. Cervicis vasa distenduntur: vox ut vi strangulata aufferitur: etiamsi vehementer inclames

Signa Epilept. diagnostica.

non sentiant. Eorum vox nihil nisi gemitus & suspirium est: respiratio verò suffocatio quadam est, veluti in iis, qui laqueo strangulantur, inter initia arteriarum motus vehementes sunt & celeres & parvi, in fine verò magni, tardi & languentes. Quinetiam, ut magnis procellis concitatum mare, spumam ore profundunt, quando & tanquam jamdudum expulso morbo resipiscunt & resurgunt. Caterum quum à morbo quiescunt, ab initio membris segnes sunt, capitis gravitate premuntur, dissoluti sunt, languidi, pallentes, consternati animo: ob lassitudinem morbiq; verecundiam contristantur.

Cause Epilepsia duplices.

Causas tam gravis & horrendi affectus medici dividunt in externas seu primitivas: & internas, nempe antecedentes & conjunctas. Magna ex parte victus depravatus hanc passionem generat ex Gal. sententia Aph. 2. com. 45. & 5. de locis aff. cap. 6. Et alibi, sic scribit: Jam olim vidimus, alios convulsione comitiali, ob oris stomachi vitium, correptos: cum aut non probe coxissent, aut vini meracioris plurimum potassent, aut Veneri immodice operam dedissent. Idem sentit Avicennas 1. & 3. tractatu 5. Causas, inquit, moventes epilepsiam plerumq; adjuvant cause extrinsece, sicuti immoderantia cibi & potus, & satietas nauseativa, & mora longa in sole, & coitus plurimus, & exercitium super repletionem: & id, quod debilitat cor exti-

Externa.

more.

more. Inter easdemmet causas externas recensentur suffusus bituminis, lapidis gagatis, cornu cervi; odor hepatis caprini assati, & ipsum hepar, dum editur, & pleraq; alia, quæ ab Aëtio commemorantur.

*Aët. tetr. 2.
serm. 2. c. 14.
Interna.*

Porro de causis internis & generationis modo, non una & eadem est omnium dogmaticorum sententia. Nonnulli enim ab humore crasso, eodemq; ferè semper frigido & obstruente, morbum procreari sentiunt. In contrarium multa à peritis medicis afferuntur, qui censent hujusce mali causam potius esse spiritualem, quàm corpoream: tenuem potius, quàm crassam. Cita enim illius morbi generatio & solutio materiei paucitatem, tenuitatemq; arguunt: quùm id per materiei crassitiem evenire nequeat. Si quidem crassa omnia difficulter moventur, ex omnium medicorum consensu. At Galenus, qui prioris est sententiæ, eodemmet utitur argumento, quo suam, quam crassitiiei attribuit, confirmat sententiam; de locis affectis, cùm inquit: *Non ab ariditate vacatione ve: sed à crasso semper humore, hanc affectionem induci argumento est, quod & subito fit, & solvitur confestim.* Nam subitanæ meatuum obstructionem à crasso viscosoq; humore fieri constat. Sic medicis plerisq; omnibus persuasum est, hunc morbum à crasso glutinosoq; hu-

*Diversa de
caus. Epileps.
opiniones.*

*Gal. 3. de l.
aff. cap. 5.*

Gal. 3. meth. cap. 2. lib. 2. de symp. causis, cap. 7. de atrabile c. 5. libr. 7. de hum. cap. 1. more suboriri, sic docentibus Hipp. lib. de sacro morbo: & Gal. pluribus in locis: Et Paulo lib. 3. cap. 13. Imò ipsemet Galenus 4. de loc. aff. loquens de sopore, apoplexia, & morbo comitiali, inquit: *Horum trium morborum frigiditas ac crassus aut omninò viscidus humor causa est.* Similiter 2. apho. cap. 45. hæc scribit: *Morbus enim comitialis proximus quodammodo est morbo, quem apoplexiā vocant, quum idem locus in utroq; patiatur, & idem humor in causa sit.* Cui sententiæ astipulantur multi neoterici, iiq; præstantes viri. Sed hanc *πιστα-βολογίαν* demolitur cita illius morbi λύσις, præceptsq; & subitanea illius generatio. Quo fit, ut multi alii per quā celebres dogmatici contrariam sequantur sententiam, ut supra monuimus. Quorum utiq; opinioni facilè subscribimus. Atq; ut illorum sententiam corroboraremus, & rationibus illorum aliquid tantisper adjiciamus, dum fusiùs mox & apertius mentem nostram explicemus, cum, quid senserint etiam Hermetici, abundè demonstrabimus. Hoc unum nunc demum quæremus ex illis, qui in crassa ac corporea materia epilepsiæ causam statuunt: & eandem esse cum apoplexia materiam asserunt, inducti scilicet & persuasi crassa illa Gal. opinione, quâ à crasso semper humore hanc affectionē fieri ratiocinatur, quòd citò generetur & solvatur.

Refutatur
opin. erron.

vatur. Quæremus, inquam, si crassities materiarum, subitaq; obstructio, in epilepsiæ subitam generationem & solutionem necessaria est, ut volunt, cur eo modo, confestim non solvitur apoplexia, quâ constat præcipiti quidem insultu invadere, sed non ita citò desinere, nec nisi ægerrimè aut longo post tempore, vel morte etiam sæpissimè finire. Si enim in causas epilepsiæ inducendæ concurrunt crassi ac pituitosi humores, iiq; admodum materiales: cur inter externas causas, ab ipsis etiâ comprobatas & receptas, recensentur, ingluviæ, immoderatus vini ejusq; generosi & halitulosi potus, intemperans luxuries, & coitus ingens, pavor & terror, halitus & vapores quarundam rerum, quas suprà jam commemoravimus, naribus excepti & olfacti? Num & hæ causæ in crassa scilicet positæ sunt materia, quæ obstructionem generent, unde hic morbus nascatur? At contrà, potus & cibus ventriculo excipiuntur in crassa sua materia, nec nisi spirituosus halitibus & vaporibus in cerebrum efferuntur. Quod pariter de odoribus exitiosis dici potest, qui per halitus suos tantum excipiuntur: hacq; ratione, non crassa sua materia, morbum inferunt. Quod ad causas internas, antecedentes videlicet & conjunctas attinet: jam satis in epilepsia, de qua suprà egimus, evicimus, eam sympathicam

Causa Epilepsia non est materia aliqua crassa.

*Causa epi-
lep. est spiri-
tualis.*

esse potius, quàm idiopathicam. Quod quum
ita sit, nunquid causa eam generans, vel ex vi-
tio ventriculi vel matricis, aut alicujus alius
inferioris membri orta, ad cerebrum evehi
debet, ut affectum procreet? Quæ si crassa est,
quomodo attolletur, si spirituosis vaporibus
& exhalationibus id non fiat? cum crassæ &
corpulentæ materiæ proprium sit, deorsum
potius, quàm sursum, tendere? Ille ipse Gale-
nus multis in locis idem mecum ipse loqui-
tur, si rectè expendatur & intelligatur. Ut
cùm quinto de loc. aff. cap. 5. de epilepsia per
consensum ventriculi scribens, exemplum de
Grāmatico adfert, qui, quoties docebat, me-
ditabatur, irascebatur, morbo comitiali cor-
ripiebatur. Atqui hujusmodi spiritus affe-
ctiones, rectenè humori crasso & gravi, qui
naturâ deorsum vergit, tribuantur? Potest &
alter Galeni locus in eundem scopum citari:
qui de quodam puero exemplum adfert, cu-
jus à crure ad femur, à femore ad coxam, mox
ad cervicem, ad caput demum sensum ascen-
dere vapor persentiebatur, qui cerebro tor-
porem inducebat, quo corripiebatur puer ul-
que ac.dò vehementer, ut ne sentire ac ne in-
telligere quidem posset. Habetur & aliud ex-
emplum de scorpionis ictu, quamvis hanc e-
pilepsiæ speciem rarò contingere adnotave-
rit Aëtius.

Sed audiamus Arataũ, de accessione morbi comitialis hæc verba proferentem: Nonnullos verò & corripit à nervis, procul à capite positis, incipiens, quicunq; principium in consensum affectus inducunt. Itaq; magni pedum aut manuum digiti convelluntur, unde & dolor & stupor & tremor sequuntur. Atq; hæc in caput impetum faciunt, si & malum surrepens caput invasit. His porro fragor quidam redditur, perinde ac si à ligno aut lapide verberetur, quumq; ab humo surrexerunt, quædam, tanquam si ex insidiis vapulassent, commemorant. Hoc sanè patet illi, quibus primo id malum incidit, decipiuntur. Quibus verò familiare & consuetum est, simul atq; morbus in digitum impetum dedit, aut alicunde exortum est, qui propè eos adsunt, adiutores inclamant, futuramq; ab experimento calamitatem prospiciunt: obsecrant quoq; ut membra, unde oritur malum, constringant, reflectant, dirigant: quinetiam ipsimet sibiipsis affecta membra, tanquam morbum inde eximentes, trahunt velluntq;: Atq; ita sibi met auxiliantes nonnunquam & nos ad ægritudinis notitiam impulerunt.

His paucis satis liquet, quàm absurdè epilepsiæ causa semper ad crassam & pituitosam materiam referatur: quamq; sit dissimilis & aliena ab ea causa, quæ apoplexiam gignit, etsi contrà sentiat Galenus.

CAPUT II.

De causis vertiginis eorundem Dogmaticorum sententia.

ATQU ut res clariùs demonstretur, quis afferat, vertigines, quæ parvæ ab antiquis Epilepsiæ vocitantur, ex hujusmodi crassis, pituitosis & frigidis humoribus procreari?

*Causa ver-
tig. externa.*

Si ad externas causas respiciamus, à quibus excitantur: propemodum similes illis comperientur, quæ à nobis in generationem Epilepsiæ commemoratæ sunt: quales sunt ingluvies, vinum, & id genus alia: quæ vapores suos & fuligines in cerebrum efferunt. Id maxime accidit, inquit Galenus (de causis primitivis vertiginis loquens) quum vel sub sole æstuarint, vel aliam ob causam calefacto fuerint capite: aut ex calido vaporosoq; spiritu caput opplente, &c. Idem sentit Aëtius: *Facile capiuntur, inquit, ab hac affectione, quibus consueta excretionēs sunt oppressæ. Sed & cruditas & ardores assidui, & ebrietates, affectionem hanc efficiunt.* Et idem author initio septimi cap. ejusdemmet libri ex Archigene & Posidonio hæc scribit, *vaporibus calidis & acerbis ad caput elatis, & animale in cerebro spiritum evertentibus, primum hebetudines quadam sunt, &c.* Quibus omnibus rationibus expensis,

*Gal. 3. del.
aff. cap. 8.*

sis, liquebit, ex solis vaporibus, in cerebrum elatis, ejusmodi vertigines excitari.

Quod ad antecedentes & conjunctas hujus mali causas attinet, hæc sunt, quæ scribit Galenus de Antecedentibus: *Fit vertigo, inquit, ab humore, cum spiritus crassitie, in corpore moto.* Idem Galenus Aphorif. 3. com. 31. de causa conjuncta verba faciens: *Vertigines, inquit, accidunt propter spiritum vaporosum, qui in partibus cerebri inordinato motu cietur.* De vertiginibus item sympathicis & earum causis, quæ ex consensu partium inferiorum excitantur, idem Gal. diversis locis, cum de illis differit, eas omnes ad fumos, vapores & spirituosas exhalationes revocat. Quod videre est ex ejus commentario 31. in 3. lib. Aph. & 3. de loc. aff. cap. 8. Idem senserunt ipse Avicenna, Oribasius & alii: Ex quorum scriptis, omnes vertiginum causas, constabit, ad halituosos, vaporosos spirituososq; fumos potius, quam ad crassos & pituitosos humores esse referendas: sive spirituosos & fuliginosos illi vapores sedem suam fixerint in cerebro, aut aliunde eò delati fuerint. Quando enim ad plexum choroidem fertur tetra & fuliginosa anathymiasis, per arterias cervicis: quo loco spiritus animalis flatulentos vapores gignit: ibidem & ubiq; iisdem vaporibus obruitur & suffocatur: Aut si in nervos opticos ea de-

Antecedentes.

Gal. aph. 3. com. 27.

Avicen. prima. tertii. tract. 5. Oribas. apho. 3. com. 20.

trudatur, ibi gyros & vertigines parit. Atque huiusmodi etiā & eadem causæ epilepsiæ necessariò tradendæ sunt: quum vel ipse Galenus in lib. qui Introductio sive medicus appellatur, scripserit, caligines oculis offusas, & vertigines cognata esse vitia morbo caduco, quæ ab iisdemmet causis prodeunt, atq; easdē sedes occupāt, hoc est, caput. Quod quum ita sit, consequitur, nequaquā unam & eandem esse epilepsiæ & apoplexiæ causam, quod tamē alio loco, à nobis jam citato, asseruerat Galen. quum apoplexiæ origo ab eodem Gal. & ex omniū propè medicorū consensu, ex frigidiore, lenta, crassaq; pituita vel melācholia progignatur, satisq; ostenderimus, vertiginum, quæ parvæ sunt epilepsiæ, radices longè aliam habere naturā. Cū autem inciderimus denudè in sermonem de apoplexia, quam Galenus prorsus epilepsiæ affinem esse censuit, ut suprā diximus: sive sedem, sive causas spectes. Quemadmodū etiā re ipsa videmus, epilepticos multos re ipsa in apoplexiam delabi, ac vicissim apoplecticos sæpius in insultibus epilepticis impeti: ex qua malorum complicatione mors sæpius ingruit. Exactè nobis & natura & sedes, causæq; tam horrendi affectus, privatim excutienda sunt: cū videamus, potissimum hominis propugnaculum, cerebrū scilicet, nō segnius, imò crudelius & ferocius quam

*Non sunt
cause eadem
epil. & apop.*

*Paul. lib. 3.
cap. 18.
Gal. aph. 6.
cap. 56.*

quàm ab epilepsia, oppugnari & invadi: quùm omnes sensus uno momēto concidant & extinguantur, morsq; ut plurimum sequatur: aut saltem transeat morbus in resolutionem & quasi siderationem dimidii, aut etiam totius corporis nostri.

Accurata hæc perquisitio & examē, quod de hujusmodi affectu instituimus, clariùs fortas- se nobis, quicquid occultū est & latitat in cau- sis epilepsiæ, aperiet : hacq; ratione duobus istis gravissimis, atq; stupendissimis omnium malis, promptiorem & tutiorem opem ferre nobis licebit.

Caput III.

De apoplexia, ejusq; causis, differentiis & signis sententia Dogmaticorum.

Hujus itaq; morbi, quem siderationē & *Ratio nomi-*
 attonitū Latini dicunt, Græci verò ἀπο- *nis.*
 πλῆξιν, ἀπὸ τοῦ ἀποπλήττειν, hoc est, à percellen-
 do vel percutiendo, nuncuparūt: quòd qui ea
 corripuntur, veluti de cælo tacti & percussi
 videantur: vel quòd tanquā ex lethali ictu & *Cæli. li. 2.*
 percussione repentinū faciant casum: hujus *oxeon. cap. 5.*
 inquam morbi & naturam & differentiam, &
 partem affectam, & causas paucis ex Dogma- *Defin. apo-*
 tiorum sententia perquiram: Est enim re- *plexia.*
 pentina motus & sensus, adeoq; omnium fa- *Gal. 3. de l.*
 cultatum animalium privatio. Sic Gal. Paul. *aff. c. 10.*
 Aëtius,

2. *aph. com.* Aëtius, Avicennas, Celsus, & quotquot sunt,
 42. *Avic. 1. tertii tract. 5* ferè omnes antiqui & neoterici medici eum
Cels. lib. 3. c. nominant, taliq; nomine naturam ejus ex-
 27. primunt. Qui autem hoc malo corripuntur, interdum nullis signis, aut indiciis aliis proximè antegressis, subitò cadunt: & veluti fulmine quodam icti, jacent attoniti, sine motu, sine sensu, sine mente: cum stertore interdù gravissimo: qui vocati non respondent: nec divulsis pilis, vel stimulo puncti quicquā sentiunt. Quam apoplexiam (inter quatuor, ipsius quas constituunt, differentias) gravissimā & actualissimam dicunt. Interdum nonnulla concurrere & præcedere signa accidit, ut gravitates & dolores capitis, vertigines & scotomix, error judicii & universalium facultatum animalium: totius corporis tremor, dentium stridor: vox tremula & interrupta: in somno gravitas & pigritia: membrorum palpitatio, ac inprimis labiorum: jugularium venarum suspensio: extremarum partium, sine ratione, algores: urina æruginosa, atra & punicea: de quibus consule Paulum & Avicennam. Apud quem videre etiam poteris, quibus signis apoplexia differat à caro seu sopore, ab uteri strangulatu, à syncope, ab extasi melancholica: ab epilepsia, à similibus deniq; affectibus apoplexiæ affinis.

Quum igitur ex superioribus compertum habea-

Signa Apoplex.

Paul. l. 3. c.

18. *Avic. 1. tertii tract. 5*

habeamus, focum & sedem apoplexiæ in affectione cerebri existere: qua animalitas, ut ita loquamur, tollitur, hoc est, sensum & motum corporis in omni apoplexia extinguere: aliasq; cerebri functiones animales prorsus aboleri (quæ quidem descriptio ex symptomatibus tantum desumpta est.) Nunc videndum est nobis, quæ sit illa affectio, quæ ex se primum uno momento, tam inopino & veluti proditorio insultu, distributionem, cursum, effluxum, & penetrationem spiritus animalis in nervos, motui ac sensui dicatos, remorari potest: eoque modo viam omnibus elegantissimis animæ functionibus obstruere & interceptare. Præterea expendendum est, an idem sit cum epilepsia affectus, ratione sedis & causarum, ut censet Gal. An verò vicinus, affinis, & gerinans sit inter se uterq; affectus.

Quod si ita est, unde ambò inter utramq; affectionem nascetur differentia? qua epilepsia depravatum tantum motum, cum membrorum concussione & torsione sustineat? In apoplexia verò corpus omni motu sensuq; prorsus sit destitutus? Adde apoplexiam, ut plurimum in paralysem degenerare & terminari: quod nunquam epilepsiæ contigit, ut omnes tum græci, tum alii per celebres medici, quotidiana ipsa experientia nixi, uno ore pronunciarunt, excepto uno solo Avicenna.

Ut

Fomes & mi-
nera Apo-
plexia.

*Diff. apo-
plex. & epi-
lepsia Do-
gmaticorum*

Ut quæstionem hanc ex multorū dogmaticorum opinione expediamus: in apoplexia perfectam, completam, ac integram obstructionem ventriculorum & meatuum cerebri esse autumant: qua cursus & fluxus animalis spiritus in nervorū genus prorsus abrum-pitur: quo fit, ut corpus sensu motuq; simul prorsus orbetur. At in epilepsia dimidiatam tantum obstructionē quandam augurantur, neq; eam omnium simul ventriculorum cerebri: sed quorundam tantum, qui sensum prorsus extinguendi, motū verò tantum depravandi vim habent: idq; ob nervorum varietatem: quorum alii sensui: alii verò motui à natura destinati sunt. Atq; hæc est, quam statuunt inter utrumque deploratissimum affectum differentiam dogmatici. At si cominùs intueamur & repetamus, quæ jam suprà de causis epilepsiæ edisseruimus: comperiemus, non tam ex humorum aut crassorum vaporum obstruente copia malum nasci, quàm ex maligna & venenata quadam qualitate, ex diametro cerebro opposita & noxia: Quod ex morso scorpionis, qui epilepsiam induxit, & aliis testimoniis quàm plurimis, quæ huc afferri possent, nobis faciliè innotescit: Ita ut inde liceat inferre, epilepsiam non tam organicum esse affectum, quàm totius substantiæ cerebri corruptorē ac depravatore, ac pro-
inde

inde longè aliud esse inter utrūq; hunc morbum discrimen, quàm statutum sit: quod dilucidè explicabimus, cum Hermeticorū sententiam excutiamus. Ut autem ad apoplexiam redeamus, & exactiùs tam subitæ sensus ac motus privationis causas rimemur: confirmabimus, quod suprà diximus: Impedimentum illud esse, quod spiritus animalis transitū in nervosas partes interpellat: communicationemq; ejus membris omnibus interdicit: eamq; affectionem, qua hujusmodi impedimentum causatur, unam & solam esse omniū istiusmodi symptomatum radicem: ac proinde concludemus, *εμφορξιν* esse, seu *αίγανον*, hoc est, obstructionem eam, de qua jam loquuti sumus, vel quandam coarctationem ac compressionem viarum & ventriculorū cerebri: qua præpeditur, quominus in cor spiritus animales transfundat, vel spiritus vitales ab eo excipiat: quos postea in partes nervosas trajiciat. Etenim si facultas vitalis denegetur cerebro, propter compressionem & obstructionem venarum jugularium, & arteriarum caroditum, cerebrum jam quasi vitra destitutum, & veluti sepultum, aut tenebris obrutum, nulla vi pollet, animales suos spiritus in nervosa membra diffundendi, & functiones suas per totū corpus obeundi. Nichil enim præstare potest, si vita destituatur,

hoc

Causa symptom. apoplect.

hoc est, vitali spiritu orbetur, cujus appulſu animatur, & ad particulares functiones, quæ ſecundæ ſunt energiæ, obeundas compellitur. Nam ſi ea vita, quam cerebro impertitur, ipſi deſit, ſecundas quoque energias deficere, & proprio motu prorsus privari neceſſe eſt. Quod in ſyncopis & uteri ſuffocationibus videre eſt: ubi cor præſertim, non cerebrum invaditur. Omnes enim animales cerebri facultates hîc ſilent, tanquam extinctæ, omniq; ſenſu & motu orbantur corporea, eodem propè, quo in apoplexia, modo: quod videlicet oppreſſo corde, vitali ſpiritu cerebrum deſtituatur. Sic Aſſyrii, ut teſtatur Alexander Bened. lib. 10. cap. de apoplexia, ſimilem prope- modum affectionem juvenibus & antiquis inducunt, quibus præputium volunt circumcidere. Qui, ut doloris ſenſum omnem eripiant, colli & juguli venas conſtringunt ac comprimunt, eoſq; hoc modo tanquam apoplecticos, ſenſus & motus expertes reddunt. Atq; hæc de cauſa formali apoplexiæ dicta ſunt. Ubi tamen inquirendæ & inveſtigandæ ſunt iſtius obſtructionis & coarctationis particulares cauſæ. Quæ quidem cauſæ ſunt & externæ & internæ. Externæ ſunt, nimia frigoris intemperies, cerebrū conſtringens, comprimens, & quaſi congelaciens: caloris vehemētioris exceſſus, ipſum colliquans ac diſ-

ſol-

*Cauſæ ob-
ſtruct. parti-
culares.*

Externæ.

solvens: concussio capitis ex casu aut ictu excitata: & id genus aliæ externæ causæ, quæ internas commovent. Obstructio enim, ut ab *Interna* ea ordiamur, à qua ipsa apoplexia procreatur sæpius, quàm à coarctatione & compressione, fit, aut ex humoribus in vasculis cerebri contentis, hoc est, in venis & arteriis à jugularibus & carotidibus, id est soporiferis, productis: aut ab humoribus extra illa vasa dispersis nascitur. Quæ ab humoribus in vasis contentis fit obstructio, ea tum generatur, cum humor, hoc est, sanguis crassus & melancholicus ea supra modum opplet vascula. Unde in cerebro species quædam phlegmonis oritur, ut vult Gal. quales in carnosiss partibus, ex nimia sanguinis copia, ex vasculis resudante, aut copiose affluente, incenduntur. Si- *Gal. comment. aphorif. 42. 2.* quidem in ventriculos cerebri effusus sanguis eos replet, unde generatur obstructio, motu & sensu corpus destituens. Quæ si in arteriis fiat, spiritus vitalis ascensum in cerebrum prohibet: cujus inopia & defectu cogitur cerebrum suis functionibus & actionibus carere, ut supra diximus.

Atque hæ sunt istius obstructionis causæ. Easdem externæ coarctationis causæ originem habent. At compressio arteriarum carotidum, qua vitalis spiritus in cerebrum ascensus intercipitur, si manu, aut laqueo fiat suffo-

catio: five vapore aliquo eas partes opplente, ut in strangulata matricis fieri solet, alias habet causas, & rationes, quas aliò rejicimus explicandas: quùm ea ex Hermetica schola petendæ sint.

Hæ sunt igitur causæ internæ & antecedentes apoplexiæ: quibus re ipsa cerebrum oppugnatur: & ex quibus meatus ac vias cerebri occludentibus, conjunctæ ipsæ affectus causæ nascuntur.

Superfunt aliæ causæ internæ, remotiores, ut diathesis & propensio naturalis ad hoc malum, five aliunde, five hæreditario quodam jure partæ: ut quibus cerebrum imbecillius ac intemperatius est: quibus crassum & amplum caput est, utpote multorum vaporum capax, quos nequeat aut coquere aut discutere. Nonnullæ sunt externæ, quæ gignunt, præparant, & aptas huic malo internas reddunt: qualis est ingluvies, aut cibi & potus excessus: usus ciborum frigidorum & vaporosorum: venus immodica: locorum & regionum natura & proprietas, nec non temporis constitutio, quæ huc multum confert: quùm hujusmodi affectus facilius hyeme, quàm alio tempore excitari soleat, juxta Hippoc. Ætas etiam nullo negotio eum procreat: siquidem is ex sententia ejusdem Hippoc. aph. 31. primi lib. aphor. veteribus familia-

his est, atque idem generatur maximè ab anno quadragesimo ad sexagesimum usque, eodem Hippoc. teste 6. aph. 57. Cujus rei ratio est, quòd tunc temporis omnium humorum hi duo crassissimi, pituita scilicet & melancholia præcipuè in corpore abundant. Ex quibus, propter utriusque humoris communem crassitudinem, ut docet Gal. aphor. 6. com. 56. apoplexiæ & convulsiones enascuntur. Hunc autem inter stupendos & reformidandos affectus, gravissimum esse testatur ipse Hipp. quòd scribit: *Solvere morbum, Hip. aph. quem apoplexiam vocant, fortem, impossibile: 42. 2. debilem verò non esse facile: quia in paralyfin plerunque desinit.* Unde colligere est, hujus morbi curam calamitosam & deploratissimam esse. Atque id ipsum est, quod scribit Ægine-ta his verbis: *Apoplexia morbus nequaquam aut raro curatur, ut que minetur mortem in propinquo:* Si verò etiam remedia admittat, ut plurimum cum partis alicujus resolutione discedit. Non est igitur perfecta hæc cura: sed potius universalis mali in particulares permutatio. Quo fit etiam, ut obiter de eo aliquid nobis dicendum sit.

CAPUT IV.

In quo agitur de causis & diff. Paralyseos, & jusq; cum aliis affectibus affinitate, ex mente Dogmaticorum.

QUO D igitur omnes Græci Paralyfin vocant, Latini nervorum resolutionem interpretantur.

Avic. 2. tert. cap. de Paral.

Duplex Paralyfis.

- Hic autem affectus, ut loquitur Avicennas, duplicem habet descriptionem: unam propriam: alteram communem. Paralyfis enim, inquit, quandoq; dicitur sermone absoluto: quandoq; sermone proprio, &c. Hanc alii eodem sensu in exquisitam ac consummatam, & in imperfectam dividunt: exquisitam vocantes eam, quâ sensus & motus in una aut pluribus corporis partibus, in uno aut altero corporis latere, extinctus est: Aut cum dimidia corporis pars, aut totum ipsum corpus, à capite ad pedes, prorsus perculsum est.
- I.** Quum verò motus tantum, salvo sensu, sublatus est: aut sensus, permanente motu, extinctus, ea est, quam paralyfin imperfectam vocant. Verum quidem est, Galenum scribere, cum motus sublatus est, integro remanente sensu, hunc affectum propriè dici posse paralyfin. At sensu extincto, si motus restat integer, ejusmodi membrum nō posse pro-
- II.**

proprie dici resolutum : at sensu destitutum.

Sed quâ fieri potest, ut interdû motus per- *Quæstio.*
eat, citra sensus extinctionem : quum omnis
nervus, quantumvis durissimus, sit sensu ta-
ctus præditus? Hanc Gal. quæstionem solvit *Solutio Gal.*
quàm optimè, cum scribit, quibusdam parti-
bus, utpote, inter alias, oculis & linguæ, mo-
tum & sensum per distinctos & diversos ner-
vos à natura impertiri : Aliis verò per eun-
dem nervum communicari. Hoc posito faci-
lè intelligere est, cum soli motus nervi detri-
mentum acceperint, ipsum etiam motum so-
lum vitari, citra ullam sensus jacturâ, & con-
trâ. At non ita facilè res capi potest, cum ab
iisdem nervis motus & sensus prodeunt: si al-
ter istorum, altero manente integro, extingui
solus possit. Quum tamen experientia satis
nos hoc posse fieri, & sæpè cõtingere edoceat:
afferendæ sunt hujus dubii rationes, & ex- *Alia solutio*
pediendæ solutio est. Dicimus igitur inter- *auctoris.*
dum motum deleri posse, citra sensus deper-
ditionem : At nequaquam sensum, citra mo-
tus jacturam.

Nisi enim paralyfis gravissima, integra &
exquisita fuerit : motum quidem vitare po-
terit : at non sensum, quodd motus majorem
animalini spiritui copiam, ad actiones suas
obcundas desideret : Sensus verò, utpote qui
patiat, & non agat, paucis indigeat. At si

magnus est affectus, confirmatus, & altis radicibus corporis infixus: tunc utriusq; simul apparet interitus: quum ne tantillum quidem spiritus animalis impertiri queat, qui ad sensum excitandum satis esse possit. Itaq; in exquisita paralyti, certum est, utrumq; perire: at in imperfecta & non plenè consummata, alterutrum stare potest.

*Paralyti. &
stuporis affi-
nitatis & diff.*

Stupor, quem Græci *vapour* & *vapour* vocant, est huic incompletæ paralyti cognatus morbus; in quo sensus motusq; non prorsus pereunt: sed torpent & hebetes fiunt. Hoc vult Gal. 4. de sympt. causis, dum inquit: Si nervi à principio fiant stupidi: deinde omnino sensum & motum amittant; paralyti, id est, nervorum resolutio dicitur. Ex quibus patet paralytin à stupore, sola tantum magnitudine, differre. Est enim *μεγέθυσις*, & tanquam præcursor paralyti.

*Alia paralyti
species.*

Est & alia abusiva paralyti, & *καταχρηστικῆς* appellata: quæ nihil aliud est, quàm partium mollificatio & vis effeta: ut, quando quis penem arrigere nequit, eum paralyticum nominare possumus, non eò quod spiritus aut facultas, sed pars ipsa suscipiens in vitio sit, de qua hîc non loquimur, non minùs quàm de ea, quæ paraplegia dicitur, quæq; vel præcisione, aut nervorum luxatione vertebrarum cervicis efficitur, aut ex humoribus, ex

pulmone decumbentibus, de qua mentionem facit Hippoc. sectione 2. lib. 2 Epid. in muliere illa, cui resoluta manus dextra fuit, atque crus sinistrum, sine ulla mentis facieiq; alteratione, idque ex tusciculoso affectu.

Atque hæc est magna illa affinitas & societas inter ejusmodi morbos: præsertim inter apoplexiam & paralyfin, debili scilicet apoplexia in paralyfin desinente: hæcque est, quæ propriè paraplexia nominatur: cum totum videlicet corpus occupatur ab ipso capite ad infimas usque corporis partes, vel dimidia pars corporis tantum, quæ tunc dicitur hemiplexia vel hemiplegia, ut idem Gal. testatur. Pro. 3. com. 16. At illa longè deterior est hac: quæ alterum tantum latus, aut unam duntaxat corporis partem obsidet, ut aurem, linguam, maxillam, labium, manum, coxam, pedem, quarum causæ & externæ & internæ accurate pervestigandæ sunt & excutiendæ, ut nempe intelligatur, num à cerebro vitiū oriatur, an verò à spina dorsi, unde nervorum origo producitur. Quæ partes præcipuæ, si ab hoc vitio & affectione immunes fuerint, querendum, num in aliquo particulari nervo causa hæreat: quæ si in eo est, an in toto ejus processu, an verò in parte aliqua locata sit, sive ea principium sit nervi, sive

CANON CU-
RAT.

medium, aut ipsa ejus extremitas. Siquidem radici & origini mali non alibi admovendum est remediū, ut cura rectè instituatur. Quū enim cerebrum, spiritus animalis fons & origo: aut quū medullaris spina, via scilicet, per quam emergunt & diffunduntur in corpus nervi, sensui & motui dicati, oblata sunt & depravata: illa ipsa remedium expetunt, nō pars resoluta. Exempli gratia: Si alicujus partis faciei motus perit, quærenda est causa & origo mali ex primis spinæ vertebis. Si sensus solus extinctus est, ex tertia nervorum conjugatione vitium oritur. Si cum dimidia corporis parte, dextrâ vel sinistrâ, eadem faciei pars resoluta est, ab eadem parte cerebrum quoq; patietur & affectum erit. Si quæ sub facie positæ sunt partes omnes sunt resolutæ: principium spinæ perculsum quoq; fuerit.

Causa hemi-
plex. unde
petenda?

Quod ad hemiplexiarum causas attinet: eæ non sunt in tota spina quærendæ: sed in aliqua tantum ejus parte: ut si altera tantum coxarum resoluta est, ad lumbos tantum, nec aliū causa est revocanda. Si tota in transversum spina affecta est, omnes corporis partes inde patientur, quum suorum nervorum ex ea originem mutuentur. Si ex parte tantum laboret, pars quoq; corporis aliqua ex ea reportabit incommodum. Plura istorum videre licet apud Gal. ac in primis particulare exemplum,

emplum, quod de Pausania Syro adfert: qui ex casu in principio dorsi læsus, duos sinistrae manus digitos amiserat. Atq; ut omnia isthæc rectè comprehendantur & certò, peritissimum esse anatomiae seu dissectionis necesse est, ut inde omnium nervorum origines, processus, & in partes distributiones teneantur. Internæ autem particulares causæ, paralyseis inducentes, apud eundem authorem videri possunt: atq; etiam cognosci ex iis, quæ jam à nobis de apoplexia dicta sunt. Si morbus ortum habuit ab externa aliqua causa, utpote, à prava vivendi ratione, à vehementiore frigore aut etiam calore, à casu aut ictu, ex ipsius ægri relatione disci possunt.

Caus. interna.

Externa.

CAPUT V.

In quo docetur, legitimam morborum anatomiam ex luce Naturæ Majoris mundi (cujus typus est homo) esse petendam: seminalesq; plurimorum morborum fomites atq; mineras ex vitalibus variarum exhalationum tincturis ceu fontibus scaturire atq; efflorescere demonstratur: Idq; ex sententia Hermeticorum.

SEd ecce obmurmurantes, & de nobis ex-
postulantes audio Hermericos, quòd ac-

curatius & fufius, quàm par est, dogmaticorū partes, in naturam, differentias & caufas fuperiorum affectuum, citra fe excuriamus & fufitineamus, tandiuq; ipfos multis pōft ftadiis à tergo relinquamus. Quibus tandē ut fatisfaciamus, fciant illi, nos priorē honoris locum dogmaticis, tanquam noftris majoribus, & ex quorum fchola prognati fumus, & à quibus ipfam accepimus poteftatē, non ut ita loquar, dogmatizandi, fed liberē & docendi & fcribendi, promiffiffe ac designaffe: ex quorum uberibus educati, obteftati fumus, nunquam à partibus Afclepiadis difceffuros, verumq; me ejus alumnū fore: nec unquā alterius doctrinæ feftatorem futurum, quàm veræ antiquæ. Nec videri de beo jufjurandum infringere, fi & Hermeticorum placitis adhæreā, ut quæ à fefta dogmaticorū verbis potiùs quàm fententia difcrepent, fi omnia rectē perpendantur. In hoc, o Hermetici, me commodi veftri ftudiofiffimū agnofcetis, quū pretiofas veftas margaritas, rubinos, adamantes & fmaragdos, auro dogmaticorum illuftrem & elegans lumen conciliem, oculis ipsis videndū, idq; apertis verbis & methodica explicatione, exhibuero: quantumq; verò cuilibet Afclepiadi myfteria vefta, etfi Eleufinis longè obfcuriora, occultiora, & confufius ac perturbatius, vitio fortē & perversitate quorundam veftro-

vestrorum sectatorum, descripta, admirationi
potius quam rejectioni & vituperationi esse
oporteat. Non tamen velim aperta hac mea ex-
plicatione bobus aut porcis uniones & mar-
garitas vestras tam illustres obicere, qui eas
sua invidia & lingue maledicentia inquinant.
Illis enim non loquor. Attamen publicæ utili-
tati potius consulendum, quam huiusmodi
porcorum fœdæ conculcationis habenda ratio
est. Attentis igitur auribus litis vestræ disce-
ptationem ex me, provobis orante, excipite.
Non immerito sanè nec absurdè homo mi-
crocosmus appellatur. Siquidè quicquid ma-
jore mundo circumcirca diffusum cõtinetur,
totum hoc microcosmo, ceu cõpendio, contra-
hitur, ut scribit his verbis Greg. Nazianz. ini-
tio lib. de hominis opificio, quod etiam alibi
annotavimus, hominè nempe à Deo post reli-
qua factum fuisse, ut Deus in ipso exprimeret,
sub brevi quodā compedio, quicquid diffuse
antè fecerat. Neq; hinc de intellectuali & cœ-
lesti mundo, qui etiā in hoc cõpendio reperi-
tur, velim verba facere: sed de elementari tan-
tùm, tanquā nobis proximo & adherente, pro-
ut in superiorem & inferiorè regionè destina-
tus est. Quam etiam divisionem humanum
corpus patitur: ut capus sit regio superior: vi-
tales verò partes & nutritioni dicatæ, ut po-
te imò loco sitæ, inferior aquæ & terræ regio,
seu

Homo Mi-
crocosmus.

Distributio
corp. hum. in
duos e-
lem. globos.

seu globus vocentur. Quemadmodum autē in terrę penetralibus, tum solis radiorum virtute, tum ipsius terrę calore nativo & proprio, multę exhalationum & vaporum species excitantur, quę mixtorum imperfectorum corporibus essentię causam tribuunt: utpote quę varia sulphurum, bituminum, saliumq; ac liquorum sive mercuriorum genera procreant: hacq; caloris utriusq; tum solaris, tum terrestris, nec non & astrorum influxus ratione, in elementari mundo, tanquā in suo continente, tot & tam varia contentorum genera, ex matricibus suis progenita cōspiciuntur. Haud secus in humano corpore evenit, quod & continentibus & contentis partibus constat, ut etiam alibi scripsimus: quarum solidiores, ligamentosę & carnosę seu molliores, cum elementis collatę, locorum & matricum officia in eo exercent: ut quę & principia hypostatica, & alias substantias varias, tam fixorum corporum, quā volatiliū, tam materiales, quā spirituosas essentias contineant. Quę quidem substantię contenta in ipsis matricibus dicuntur: quorum alia impetuosā, & huc & illuc fluctuantia sunt: alia sunt humectantia, alia effluentia. Impetuosā contenta sunt spiritus nostri tam naturales, vitales & animales (qui purissimi, sincerissimi, & maximē omniū ætherei sunt) quā

*Designat.
rerum in-
ternis.*

Spiritus.

quàm impuri, & malignam quandam qualita-
tem præ se ferentes. Humectantia sunt hu- *Humores.*
mores nostri naturales, tam utiles, quàm inu-
tiles & excrementitii. Effluentia verò seu ex-
halantia contenta, sunt halitus tùm sicci, tùm *Halitus.*
humidi, hi vapores dicti, alii fumi.

Fumida illa exhalatio, quùm sit ab arido
fumus expressus, calida, sicca, levis & subtilis,
semper in altum fertur, sulphureæ & igneæ
naturæ propinqua, ut quæ facilè ardeat, &
flammam concipiat, atq; sic incendat & u-
rat. Contrà vapor aut fluxus humidus, cùm
naturæ sit raræ, mercurialis, & aqueæ, si ab
externa caliditate, frigida sua qualitate spo-
liatus in aërem efferatur, & ibi frigore con-
crescat, pristinam suam naturam recipere co-
gitur, ita ut scilicet in aquæ naturam conver-
tatur & redeat.

Ut autem in majore mundo videre est, e-
jusmodi vapores & exhalationes, solis calore
& astrorum influxu: nec non propria ac in-
terna terræ caliditate excitatos, materiâ tam
diversis ac stupendis meteoris ac corporibus
imperfectè mixtis sufficere, tùm in aërea re-
gione, tùm in ipsis terræ penetralibus: præ *Meteora*
sertim ex vaporibus mercurialibus, frigidis, *Macroco-*
humidis, & naturæ aqueæ, nubes & pluvias, *smi.*
grandines, nives, gelu & ventos generari. At
ex sulphureis & calidis siccis, coruscationes,
toni-

Microcosmi.

tonitrua, presteres, fulmina, & id genus alia ardēria metheora effingi. Sic in minore mundo, hoc est, humano corpore, similes & iidem vapores ac exhalationes materiam multis & diversis metheoris efformandis suppeditant. Unde tot ac tam varia morborū genera, eaq; stupenda, modò mercurialia, frigida & humida, modò sulphurea, calida & sicca, non formā quidem & accidente, sed substantia, hoc est, virtute essentiali talia, tum in inferiore ventre, tum superiore (hoc est, in capite & cerebro) partibus utiq; terræ penetralibus, & aëris regioni correspondentibus, prorumpere palam est.

τὸ θεῖον π
morbis ejus-
modi astralibus subest.

Et si autem hujusmodi vapores & exhalationes, nec non ex illis prodeuntes stupendi morbi & symptomata, physicis quibusdā rationibus nitantur: ejusmodi tamen morborū causæ intellectus nostri captū plerunq; longè superant (ut paulò antè diximus, cū de apoplexia loqueremur) altiusq; repetendæ sunt origines, utpote quæ abditæ sunt & divina. Atq; hinc agnoscenda mentis nostrę imbecillitas, ut omnipotentiam, providentiam, ac sapientiam Dei suspiciamus, ac admiremur. Is enim subinde modò pluvias, modò tēpestates immittit: modò ejus generis morbos, atq; ad eò stupendos, omnemq; curam respuentes excitat, ut eorum causæ, nos, etsi magna & studio-

studiosa indagine illas rimantes, prorsus fugiant aut lateant. Quod testatur ipse Jehovah, cum sic loquitur: Si in decretis meis, inquit, deambulaveritis, dabo vobis pluviam suo tempore. Si autem non audiveritis me, constituam super vos febrem, tabem, pestilentiam & scabiem, quæ non possit curari, ac dabo cælum, sicut ferrum, & terram sicut æs.

Attamen si citra tam altum volatum, physicis rationibus inquirendis acquiescimus, & naturam substantiarum spiritualium, hoc est, impetum facientium, & earum, quæ humectant, illarumque, quæ effluunt, excutiamus: quæ quidem in corpore nostro latitant: & tam boni, quam mali radices in eo constituunt: earum utique interna potius, quam externa, juxta vulgi morem, suscipienda erit anatomia. Ad quam, quod jam tractatu nostro, *de signaturis internis rerum*, abundè scripsimus, haud parvâ lucem afferet, nec non etiâ vini exemplum, quod anatomicè dissecuimus: & sanguinis nostri sub vino etiâ dissecti, ob magnam utriusque analogiam inter se, rem non parum enucleabit. Ut enim vegetativum ab animali sumptum, varia concoctione in sensitivum commutatur, ut videre est in pane & vino, quæ in sanguinem convertuntur, sanguis verò in semen, ex quo generatur homo. Haud secus mineralis liquor, radicibus plantarum &

*Vitalis mix-
terarum mor-
bificarum
anatomia.*

vege-

Salia.

vegetabilium exceptus, & absorptus, vegetabilis redditur, qui tandem in hominem transeunt, istiusmodi animalibus vescentem: ita ut pro ratione liquoris, sulphuris & salis mineralis, vel morbi mercuriales, vel sulphurei vel salini efflorescant. Atq; sic in homine videre licet sales saccharinos nutrientes, sales nitrosos, amaros, acutos, purgantes ac mundificantes: alios marinos, instar balsami conservantes: alios gemmeos: alios aluminosos, ponticos & adstringentes: alios deniq; vitriolatos, acidos, esurinos, appetitū & concoctionem excitantes. In eodem humano corpore variæ præterea reperiuntur aliorum liquorum species: quorum alii dulces sunt: alii amari, salsi, adstringentes, pontici, acidi, & id genus alii, juxta variam sui mixtionem & quantitatem. Reperiuntur porro in eodem corpore tot bituminum, naphtharum, pinguedinum, resinarum, gummi, lachrymarū, atq; id genus aliorum sulphurum species, quot superiorum liquorum aut salium. Ex quibus sulphuribus, alia odorifera & fragrantia, eaq; recreantia: alia fœtida & inficientia: alia papaverina ac soporifera: alia anodyna ac lenientia: alia septica & arsenicalia ac pestifera: alia vitalia & salutaria. Ad quarum rerū accuratam discussionem plus temporis requiratur, quàm ferat tractatus ratio.

Sulphura.

Atq;

Atque ex his liquet, quomodo spiritus omnes nostri, siue puri & ætherei, siue impuri, venis & arteriis corporis contineantur: omnesq; corporis nostri liquores, siue utiles & nutritioni idonei, siue inutiles & excrementitii, ibidem inhæreant: ex quibus exhalationes omnes, & vapores sicci & humidi proficiantur: qui in eodem corpore unà cum reliquis contineantur, & sæpè ipsum torqueant. Quomodo deniq; ejusmodi substantiæ salinam, sulphuream & mercurialem naturam possideant, metallicam proinde & vegetabilem: quarum aliæ dulciores & benigniores, naturæq; nostræ magis familiares in hepate convertantur in sanguinem: cujus syncerior & purior pars, per venas in dextrum cordis sinum delata, ibiq; subtilior reddita, & in essentiam quintam calore cordis vivifico circulata, per totum corpus, ad omnia membra nutrienda, per arterias diffundatur: nec non in cerebro subtilior, ac cœlestior reddita, sensibus omnibus ac intellectui etiam profit. Aliæ verò impuriore & excrementitiæ suis locis peculiariter servantur, dum per emunctoria propria, purgando corpori destinata, abigantur: utpote aliæ, per halituosas transpirationes: aliæ per sudores: aliæ crassiores & sordidiores, cuti adhærendo: Cum quibus simul & aliquid spirituum nostrorum, & caloris

*Sequestratio
puri ab im-
puro.*

ris innati exhalat & evanescit : nec non aliquid radicalis humoris, & vitæ nostræ nectaris pretiosissimi. Hæc quidem evaporatio aut resolutio, si sensim & lentè, ac leni velut igne Balnei maris à natura fiat, ad senilem usque ætatem tandem faciliè decurrimus. Si contra præcipitanter & ab æstuante velut calore ac febrili, ardoreque colliquante: nec non motibus corporis violentis, ac animi perturbationibus, & affectuum dolorumque vehementia exprimitur ejusmodi exhalatio & dissolutio: hinc lipothymia, seu animi deliquia & syncopæ, symptomata morti quàm proxima consequuntur.

*Scaturigo
morborum.*

At si quotidianæ ejusmodi exhalationes excrementitiæ in corpore retineantur & coërceantur, quo minus expirent, aut ab ipsa corporis cacochymia, aut à temperamento vitioso, aut ab ætate debiliore, aut à tempore & regione frigidiorè, aut ab obstruente vitæ ratione: hæc sexcentorum morborum in corpore procreandorum ansam & materiam præbent.

Interceptio etiam generalis illius & secreti aëris corporis nostri, nec non ambientis, quo minus liberè inspiret & expiret (quæ operatio naturæ virtuti propria est, nunquam non ejusmodi functiones per cordis & articularum motum exercens) hoc, inquam, aëris impe-

impedimentum, vel à duriori cute, nec satis perspirabili, vel ab aëris ambientis frigidioris intemperie, aut ab alia ejusmodi causa allatum, multis variisq; morborum gravissimorum generibus excitandis radices & fomenta præbet. Quod idem præstant & vasorum nimia plenitudo, & fæces ac tartara humorum, dum vasa opplent & obstruunt, hacq; ratione Eurippos, hoc est, fluxum ac refluxum quotidianum spirituum remorantur ac interpellant: unde varii halitus & fumi excitantur, corrumpuntur, incenduntur, qui internas variorum affectuum & gravium symptomatum causas suscitant: febrium scilicet, inflammationum internarum, cachexiæ, cardialgiæ, hystericæ ac soporiferæ affectionis, & aliorum infinitorum id genus. Observandum est autem & notandum, quotquot vapores, fumi, halitus, fuligines quotidie in corpore nostro generantur, & ex quibus evaporationum ac exhalationum generibus tot actum varia, perinde ac in majore mundo, metheora in nobis, sive frigida, sive calida & ignea, humida vel sicca excitantur, succorum ac substantiarum mercurialium, sulphurearum & salinarum naturam redolere ac participare: à quibus etiam prodeunt & exhalant, ut subjunctæ substantiæ similem esse

defluxum oporteat. Modestiores enim, benigniores ac utiliores vapores nunquam non à mercuriis aut liquoribus bonis & laudabilibus proficiscuntur, ut à sanguine sincero, qui ab omni superfluo ac corrupto humore, crudo aut retorrido, acris aut salis purus sit & defæcatus: benignoq; ac naturalis balnei nostri leni igne sit probè concoctus & dulcoratus.

*Generatio
somnia.*

Atq; his aut hujuscemodi dulcibus & benignis vaporibus, ut & aliis optimi nutrimenti, ejusdem caloris naturalis beneficio excitationis, perfusum & imbutum cerebrum, nec non referti nervi: condensatis utcunq; in illis partibus ejusmodi vaporibus animales spiritus, antea vigiles & mobiles, subsidere incipiunt, & quodammodo aggravari, membra antea labore agitata quiescere, & motum ac sensum paulatim deponere, suavi scilicet & placidissimo obrepente somno & quiete: dulcibus etiam & gratissimis perfusa insomniis.

*Causa diversitatis
insomniorum.*

At contrà, si vapores ex liquoribus mercurialibus, iisq; incoctis, crudis aut malignis humoribus exhalaverint, inde molestior somnus & gravior futurus est, nivosis insomniis, glacialibus, & diluvia effigiantibus, stipatus. Quæ quidem temperamento pituitoso & phlegmatico, ac mercurialibus humiditatibus referto, propria sunt. Biliosorum

verò

verò vapores, aut eorum, qui calidiore sunt sanguine, aut nitrosulphureo præditi, breviores in cerebro somnos conciliabunt: quorum somnia seu phantasmata, ac evanida rerum simulachra, nihil præter incendia, coruscationes, bella, furores, repræsentant. Sicut etiam melancholicorum halitus, nil nisi molestissimos somnos inducent, & in somniis deserta, cœmiteria, sepulchra, pavores, terrores, suspitia, lachrymas, & id genus alia exhibebunt.

Atq; hi sunt vaporum & exhalationum effectus, qui pro varia hominum natura & temperamentis varii etiam produci solent. Qui verò vapores caloris excessu & vehementia, ex sanguine, aut vitiosis & excrementitiis, ac non naturalibus; sed alienis humotibus procreantur: ii non in cerebro tantum, sed aliis etiam partibus, longè alios effectus, sinistros nempe & morbificos proferunt: præsertim si diutiùs in corpore retineantur, & ab eo exhalare, resolvi, aut dissipari per meatus, & occultos corporis ductus nequaquam possint.

Ista de primis exhalationum generibus & differentiis, qui mercuriales sunt liquores in corpore humano, dicta sint. Illi enim primi omnium expirant, ut in artificiosis distillationibus videre est. Hos sequantur calidio-

Exhal. sul-
phur. effe-
tus.

res & sicciores, ac spiritualiores fumi, seu aquæ vitæ, ac benignioris ac suavioris sulphuris sanguinis nostri naturam redolentes: quique per temperatum caloris gradum è sanguine exhalantes, optimum & gratissimum spiritibus nostris alimentū erogant. Qui si ab extraneo & vehementiore calore, sive externo, ut à violentiore motu: sive interno, utpote aliqua calidiore intemperie, aut ardore febrili, hujusmodi fumi pellantur & urgeantur: ii acriores redditi, & aridiores, nec non incendio concipiendo adaptati, vigilias, deliria, & inquieta somnia inducunt: idq; juxta eam naturam & qualitatem variam, quam ex diversis calorum gradibus, ex variis hominum temperamentis, & humorum proprietatibus possident: sive etiam mercuriales, sive sulphurei, sive tartarei ii sint fumi, qui evaporant. Horum enim alii acriores & mordicantiores, alii minùs, alii tenuiores & spirituosiores, alii crassiores & densiores: qui, juxta variam illam suam conditionem, varios affectus in corpore suscitant.

Halitus aquosi & mercuriales densiores sunt & minùs spirituosii fumis calidis & ventosis, quòd hi de sulphure viscoso & glutinoso sanguinis nostri magis participant. Qui autem per secundum caloris gradum ex temperato & laudabili sanguine, exeunt fumi

aut

aut halitus, ii quiddam commune & affine habent cum subtili & vitali arteriarum nostrarum sanguine. At si ex corrupto sanguine & calidiore exurgunt hi vapores: quàm plus, quàm par est, incendio urgeantur, benigniores quidem & utiliores halitus evanescent. Alii nitrosulphuream & inflammabilem naturam induentes, in cordis sinus delati, synochum invalescentem aut decreascentem suscitant, prout ejusmodi halitus minùs vel magis vitiosus: aut velocioris vel tardioris fuerit resolutionis.

At quæ ex humoribus excrementitiis exhalationes, utpote ex fœcibus & tartaro corporis nostri, emergunt, & violentiore impetu extruduntur, pro natura sui generis diversa, diversas quoq; morborum & symptomatum species inducunt.

CAPUT VI.

De natura & diff. fuliginum, earumq; valida atq; efficaci ad generat. morborum agendi potestate.

DE quarta & ultima evaporationis specie restat nunc dicere, quæ fuligines sunt, quibus aptius sublimationis nomē congruit: quod siccæ & aridæ exhalationes efferantur: ut evaporationis nomen mercurialibus hali-

Natura fuliginum.

tibus, vaporibus & fumis rectè tribuatur: quòd, cùm naturæ sint liquidioris, minore negotio evaporare etiam possint. At fuligines, mercuriali prorsus humore, & unctuofo liquore ferè destitutæ, salinam potius naturam, eamq; volatilem, crassiorisq;, densioris ac fœtidioris sulphuris materiam partim possident: partim verò viscosam quandam exhalationem, quæ huic tantum sublimati speciei, quæ fuligo dicitur, producendæ gluten supeditat. Quæ quidem fuligines, quàm liquore omni nutriente, recreante, nec non anodyno, & familiari nostræ naturæ, prorsus spoliatae sint: præterquam seminaria & radices viciorum, in corpore nostro nihil procreant.

Different. Inter eas tamen hæc statuitur differentia, ut aliæ aliis sint periculosiores: & pro humeris & materiæ, vel sulphurææ vel tartaræ: naturalis, aut non naturalis conditione, magis vel minus incommodi & detrimenti inferant. Ignis autem gradus, quo ejusmodi fuligines præparantur, quartus sit oportet, hoc est, violentissimus, ut qui spiritus omnes humidos & mercuriales, nec non subtiliora corporum sulphura absumpserit & exhausserit. Sic enim videre est, ex quovis ligno fuligines fieri, absorpto videlicet, prius ab igne, mercuriali & ferè oleoso humore omni.

Inter istas autem fuligines (ut quotidiana constat

constat experientia) aliæ sunt subtiliores, aliæ
 verò crassiores & densiores. Aliæ salinam ma-
 gis naturam & substantiam possident, unde
 acriores redduntur: aliæ sulphureâ, quæ flam-
 mæ concipiendæ aptiores sunt. Ejusmodi va-
 rietas cernitur in ligno quercino & abietino.
 Quernum enim & faginum, de natura salina
 magis participant: Abienum verò de sulphu-
 rea. Quod si in majore mundo hoc fieri con-
 spicimus, certum est, & in microcosmo idem
 præstari, quum in eo & querna, fagina, & a-
 biegnæ ligna, potètia & substantia delitescât,
 non forma: quæ immoderato nostro calore,
 tandem in actum erumpunt, ut diversas fuli-
 gines etiâ excitent: variisq; in locis sese subli-
 mantes, & variis membris adhærentes, ac sese
 agglutinantes, unde varia morborum genera
 emergunt: quales sunt melancholiæ, mania, *Effectus fue-*
 præsertim cum in aëream regionem micro- *lig.*
 cosmi, hoc est, cerebrum evehuntur: ubi mi-
 crocosmica ejusmodi metheora generantur,
 ardentia & ignea, ut in majore mundo coru-
 scationes, fulmina, fulgura, varii cometæ, &
 id genus alia ex propriis exhalationibus pro-
 creantur. Si autem ejusmodi fuligines vim
 habeant & naturam napellofam, aconitalem,
 auripigmentalem aut arsenicalem, in interna
 capitis parte, si evehantur, morbos pestilen-
 tiales ibi perducent, si in exteriori aliqua alia

parte, anthraces, carbunculos. At si membranis pectoris sublimatæ adhæserint, eam pleuritidis speciem inducent, quæ non sit vulgaris, ex defluxione sanguinis in eas partes orta: sed pestilentialis. Aut si in inferiores partes corporis, vi & robore naturæ, cum excrementis protrudantur, eam in intestinis dysentericiæ specië progignent, quæ pestilentialis est, non alia ratione ipsum intestinum exulcerantes, & venenosam ac sphacelosam prorsus qualitatem inurentes, quàm si septicum aut causticum medicamentum affixum esset. Nō quod illæ fuligines, citra alias sanguinis substantias, qualitatis hujus alienæ & malignæ solæ sint participes, concurrunt enim tum mercuriales, tum sulphureæ malignæ impuritates, quæ morbum augment, longè deteriorem reddunt, aut etiam multiplicant. Quemadmodum in pestilenti cōstitutione pestiferum venenum, aut arsenicale sulphur accensum, non unum tantum cor impetit: sed per totum corpus virus suum febremq; pestilentē diffundit: cujus effervescencia & malignitate aliæ duæ substantiæ in sanguine contentæ, sal nempe & mercurialis liquor, exardescunt, commoventur simul & inquinantur: ac inquinatæ virus etiam suum particulatim exerunt. Ex mercurialibus enim humoribus inquinatis, expurgationemq; sui per emunctoria molientibus,

bus, oriuntur in adenis emunctoriorum & glandibus tumores, bubones & apostemata pestifera. A fuliginibus verò & spiritibus salium septicis, prout variis in locis hærent, carbunculi & anthraces varii pestilentes, ubiq; efflorescunt. Cum enim eæ fuligines sint, vel etiam arsenicales, non solum naturam salis, ejusq; acerrimi: sed arsenicalis etiam obtinent, ut non escharam minorem aut mitiorem inducant, quàm si causticum aut septicum aliquod arsenicale violentissimum cuti affixum esset.

CAPUT VII.

Quæ sint morborum radices, & quo pacto signaturas suas in corpore humano explicent, clarius ostenditur.

AT QUÆ hæ sunt diversæ exhalationum aut evaporationum substantiæ: quas sanguis noster aliiq; succi, aut humores in corpore nostro contenti, possident: & ex quibus in eo, varia morborum genera originem habent, cum extra temperamenti sui cancellos evagantur & excurrunt. Neque ideò morborum causæ dicuntur, quòd tantum sint vapores simplices, halitus, fumi & fuligines, aëreæ & spirituosæ naturæ, aut calidæ, frigidæ, humidæ & siccæ qualitatibus: quod

*Impression.
exhalatio-
num poten-
tes sunt mor-
borum radi-
ces.*

quod parum, & exigui est momenti: sed quoddam spiritibus flatuosis, impetuosus, turbulentis, falsuginosis, pōticis, acribus, acidis, mordacibus & virulentis, sulphureis, nitrosis, fœtidis, narcoticis, pestiferis, arsenicalibus, antimoniacis, & id genus aliis turgeant: qui ex variis nostri corporis liquoribus, sulphuribus, salibus, fœcibus, tartaris exhalant & expirant: unde tot morbi & symptomata, sive proprio caloris naturalis motu & operatione: sive præternaturalis, aut alia quavis abdita ratione id fiat, excitantur & invalescunt.

Nolim tamen omnes omnium morborum causas in genere ad ejusmodi exhalationes & evaporationes revocare: Bonam tamen earum partem illuc referre ausim. Usq; adeo potentes & admirandi sunt effectus ac varii spirituum illorum, quum subjectum proprium & congruum nanciscuntur. Quod facile sexcentis exemplis confirmare, & reipsa comprobare possemus, ni brevitati studeremus. Concedo quin etiam, multos affectus ab intemperie simplici, & cum humore conjuncta, sive pituitoso, sive bilioso & melancholico, aut solis, aut mixtis: naturalibus aut non naturalibus, proficisci. Naturales voco, qui in massa sanguinis continentur: quiq; in verum sanguinem, in pituitosum, biliosum & melancholicum distinguuntur: quos Hermetici quæ-

qualitatibus frigidis, calidis, humidis, siccis non discriminant: sed quatenus in eo sanguine mercuriales, sulphureæ, & salinæ substantiæ continentur, quarum ratione sanguinis partium aut contentorum fit distinctio, sicut in lacte videre est, in quo ferosa portio mercuriali liquori, butyrosa sulphureæ substantiæ: caseosa verò & solidissima pars salinæ aut tartareæ respondet.

*Hermetica
humorum
anatomie.*

Jam de sanguinis & vini collatione exemplum supra attulimus: quo, quanta sit inter ea analogia, proportio & affinitas, satis superq; luculentis rationibus ostendimus. Ut enim vinum clarescit ac defæcatur in suis vasculis: sic sanguis noster in suis venis contentus, sedimenta sua deponit & exuit. Ex vino, lento calore, aqua vitæ elicitur: sic ex sanguine, lento & naturali cordis calore extillatur fitq; aqua vitæ, nempe spiritus vitalis: ex quo animalis spiritus sumit originem, quiq; circulatione per balneum maris naturale cerebri perficitur, non secus, ac ex aqua vitæ spiritus vini artificioso maris balneo prolicitur, qui longè aqua vitæ subtilior & spirituosior est, ut cujus gutta effusa citius in auram evanescat, quàm in terram delabatur. Sic spiritus animalis subtilitate vitalem, in arteriis contentum, longè superat & excellit. Quùm autem ejusmodi tentamus extractiones, spirituum videlicet vini:

*Specialis
sang. anatomia.*

vini:

*Ichor sang.**Bilis sang.*

vini: quæ anima est illius, magnâ phlegmatis copiam, eamq; invalidam & nullius virtutis, licet conspiceret, quæ subsidit in imo; post spiritum extillationem. Sic in sanguine, præter illum spiritum aut aquam vitæ naturæ humanæ, comperitur etiâ magna phlegmatis quantitas, humoris videlicet pituitosi, prorsus itidè inutilis. Præterea in vino, præter phlegma destillatione eductum, fæx quædam flava aut rubra conspicitur, sulphuris & salis nitri plena, mediocriter volatilis: quod idem in sanguine deprehenditur, si destillatione tēteretur: idq; est, quod bili, quam à sanguine natura separat, aptè comparari potest: cum utraq; fæx prorsus nitro sulphuræ substantiæ sit. Si integrâ vini Anatomia compleas, licebit tibi præterea copiosam ejus fæcem liquidâ intueri: ex qua acetum fiat ab artifice, quod naturalè melancholicam acidam & ponticam aptissimè refert, quæ in sanguine subsidit: & ex qua materia natura acetum suum exprimit & elaborat, humorem scilicet melancholicum. Porro, post aceti in formam liquidam extractionē, remanet quædâ fæx aut tartarus, usq; aded acer, niger & ardens, ex salium vitriolatorum copia, quam continent, ut ex tantilla illius in aquâ inspersione ea promptè tota acetata reddatur. Quod etiâ in sanguinis anatomia observare licet, ex utriusq; analogia; si quidem ejusmodi aceti fæx

atræ bili, quā vocant, & adustæ respondet: nō *Melancholia.*
quodd ea talis ex adustione evadat, ut pleriq;
scribunt: sed ex mercurialiū & sulphurearum
substantiarum separationibus: quarum com-
mixtione sales antea in suo statu & officio tē-
perati continebantur: qui soli ex separatione
relicti, sese ipsos exacuunt & efferunt. Magna
est ejusmodi vitriolatorū saliū copia in multis
vegetabilibus, quibus nutritur, & ex quibus
elaboratur sanguis: sed præsertim in vino: cu-
jus mater, scilicet, vitis plus, quàm vegetabile
ullū aliud, metallicos terræ spiritus haurit &
depascit. Hinc fertur bacchus amare colles &
petrosa loca, iisq; delectari: quod multis aliis
vegetabilibus nō contingit: quinimò ex vino
ipso si phlegma detrahas, & in igne etiam vio-
lentissimo coquas & recoquas, nunquā tamē
ipsum ad eam saluginosam naturam addu-
cas, nisi quid salis fortē in se retinuerit, quod,
liquido humore evaporato, reliquum cor-
pus acritus reddat & mordacius sit. Phlegma-
ta aut humores nostri nihil per se continent
adustione saluginosi. Nemo enim tenetur
dare, quod non habet: nec qualitas substan-
tiam generat, ut alibi diximus. Ceterū tarta-
reas feces, omni humore spoliatas, acetarius
lucris cupidus, vi ignis calcinat, cineresq; suos
(qui cendres gravelles Gallis dicuntur) præ-
parat, idque in remoto secessu, ne videlicet
vicina

vicina loca aut urbes fœtore tetro inficiat, fœcibus ejusmodi usq; adeò impuro & putido sulphure scatentibus. Ex his cineribus fit sal tartari, fit ex sale oleum, fiuntq; lixinia, saponēs varii, variis rebus extergendis apti utilesq; Eadem operatio etiam fit in sanguine, in cujus ultimis & aridioribus hypostasibus exhalant, vel mediocri etiam igne, usq; adeò fœtentia & exitialia sulphura, ut vel integræ regioni inficiendæ satis sint, si tanta earū copia suppeteret, quanta vini fœcum habetur. Ut autem in fœcibus vini ejusmodi sulphura & salia reperiuntur: sic in pomatio, pyratio, cerevisia, & id genus aliis potulentis & esculentis similia insunt: quibus cū vescamur, & ex iis sanguis noster elaboretur: similibus quoq; is potitur & inficitur: siquidem nullæ non fœces & tartarea excrementa crassiora iisdem substantiis mercurialibus sulphureis & salinis scatent: quæ non, nisi vino defœcato separatæ, cerni possunt: Atq; hujusmodi substantiæ humoribus pituitosis, biliosis & melancholicis, iisq; præternaturalibus comparantur, quæ seorsum à sanguinis massa subsidunt. Harum pituita, nunc dulcis vel salia, liquori dulci aut salso comparatur: Bilis nitrosulphurea sulphuri nitroso respōdet. Melancholia acetosarum & poticarum qualitatū prædita salis vitriolati & aluminosi naturam

turam refert. Quæ quidē sunt instar ignium
 terrestriū, sulphureis, aëreis & æthereis igni-
 bus ita oppositorum, ut aqua vitæ nulla arte
 extrahi possit. At si quid primò ex eo prolici-
 tur, illud propè insipidum phlegma est, à quo
 corrigitur, & velut coërcetur. Cujus con-
 sortio si fuerit privatum, eam acrimoniæ
 violentiam adipiscitur, ut saxa, nec non ipsa
 metalla vel densissima & solidissima perfrin-
 gere ac erodere valeat. A simili ratiocinan-
 dum est, humore videlicet melancholicum, à
 proprio phlegmate spoliatum, eam acerbita-
 tis & acrimoniæ vim contrahere, ut desinat
 censeriamplius naturalis, at præter, imò con-
 tra naturam haberi: ut quæ omnium acerbis-
 sima, gravissima & exitialissima in corpore
 humano symptomata inducat. Siquidem a-
 quæ fortis, ex vitriolo, alumine & nitro con-
 flatæ, naturam redolet: cujus etiam effectus
 imitatur. Siquidem ea modò orexes, modò
 caninam famem aut rabiem excitat, cum ea
 in ventriculo congesta furit & insultat: mo-
 dò melancholiam illam, quam ex hypochon-
 driorum ardore, sublimato illo humore, hy-
 pochondriacam vocant: unde ex menyngum
 & pericranii, ab illo humore, invasione, mens
 perturbatur & delirat: modò per anartho-
 pen sursum sublatus humor: modò per ca-
 tarrhopen deorsum, varia, eaq; prodigiosa &

*Liquore se-
 parato tar-
 tari seu salis
 malignitas
 patet.*

stupenda testimonia de se exhibet. Qui quidē effectus siccitati, humiditati, frigiditati aut caliditati humorum non sunt arrogandi: sed causis illis omnibus, ad quas supra ejusmodi affectus revocavimus, ut ab exemplis propositis cognosci potest. Ita ut hinc inferā (quod pace magni illius Galeni celeberrimiq; ejus sectatorum dictum sit) iniquē humorē hunc melancholicum cum fœce vini & amurca olei conferri, cujus receptaculum splen constituitur. Siquidem hujusmodi humor nunquam in liene seorsim deprehensus est: quum nullum in liene à natura proprium destinatum sit istius humoris phylacæum, quale bili in fellea cystide ad jecur designatum est: ut ejus opera in jejunum intestinum exundantis, tanquam ab aloë provocata expultrix facultas, aut à rhabarbaro cholagogo, corpus humanum vitiosis humoribus & crassioribus excrementis quotidie repurget. At non sic spleni consultum est: in quo quidem, etsi aëtet sanguinis naturæ liquidæ, non autem terrestris (quod de melancholia naturali dictum velim) ingeneretur: nuspiam tamen crassum & fœculentum quid aliquam illius partem propriam occupat: quin per totum ejus spongiosum corpus diffunditur, ut sic corpus ejus, hoc humore acido & acri perfusum, tanquam fermento, in raram & spon-

*Gal. 3. de l.
aff. c. 7. & de
nat. fac. c. 9.
2. de rem. ca.
3. 14. meth.
m. cap. 9.*

*Lien non est
fœcis me-
lanch. emun-
diorum.*

giōsam naturam attollatur: ut in pane videremus fieri, qui fermento maceratus attenuatur, ac levior ac spongiosior redditur, quum secus futurus esset gravis, densus & ponderosus, si eo destitueretur. Ut autem acetum vini non, nisi post deperditum, aut separatum spiritum (quæ volatiliior est & sulphurea atque mercurialis vini essentia) fieri potest: quod idcirco acescit, eò quòd salem solùm armoniacum, volatilē & acrem, nec non vitriolatum retinuerit: quem sibi semper habet latenter conjunctum; à quo qualitatem & vim obtinet longè aliā, quàm frigidā & siccam, sed modò dirimentē & solventē potius ea, quæ duriora, & fixioris ac solidioris sunt substantiæ: modò coagulantem, quæ mollioris & magis spiritualis sunt corporis, ut alibi apertè demonstravimus. Sic etiam humorem melancholicū in corpore nostro dissipata prius dulciori & suaviori essentia, acescere certum est: & easdem facultates, quas acetū, non frigidas & siccas, sed longè potētiores à sale suo obtinere, & in actum tandem producere. Omnis autē melancholicus humor, quatenus humor est, crassum quid aut terrestre dici nō potest. Fluidæ enim & liquidæ naturæ esse necesse est: nec à terrea natura, calcinatione & adustione, acrimoniam, quam in ea describimus, nigredinem, acredinem, ferment-

Design. rerum intern.

Natura humor. melanch.

Vfus ejus.

tationem assequitur : sed à mixtione salis cujusdam armoniaci, volatilis, subtilis atque acris acidivè ac vitriolati, quem in se solutum continet, quiq; esurinus & provocando appetitui condimenti loco est : & ignis naturæ admirandæ proprietatis concoquentis, digerentis, devorantis, absumentis, aliasq; id genus functiones obeuntis intra momentum temporis, quas nullus alius ignis, sola caloris qualitate & vi, vel intra longū temporis spatium præstandi vim habeat.

Tantum itaq; abest, ut hujusmodi melancholia, scæx & amurca dici debeat, omniumq; humorum crassissima ac maximè terrestris, qualis nobis depingitur (citra tamen experimentum, quo talem in liene deprehendi cōstet (ut contrà bilis in cystide fellea, ad cavum jecoris, receptaculū suum & sedem habens, longè crassior humor censeretur, utpote sulphuris nitrosi habitum retinens, tartarei, oleaginosi, viscosi & densissimi, ut quæ non tantum externo ignis calore promptè condensatur : sed immodica etiam caloris hepatis intemperie, coagulatur & induratur tota fermè in tartaream consistentiam, silices & nigros lapillos referentem. Quod ex melancholia, in liene comprehensa, fieri, nullo experimento comprobatur : qui tamen lien, si interdum obstructionibus scateat, unde scir-
rhi

rhi nascantur: nequaquam humori melan-
 cholico simpliciter hujus rei causa tribuen-
 da est, sed variis aliis impuritatū & tartareo-
 rum aliorū humorum mixtionibus: ex qui-
 bus in hepate etiam, aliisq; visceribus, hujus-
 modi scirrhi generantur. Sed jam plus æquo
 in altum mare vela expandimus; illa contra-
 hendi nunc tempus est, & receptui canendū.
 Veruntamen ita necesse fuit, hæc à nobis pri-
 us diligenter excuti, & fusiore oratione ex-
 plicari, quodd melius intelligatur, quid inter
 Hermeticos & dogmaticos sit discriminis, in
 natura partium examinanda, & causis epilep-
 siæ, vertiginis, apoplexiæ, & paralytis tra-
 dendis. Atq; etiam, si fieri posset, utramq; se-
 ctam ut conciliaremus: aut si consensum ubi-
 que integrum non licet elicere, saltem bona
 fide, quæ in hoc argumentum ab utraq; parte
 rationes afferuntur, referremus. Atq; sic do-
 ctioribus, nulla inclinatione obliqua, sed re-
 cto judicio ductis, ansam præberemus, utra
 sanior fuerit opinio, rectam sententiam pro-
 nuntiandi: quod omnia in utilitatem Reipub.
 medicæ cedant & convertantur.

Abundè jam, quum dogmaticorum litem
 agitaremus, & eorum partes tueremur, edis-
 seruimus, & docuimus ex vulgatiore eorum
 opinione, quæ verè epilepsiæ sedes in cerebro
 posita sit, & quas causas morbi habeat, humo-

rem videlicet pituitosum, crassum & obstruentem: qualem & apoplexia habere causam dicitur; à qua (ex Galeni sententia, quam ex multis ejus scriptis probavimus,) epilepsia nec sede nec causa differt, nisi ratione magis & minus: utpote in apoplexia, materia in universum cerebri corpus obstruente: in epilepsia verò, particulares quosdam illius ventriculos tantum occupante. Sed quæ nam sit hac de re Hermeticorum sententia, nunc nobis paucis explicandum est.

CAPUT VIII.

De ratione investigandi fomites seminaria morborum Astralium, atq; adeo epilepsie disceptatio Hermetica.

ATQUE ut ordiamur à parte affecta in epilepsia: quam Dogmatici, ut supra, cerebrum esse pronunciant. Hermetici contra longè aliter, & de loci natura & proprietatibus ac peripateticorum plerique sentiunt: qui mathematicas disciplinas rebus naturalibus adaptare conantur. Apud Hermeticos enim, Elementa, matrices, agri, ventriculi, minerae, loca sunt rerum non otiosa: sed suis proprietatibus dotata, quæ vitam alimentumq; suppeditant, suis locatis & contentis, id est, seminibus,

nibus, ex quibus tandem fructus producant, quos in penetralibus reconditos asservant. Quot igitur in corpore humano ventriculi, quot foci, minerae, matrices elementarum, seminum vitalium proprietatibus praedita: tot morborum quoque sunt loca. Et quaecunque semina sanitatis vim continent, eadem & morborum radices sibi insitas quoque habent. Sanitatis enim & morbi idem esse subjectum, certissimum est, ita ut alterum ab altero, ex uno & eodem loco, juxta contrariorum legem ac disciplinam pellatur & extrudatur. Et haec est loci apud eos receptio, medicae arti, ipsique curationi, accommodatissima. Differunt autem inter se loca, subtilitate, spiritualitate, crassitie, coagulatione, vita & potestate.

Ceterum, pro rerum differentia & conjunctione, diversitas erit in loco. Longe enim aliter in terra esse dicitur truncus cariosus & rancidus, lapis demortuus, vitalique spiritu destitutus: & longe aliter arbor, radicibus & fibris suis terrae infixae, & hauriens ab ea, tanquam matrice, suum alimentum. Longe ab his etiam dicetur esse mineralis quidam spiritus, in abyssis terrae delitescens ad tempus digestum, unde anniversariae repullulationes novarum generationum, & origines transplantationum dependent. Sic & in corpore humano

Diff. locorum.

differentias locorū demonstrant lapis in vesica vel renibus coagulatus : podagricorum topi in articulis : sed primariò in mucilagibus, in quibus vigent spiritus & tincturæ salium.

Loca & matricies morborum investigandi ratio.

Cæterum loca morborum, alia facilius per corporeos analogismos, sensuum beneficio, perquiruntur & cognoscuntur : alia difficilius : facile quidem ab actione læsa, ab excrementis, à doloris specie & situ, à tumore, aliisq; symptomatibus & signis, à morborum proprietatibus proficiscentibus. Hac ratione cognoscimus, spiritus arsenicales, corrosivos sese in membranas, arterias, venas, musculos pectoris insinuasle, ibiq; pleuritidi pestilenti materiam suppeditasle : quum id nobis facile appareat ex tussi, dolore pungente, viribus statim prostratis, sputo cruento purulentoq;. Quemadmodum & in intestinis adesse ejusmodi arsenicales sales ostenditur, ex pestilenti dysenteria, quam suscitant : ex perpetuo tenesmo & egerendi cupiditate, illo sale arsenicali ea loca erodente, vires confestim dejiciente, excrementa nigra, foetida ac purulenta reddente, nec non dolores gravissimos, pungentes & lancinantes inferente.

In aliis quibusdam morbis, citra signa, eorum loca facileprehenduntur, quæ etiam ab ipso ægro demonstrari possunt. Cujusmodi est

di est podagra, strumæ, cancer, omnesq; alii sub aspectum cadentes affectus. Quamvis autem cancro læ radices fructus suos quandoq; ad faciem, interdum ad pectus, & ad mamillas protrudant: quod sanguine tenuissimo & salibus volatilibus refertæ illæ partes, ut plurimum nutriantur. Aut quamvis strumosa resolutiones ad collum evehantur, & ibi efflorescant, quod isthæc glandulas, venas, domesticis mercurialibus liquoribus, aluminosis & aronicis scatentes, suæ progenerituræ opportunas, nanciſcantur. Deniq; quamvis podagricæ tincturæ, ad articulos, mucilaginosos fructus suos propellant: nihilominus istorum morborum, licet etiam manifestorum, minera & radices sensum effugiunt, & occultæ manent. Et quamvis illorum maturi fructus percipiantur: exordia tamen itinerum & progressiones nequaquã perspectæ sunt: sed penitus latent: ita ut & fontes ac origines ejusmodi fructuû aliunde petendæ sint, quàm ubi suos fructus, & eorû tincturas ac impressiones propagant.

Morborum autem astralium sive spiritualium loca difficillimè elucescunt: ac longè alia ratione disquirenda sunt. Ejusmodi enim morbi, unà cum vitalibus tincturis, toti in dissolutionem diffluunt: non secus ac in meteoris, & superioris globi generationibus vi-

Loca astralium morborum difficillimè investigantur.

dere est. Hujusmodi quoque in superiore microcosmi globo meteora generati certum est, apoplexiam videlicet & epilepsiam veram: de quibus nunc nobis disputandi locus occurrit. Illorum enim morborum loca sunt occulta, quorum semina sunt astralia & spiritualia, quę fulminis instar, uno momento, vitalia universi corporis elementa procellunt & syderant. At, epilepsiam & apoplexiam similia esse in microcosmo, constat, esse meteora. Ergo inferendum est, illarum loca esse spiritualia, nulloque modo conspicua. Siquidem astrales tincturę, & spiritualia semina, nullis certis locis inhaerent visibilia, ut corpora. Ejusmodi enim semina, sive in cerebro, sive in ventriculo, sive toto pancreate, utero, menstruo, sanguinis massa, aut alia corporis parte, locata sint, per analogismos dignosci haud possunt. Lararum quoque partium consideratio parum hic facit. Ergo, corporarum sedium loco, elementa perquirenda sunt, in quibus spirituales tincturas, spirituali quādam potentiā & ratione insitas deprehendere liceat, non sicut lapis in renibus hæret, aut vesica, aut fuliginosę impuritates in visceribus: sed quemadmodum minerales spiritus in elementis potentiā delitescunt, qui oportuno tempore effectus suos producant.

Hinc colligere est, quàm hallucinetur Galenus, cum, ob functionis animalis depravationem, epilepsiæ sedem (de qua privatim hoc loco agimus) statuit in cerebro: imò etiã in posteriore illius ventriculo. Etenim cur morbi seminarium in ea parte potius, quàm in corde collocat, quum cordis functiones nõ minùs, imò magis quàm cerebri, vitientur? Quod magnæ illius visceris palpitaciones, pulsuum perversiones, suffocantes syncopæ, & animi deliquia satis superq; testantur. Nec nõ ingens illa lucta, quâ cor vitæ nostræ fons, quum se angustiis & vitæ periculo urgeri videt, assumptis & accersitis undequaq; spirituum viribus, protegere se & tueri, nec non infestissimum hostem repellere & expugnare conatur. Unde concussiones & cõvulsiones capitis, colli, diaphragmatis, brachiorum, manuum & pedum, ex ea lucta potius, quàm ex ficta illa obstructione cerebri, & menyngum ejus vellitione, oriuntur & subsequuntur. Nec abs re id, quum multas epilepsias ejusmodi concussionibus stipatas videre liceat: in quibus tamen, citra ullã oblæsionẽ, phantasia aut imaginatio, nec non memoria integræ maneat. Quin & visus & auditus incolumes persistat, ut in hac nobili muliere, pro qua prius cõsiliu instituímus, sæpissimè notatũ & observatum est, ut ad nos perscriptum. Hac utiq; animad-

*Error Gal.
de subjecto
epilepsia.*

*Fomes epil.
non semper
est in cere-
bro.*

versione Hermetici demonstrare possunt, in quibusdam epilepsiis cor primariò & per se affici: cerebrum verò per cōsensum. In omni enim corporis affectu pars illa non est primò affecta, cujus actiones manent integræ, genito jam affectu. Atqui in quibusdam epilepsiis interdum imaginatio & memoria, aliàs visus (actiones cerebri) manent integræ genito affectu. In illis igitur cerebrum non est primariò affectum. Atq; hinc sequitur, alibi interdum, quàm in cerebro, quærendam esse epilepsiæ primariam sedem, nec semper in cerebro esse collocandam. Cum enim uno impetu irruens morbus hominem illicò prosterнат, ex corde hos insultus contingere, nō minùs quàm ex cerebro, credibile est: siquidem in corde fons vitæ recumbit, quam his conatibus impetì certum est.

Atq; hæc de epilepsia, aliisq; morbis astralibus, de affecta parte, sede, minera & foco Hermeticorum sententia & opinio est.

CAPUT IX.

Omniū actionum causas in tribus hypostaticis principiis consistere, è quorum resolutione, separatis impuritatū ipsis annexarum tincluris atq; exaltatis radices morborum dependeant.

AT recordor, in disceptatione litis Hermeticorum, nos à sententia quadam venerandi senis Hippoc. exorsos esse: quando diximus, nos constare continentibus, contentis & impetum facientibus. Qua contextus serie probare ac demonstrare certissimè voluimus, ab Hermeticis actionum omnium *Vnde omnes actiones procedant.* sive bonarum, sive pravarum & vitiaiarum corporis nostri causas attribui naturis potiùs quibusdam & substantiis efficacibus, astralibus, spiritualibus, omni saporum, odorum, colorum, aliarumq; virtutum genere præditis: quas non imaginatione, sed re ipsa investigare licet, in tribus illis hypostaticis rerum omnium naturalium, vegetabiliū scilicet, mineralium & animalium principiis, scilicet nempe, sulphure & liquore mercuriali: quàm nudis illis caliditatis, frigiditatis, humiditatis & siccitatis qualitatibus, aut intemperiei simplicis, vel cum materia conjunctæ, ut bona dogmaticorum pars sentit & docet. De qua opinione cùm aliquid jam alibi attrigerimus: dignum est tamen argumentum, quod obiter repetatur.

Dogmatici enim docent, ex frigidorum & calidorum humorum occurso, alimentisque frigidis aut calidis, intemperiem frigidam aut calidam in nobis generari. At Hermetici, mutata rerum vice, non qualitates, sed substan-

stantias & materias quasdam benè temperatas aut intemperatas, qualitatibus illis saporum, odorum, &c. efficacibus dotatas: quas radices vel seminales tincturas appellant: quæque in spiritualibus solūmodò corporibus, omni propè magnitudine, corporeisq; impuritatibus destitutis, interdū latent: interdum verò copiosos impuritatum fructus, sive contemperant & sine intermissione, sive per circuitus producant. Ex occurso ergo illarum substantiarum vel acidarum, vel acrium, vel ciborum, qui istius naturæ sunt participes, generatur aciditas vel acrimonia, ex qua actiones lædantur, juxta Hermeticorum doctrinam. Sed hoc adjungunt, nisi in frigidorum aut calidorum usū adfuerit cherionium, ut appellant, vel *δυνάμεις* quædam, seminali & spirituali tinctura prædita, morbum in corpore non permanere, nec relinqui posse. Quam *δυνάμιν* in acribus, salsis, acidis, piperatis perpetuò adesse & reperiri testantur.

Velle igitur in *βελιρία* aut appetentia ciborum inexplibili: quam Hippoc. *λίμὸν* dixit simpliciter, quæ canina appetentia rectius quàm fames dici debet, intemperiem frigidam cogentem & exprimentem, vel caliditatem solventem accusare, ut Gal. Paul. Aët. & Avicennas faciunt nonnullis in locis, futile est & inanis ratiocinationis. Idcirco etiam

Gal. 2. aph.

coth. 2.

Paul. lib. 2.

6. 51.

Aët. ser. 9. c. 1.

Avic. 13.

tract. 6. 12.

idem

iisdem ipsi authores, iisdem in locis, coguntur attentiore studio causam ad humorum acidorum vitia, sive si phlegmatici sint, sive melancholici, referte. Quam Hermetici verius, aptius ac perspectius aciditati cuidam famelicæ tribuunt, seu spiritibus vitriolatis insaturabilibus, à quibus in acerbationem & rabiem suam exaltatis, repente & uno momento, quicquid est non molliorum tantum, sed durissimorum etiam ciborum, nec non ossium, lapidum ac metallorum vel solidissimorum, devoratur & conteritur. His spiritibus ventriculus struthionis, ferrum concoquens, abundare creditur. Quarum virium ratio non aciditati simpliciter tribuenda; quatenus frigida aut alia est: at quatenus spiritibus ejusmodi famelicis grvida & prægnans, utpote salibus armoniacis & vitriolatis, naturâ voracibus, stipatur, & iis acuitur. Citra hos enim nullâ aciditas, frigiditas aut caliditas, huic operationi par esse possit: siquidem in solis illis spiritibus aciditatem comitantibus, & in ea contentis, tota vis ejusmodi reposita est. Atque ut facilius vel hebetiores, ac rudiores, in effectis dissolutionum corporum naturalium admirandis parum exercitati ista capiant: exemplum de aqua forti subjiciemus: quæ cum in sese spiritus ejusmodi, nitrosos, acidos

Causa Bulimie.

Causa facult. resolvent. in aqua forti.

& vi-

& vitriolatos contineat: quamdiu eos retinet, argētum, aut quodlibet aliud metallum, facile dissipat ac solvit. At in ejusmodi ebullitione, quā metallum solvitur, cum multi spiritus, instar ignis rubentes, exhalare & evanescere cōspiciantur, qui antea quieti in ipsa aqua forti delitescerant: & quorum virtute corpora metallica dissolvuntur ac diffuunt. Si post ejusmodi ebullitionem, & metalli solutionem, eadem aqua forti, post deperditos ejus spiritus, uri voles, & aliud metallum eā solvere, frustra id facias, quū, licet acrimoniam, saporemq; pristinum retineat, spiritibus tamen illis voracibus & corrodentibus spoliata, nihil amplius idcirco solvere aut separare queat. Hocusus sum exemplo, quod omnibus fermè res hæc sit notissima, præsertim aurifabris: & unde disci potest, cui rei tantæ corrosionis & voracitatis causa tribuenda sit. Satis perspici potest, quanto labore & industria, in destillationibus, ad retinendos spiritus, salium præcipuè, in quibus præcipua vis & actio consistit, opus sit. At fortasse quis objiciet, ejusmodi vitriolatos & nitrosos sales in corporibus nostris deesse, ex quibus aquæ fortes & regiæ extillantur. At verissime asserere possim, ex lotio nostro, nitrosis, armoniacis & vitriolatis salibus referto, dissolventia usq; adeò valida & potentia extrahi, ut

Objection.

nisi

hisi summa cautio adhibeatur in regendo & exhibendo igne, & recipiente commodo aptando, ac in aquam frigidam demergendo: à spiritibus, in nubes formam exhalantibus, vas recipiens, usq; adeò incalescat & urgeatur, ut sæpissimè cum ingenti strepitu, & propemodum sclopetario æquali, in mille partes dissiliat. Qui tamen spiritus, si retenti, commodè-que extracti, ac in aquam resoluti fuerint: nõ minore virtute & diligentia, ac aquæ fortes & regales dictæ, argentum & aurum dissolvant.

Atqui hi sunt spiritus, quibus solis Hermetici omnem vim ejusmodi operationum concesserunt, & ex quorum materia quamplurimos in nobis morbos procreari asserunt. At dogmatici occlamabunt, nullum sic ab Hermeticis discrimen statui inter morbum & morbi causam, quasi unum & idem sint: quod absurdissimum dictum est. Præterea addent, se quoq; ex magno illo Hippocrate didicisse, hominem constare partibus continetibus, contentis & impetum facientibus, & vitia rerum contentarum (quos humores esse dicunt) morborum esse causas: continentium verò partiũ defectus, morbos esse ipsos: & symptomatum fructus in spirituũ impetu & agitatione apparere. Sed dum ita loquuntur, non advertunt, quid sibi ab Hermeticis responderi possit, ex ipsius Hippocratis libro

Alia obiectio dogmat.

de flatibus, ubi morbos omnes scribit Hippocrates ἀπὸ πνευμάτων, à flatibus aut spiritibus proximè proficisci. Ubi in exemplum adfert non epilepsiā tantum: sed & hydropisim & febres. Nec non plurimis rationibus & observationibus ibidē probat & sustinet, omnes omnium actionū debilitationes, depravationes & abolitiones, ex potentiis & impressionibus vitalibus spirituum promanare. Quod cum ita sit, quomodo morbos continentibus partibus, aut corporibus crassis & immotis Dogmatici potius quàm mobilibus spiritibus adscribant? quum ab ipsis, ut suprà dictū est, primò & præcipuè actiones vitientur? iisq; solis morbi appellatio propriè cōgruat? Nam illud, à quo proximè lēduntur actiones, morbus appellari debet. Atqui à spiritibus pravis proximè lēduntur actiones. Ergo spiritus pravi morbi appellari debent. Porro in spiritibus duo considerāda: ipse spiritus simpliciter dictus, qui est causa sanitatis vel morbi: vel spiritus bona vel mala cōstitutio, quæ dicitur sanitas vel morbus. Unde ipse spiritus materialiter sive impropriè, pravitas autē & mala cōstitutio ipsius propriè & formaliter morbus appellari debet: ut verbi gratia, quādo dicimus, febrē esse calorē in corde accēsum, ipse calor nō est propriè seu formaliter febris, sed intēperies & excessus caloris est ipsa febris: unde

Duplex spiritus consideratio.

febris

febris dupliciter definiri potest, materialiter & formaliter, ut scholę loquuntur: materialiter, ut, febris est calor in corde accensus: formaliter, ut, febris est intēperies cordis calida, vel est ametria ex accēsis spiritibus sulphureis in corde, ut placet Hermericis. Sed objiciet *Objectio.* quis, morbum in spiritibus residere nō posse, cum morbus tātū partib⁹ corporis inhereret, ex dogmat. decreto. Huic occurreretur, cum corpus nostrū & cōtēntis & continentibus, & unumquodq; membrū duabus partibus, crassiore scilicet & subtiliore constare dicimus: crassiore, ut sunt ossa, venę, carnes, parenchymata: & subtiliore, nē pēvaporoso spiritu: idē dū morbus spiritib⁹ inesse dicitur, etiā membris, & partibus animalis incidere affirmatur.

Sed frustra nominibus & appellationibus, spreta rerū disquisitione & differentiarū cognitione, inheremus. Neutrius autē sectę, hac in re, partes tueri velim: sed dicam tantū (ut, quod sit inter illas discrimen, ostendam, & simul rationem asseram, quā cōciliari possint, quod meum est institutum) à dogmaticis jure, nec citra firmas ac validas rationes, morborum causas ab ipsis morbis, & eorum symptomatibus distinguere debere, ut quę nec unum & idē sint, quemadmodum causa & effectus idē esse non possunt: sed essentialiter, seu essentiali definitione differāt. Contrā

Diff. causa,
morbi &
symptom.

verò ab Hermeticis scribi, hæc tria nō differre genere, aut essentiali definitione: sed accidente duntaxat: quòd unum sit actu, alterum potestate morbus: quemadmodum sulphur accensum non differt ab eo, quòd non est accensum: maturus fructus à non maturo, ipso genere & essentiali definitione. Sed quòd unum sit actu ipso inflammatum & maturum: alterum nequaquam, at quòd tamen inflammarì & maturari potest. Quòd si Aristoteles primo metaph. refellit Megarenses, qui negabant, quicquam esse *ἰδιώματα*: sed illud tantum esse aliquid affirmabant, quòd esset actu: Ita meo iudicio Hermetici possunt non nullos dogmaticos, in eo, iure refellere, quòd nolint causam morbi appellare morbum: quia causa morbi actu nō sit morbus. At quid sum loquutus? En ferè tota dogmaticorum schola obmurmurans, in me parata est insurgere, quòd apertè nimis Hermeticorum partibus suffragari videar. Sed lentè quæso festinatè, amici, nec iras præproperè in me acuite. Recolligite me Oratoris vel Advocati officio hoc loco defungi: meiq; esse muneris, quòd iustum & æquū est demonstrare, causamq; Hermeticam hîc iure defendere: sicut ad vestram tuendam & sustinendam, nihil à me omissum, quòd afferri debuerit, compertum habetis. Quòd enim hâc ratione viam vobis aperuerim,

rim, vobis, inquam, qui istius litis futuri estis
 iudices: quod æquiores & rectiores senten-
 tiam pronuncietis: laudem potius à vobis, &
 gloriam, quàm reprehensionem & vituperiū
 promereri, omnes æqui affirmabunt iudices.
 Sed ut eò, unde digressa est, redeat nostra ora-
 tio, agnoscamus, insita esse in nobis ea semina
 & radices, ac rerum principia, quæ digestis
 temporibus in exaltationem suam adducta,
 fructus sui generis, hoc est, morbos & sym-
 ptomata actu producant. Atq; hac lege, di-
 cent Hermetici, latere in corpore radices, se-
 mina, impuritates nitrosulphureas, febriles,
 vel mercuriales, vitriolatas, epilepticas: quæ
 maturo & opportuno tempore, accensæ, se-
 paratæ & exaltatæ, fructus febriles & epile-
 pticos possunt producere, tum in cordet, um
 in cetebro: utpote rigores, frigiditates, calo-
 res præter naturam: repentinum casum, mo-
 tus convulsivos, oris & faciei distractionem,
 & id genus reliqua tum febrilia, tum epilep-
 tica symptomata. Has radices Hermetici cum
 dogmaticis appellare possunt causas antece-
 dentes morborum, febrium videlicet, & epi-
 lepsiarum: quæ ubi accendantur, exaltabun-
 tur, & fructus suos producent, erunt etiam
 morbi, morborumq; symptomata. At si pro-
 grediamur ulterius, & causis istis anteceden-
 tibus morbi appellationem tribuamus: nihil

*Cause mor-
 borum an-
 tecedentes.*

absurdi inde consequetur : siquidem malorum radices & seminaria, in corpore latentia, ea ipsa sunt, quæ, dum quiescunt, modò breviores intermissiones febribus : modò epilepsiis longiores concedunt. At dum exaltantur, in actum proferunt suos paroxysmos : ita ut unum & idem sit causa morbi & morbus. Saltem fatendum est, in illis radicibus malum aut affectum potentiâ inesse : sicut in canis femine, canis potentia inest, in semine erucæ, eruca. Quin & in febrium intermissionibus, & epilepsiarum silentiis, securè dicimus, hunc vel illum hac vel illa febre laborare, aut epilepsia conflictari : licet paroxysmi fideant. Sed quis hæc inficiabitur, quum vel ipse Galenus dubitarit, quando esset dysenteriae nomen imposturus : an ipso principio exulcerationis intestinorum, quo tempore nondum prorsus læsæ sunt actiones : an quando prorsus depravatæ sunt ? Sed diutius, quàm par est, cortici hæremus ; nucleum ipsum excutiamus. At in horum quatuor morborum causis, quos tractamus, quid sentiant Hermetici, & quid aut quantum à dogmaticis discrepent, videamus.

CAPUT X.

Omnia spirituum divina actionum, potestate pollentium ministerio à Natura tam superiore, quàm inferiore administrari, illasq; actiones injustè crasi qualitatum elementarium assignari.

UT igitur ab epilepsia ordiamur, coacti jam fuimus, cum dogmaticorum litem agitaremus, ostendere, ipsis inter se, in præcipuis istorum morborum causis, non convenire, quum eorum alii, etiam medicorum Coryphæi, substantiis frigidis, crassis, pituitosis & terrestribus causam ascribant: alii fumosis & spirituosis. Jam quoq; perspectum etiam reddidimus, eorum crassissimam esse opinionem, qui crassæ & terrene materiae adjudicant, ut repetitione & probatione amplius non sit opus.

Qui inter dogmaticos halituosas & spirituosas horum morborum causas cōstituunt: vapores nempè & fumos aliquos, eosque acres & malignos: aliquid quidem ad rem dicere videntur: at non quod satis est, quum acrimoniæ & malignitatis ejusmodi halituum originem & radicem silentio prætereant: & à quibus spiritibus, citra quos nullius sine

potestatis, acuantur & animentur, indictum prorsus relinquunt. Ex quorum silentio hanc longam narrationis seriem contexuimus: ut ostenderemus, omnem prorsus vim & actionē a solis ejusmodi spiritibus proficisci, præsertim ad dissolutiones & coagulationes inducendas: illosq; hallucinari, qui externis illis frigidis aut calidis qualitatibus, ad ejusmodi effectus producendos, immorantur. Quin etiam, si locus & tempus hoc concederent, ut cœlestem cum terrestri medicinam jungeremus, (quod in alium locum rejicimus) palam faceremus, istiusmodi calores & frigora tum demum vim ad agendū obtinere, cum hujusmodi spiritibus stipantur. Quod satis testantur frigidi illi Saturni spiritus, qui sinistris aspectibus usque ad eō vel ardentissimos solis radios, totumq; aërem refrigerant, ut ipsum interdum, vel media etiam æstate, congelant. Idem testimoniū nobis exhibent frigidi spirituum Atlantidarum, aut Plēiadum aspectus, ex fructuū terræ depēditione, quos frigore suo congelant: cū mense Aprili, & circa Maji principium, Sole in signo Tauri, & prope aspectum Plēiadum existente, usq; ad eō solarem radiorum calorem sua frigiditate infringunt & coërcent, ut loco temperatissimi caloris omnia frigore horreant & gelu.

Videmus è contrario, quando sol est in si-

*Impressio-
num cœle-
stium causa*

di, sentiendi, &c. In ventriculo, corde, cerebro & cæteris partibus, quos spiritus substantias vocant, ut hac in parte utriusq; sectæ sententia parum discrepet. Etenim scientia illa est ipsamet *divinais ἐπιστήμη*, quam Aristoteles & alii Philosophi constituunt in omnibus rebus, & ex qua omnes actiones proficiscuntur. Nam quemadmodum anima est, quæ cernit, cui tamen non perspiciuntur colores, nisi per quædam instrumenta, quibus utitur, nempe per pupillam oculi: quæ si vitiata fuerit, aut totum oculi instrumentum, denegatur homini videndi actus, etsi in anima persisteret videndi facultas integra. Sic planè natura nihil producit, nisi per spiritus, qui insunt ac delitescunt in rationibus rerum seminalibus. Ejusmodi spiritus sunt veluti instrumenta, sine quibus semina ad propagandum inutilia sunt. Ex quo vis enim semine, si spiritus exhaverit, semen infœcundum est proflus. Ergo cum Hermetici dicunt, illos spiritus scientia mechanica esse instructos fabricandi sibi corpora: illisq; omnes actiones tribuunt, nec tamen naturam excludunt: quæ virtus est divina, rebus naturalibus insita: at per metonymiam instrumento tribuunt, quod artifici, nempe naturæ adscribendum esset propriè.

Notandum interim est, hanc spiritus vocem variè usurpari, & in diversas significatio-

nestorqueri, quod cognitu summè necessarium est, ut omnis vitetur homonymia & amphibolia. Quidam enim habentur spiritus, qui medii sunt inter corporeā naturam & incorpoream: ut qui & spiritus sint corporei, & corpora spiritualia dicantur. Ejusmodi spiritualia corpora aut corporei spiritus prima vocantur materia, quod radicibus vel seminariis rerū principiis proximi adhæreant: à quibus dona, proprietates & officia corporibus finitima emanant: ita ut ii sint, qui propriè innata quadam mechanica arte, seu artificiosa scientia instructi & dotati sunt: quiq; saporū, colorum, odorum, reliquarumq; qualitatum virtualium, ut & figurarū, magnitudinum, dimensionum & proportionū notitiam possident. Ii in omnibus seminibus cōspicuis, tanquā matricibus, inclusi delitescunt: ut sic videre liceat, dum functiones obeunt, ex tantula glande proceram quercū enasci: & ex grano, aut semine nigri vel albi coloris extrinsecus apparentis, varios ac diversos colores, juxta proprietatem, quam intrinsecus habet insitā, nec non varios odores atq; saporē emergere. Quod omnibus seminibus, cujuscunq; speciei sint, innatū est & propriū: ita ut nihil ejusmodi ab illis produci queat, si spiritibus suis destituta fuerint. Et quāvis quantitate & mole corporis extrinsecus nihil imminuta

Fons & origo omnium qualitatum.

depre-

deprehendantur : omni tamen propagationi & generationi , ex privatione suorum spirituum , prorsus inutilia sunt ; utpote qui spiritus soli authores sint ejusmodi impressionū , signaturarū vitalium , omniumq; actionum & facultatum , quas neq; ad crasim & temperaturam , neq; ad nudas illas elementales caliditatis , frigiditatis , humiditatis & siccitatis qualitates referre jure liceat : ut quæ sint agētia ὁμοειδῆ , eam simul qualitatem extrinsecam , quam habent , in patiens corpus imprimen-tes. Sic enim ignis calidam rem efficit , glacies & nix frigidam . At spirituales illæ rerum substantiæ καὶ ἐντελέχειαν agere dicuntur , id est , intrinseca sua vi & facultate , quæ ἐντελέχεια seu perfectio dicitur . Aristotelici autem & nonnulli medici , quod spiritibus adscribere debuerunt , id toti substantiæ , & substantiali formæ arrogant , illas nimirum facultates , vires , potestates , actiones , quarum nullam aliam causam esse volunt , quàm substantiam & formam substantialem , quæ καὶ ἐντελέχειαν afficiunt & movent aliquid seu alterant : Non quòd id præstent manifesta sensui qualitate , prout elementa : sed occulta vi & potentia formæ substantialis : ut , verbi gratia , calor zinziberis non est manifestus , nec tactu percipitur , ut ignis calor : sed occulta est vis ipsius zinziberis : & ejus actio , nisi calore animalis

Tota substantia peripatet.

moveatur, percipi non potest. Quod propriū quidam esse autumant occultarum potentiarum seu facultatum abditarum: & καὶ ἐντελέχειας fieri dicunt, ut suprà.

Quod autem isti tribuunt substantiali formæ, Hermetici aptius & tutius prædictis spiritibus adscribunt, tribusq; principiis hypostaticis, nempe sali, mercurio, & sulphuri. Sali quidem & mercurio sâpores & colores vendicant, cum detergendi, âperiendi, mundandi, evacuâdi, & instar balsami, ab omni putredine corpus cōservandi facultatibus, sulphuri verò odores, cum cōsolidandi, agglutinandi, & dolores sedandi viribus & proprietatibus. Ita ut hinc videre liceat, quàm parum inter se utraque secta dissideat, & ad mutuam cōcordiam, secus quàm creditur, propensâ sit.

Sed ut ad spiritus nostros redeamus: abundè docuimus, illis solis propriè omnes omnium âctiones deberi: clarioremq; inde doctrinam ac demonstrationem percipi, si eis tan illustres & admirandi ejusmodi effectus tribuantur, quàm si formis, aut toti substantiæ adjudicentur. Alioquī perinde esset, ac si procul & quàm remotissimè, è cœlo videlicet, peteremus, quod penes nos & præ manibus habemus: ut multis vitium hoc cōmune est, quod internæ corporū anatomîæ, in quibus,
vel

*Varii spiri-
tuum effe-
ctus.*

vel ipsis oculis, spiritus admirandis virtuti-
bus & actionibus præditos intueri licet, igna-
ri sint. Qui quidem spiritus, pro varietate se-
minum, substantiarum, & principiorum hy-
postaticorum, quibus inhaerent, tanquam in
geminis matricibus, alii corporaliore forma,
alii spirituosiore, varios etiã effectus produ-
cunt. Inter enim spiritus hæc distinctio est, ut
alii magis sint corporei, alii magis spirituales,
alii verò medium inter utrosq; teneant. Mer-
curiales, vaporosi & aquosi, volatiliores sunt,
& qui omnium primi è corpore exhalant.
Salsuginosi ac fuliginosi omnium maximè
corporei sunt: quiq; postremi ex corpore di-
velluntur: neque id citra ingentem ignis ef-
fervescentiam. At sulphurei, halitiosi & o-
leaginosi, qui volatilibus & fixis, tanquam
intermediæ copulæ, glutinis instar, inter-
cedunt, utrorumque naturæ participes sunt.
Quos quidem spiritus omnes, certum est,
variis saporibus, coloribus, odoribus, aliis-
que agentibus qualitatibus esse dotatos, ju-
xta naturarum & substantiarum varietatem;
unde, solutis vinculis, emerferunt: sive
id sit occulta & inscrutabili interni & ab-
diti in natura ignis virtute & operatione:
sive artis ipsius ministerio, naturam imi-
tantis.

Ut autem istorum spirituum effectus ocu-
lis

lis subjiciamus: proponemus quædam exempla, ex vulgaribus & quotidianis rebus petita, ac proinde omnibus nota. Quùm salpetræ sua terra, qua continetur & generatur, conspurcatus adhuc est, & sulphur sua minera nondum exutum & defæcatum: utriusque agendi vis usque aded languet obtusa, ob substantiarum corporalium & terrestrium, quibus devinciuntur, mixtionem, ut ne flammam quidem possint concipere. At cum suis corporum vinculis soluta & expedita sunt, simulq; miscentur: palàm est, quantis agant viribus, quantoq; potentes eorum virtutes impetu sese exerant.

Vulgarem & marinum salem in quotidiano ciborum usu sumimus & edimus: edulia eodem condimus, quo, ut balsamo, à putredine vindicentur. Porro frustra coronatum aureum, vel dragmam unam auri, sexcentis salis marini libris immergamus & sepeliamus, à quo ne tantillum quidem varietur, aut immutetur: à ejus tamen spiritus è corpore extracti & separati uncia duæ vel tres auri dragmæ, aut etiam plures uno momento in aquam solvi possint. Possemus multa alia in medium exempla proferre. Sed objicietur nobis, vim istam cuiusdam erosivo, ac acri qualitati, sali inhærenti (ut & aliis rebus) adscribendam esse.

Objection.

Cui

Cui objectioni jam suprà respōdimus ab exemplo aquæ fortis: quæ, post argentum dissolutum, acris quidem perstat: at spiritibus suis spoliata, qui in solvendo argento expirarunt, nullius amplius est potestatis nec effectus. Quod ut melius pateat, nequaquam in acrimonia vim ejusmodi consistere, nunc afferemus exemplum ex quibusdam naturis, quæ omni acrimonia, & qualitate saporis manifesta destitutæ, attamen admirandos ejusmodi producant effectus, ex spirituum, quibus turgent, potentiis & virtutibus. Flores antimonii spirituales sumamus, qui, licet careant acrimonia; si tamen ad duo vel tria grana propinentur, usq; adeo atrociter corpus concutiant & divexant, tum vomitu, tum dejectione, ut res non careat periculo. Quod suo nimium damno miseri multi experiantur, qui ignavis Empiricis potius, quam doctis & veris medicis, salutaris à veneno auxilii separandi, & tutò porrigendi, ac opportunè peritis & expertis sese committunt. Sumamus etiam antimonii vitrum in exemplum. Hoc cum omni sapore quoq; careat: idem tamen ferociter præstat, quod ejus flos: idq; ob spiritum quendam album & arsenicalem ipsi insitum, qui in marmore, in quod injectum fuerit vitrum, facile animadverti potest: cujus pulvis tenuissimus & subtilissimus, si ad aliquot

*Non omnia
valida agē-
di potestate
prædita sunt
ad sensum
acria.*

quot septimanas Soli exponatur calido, & de eo postea, majore etiam dosi propinetur, nullarum virium ad purgandum aut movendum corpus, futurus sit, quod calore Solis spiritus ejus exhalare ac evanuerit, quod alibi notavimus. Quod magnam spiritus volatilitatem testatur ac tenuitatem, qui tamen in uncias singulas vix fortè granū, aut momenti diimidium pendat.

Quin etiam metalla ipsa, vel solidissima quæque, in quibus vitam non agnoscit vulgus: omniq; vigore ac hujusmodi spiritibus carere opinatur: ea ipsa sunt, quæ longè pluribus & nobilioribus potiuntur. Cujus rei testimonia luculenta apparent ex variis & admirandis illorū effectibus, quum ea peritus artifex præpare, & à crasso suo; quò vincti derinentur, cortice enucleare novit. Atq; ejusmodi spiritus naturæ elementaris simplicitatem æmulantur. Qui luscii lusco lumine delectantur, & ultrò oculis tenebras offundunt, ii magnam illorū lucem ac stupendas operationes contemplari nequeunt, quæ in thermis, seu balneis, & aquis metallicis, ejusmodi promiscua spirituum copia abundantibus, spectantur.

At nec aurum, utiq; omnium metallorū solidissimum & fixissimum, ejusmodi spiritibus vacuum est: quos, contra, habet præ cæteris nobilissimos & potentissimos: quorum

*Mira auri
actio.*

admirandi effectus satis exprimi non possenti
nisi ipsis oculis cernerentur. Hoc enim à pro-
prio suo & familiari corrosivo solutum, si o-
leo præcipui vegetabilis, guttatim (ne major
fiat ebullitio, quàm par sit) instillato, hæc dis-
solutio perfundatur, aurum prius dissolutum
statim in calcem reducetur: quæ postea len-
tissimo igne exiccata, tantæ est virtutis & effi-
caciæ, ut solo motu & sine igne, conatus & ef-
fectus potentissimos ac impetuosissimos, in-
star bombardarii pulveris, non quidem in al-
tum & sursum, ut ille, sed deorsum, & in infer-
nas partes exerat, & evibret: ut vel lignea
mensa hoc ictu perforari & dirumpi possit.

Quæ suprà commemoravimus, in hunc fi-
nem à nobis allata sunt, ut, quàm variis & ad-
mirandis virtutibus hujusmodi spiritus præ-
diti sint, innotescat.

Objection.

At excipiet aliquis, etsi ita est, quorsum ta-
men hæc? & quid inde inferatur, cum nulla
sit metallicorum spirituū cum microcosmi-
cis affinitas, nec consortium, ut tot verba fru-
stra, & nihil ad rem pertinentia effuderis?
Cui objectioni respondeo, admirandam esse
in natura rerum omnium, tam metallicarum,
vegetabilium, quàm animalium conspiratio-
nem, quæ ab uno & eodem principio enatæ,
sue originis similitudinem, unionem & con-
sensum facile retinent: ita ut natura minera-
lis in

lis in vegetabilem, & vegetabilis in animalé,
 nullo negotio transeat & commutetur. Quæ
 utiq; admirandæ transmutationes ex cognati-
 one, cōsortio & analogia spirituum, inter se
 balsamicorum, proficiscuntur, utpote qui, ut
 dictū est, ex eodem fonte, radice & prima ma-
 teria, essentialiq; forma eadem, seu ex eodem
 spiritu æthereo, primo motore, omnia ani-
 mante & vita perfundente, promanarint.
 Quod testatus est divinus Plato in Timæo, his
 verbis: Quū igitur Deus sempiternū hunc
 mundum condidisset: rationum quædā semi-
 na ipse indidit, & vitæ exordium divinitus in-
 duxit, ut cum mundo vim quoq; procreatri-
 cem gigneret. Quæ quidem Platonis verba,
 de Deo etiam creatore, & de hac vitali ac ge-
 nerante virtute omnibus rebus infusa, ex li-
 bro Geneseos desumpta apparent, qui ei fue-
 rat cognitus, ut fusius alibi diximus Hanc vi-
 talem virtutē seu spiritum æthericum per to-
 tum orbem diffusum, singulisq; rebus infi-
 tum, hoc idemmet esse constat, quod Plato
 animam mundi nuncupavit, hoc est, infusam
 eam in res omnes virtutem, moderatricē ac
 gubernatricem omniū corporum. Sic enim
 apta & congrua fuerit explicatio, eaq; petita
 ex ipsius Platonis verbis, quæ ex ejus Timæo
 citavimus.

*Anima
mundi.*

Hanc autem philosophandi rationē sequi

coacti sunt Ethnici illi Philosophi, ex consideratione & aspectu naturalium hujus mundi rerum, ex propria natura fluxibilium, caducarum & corruptibilium. Quæ, nisi utiq; divina aliqua vi conservarentur & continerentur, ab ordine & fine, in quem suis quæq; ab initiis procreata & destinata sunt, resilire possent: quibus disiectis aut divulsis, magna totius mundi sequeretur confusio & perturbatio. Quod quidem ut averteret summè bonus & omnipotens ille Deus, juxta providentiam suam, sapientiam, ac sui Spiritus virtutem, universalem illam naturam creavit: quæ, ex æterno suo decreto & immutabili consilio, tanquam causis secundis, ad operis sui, in mundi opificio stabiliendo, conservationem uteretur: idque cœlestis ac superioris mundi rotatione perpetua, ac variis variorum astorum & siderum ejus influentiis: nec nō ignium æthereorum, septem planetarum motibus & aspectibus: vitalibusq; præsertim ac admirandis astralibus virtutibus, præclarissimæ istius & primogenitæ *Lucis*, (tenebrarum, privationum & impotentiarum rerum omnium fugatricis ac expultricis) quibus vivunt, animantur, vigentq; caduca hæc omnia. Quæ quidem lux, per omnes cœlestes ignes olim diffusa: tandem verò, velut in compendium, in Sole contracta: indè, tanquam ex domicilio

lio proprio & seminario, per illius conver-
siones & revolutiones diurnas & annuas, in *Solis pro-*
rerum omnium generationem, ortum & in-*prietates.*
teritum, potentissimè vires omnes explicat.
Quod quotidianâ indies experienciâ intueri
licet. Nec omnem idcirco hujus administra-
tionis curam ita naturæ commisit Deus, ut
posthac securus quiescat & otiosus: at contrâ,
perpetuò operatur, gubernaculum ipse præ
manibus tenens & torquens, pro arbitrio &
sapientia sua, naturam, juxta eas dotes, pro-
prietates & scientias, hoc est, virtutes ani-
mantes, vivificantes & generantes, quas ei &
seminibus ejus, virtute ejusdem spiritus, qui
ferebatur, vel (ut vult Basilii) incubabat su-
per aquas, indidit & impertitus est: idq; juxta
verbum, quod ore protulit: *Terra producat*
semen vivificum, in animam viventem.

Inter causas secundas, quæ ex primis sem-
per pendent, balsamicalis quædam est natura
sive astralis, æthereusq; spiritus, (vita rerum,
primumq; movens in hæc inferiora & cadu-
ca) qui suas primùm exerit virtutes in natura
elementali, tanquam in prima & omnium
simplicissima creatura, quas tandem natura
illa elementaris in mineralem primùm natu-
ram, tanquam foeturam suam primâ diffun-
dit: à qua postea in vegetabilem, ac tandem ex
vegetabili in animalelem traducuntur.

Hæc prima spiritualis essentia, quàm sibi, in penetralibus metallicæ naturæ, corpus ordiri incipit (quod sibi primo loco illic attexit) id quod primum conspicitur, vaporosus quidam humor est, subtilis, balsamicus, nitro-acetosus, in quo delitescit & vita, vitæq; conservatio individui futuri. Hunc vaporem natura vegetabilis, hoc est, plantæ exugunt & hauriunt, quo aluntur & sese fovent: eumq; propria & nativa coctione, ex natura minerali in vegetabilem transmutant.

Atq; hoc modo ita sublimatur is vapor, ut vitalior, spirituosior & magis æthereus reddatur, formamq; ignis balsamici induat, ac pretiosissimæ nobilissimæq; aquæ vitæ, quæ omnibus plantis, præsertim alimentosis, sive frigidis, sive calidis, ut clarius à nobis dictum est, ingeneratur. Idq; ipsum est, quod plantas ab externis injuriis non solum tuetur, sed etiā novorum individuorum continuationē perpetuat, universamq; totius plantæ cōstitutionem, spiritualis ac vitalis illius humoris benignitate, irrigat, nutrit, fovet & conservat. Natura autem sensitiva & animalis, à vegetabili, hoc est, à plantis, tanquam ex suo alimento, spirituosum illum vaporem, ætheream ac balsamicā substantiam excipit: quam longè præstantiorem cœlestiorem, vivaciorem, omnibusq; modis perfectiorem & spiritualiorem, longeq;

ab ea, quæ in plantis fuerat, discrepantē reddit
ac efficit. Etenim virtute spirituum concoctio-
nis sensitivæ naturæ, substantia hæc balsami-
ca, vegetabilis, vivifica, longè alia, nobiliorq;
quinta substantia elaboratur, in pelicanis sci-
licet & vasculis vitalibus sensitivæ naturæ,
aut animalis, quàm quæ in plantarum natu-
ralibus ventriculis coqui & perfici solet. At
microcosmus, homo, quum plantis seu vege-
tabilibus & animalibus vescatur, hoc est, illo-
rum quintas essentias & balsamicum illum
spiritum in suum alimentum extrahat: pro-
pria & nativâ suâ concoctione illam ita præ-
stante artificio chymico extillat, sublimat &
circular, hoc est, virtute sua vegetabili, sensiti-
va & animali, quas in se omnes cōtinet, ita a-
gitat, deducit, acuit & illustrat, in omnes par-
tes convolvendo & diducendo, ut purissimū,
subtilissimum & cœlestissimum vitæ nectar
perficiat, hoc est, symphyū emphytumq; ca-
lorem, aut potius ignem verè æthereū, naturæ
humane productore & conservatore: ignem
inquā æthereū, spiritum cœlestem, balsamū
vitalem & pretiosissimum, quem Aristoteles
sublimi suo ingenio, & altiora quæq;, præ a-
liis Philosophis, meditante ac penetrante, a-
gnovit originem esse, & omnis generationis
ac conservationis rerum naturalium funda-
mentum, quum sub finem tertii sui libri

*Nutrimen-
tum homi-
nis.*

de generatione animalium sic scribebat: *Omnis anima potestas alterius cujusdam corporis particeps esse apparet, ejusq; diviniore, quam quæ elementa appellantur. Et quemadmodum nobilitate, obscuritateve anima inter se discrepant: ita & natura ejus corporis differt. Continet enim in se semen cujusq; fecunditatis suæ causam, nempe ipsum calorem, qui igneus minimè est, neq; id generis facultatem aliquam emulatur: sed spiritus, qui in semine spumanteq; corpore coërcetur: & natura, quæ in eo inest spiritui, proportionè respondet elemento stellarum. Quamobrem ignis nullum generat animal: neq; constitui quicquam densis, vel siccis, vel humidis videtur. At verò solis calor & animalium, non modò qui in semine continetur: verum etiam si quid excrementi sit, quanquam diversum a natura, tamen id quoq; principium habet vitale. Itaque dura, mollia, lenta, rigida, aspera, lævia, caloris & frigoris vi effici possunt. At propria cujusq; ratio & essentia nequaquam ex elementis emergit.*

Radix vitæ.

Quemadmodum autem æthereus, vitalisq; spiritus rerum, qui in earum cœlesti quinta essentia positus est, rector, moderator ac conservator vitæ statusq; earum est: sic alii sunt impuriore, & corruptiores, ab excrementis rerum & earum impuritatibus prodeuntes: qui variis modis vitales illos spiritus aggrediun-

diuntur & impetunt, mortemq; tandem in-
ferunt: cui ob peccatum homo, vitâ perpe-
tuâ, quam ab inspiratione divini flatus ante
lapsum obtinuerat, spoliatus, factus est obno-
xius: terra etiam, ex ejus culpa, maledictione
divina ita diris omnibus devota, ut nihil in
rerum sit natura, quod mortis aculeos devi-
tet & effugiat. Quæ quidem mors, nil nisi se-
paratio, divulsio & consumptio spiritus istius,
& radicalis vitæ balsami est, à quo solo anima
cum corpore colligatur & perstat. Hoc enim
deficiente, consequitur corporis interitus.
Quod utiq; videre est in metallorum corru-
ptionibus, quum rubigine eroduntur; in fru-
ctibus, cum verminantur, & arborum trun-
cis carie putrescentibus. Quæ quidem depra-
vationes & corruptiones, membrorum ho-
minis sphacelis & siderationibus respondent
ac æquipollent, quibus tamen paulatim ene-
cantur: quod in illis balsamus ejusmodi pu-
trefactus emoriatur. In hujusmodi autem
corruptionibus, certissimæ mortis indicibus,
delitescunt tamen alterius cujusdam vitæ se-
minata: ex quibus varia vermium genera e-
nascuntur in fructibus, arboribus & huma-
nis corporibus, tam intrinsecus, quàm extrin-
secus. Quæ quidē, etsi ex corruptione orian-
tur: quum vitâ sint prædita, aliunde, quàm ex
vitalibus spiritibus procreari nequeunt: qui
ut cunq;

*Anatomia
morborum
& mortis.*

*Mors quid
sit.*

*Generatio
vermium.*

utcumq; sint spiritus, parentum tamē suorum
impurorum & corruptorum naturam reti-
nent, ut tandem putridos, exitiales ac pestife-
ros fructus suæ naturæ proprios egerminet,
debellato & extincto purioris vitæ & synce-
riorum fructuum balsamo.

Ejusmodi itaq; corruptiones, matrices sunt
& seminaria, in quibus venenosi ac pestiferi
spiritus sedem suam habent. Unde in nostris
corporibus varia morborū genera procrean-
tur: quorū quotidiane trāsplantationes, ista e-
jusmodi ex vitalib⁹ radicibus & spirituosis fe-
minib⁹ prodire, certissimā nobis fidē faciunt.

*Alia spirit.
diff.*

Ut tandem ultimæ superiorum spirituum
differentiæ colophonē addamus: de quibus
tam longā verborum seriem cōtexere coacti
fuimus: eamq; fusi⁹ extendere, quā forte
argumentū nostrū patiebatur: concludimus,
tales reperiri spiritus (præter eos activis illis
qualitatibus, de quibus egimus, seu utilibus,
seu noxiis præditos) qui illis sint oppositi:
nempe quædā esse spiritualia corpora *Σεμιλά*
ac evanida, nullius efficaciam, virtutis, ac facul-
tatis, quæq; omni sciētia destituta sunt: sive ii
sint nudi vapores, sive inanes fumi, fugacesq;
umbre corporū & aliorum spirituum. Quæ qui-
dem postrema hæc spirituum evanidorū diffe-
rentia à Dogmaticis probè & agnoscitur & re-
colitur, ut qui passim in suis libris, vaporis, fu-
mi,

mi, halitus, exhalationis, expirationis, flatus, halituosi vaporis, caloris fumosi & flammæ, vaporosi sudoris, exhalantis humoris, ventositatis grossæ, humiditatis flatuosæ, halituosæ substantiæ, qualitatis nidorosæ, spiritualis essentiae, auræ malignæ, fumosarum excretionum, fuliginosorum excrementorū, vaporosarum superfluitatū, crebram mentionem faciant. Sed inanes jactantur hæ voces, ac prorsus æmortuæ: ut quæ vanis tantū & mortuis etiam qualitatibus innitantur, unde egregius nullus eliciatur effectus, qualis ex vera spirituū agentium & balsamicorū, sive utiliū, sive noxiorū notitia & speculatione hauriri & educi solet. Quod satis superq; longiore oratione docuimus, ut discamus, in illo puro, æthereo, & eorum radicali balsamo vitam nostram ejusq; conservationē, sanitatemq; esse repositā: ut, contrā, ex eorū impuritate & malignitate morbus interitusq; noster cōsequitur. Præterea curationē & restitutionem defectuū, quibus sæpè languescimus, nequaquā in sola crasi & mixtione elementorū, neq; in solis qualitatibus primis, caliditatis, frigiditatis, humiditatis & siccitatis, sitā esse sciamus, sed potius illorū defectuū, sive affectuū causas ac remedia balsamo radicali, cœlesti, quintæ auxiliiorū essentię adscribenda esse, spiritibusq; mechanicis ei insitis, quos Paracelsus scribit

*Via medica-
trix in quo
delitescat.*

in abyſſo naturæ eſſe reconditos: qui certis temporibus proferunt ſeſe, in generationes medicamentorum: nec abolitis medicamentis eos deſtrui: ſed in abyſſis ſuis quieſcere aliquandiu, nulloque naturalium rerum interitu extingui. At obſtreperum clamorem & cachinnos multorum videor mihi audire, qui novam ſic doctrinam & prorsus inauditam, ac etiam ſuæ Philoſophiæ contrariam induci autumant. Subſiſtite pauliſper, quaſo, o amici. Neq; enim uſq; adeò vana, frivola & inanis opinio hæc eſt, quin animum ad eam appellere debeatis, & intellectus veſtri oculos, ſupra modum in terram defixos, in cælum uſq; poſſit attollere. Non enim ex ſolo Paracelſo emanavit hoc dogma: ut quod cum Socraticorum de Idæis, cum Stoicorum de cauſa *οὐρανίου*; Anaxagoræ de ſyncრიſi atomorum, & authoris de diætâ, quem Hermetici Hippocratem eſſe agnoſcunt, opinionibus conſentit, & planè conforme eſt, ut alibi in Anonymum quendam fuſius docuimus.

*Semina actu
animata.*

Sed quid Hermeticis respondebunt, cùm optimis & validiſſimis rationibus ulterius progredientur ac ſuſtinebunt, ſemina ipſa nō tantum potentia, ſed & actu eſſe animata? Nunquid videre eſt, cōplures plantas, è terra radicitus erutas, atq; alimento terræ ſpirituoso, quo vigebāt, orbatas, egerminare, creſcere

scere & revirescere? An eorum scilicet aspernanda & rejicienda jure opinio est, tanquam absurda & erronea, quæ tantorum tamq; antiquorum Philosophorum autoritate: nec non neotericorum, Franc. nempe Patritii, ac imprimis magni illius & reconditæ literaturæ nostri seculi viri, Julii Scaligeri suffragiis suffulta nititur & propugnatur, quorum alter semen actu vivere scribit, sed actu seminali: at à Scaligero quàm strenuè oppugnetur dogma illud contrarium Fernhelii, ex libro ejus de abditis rerum causis petitu, videre est. Luculentis enim testimoniis, ac firmissimis rationibus, ac imprimis ipsius Aristotelis autoritate probat ac demonstrat, animam seu formam leonis vel equi, esse actu ipso, non tantum *suaviter* in leonino vel equino semine: & semen leoninum & equinum, esse leonem & equum imperfectum: quod successu temporis à sola leonis aut equi forma perficitur. Quæ quidem forma præcipua essentiae pars est utriusq; animantis, simulq; causa efficiens, forma inquam, quæ neq; oculis videtur, neq; tactu aut sensu ullo percipitur: at sola mentis & intellectus ratiocinatione comprehenditur. Ubi statuendum est discrimen inter generationem & perfectionem: ut hæc quidem prorsus careat corruptione: illa vero eam admittat & patiatur. Eo quod perfectio

secre-

Patrit. l. suo
de nova u-
niversi Philo-
sophia.

Diff. gene-
rat. & per-
fectionis.

secretionem, aut substantiarū separationem, atque in primam materiam resolutionem respiciat: quibus tamen generario indigeat. Hæc enim tantum coagulationi & mixtioni rerum resolutarū incumbit: at perfectio omnia potius in integrum restituit & conservat, quam quicquam imminui aut elabi sinat. Quod ex granis & seminibus indies satis quotidiana demonstrat experientia: nec non ex ovo licet perspicere, in quo (pullo excluso) nihil reliqui in cortice cernitur, omnibus videlicet integrantibus partibus, hoc est, tribus illis substantiis hypostaticis, pellicula videlicet, albumine & vitello (quæ utiq; aptè mercurio, sulphuri & sali respondent) diligenter asservatis & collectis, citra ullam imminutionem, aut segregationem, ut pulli inde formā animata perficiatur & resultet.

*Discrimen
actus primi
& secundi.*

Nec Hermeticos usq; adeo ignaros, & peripateticæ Philosophiæ, apud omnes recepte, imperitos esse putandū est, quin in confirmationem suæ sententiæ aptè distinguant, & discrimen notent, inter primum actum, seu potentiam essentialē, quæ nō est ipsamet substantia corporea & integra rei, sed aliquid essentialē & potētia vicens ac efficax ad actum in ipsa substantia existens, quæ nunquā ab ipsa separari potest, propriūq; *παλιν* idcirco appellatur: & secundū actum *δυνάμεις*, qui dicitur

tur energia seu actio: potentia nempe naturalis, quæq; dependet à temperamēto, sive crassi, cum operatur. Ut autem equino pullo, per juvenutem, equi forma & essentia denegari nō potest, quin perinde re & actu sit, ac qui perfectus ætate equus est: etsi æquales vires cum grandiore equo, aut maturum semen ad procreandum nondum habeat: quo tamē, quū ad perfectam ætatem pervenerit, ad sibi simile gignendum non sit cariturus. Haud secus Hermetici docent, in quovis quidem semine, actu illo priore, inesse rem ipsam, hoc est, animam seu formā essentialem: at posteriore actu nequaquam, qui tantum ratione temporis priore actu in composito superior est, non re ipsa: quū res ipsa, hoc est, forma substantialis in utroq; semine, & maturo & immaturo, æquē integra & perfecta actu consistat: & pullus & grandior equus actu & re ipsa æquē & pariter sint equi. Neq; enim forma in utroq; desinit esse integra, etsi composita (quibus perficiendis assidue incumbit) inchoata tantum & adhuc imperfecta sint: ad perfectionem enim illorum, ut diximus, perpetuò tendit & laborat.

At si quis Hermeticis objiciat, quū equus *Objectio,* ex semine parentum procreatur, aut quercus ex glande enascitur, eam esse generationem, cum antea nec equus nec quercus esset, hæc; ratione

ratione & semen animalis & glandem arboris defuisse esse id, quod prius erant. Huic objectioni respondebunt Hermetici, primi actus substantiam, quæ forma essentialis est *αρχαίς*, ut loquitur Aristoteles, in equi semine, vel in glande; nequaquam generatam esse in equo aut quercu: sed equū ipsum & quercum, ab ipsa forma *αρχαίς*, actu secundo & posteriore fuisse perfecta, quæ antea in composito inchoata tantum & imperfecta erant. Actus enim posterior, qui à temperamento & crasi dependet, accidens quodammodo est, cui generatio accidit, ratione corporeæ substantiæ, ex mixtione à forma productæ: non autem actui priori, hoc est, formæ, quæ simplicissima & citra ullam crasim aut mixtionem subsistit. Quum igitur aut pullum, aut aliquid aliud tale, naturaliter crescere videmus, nequaquam id, quod crescit, forma substantialis putanda est, quum nec magis nec minus recipiat. At equus est, qui crescit, hoc est, totum equi compositum: in quo forma tum conspicua redditur, quæ prius destituta organis & corpore, licet integra, occulta delitescerat.

Animæ hominis.

Quod ad animam hominis rationalem attingit, nemo est, præter perditū aliquem Protagoram, aut Epicurum, qui in dubium revocet, à Protoplasta Deo creatam fuisse: qui ex spiri-

spiritu oris sui eam primo homini insufflav-
it: quatinq; eadem sua virtute in eo infusam
permanere immortalem voluit: ita ut aliis fa-
cultatibus, vegetabili scilicet & sensitiva, in
homine mortuo extinctis, unica illa rationa-
lis anima in æternum superftet ac vivat.

Ut tandem concludamus, & huic argumē-
to finem imponamus, concedamus, animam
potentiā tantum, non actu rerum seminibus
in esse. Neutrius enim opinionis defensione
armis suscipere decrevimus; id tamen nobis
denegari non poterit, quin certissimum sit, e-
jusmodi semina spiritibus esse referta, ut su-
pra à nobis demonstratum est: & omnes o-
mnium rerum actiones, virtutes & facultates
formis rerum, etiam in animatarum, & ex
multorum judicio emortuarū essentialibus,
potius quàm crassi, juxta rationes, quas abun-
dè attulimus, adscribi debere. Proinde Her-
meticos, qui ejusmodi energias & facultates
substantiis spiritualibus aut divinis, (ut lo-
quitur Aristoteles,) adjudicant, propius ad A-
ristotelis doctrinam accedere, quàm alios,
qui Empedoclem quendam secuti, ab ea pro-
cul evagantur, ut alibi quoq; monuimus.

Hinc elucescit, quantum utilitatis perci-
piatur, ex ejusmodi rerum exacta pervestiga-
tione: quam morbis privatim, quos excuti-
mus, accommodabimus, ut ex earum causis,

apertè enucleatis, verum genuinumq; remedium eruamus, ac adaptemus.

CAPUT XI.

Essentia, diff. & causæ prædictorum quatuor affectuum ex Hermeticorum placitis traduntur, nec non materialis & crassa dogmaticorum de iisdem morbis opinio refellitur.

*Nomin. epil.
juxta Paracelsum.*

PARACELsus ex Hermeticis, primarium unus, liberè quibusdam morbis remedium nomina accommodat: ut ex nomine ipsius morbi remedii specifici genus demonstretur: quemadmodum epilepsiam vocat, modò morbum vitriolatum, modò viridelum: quòd in spiritu vitrioli viridi morbus auxilium suum nanciscatur. Interdum morbos insignit nomine, à causa producente sumpto: ut cum eandem epilepsiam appellat etià morbum vitriolatum, quòd, ex ejus ipsius sententia, morbus originem suam contrahat ex vapore mercuriali vitriolato, qui ex humore, ex tartaro, aut ex mucilagine æruginoso expirat: quam idcirco vulgò porraceam nominant: quum potius vitriolata mucilago dici debeat, propter eam, quam habet cum vitriolo potius, quàm cum porro, aptam analogiam. Siquidem ea non porri, sed vitrioli tincturas
& im-

& impressiones secum circumfert, quas ex-
halando, temporis intervallis, malignas, acres
& acidas, spiritibus vitalibus ac animalibus
facile commiscet: utpote quæ etiam totæ spi-
rituales sint: & cum spiritualibus potius,
quàm cum terrestribus symbolisent, ac co-
gnationem, consensumq; habeant. Quibus
cor & cerebrum, ut supra diximus, cum par-
tis affectæ sedem indagaremus, impetuntur
ac obsidentur: sive id obstructione fiat, sive ab
aciditate vitriolata, arterias carotides con-
stringente ac comprimente: unde facultatis
vitalis in cerebrum transitus intercipitur: si-
ve etiam ab eadem aciditate stypticitateque
ventriculorum cerebri substantia coarctata:
aut ex sale istius humoris armoniaco acerri-
mo, menyngas exquisitissimi sensus pungen-
te ac vellicâte, ejusmodi convulsiones orian-
tur: & præcipuorum animæ officiorum, ac
functionū, cognitionis nempe, memoriæ ac
rationis depravationes, aut interitus etiam
consequantur: idq; magis vel minùs, pro qua-
litate humoris mercurialis vitriolati majore,
vel minore, vel aciditate & virulentia ejus
graviores aut leviores. Etenim nemo non no-
strî infinitæ vapotum multitudini, qui ex va-
riis corporis partibus in cerebrū nostrū assur-
gunt, obnoxius est. At si hujus proprietatis &
naturæ vitriolatæ non fuerint, epilepsias non

*Radix in-
sultus epila-
ptici.*

*Cur melan-
chol. epile-
psia obnoxii.*

procreabunt, quibus præ aliis melancholici opportuni sunt, ex ipsius Hippocratis testimonio: *Melancholici comitiales facile fiunt, & comitiales melancholici*: idque quod ejusmodi homines, humore vitriolato acido (cujus generis supra diximus melancholiam esse) abundant.

*Cur infan-
tes ad epil.
proni.*

Ad hunc eundem morbum infantes maximè proclives sunt: non quòd cerebrum habeant pituitosum. Si enim in nuda & simplici pituita, posita esset epilepsia, aut ejus germanæ apoplexiæ, causa: omnes ei morbo essent obnoxii, cum secus accidat: siquidē multos hydrocephalos videmus ab iis morbis immunes, etsi cerebrum aquosa humiditate scatens & refertum habeant: sed quòd illorum multi lac in ventriculo acescens, & non probè concoctum congetant: cujus corruptio cam naturam induit, ut in æruginosum & viride quoddam virus vitriolatum degeneret (ut ex eorum rejectionibus ac vomitibus hujusce coloris videre est) unde dolores gravissimos patiantur, & proni ad hunc morbum reddantur. Quo fit, ut ipse Avicennas epilepticum morbum puerilem vocet, aut puerorum matrem, sed melius dixisset novercam.

*Gal. opinio
de caus. apo-
plex. & epil.
est absurda.*

Quod ad causas apoplexiarū attinet, quas Galenus easdem esse dicit cum causis epilepsia: quasq; venenatas, & activa omni qualitate

tate præditas esse negat: at humorem esse asserit simpliciter frigidum & crassum, qualis creditur esse pituita: ubi etiam inter hos duos tam graves ac stupendos affectus differentiã aliam non statuit, quàm quòd apoplexia generetur ob privationem absolutam potentie animalis, quã nervi destituuntur: epilepsia verò fiat ob depravatum motum: qui quidem in quatuor species dividitur, tremorem videlicet, palpitationem, concussionem & convulsionem: quorum duorum postremorum epilepsiam participem esse volunt sui assertores, ac præsertim convulsivi motus. Hæc inquam absurdissima opinio est, qua apoplexiæ causam uni soli frigido & crasso humori semper adscribunt: nec minùs ridicula est, quàm quæ ex eadem causa epilepsiã oriri statuunt. Quam jam multis rationibus, hîc frustra repetendis, abundè confutavimus & explosimus: explicatis fusè utriusq; sectæ, & Hermeticæ & Dogmaticæ, in hanc quæstionem, sententiis. Qui tamen Dogmatici ferè omnes, uno eodemq; consensu, verarum apoplexiarum causas, in quantitate pituitosi humoris collocant: quæ confertim uno momẽto ventriculos opplet: qualis est Eginetæ sententia: qualisq; sententia Galeni, loco jam à nobis citato, ubi scribit: Apoplexias & convulsiones fieri propter humorem pituitosum, aut me-

Causa apoplex. Dogmaticorum

Paul. Æg. li. 3. cap. 18. Gal. aph. 6. com. 56.

lancholicum: quoniam communis est, inquit, utriusque crassitudo. Unde infert, in utriusque humoris crassitie, unde opplentur meatus, istius mali causam & originem esse repositam.

*Caus. apopl.
non consiste-
re in crassi-
tie materia.*

Quod si ira est, unde tanta huius mali præcipitatio, & tam subita aggressio, ut uno ipso momento ingruat, & inopino, velut turbine, ægrum percellat ac sideret: ut inde non immerito nomen mutuata sit ἀπὸ τοῦ πλῆθους, à percutiendo vel percellendo, quod, qui ea invaduntur, quasi de cælo percussi aut quodam fulmine icti videantur. An, ceddò, crassæ gravisque naturæ materiæ, quæque difficulter moventur (ex omnium medicorum sententia) hoc habere possint proprium, ut tam subitam, præcipientem, ac tam stupendum motum excitent? Non potest enim non aliquo temporis intervallo, nec nisi sensim ac paulatim ejusmodi crassus humor in cerebro aggregari, cum ejus ortus momentaneus & præceps esse nequeat. Interea dum congeritur, aut aliqua pars ejus congesta est, cerebrum opplet, ut licet conjicere, quid, ante quàm paroxysmum cieat, tandiu ille stat otiosus? ut nihil prius re ipsa producat, quàm serò ac tandem maturum apoplexiæ fructum: quum saltem minorem aliquem affectum præmittere prius deberet & posset, ut cataphoram, aut soporiferam aliquam aliam gravitatem. Fertur quidem,

quidem, ejusmodi aliquos prænuncios solere præcurrere, qualis est gravedo, dolor & rotatio capitis in gyrum, propensio ad somnum: qui tamen præcursores testimonia potius vaporum spirituoforū exhibent, quibus oppletur cerebrū, & quos, præ imbecillitate, neq; cōcoquere, neq; discutere, vel per emunctoria propria deturbare possit: sed quibus nubilum acturbidū aptumq; sit ad ejusmodi symptomata concipiendū, quàm ut ex crasso humore, qui in cerebro aggregatus fuerit, & ibi ad tempus resederit, ista proficisci credamus.

Nunquid satis testati sumus, in plerisq; infantibus tum pituitosis, tū aliis, hydrocephalæas conspici, aquosam in cerebro repletionē arguentes, qui tamē nec apoplexiā incurrant: nec ullum præcursorū ejusmodi signorū, hoc est, gravitatis, rotationis, indormitionis & doloris capitis, persentiant: quæ tamē vinosis ac crapulosis contingant, ex fumis & vaporibus vini liberaliùs hausti, in cerebrum elatis? Qui quidem vapores, cū sint spirituosi, nō crassī: calidi, nō frigidi, ejusmodi effectus in cerebro creant: imò tam profundū aliquando vternū, & *ὡς δὲ νέφελον* somnū inducunt, ut nunquā, nisi solutis prorsus vaporibus, temulenti isti eo liberari & expediri queant. Quinimò ipse Hip. l. de flatibus, non procul à fine, hunc morbū à flatibus fieri scripsit. Et ad finē libri

de glandulis hæc scribit: *Cerebrum si quid re-
dat, turbationem multam sustinet, & mens de-
sipit, & cerebrum convellit ac distrahit totum
hominem, qui in se ipso vocem non edit, at suffo-
catur, & hæc affectio syderatio appellatur.*

*Fumorum
ex carbon.
effectus.*

Nunquid etiam ejusmodi symptomata sus-
citari cernuntur, ex carbonum fumis & va-
poribus? nec non uno momento concidere,
ac sæpè etiam examinari, tanquam apoplecti-
cos, qui eo loco sopiti dormiunt, ubi ignis
carbonū accensi fuliginosi vapores retinen-
tur, nec exhalare possunt? Nunquid istorum
symptomatum causa ad fuliginosas illas exhalationes calidas, acres, rodentes ac penetrantes,
magnarumq; virium, cerebrum opplentes,
majore jure referantur: quàm ad cerebri ob-
structiones, ex lentore & tarditate crassorum
ejusmodi & frigidorum humorum natas?

*Hermetic.
sentent. de
caus. apopl.*

Ergo ex Hermeticorum sententia conclu-
dimus, non semper ejusmodi apoplexiarum
causas cuidam frigida crassaq; pituita, aut a-
lii id genus humori, esse tribuendas: at nebu-
losis potius exhalationibus, in cerebrum eve-
ctis, & in eo conclusis, instar nubium in aëre
expansarum, quæ quidem si aqua & humore
refertæ, non tantum frigido & humido sim-
pliciter, sed efficacem & activam qualitatem
possidente, sive sit ea salina, sive mercurialis,
sive sulphurea, illicò congelantur aut con-
gelen-

gelenut, ut ex spiritu vitriolato & glaciali illuc evecto potest contingere, ejusmodi nascitur uno momento affectus ex glacie illa & congelatione, quam aciditas vitriolata constringendo ac coarctando parit: ac inde apoplexiam oriri certum est gravem aut levem, pro quantitatis aut qualitatis materialium vi & copia.

Sed jam suprà tot locis, tamq; apertè, insignem illam & admirandam spiritus vitriolati virtutem coagulantem deteximus, quæq; in mediis flammis, in quibus omnia, ex vulgi opinione, solvuntur, invicta perstat, viresque etiam suas congelandi, vel invitis ignibus, fortiter exerit: ut de his pluribus agere tediosum & supervacaneum sit.

Inter Dogmaticos, Avicenna, meo judicio in causis ejusmodi apoplexiarum indagandis, aliis videtur ad scopum felicius collineasse: cum eas materię cuicdam stypticę, aut constringentis qualitatis adscribit: *Hęc quidem oppilatio, inquit, (de apoplexia loquēs) fit, quum id ad cerebrũ pervenit, quod dolorẽ facit aut impedit aut movetur, motu contractionis: aut qualitas perveniens ad ipsum, stypticum faciens, &c.* Cæterum admittimus, nonnullas apoplexias ab aliis quoq; causis produci, ut à phlegmone seu inflammatione aut apostemate, aut ab aliqua sanguinis effusione in cerebrum, per-

venæ apertionem aut rupturam. Quæ in re à Dogmaticis dissentire nolumus.

Attigimus præterea nonnullas alias apoplexiæ causas, quùm Dogmaticorū partes tuemur, spiritus videlicet interceptionē, cū ejus in cerebrū transitus & cōmunicatio prohibetur, ab obstructione arteriarū carotidum & venarū jugulariū, ob vapores fortē stypticos & virulentos, ejusmodi partes cōprimentes ac coarctantes, vel alias ob causas: ubi etiā Alexādi Benedicti authoritatē attulimus, in præputii circuncisione, citra dolorem & sensum. Nec nō hunc morbum ex contusione, & cranii fractura, atq; aliis id genus causis, suscitari posse affirmavimus. Sed apoplexiarū ejusmodi nullā hīc mentionē facimus, in quarum curam cum Dogmaticis consentimus, & cum iis laudamus sanguinis missionē, crebrò etiā repetitā: præsertim si ex phlegmōne, aut alia sanguinis in cerebrū effusione malū ortum ex signis compertū sit. At de veris hoc loco apoplexiis, & internam, latentemq; originē habentibus, differimus: quarum quidem origo & causa si crasso & frigido humori tantū, & simpliciter adscribatur, ridiculū id sit, & Hermeticoꝝ labris (quorum doctum est palatum) prorsus insuave, inconditū & insipidum.

Caus. paralyt.

Ex his, quæ dicta sunt, veræ etiam paralytice causæ deducuntur, in quas sæpè apoplexias de-

gene-

generare jam antè demonstravimus. Siquidè vitriolatus ejusmodi humor & glacies statim vi naturę aut artis auxilio liquata, soluta, & in aliquam cerebri partē, aut in totum etiā cerebrum diffusa, nec nō per totam dorsi spinam, in nervorū propagines trajecta, aciditate, stypticitate, mordacitate & acrimonia partes ejusmodi vellicando, stupefaciendo & conso-
piendo: prout dentes solent ejusmodi acidis vitriolatis irritari, cōtrahi, & stupefieri, ut inde *aiμωδία* nascatur, ejusmodi affectus & sym-
ptomata, ut stupores & indormitiones mem-
brorum, quos præcursores & affines paralytis esse diximus, procreant & invehunt Unde et-
iam facile colligere est, ex iisdē causis, humo-
ris scilicet acerbitate, stypticitate & acetosita-
te, non autē ex simplici frigiditate & crassitie, apoplexiā generari. Quot enim defluxus hu-
morū indies cernimus ex cerebro, in spinam
dorsi decumbere, quo nervorū genus imbui-
tur, citra stuporē & indormitionē, citraq; spi-
ritus animalis in illas partes trajectionē: un-
de etiam membra, hac defluxione perfusa, nō
desinant sensum motumq; suum retinere?

Fernelius accuratæ ac subtili causarum ar-
thriticarum inquisitioni invigilans, ex hujus-
modi defluxionibus illas deducit, ubi tamen
nec percelli membra, nec sensu carere, satis
testantur agrotantium quærimonia & ejula-
tus.

tus. Atque hæ sunt Hermeticorum rationes, quas illi in hanc questionem Dogmaticis obtrudunt.

*Caus. verti-
ginis.*

Cæterum utriq; in causis vertiginum affe-
rendis consentiunt, cum ad vapores halituo-
sos ac spirituolos eas referunt. Veruntamen
Hermetici, ut sparsim in hoc tractatu monui-
mus, minutim interna quæq; dissecant, & sin-
gulas anatomiae partes acutè & subtiliter ri-
mantur ac excutiunt: unde fit, ut dicant, ejus-
modi vapores aut halitus, qui vertigines in-
ducunt, ex resinosis, tartareis aut sulphureis
in ventriculo, aliòve viscere contentis: aut
ex unctuosiore, magisq; sulphurea sanguinis
substantia, promanare: quæ secum tincturam
nigræ fuliginis, admodum ad tingendum &
denigrandum efficacem convehunt: citra ta-
men acrimoniam ullam: qualem sal armo-
niacus in suis mercurialibus exhalationibus
continet: ut videre licet in fumis quorundam
lignorum, qui secum salis armoniaci halitus,
quorum sunt ejusmodi ligna feracia, efferen-
tes, sursum ad oculos, rubore & acrimonia
eos feriunt ac inficiunt. Quod idem ex aquæ
simplicis fumo aut halitu, aut ex pingui ju-
sculo, aut ex vaporibus, ab aqua terraq; nubi-
loso tempore, excitatis & sursum evectis, non
contingat. Etenim fumi aut halitus, qui ver-
tigines ejusmodi inducunt, nullos inferunt
dolo-

*Halituum
effectus di-
versi.*

dolores, quod naturam salium nullam, sed resinofam, oleofam & sulphureā possideant: à quibus idcirco nulla, sed à salibus omnis acrimonia proficiscitur, ut experientia quotidiana comprobatur. Etenim unctuarii illi fumi, nigerriimi quidem sunt & spissi, ex quibus etiam tinctura nigredinis extrahitur: at nulla pollent mordacitate, aut acredine salium. Ut autem hi ex salibus expirantes fumi, dolores, hemicranias, vigilias, deliriaq; varia ciant: unctuarii verò simpliciter & citra acrimoniam, dolorisq; sensum, vertigines & renebrofas ejusmodi, ac nigras affectiones concitant, sive in cerebro sedem localem habeant, sive aliunde exurgant, per causæ morbificæ propagationem: ut quando per venas, vel arterias interiores & exteriores cervicis, ad arteriæ plexus choroidis defertur anathymialis quædam tetra, quæ inæqualiter in iis arteriis vel cavitatibus cerebri circumacta, humores variè impellit, spiritusq; animales subagitat: vertiginemq; simpliciter dictam efficit: prout ejusmodi fumi magis vel minus densitatis & nigredinis habuerint.

Hæc etiam simplex dicta vertigo, aliquando procedit tum ex ventriculo, tum ex præcordiis male affectis, per simplicem communicationem fraudulentæ cujusdam vaporis, ab aliquo corrupto humore suscitati. Atta-

men ejusmodi fumi, à quacunq; causa excitati, si verè resinosi & tinctoria nigredine referti fuerint: tunc affectus verè scotomaticus efficiatur: in quo mens tenebris obducitur, ac oculi turbantur: ita ut, qui sic affectus fuerit, cerebrum totumq; corpus in gyrum circumagi opinetur. Quare non regit se ita, ut firmeretur (quemadmodum loquitur Avicennas) imò cadit, &c. Unde aliquando contingit, ut non tantum visus pereat: sed ratio & judicium omni cognitione privetur. Quod ex hujusmodi nigerrimis fumis accidit, qui luci, claritati & splendori spirituum nostrorum densissimas tenebras offundunt, quibus lux eorum obtenebretur, instar solis, qui crassissimis ac nigerrimis nimbis obductus, lucem suam nobis impertiri non potest.

At nunquid audio subsannantes aliquos, quòd in nostris corporibus resinas & gummi reponā, ex quibustinctorius nigror elici possit? Subsistite paulisper, amici, & tandem sanguinem dissecate, ut ex illius anatomia discatis, longè plura tingentium nigredinum genera in eo contineri, quàm vobis enumerò. Inspicite lac, quod sanguinem apprimè coctum esse volunt: & exprimate ex eo sulphuream illam ac butyrosam substantiam: quam si incendatis, quàm nigras quæso fuligines, denigrandi vi præditas, elicietis? Nigredo uveæ

tunicæ adhærens satis monstrat, sanguinem in nutritione humoris vitrei & cristallini in oculo nigra excreméta deponere. Revocate etiam in memoriâ, & attenta mente perpendite, quicquid de analogia & consensu metallicorum cum vegetabilibus, & vegetabilium cum sensitivis docuimus. Inde facile, quicquid hîc dicimus, concipietis. Non ibitis, credo, inficias, animantium lac, tincturam, vim & impressionem earum herbarum, quibus pascuntur, retinere. Quod si negare audebitis, eni vaccas, quæ cum alliariam herbam depastæ sunt, vobis lac, allia redolens, expriment: vel eo etiam floris colore tinctum referunt, quem comederint. Hinc igitur vobis liqueat, quàm verum sit & firmum, quod de analogia & consensu ac sympathia rerum inter se diximus. Atq; hæc satis superq;, juxta Dogmaticorum Hermeticorumq; sententias, de essentia, differentiis, partibus affectis, affectionisq; causis illorum affectuum dicta sint.

CAPUT XII.

Methodus Dogmaticorum curativa epilepsie medicamenta non nulla, quibus in genere in ipsis morbi paroxysmis utantur antiqui, ostendens.

Nunc

NU N c tempus est, ut curationem tantorum malorum aggrediamur: ac simildocendi methodo, exquisitiora, elegantiora ac tutiora remedia, quibus utraque secta utitur, proponamus: ut, qui ejusmodi morbis tentantur, utilitatem aliquam & fructum inde percipiant. Veri enim & fidelis medici præcipuus est scopus, ut opere potius, quam sermone, excellat, quum linguarum, sive Hebraicæ, sive Græcæ, sive Latinæ eloquentia morbi non curentur: sed recta utilium remedium, & apposita ex arte præparatione ac administratione, & usu opportuno profli-gentur.

Ut igitur de quatuor horum morborum curatione, tractationem ineamus, juxta eam methodum, quam jam sequuti sumus: ab epilepsia ordiemur: cui alios morbos comites suo ordine adjiciemus. Ac primo loco, omnia cõmunia remedia, quibus bonâ Dogmaticorum pars usa est, afferemus. Deinde ordinem, temperationem ac correctionẽ, quas Neoterici iis adjunxerunt, subnectemus: ac tandem communium ejusmodi remedium legitimam informationem ac instaurationem, sive in electione simplicium, sive præparatione eorundem, juxta Spagyricorum ac Hermeticorum solertiam ac industriã præscribemus. Neq; hoc loco, specifica illorum præsidia, ac
sele-

selectissima arcana, magisteriaq; , quæ cum ex vegetabilium, tum metallicarum etiam & mineralium substantiarum familia, mutuari solent, tacebimus. Idq; tanta facilitate conabimur tradere, ut vulgus inde fructum aliquem reportare queat. Nec recedemus à methodica Dogmaticorum curandi ratione, ad quam, quo propius fieri poterit, accedemus, in usu & administratione remediorum, quam sequuntur: ut sic obrestemur, ac fidem faciamus, mutui nostri cum illis consensus ac concordia, quam foveri inter nos perpetuò optamus: ac simul, ut innotescat, procùl à nobis eam esse ruditatem ac ignorantiam, nec non schismaticum studium, quorum insimulamur.

Epilepsia igitur, ut rem tandem aggrediamur, & ab hoc tam gravi & stupendo morbo omnibus æquè, tum viris, tum mulieribus, nulla ætatum habita ratione, imminenti, ut qui vel infantes etiam in cunabulis adoriatur: unde ab Avicenna, ut jam antea monuimus, puerorum mater vocitatur: duplicem curationem exigit: unam prophylacticam: alteram therapeuticam. Hujus usus est in insultibus & paroxysmis, ut morbi videlicet præsentis conjuncta causa perimatur: alterius verò, ut causæ antecedentis, vel materiæ epilepticæ generatio intercipiatur: quæ non

*Avic. 3. tertii. cap. 8.
Cura epilep.
est duplex.*

nisi temporis intervallo fieri potest: et si morbi impressio, & maturus symptomatum illius fructus, in ipso temporis momento seu puncto indivisibili efficiatur. Ubi perpédendum est, eam interdum eò usq; ferociæ ac violentiæ devenire, ut atrocissimè ac crudelissimè sæviens à miserrimo ægro prius non recedat, quàm immanissimo & inaudito mortis genere eum miserrimè jugulaverit, unde idcirco

*Aret. li. I. de
caus. & no-
tis c. 4.*

ab Aretæo scriptum est, *varium & portentosum morbi genus epilepsia est, que dicitur Latine comitialis morbus, terribilis utiq; in accessionibus, & peracutus ac perniciosus: quandoquidem nōnunquam accessio una hominem rapuit.* Sic Paul. lib. 3. c. 13. *Quum igitur in aliquibus acutissima sit affectio, citò occidit, tum exacerbationum assiduitate, tum symptomatū violentia.* Ea etiam nobis, ut diuturna affectio, consideranda est, ut quæ varios cieat paroxysmos, modò rariores, modò frequentiores: nunc longiores, nunc breviores: qui quidem ad extremam usq; senectam, imò ad sepulchrum usque perdurant, nec ante obitum desinunt. Quod confirmat idem Paulus, quum etiam hoc ad eā, quæ de illo supra citavimus, addidit: *In quibusdam verò in longū extenditur, ad eò ut, si non circa pubertatem, aut lunares purgationes aut impregnationes soluta fuerit affectio: aut si post hoc tempus contracta fuerit, plerunq;*

com-

commoriatur, præterquam si convenientem curationem consequatur.

Præter hanc acerbitatis ac diuturnitatis hujus mali necessariam à medico observationē, *Observanda* id quoq; necesse est diligenter expendat: nam *quedam in* turam videlicet morbi, differentias & causas *curat.* ejusdem, temperamentum, ætatem, sexum etiam ægrotantium, ut rectam, legitimam, ac tutam curandi rationem, ab indicationibus ineat ac præscribat. Poterit quidem in omnes epilepsias, generalis quædam cura institui: at quæ à cerebro proficiscitur, particularem quandam sibi curam expostulat, aliamque ab epilepsia ex ventriculo prognata: aut ab ea, quæ aliunde ex membris distantioribus procreatur. Quemadmodum & illa, quæ ab ictu scorpionis venenato, aut ab alia extrinseca causa suscitatur, alia præsidia exposcit ab iis, quæ epilepsiis, ex putrefactionibus & venenis in corpore genitis debentur: ut & hæ aliam curam efflagitant, ab illa, quæ ex corrupto semine, aut hysterica affectione generatur. Sic crassa, obæsa, ac pituitosa corporis constitutio, aliam curandi rationem exigit, à macra & biliosa constitutione: Nec non sanguinea aliam, quàm melancholica. Infans ex ubere nutricis adhuc pendens, alia via tractandus est, ac qui jam septem aut octo annos

natus est: nec non hic alia ratione, ac qui pūbertatem jam attigit, & ex ephœbis excessit. Mulieres, quæ ex suppressis menstruis, & matricis impuritatibus, huic morbo obnoxie fiunt, alias curationum indicationes nobis exhibent, ac viri, qui aliunde, alias ob causas, eodem morbo affecti sunt.

Atque hæc quidem nobis sedulò tum in prophylactica, tum in therapeutica observanda sunt: in quibus primò, generalia præsidia semper afferemus, ex quibus particularia remedia, pro diversis morbi differentiis, ac causis, temperamentis, ætate ac sexu derivabimus ac instituemus: eamq; rectam medendi methodum in unaquaq; epilepsiæ specie usurpabimus & accommodabimus: nec non pulcherrimos quosq; remediorum flores, ex celeberrimis quibusq; Dogmaticis, tum Græcis tum Arabibus & Latinis, tam antiquis, quàm recentioribus, seligemus: atq; hoc sertum eximiis ac pretiosis Hermeticorum unionibus & margaritis illustrabimus ac decorabimus: nec labori ulli aut vigiliis parceamus, quin quicquid à Deo accepimus, in usum publicum, & proximorum nostrorum utilitatem, candidè referamus.

Ab illa igitur therapeutices parte, hoc est, à curatione morbi, quum insultus suos & paroxysmos ciet, exordiemur. Qua in re, præter uni-

unicam curationis indicationē, quæ in morbi exacerbatione mitiganda ac profliganda, posita est, in universum nihil desideratur. Atque ut eam, quam nobis proposuimus curandi methodum, ordine persequamur, quam à quolibet æquo iudice, ut elegantem & utilem probatum iri facilè mihi persuadeo: pro ea quam Dogmaticorum scholæ reverentia vovimus, in primo hujus certaminis agmine, primum locum Dogmaticis tribuemus, eorumq; in tanto actàm atroci morbo debellando methodum, quibusq; usi remediis fuerint, cùm exacerbationibus suis morbus æstuat) in medium proferemus. Sic igitur scribebat Oribasius synop. lib. 8. cap. 3. *Ubi concidit aliquis, convulsa & distracta membra sunt perungenda, tenendaq; ac dirigenda: deinde os aperiendum, digitusq; immittendus, aut penna oleo Irino imbuta, ut pituitam evellamus. Odoramentis quoq; sensus excitare oportet, veluti peucedano, succo Cyrenæico (id est, assa fœtida) bitumine, cedria, pice. Post accessiones si nihil impedimento est, vena cubiti incidenda est. Si nihil remittat accessio, extrema partes synapismo oblinenda sunt, cucurbitula præcordiis affigenda. Si per hac morbus non cessavit, exigua spes est: & tamen Medicus audacter, & vi etiam adhibita, castoreum, & succum Cyrenæicum, cum melle & aceto ori infundat. Per sedem verò cen-*

Curatio epileps. secund. Dogmat.

*taurii aut colocynthidis decoctum injiciat. Qui ex morbo convalescunt, viribus refectis ex hie-
ra purgari debent. Atq; hac quidem est recen-
tis & acuti comitialis morbi explicata curatio.*

Paul. lib. 3.

cap. 13.

Aët. libr. 2.

ser. 2, cap. 13.

Paulus Aegineta iisdem propè verbis illud ipsum inculcat, Aëtius quoq; in hæc verba loquitur: irrutente igitur comitialis morbi exacerbatione, convulsas & obtortas partes deligare oportet, inungere, ac dirigere. Deinde disparato ore, pennam oleo illitam immittere, cyprino præsertim, aut Irino aut narcissino, & vomitum irritare: quo incumbentes ex stomacho humores extrahantur. Oportet etiam odoramentis sensum irritare, velut peucedano, aut succo Cyrenaico. Perseverante verò exacerbatione. Medicus cōfidenter cogens, ac mandibulas diducens, castoreū ori infundat, & succum Cyrenaicum cum aceto mulso. Revocatis autem ipsis, per sedem infundatur centaurii ac calamintha decoctum, aut aristolochia: deinde recuperatis viribus, per hieram ex colocynthide purgetur. Sic Græci authores, atq; etiam ipsi Arabes, uno & eodem remedium consensu, istius mali paroxysmos sedare & profligare conati sunt, secuti hac in re Galeni consilium lib. de loc. affect. explicatum.

Atq; his veteres præfidiis ægros, sive nobiles, sive infimæ sortis homines ex paroxysmis in omni epilepsiæ specie restituebant.

Quo-

Quorum quidem remediorū formulas verbum verbo ferè ex eorum scriptis excerptimus, ut, quod sit in medendi methodo inter antiquos Dogmaticos, & recentiores eorum adhuc sectatores, tum in ipsa medicamentorum varietate, tum eorum diversa præparatione, administratione & usu discrimen, elucescat, quod ipsis oculis subjiciemus. Patefacienda enim nobis est continua quadā ordinis serie (ne confusionem inducamus) therapeutica curatio, quam speciatim in infantulis, adhuc ex mamma pendulis, & potentioribus remediis sustinendis (quæ grandiores ferre possint) imparibus, observabant ac usurpabant. Cùm enim lactantes infantes huic morbo frequentius sint obnoxii, ex eoq; sæpius mortem incurrant: eorum saluti, quantum ab iis fieri potuit, sedulò prospexerunt.

Inter veteres Græcos Dogmaticos copiosissimè ac specialissimè omnium, curā infantum, hujusmodi epilepticis insultibus confictorum, aggressus est Aretæus Cappadox: *Curat. pro infantib. epilept.* cujus idcirco disertè ipsissima verba & voces visum est huc trajicere, quòd iis figillatim ac minutim, quæcunque ad infantis epileptico paroxysmo convulsi, restitutionem faciunt, videatur de industria aperire & explicare: *Pueris itaque, inquit, quibus ex corruptione, aut ex vehementi refrigeratione, innotata hac* . I 4 . *labes*

labes incessit, vomitus aut cibi, aut pituita, aut aliorum quorundam ciborum, prodesse consuevit. Penna autem Irino unguento, id est, oleo delibuta, nauseam excitant. Veruntamen & Irino, non usque ad convulsiones, tonsilla sunt illinende. Comprimere quoque leviter ilia opus est: puerum in ventrem suspensum convertendo. Hec enim figura ad vomitum habilissima est. At si vellatur, aut distorqueatur inferior maxilla, aut manus & crura jacentur, aut una cum toto corpore oculi distendantur, manibus perunctis tractando, demulcere convenit: obtorti oculi dirigendi sunt: recte partes ne torqueantur, suaviter continende: frigida membra lanis, antiquis, sordidis, attritisque panniculis fovenda. Sedem præterea melle cum rutaceo inungito, aut cum nitro, aut resina liquida cum his mixta. Hec quoque leniter intra anum intrudito. Flatus enim proliciunt. Flatuum autem excretio hujusce mali in pueris medela est. Porro si deglutire valeant phar-macum, istud exhibendum est, cardomomi pars, aeris combusti ℥. j. hac ex mulsa propinato. Aut enim evomunt una cum humoribus ventriculum infestantibus, aut alvus subducitur. Optimum quoque est ejusmodi linctuarium cardamomi, synapis, hyssopi comæ par pondus radicis Iridis pars, cum nitro misceto, & maxillam diāuens in os effundito. Interius etiā, quam ubi sunt tonsilla, quo deglutire valeant injicito. Hac adeo

pueris

pueris expediunt. Juvenibus quidem & hac quidem profunt: verum potentiora etiam hic medicamina ad vomitum deligenda sunt, ut narcissi, bulbi, synapis & hyssopi pares partes, aris & piperis dimidio minus quam priora, cum melle miscens, exhibe. Hac profecto ad levandam exacerbationē abunde fuerint. Hęc Areteus, antiquissimus & celeberrimus scriptor: quem constat nulli sectæ addictum fuisse, ut ipsemet aperte ostendit, cum à Democrito, Archigine, Hippocrate, Aristotele & quibusdam aliis dissentiat. Hippocrate quidem ætate posterior est: siquidem eum nonnunquam testem adducit, ejusq; dicendi formam, hoc est, brevitate cum gravitate conjunctam, præ cæteris omnibus æmulatur. At Galeno cognita fuisse ejus scripta nusquam apparet: quum eorum nullam uspiam suorum librorū mentionem faciat, & si ætate Galenus posterior fuerit Aegineta videtur ejus libros legisse, quum sic quartum suum librum auspicatur, *Areteum Cappadocem ita dicere arbitror, &c.* Aëtius de illo quoq; variis in locis verba facit. Inter Ionicos dictione, elocutione & sententiis excellit: cujus interpretem habuimus celeberrimum nostri seculi virum, Paulum Junium Crassum. Hoc unum desideratur, quod Græcum ipsum exemplar, multis in locis carie & vetustate erosum, interpretationem

nem nobis mutilam, imperfectam, dissutam & laceram reliquerit. Ita ut prima quatuor totius operis capita, quæ de causis & signis a-
 cutorum morborum agunt, desiderentur, aut tota imperfecta sint. Imò etiam quintum ipsum caput, de epilepsia, de qua hic agimus, differens, principio suo truncatum sit. Sed ab instituto cursu quodammodo digressi sumus: quod idcirco fecimus, ut Antiquitatem & præstantiam hujus authoris palàm exhiberemus: qui in curatione, vel infantum, hujusmodi remedia metallica, aliaq; id genus perniciofa potius quàm salutifera, quæque intra corpus ingeri sit nefas & lethale ex multorum opinione, tamen non respuit: imò admittit audacter, nec veretur ipsis infantibus lactantibus æs ustum, citra aliam ullam præparationem, ad scrupuli unius dosim, vel majorem etiam grandioribus, ad provocandum vomitum, præscribere. Quo evacuationis genere æquè frequenter ac feliciter in hujusmodi ac plerisque aliis affectibus utebatur Antiquitas, ut posthac suo loco apertius dicemus. Quod tamen remedii genus pleriq; omnes execrantur, tanquam antimonium redolens. Quod tamen à petito artifice & Medico, non ignaro empirico, ita debite præparari & administrari potest, ut citra vim ullam, & noxam minorem eâ, quæ
 ex el-

Antiqui etiam usi sunt metallicis.

ex elleboro albo (convulsivo utique tam usitato & familiari Hippocrati & Galeno, totique Antiquitati,) felicissimo cum successu exhiberi possit. Nec tamen loquor de vitro illo antimonii, cujus usum, utpote à suo veneno, non satis, nec ex arte repurgati, libro nostro de spagyrica præparatione ante viginti & septem annos edito, improbavimus & abjecimus. Veruntamen exemplum de antimonio attuli, ut ostendam, perinde ac ex are usto, sic ab antimonio, quæ vitriolata sunt utrumque naturæ: nec non ex vitriolo, ipsoque mercurio, sulphure & aliis id genus mineralibus & metallicis, non minus utilia, imò etiam præstantiora remedia elici posse, *Præstantia mineral. medicam.* in omnes astralium tincturarum, & fixas radices habentium affectus, quàm ex vegetabilibus parari solent, aut possunt. Veteres thermis & metallicis aquis calidis usi sunt. Quod ex ipso Aretæo videre est lib. i. de cur. diut. morb. cap. 5. de curat. melanch. *Medicamenta enim, quæ in his sunt ingenita, inquit, (de aquis sponte calidis loquens) opem ferunt, bitumen videlicet aut sulphur, aut alumen, ac multò his plures aliæ facultates. Quinetiam hodie nostri medici, qui tanto operè ejusmodi remedium metallicorum usum aspernantur & rejiciunt, ad ea ipsa confugere coguntur, & suos ægros ablegare, quibus nullam opem* *Galen. mineralia aspernantibus eadem sunt extremum refugium.*

opem ex variis suis vegetabilum auxiliis ferre queunt, de eorumque restitutione desperant. Unde tot tamq; felices exitus sortiuntur ægri (ut omnium oculis experientia patet) ut ad ipsam experientiam ejusmodi detrectatores & contemptores obmutescere debeant, & à tam utilium ac salubrium medicamentorum contemptu ac contumeliis desistere. Sed ad institutum redeamus, & productis in medium antiquorum auxiliis, quibus in genere, in ipsis morbi paroxysmis utebantur, nunc primò communia aut vulgaria, quorum adhuc hodie in hunc finem apud Dogmaticos continuus est usus, nec non apud eos etiam, qui elegantes illas Hermeticorum præparationes delibant, afferamus. Quo peracto, ad prophylacticen ex præscripta methodo nos accingemus, in qua antiquorum quoq; remedia, ad radicitus eruendum hoc diuturnum malum, ut non amplius recurrat, vel saltem ad paroxysmos ejus moderandos ac mitigandos, eorumq; frequentiam remorandā apta & congrua patefaciemus. Actandem toti huic negotio, ornamenta illa Hermeticorum præsidiorum, ac elegantes præparationes spagyricas, ex vegetabilibus, animalibus & metallicis substantiis depromptas, tanquam colophonem addeamus. Ubi nec inejusmodi malum specificas
medi-

medicationes reticebimus. Ac in primis de illis in genere agemus: postea in formulas ea redigemus, ut tyrones quoq; , ex nostro hoc scripto fructum aliquem reportent, avidiusque ipsum, spe fructus ex eo percipiendi, amplectantur.

CAPUT XIII.

Particulares indicationes, cum nonnullis remedium formularum è Dogmaticorum penitus depromtis ad paroxysmi epileptici resinguentiam ferociam, describuntur.

UT igitur præsentem mali exacerbationem aut paroxysmum profligemus, præcipue *Indicationes parox. epilep. respicientes.* erunt intentiones & scopi, ut promptè materia dissipetur: aut excoquantur crassi illi vapores malum inducentes, aut ut materia evacuetur, revellatur, atq; aliò adigatur, corrigatur, contemperetur, aut infringatur venenosa illius & virulenta acrimonia: tandemq; cerebrum, aliæq; corporis partes affectæ corroborentur. Quod præstabitur tam intrinsecus assumptis medicamentis, quàm extrinsecus admotis: ut nimirum in discussionem aut coctionem vaporum ejusmodi, aquas theriacales, odora menta & suffitus varios, lini-
menta

menta ex oleis: nec non emplastra, cataplasmata, sacculos, & id genus alia usurpemus ac distribuamus. Ad revulsionem verò & derivationem, aut etiam evacuationem, purgantia, vomitiva, clysteres, errhina, masticatoria, vesicatoria, cucurbitas, ligaturas, frictiones adhibeamus. At commodoratio & correctio malignæ ac venenosæ materiæ, alexipharmacis præstabitur antiepileptics, ac ex tota forma specificis, propriisq; medicamentis. Quod ad corroborationem partium, & horrendorum symptomatum, hunc affectum comitantium, lenitionem ac mitigationem attinet (quales sunt distortionem, convulsionem aut spasmi, dentium stridores, exspumationem, atq; id genus alia) his rationibus succurretur, quas alicubi explicabimus.

Atque hi sunt scopi, ac universalis ordo, quem citra perturbationem sequi decrevimus: quemq; ab omnibus veris Dogmaticis, in paroxysmos hujus morbi profligandos, institui par est. At quum ejusmodi epileptici insultus, sæpius sint ferocissimi ac vehemētissimi, horrendoq; modo ægrum adoriantur, usq; ad eò, ut nō modò astantes terrore percellat, sed vel ipsos etiā celeberrimos ac in arte experitissimos Medicos in stuporē adducat. Quiq; etiam frequentius, non prius ab ægris discessionem faciunt, quàm eos jugulaverint: quam

prom-

promptissimum tum, accelererrimū adducendum est auxilium, non expectatā eā curandi methodo, quam suo ordine præscripsimus. Periculum enim est in mora. At eum quidem sequemur ordinem, cū inducias morbus concedet: & diuturnitatem quandam atque temporis intervallū promittet ac erogabit.

Quū autē infantuli, vel ex mamma pendentes, hujusmodi affectionibus maximè sint obnoxii ac in eas proclives (quorū utiq; major esse debet quā aliorū commiseratio) æquum est, ut ab eorum cura auspicemur, eaq; notemus auxilia, quę pro ætatis eorum tenellæ, imbecillisq; naturæ ratione, specificā suā proprietate fœlicem opem ferre possint.

Tunc igitur, cū insultum morbi patien- *Ad paroxysmum infantum infrigendum.*
tur, quā citissimè fieri poterit, oris pituitosa spuma detergebitur, dentes diducentur, ac obstitabitur, ne lingua iis contractis & cōpressis, saucietur, aut etiā amputetur. Quod præstabitur cochleari argenteo inter superiores & inferiores dentes interposito, ac fatis profundè in guttur demisso, aut aliquo ex liquiritia bacillo, vel ex pœonia, vel etiā eburneo, si quid solidiùs desideratur. In quod apertum gutturis spatiū, digitus oleo amygdalarū dulciū delibutus, ad pituitā aut phlegma educendum immittendus est. Quo etiā temporis momento nutrix ab occipitio totam spinæ dorsū longi-

longitudinem infantis perfricabit, ac inunget oleo sequenti composito.

R. oleorum rutacei, lumbricorum, ana ℥ ij. olei de castoreo ℥ j. aqua vite parum, misce. Eodem oleo brachia & crura, si contrahantur, confricabuntur & inducentur, utriusq; pedis pollicem, nec non & manuum, digitis comprimendo, aut aliqua alia ligatura mediocri constringendo. Sertulum etiam ex ruta & pæonia, additis suo tempore liliorum convallium, calendulæ & tiliæ floribus, naribus olfaciendum præbebitur. Nec non auriū limina, naresq; atq; tempora sequenti compositione fovebuntur.

R. theriace Alexand. ℥ j. confect. Alkermes, & de hyacintho ana ℥ j. s. aquarum pæoniae, liliorū convallium & cerasorum nigrorum ana ℥ j. s. aquae cinnamomi ℥ j. s. misce. Quinetiam si ad cochlearis argentei mensuram, de eadem aqua, adjecto modico syrupi de pæonia, infanti sorbendum detur, utilissimum fuerit. Capiti etiam, nec non ventriculi orificio, inducetur hoc sequens cataplasmatidis aut cerati genus.

Cataplasma *R. pulveris rad. Ireos, flor. pæonia, visci q. ana ℥ j. pul. flor. menthe, hyperici, betonicae, thymi, major. ana ℥ j. s. pul. sem. pæo. bacc. junip. ana ℥ j. s. theriaces, mithridatii ana ℥ vj. olei de castoreo ℥ j. s. olei aneth. rut. & menthe ana ℥ j. s. mithridatiū*

tium & theriaca cum oleis ad ignem liquefiant: deinde sensim extra ignem, pulveres addantur, & fiat instar cataplasmatidis, vel addita cera instar ceroti. Hoc super linteo extensum, & in emplastrum forma literæ T. concinnatum, coronali futuræ superinducetur; aliudq; in scuti stomachalis figuram orificio ventriculi: nec non eâ parte colli, quâ occipitio committitur, quam nucham vocant, apponetur.

Quibus utiq; remediis si malum non vincatur: ac paroxysmorum crebra recurrat iteratio: remissionum & quietis intervallis, vomitus pennâ, oleo amygdal. dulcium perfusâ, Vomitoria
satis altè in guttur demersâ, provocabitur. Aut in eundem scopum accipe aceti scyllitici, cochlearis argentei mēsuram, olei amygdalarum dulcium semicochlear: sacchari anthosati modicum, fiat mixtio, quæ infanti sorbenda exhibeatur.

Ad incidendam autem materiam mucilaginosam, cujus ex vaporibus hujusmodi paroxysmi suscitari possunt: eamq; leni aliquo vomitorio educendam: pronus erit in faciem, & ventriculum componendus infans ad lenem ignem, ne frigus contrahat, quo sic facilius vomitus cōsequatur. Quin & si commodè ei injici potest clyster, paretur sequens in hunc modum.

Rad. aristolochia rotunda, polypod. q. semi. Clyster.

nis carthami ana ʒ ij. seminis peon. cumini ana ʒ j. ʒ. fiat decoctio ex lacte. De qua R ʒ v. vel vj. hiera picra Gal. ʒ iij. mellis anthosati ʒ j. olei rutacei & liliorū ana ʒ j. misce, fiat clyster. Clysteris locum, si eo infans uti non potest, supplebit glans vel suppositorium satis acre. Omitto hīc ptarmica, quorum posthac plures licebit descriptiones conspicerē: quibus sub finem remediorum omnium, & in extremis tantū utendum est. Etenim in infantulis & mollities & imbecillitas cerebri, ut plurimū etiam mole humiditatum & vaporum gravati, suspecta esse debet, verendumq; ne, si ea materia sternutatorio commoveatur, repentina illa agitatione ii potius suffocētur, quā in meliorem statum restituantur. Idcirco cautē & prudenter ejusmodi remedia infantibus adhibenda sunt, ne secus quā par est, res succedat.

*Ptarmica
infantibus
cautē adhi-
benda.*

Atque hæc commemorata sint subsidia, quæ ab urgente paroxysmo infantes liberare solent: quorum præparatio facilis, uno propè momento expediri potest: & ea, pro quavis temporis & morbi occasione, promptē administrari. Similia etiam in eundem finē occurrunt ex vegetabilibus remedia, quæ non desinunt esse specifica, sed longioris & exactioris præparationis, quā quæ vulgaria sunt, quæque artificem medicum exigunt,

gunt, non verborum tantum peritum, sed rei ipsius, hoc est, artis spagyricæ non ignarum: quorum auxiliorum aliquot hic formulas adnectemus: sed quum ejusmodi præparationes longiusculum aliquod temporis spatium requirant, maturè ea præparanda erunt, ut urgente necessitate præstò sint, in cujusvis ægrorum sexus & ætatis subsidium.

Rondeletius ex primis meis præceptoribus unus, magni utique nominis vir: & qui ex variis, sive in Italiam, sive aliò, peregrinationibus singulares & ratas experimentorum observationes retulit, hanc suam in utramque hujus mali curationem specificam habebat hirundinum aquam, cujus ex scriptis formula peti potest. Nec sat scio, qua primùm conjectura aut ratiocinatione ejusmodi avium proprietas & virtus in hujusce affectionis auxilium perspecta sit congruere; ut ex illis aqua in hunc usum extillaretur; nisi fortè ex Alex. Trallian. scriptis libro 1. cap. 5. ubi de his tractat, quæ naturaliter ad comitiales valent, tracta sit experientia. Scribit enim author ille, inter alia multa specifica remedia, quæ ab Archigene, Apollonio, Theodoro, Xenocrate, & antiquis aliis medicis & philosophis mutuatur, hoc quoque mirificè agere: duos

Aqua antepilept. specifica Rondeletii.

videlicet lapillos, quorum alter sit niger, alter verò albus. Hunc, inquit, comitali collapso imponito, & ægrum excitabit: illum verò, nigrum scilicet, cuti alligato. Athyrundines dicuntur primò pullis hos lapillos dare, qui non facile inveniuntur, nisi universis pullis in totum dissectis. Ego verò istis parum fido remediis, aliisq; similibus, de quibus posthac loquemur. Veruntamen si iis radices pæoniæ, angelicæ, castoreum, & id genus alia adjiciantur, ut ego admiscere soleo: quæ corroborando cerebro, discutiendis & absumendis vaporibus, hunc affectum sua obstructione & maligna qualitate generantibus, apta sunt: eorum potius efficaciam & virtuti auxilii vis, tum promptè ab insultu paroxysmi ægrum expediendi, tum mali radicū evellendarum, quam aliis, tribuenda est.

Hæc igitur à me parata, miræ virtutis & certissimæ experientię, hyrundinum aqua in exemplum proponatur.

*Aqua hyrundinum
nostre descript.*

Ex suo tempore vij. aut viij. pullorum hyrundinum nidos, sola tantum lanugine hirsutorum, nec dum perfectis plumis vestitorum. Hos in terreo vitreato vase, firmissimè obstructo, ad reverberandum composito, dum toti pulli in cinerem, cum visceribus & plumis, redacti sint. Ex hoc cinere accipe ℥ iij. (cujus si tanta non sit copia, de reliquis tantum detrahes, quantum fuerit defe-

Etus pulveris) cineris cranii humani ℥ ij. pulveris rad. visci quer. rad. angelica, zedoaria, singulorum ana ℥ j. ℔. seminis paonia, granorum juniperi conquassatorum ana ℥ vj. castorei ℥ j. succi rad. & foliorum paonia, aceti scyllitici ana ℔. j. aquarum hyssopi, florum tilia, liliorum convallium, salvia, rosmarini, ana ℔. j. macerentur simul omnia in vase, fortiter obstructo, ad aliquot dies in B. M. deinde fiat destillatio in cineribus, mediocri igne, ad siccitatē. Cavendum, ne destillatum adustionis saporem referat.

Ut autem hac aqua corroboretur, & vis ejus augeatur, aridas faces accipe, easq; in calcem, vi ignis, albissimam redige, quibus in manica, aut filiro Hippocratis impositis, superfundatur destillatus liquor, qui crebra repetitione sue calci reaffundatur, & identidem trajiciatur: dum totum salem, in quo posita est summa remedii virtus, secum eduxerit & asportaverit. Atq; sic aquam, non simpliciter & crasse stillatam, quales sunt vulgares, quae statim muciditatem & corruptionem contrahunt: sed omnium simplicium dotibus ac virtutibus impragnatā, ac diuturnae conservationis habebitis. Ex qua admirandos effectus (ex arte spagyrica manantes) sitis ubiq; & semper experturi. Quod & de omnibus aliis aquis stillatitiis notandum est: eas videlicet suis salibus esse condiendas, si virtutibus pollere eas optabimus, ut in capite de aquis

pharmacopœæ Dogmaticorum nostræ testi-
tutæ disertè & speciatim docuimus. Hujus a-

Dosis. quæ ægrotantibus grandioris ætatis, propi-
nandum erit ad dimidium cochlearis argen-
tei, si ægrum à lapsu & sopore suo excitare, &
paroxysmum abigere intentio fuerit. Infan-
tulis verò paulò minus erit exhibendum. Ut
autem recurfuris paroxysmis prospiciatur, &
præcaveatur eorum reditus, per aliquot dies
cōsequentes cōtinuandus erit ejus usus, pro-
ut dicemus, cū de cura epileptiarū agemus.

*Alia prædi-
cta aq. præ-
paratio.*

Hanc eandem aquam, alia præparandi &
componendi via, sic aliquando concinnavi.

℞ iiii. aut v. hirundinum nidos, quos in frustra,
cum ipsis plumis aut lanugine ac visceribus, dis-
secabis, coquantur in v. aut vj. hydromelitis se-
xtariis, eo modo, quo alie carnes in olla elixan-
tur. Iis adde radices & semina pœonie, angelice,
visci q. rasura cranii humani, cornu cervini,
granorum juniperi conquassatorum, dictami,
melissæ, betonice, thymi, hyssopi anà q. vol. juscu-
lum prælo fortiter exprimatur, ac percoletur.
Expressioni aut colature sequentia adjiciantur;
macis, nucis moschate, caryophyllorum, cinna-
momi anà ℥ij. castorei ℥. s. florum purpureorum
anagallidis, liliorum convallium, tilie arboris,
rosmarini, salvia, betonice anà pugillum unum,
aut alterum, croci ℥. s. camphoræ ℥ij. aquæ flo-
rum primule veris & calendule anà lb. j. mace-
rentur

rentur simul omnia ad aliquot dies: dein fiat liquoris destillatio ex arte: cuius & in ipso paroxysmo, & extra ipsum, prout morbus exiger, exhibeatur semicoccleare. Eodem liquore, aurium & narium patientis inferiora foveantur. Nō alia ratione, sed simili propè modo ex Picis laudatissima paratur aqua, huic affectui congruentissima, quam in nostra quoq; Dogmaticorū restituta Pharmacopœa descripsimus.

Dosis.

Si mulier fuerit, quæ hoc morbo torqueatur, metusq; sit, hunc affectū aliqua hysterica affectione stipari: succurratur illi galbani, rutæ, asæ fœtidæ, pennarum perdicinarum tostatarū odorem naribus exceptis, quibus matris ad infernas partes deturbetur: fortes etiā ligaturæ femoribus & cruribus adhibeantur: nec non cucurbitæ, aut terrea scatella, vino imbuta, in quo melissa, calamentum, matricaria, & id genus alia incocta fuerint, linteo involuta calidè umbilico adaptetur. Cæterum intrinsecus & extrinsecus alia, quæ jam commemorata sunt, præsidia administrabuntur, nisi fortè dosis medicamentorum augenda sit, & clysteribus, ex cephalica decoctione factis, benedicta laxativa, hiera Paccii adjiciantur, atq; inter mella, mercuriale, suffocationibus omnibus matricis specificum & peculiare medicamentum: quibus adhuc unica vel duæ castorei dragmæ addi possint.

Quomodo mulieres hysterica paroxys. epilept. correpta sint tractanda.

Grandioribus infantibus & hominibus eadem propemodū auxilia & administrandi ratio, usui futura sunt, augendo dosim, pro ætatis & virium uniuscujusq; observatione, valentiora etiam iis citra metum exhibendo. Ingentibus enim medicamentis ac validis in morbo comitiali opus est, inquit Aretæus. Expediendū autem suis impedimentis cerebro summa cura incumbendum, si primaria affectione laboret, idq; quā promptissimis remediis fieri poterit, ut erthinis & ptarmicis congruis. At si ex ventriculo vitium oriatur, ea statim administrantur remedia, quæ vomitum cōcitent. Si aliunde suscitatur, suis quoq; auxiliis singulæ partes adjuventur. Sequitur in hunc finem ptarmicum.

Ptarmicum.

Rad. Ireos, flor. majoran. sicca, hyss. sem. peon. nigella, Caryophyll. piperis ana ℥j. bell. albi ℥℥. moschi gr. iiij. misce, fiat pulvis, qui naribus insuffletur: Vel, Rad. ammoniaci ℥℥. pyreth. subtilissimè pulv. ℥ij. misce, & malaxa cum succo rad. Ireos, fiat massula secundum artem, de qua cape q. v. & super extrema spatula parum ad ignem calefaciendo, calidum medicamentum naribus indito, unde magnam serosa aquæ copiam prolici videas. Hoc utiq; subsidium cuidā epilepsiæ, & apoplexiæ speciei congruit, cū cerebrum videlicet nimia pituita aut excrementosa humiditate scatet, unde malum procreatur.

Aliud

Aliud etiam potest sternutatorium concinnari, quod naribus non opus fuerit insufflare, sed solo odore eas suffire, unde crebra & copiosæ sternutationes ciebuntur. Quæ medendi ratio mihi magis probatur, & ad rem magis appositæ est, cum insufflati pulveres vim & noxam cerebro delicatiorum hominum & infantû majorem inferant, ipsosq; violentius offendant ac lædant.

R. hellebori nigri ʒj. masti. ʒß. incidantur & Aliud.
ligentur in nodulo subtili, qui maceretur in aqua peonia, aut aliqua alia conveniente, & naso admoveatur subodorandus. Movebit enim sternutationem sine violentia, vel adidem.

R. rad. Ireos, cyclaminis ana ʒj. castorei ʒj. hellebori albi, thymi, sem. nigellæ ana ʒij. aptentur in nodulum, de quo usus sit, ut supra.

Veteres præstantius vomitivum helleboro albo nullum habuerunt. Multa describere possemus, minùs quidem vehementia: at aliis omnibus citra discrimen, tutiora. Sed inter omnia, hoc quod sequitur, in omnibus id genus affectibus singulare & cōgruentissimum subsidium est, *sal videlicet colcotharis vitrioli Vomiteriū*
extractus, si ex syrupo scyllitico ad ʒj. propinetur. præstans.
 Mira enim tum præstabit. Idem sal naribus inspiratus sternutationem etiam egregiè ciet, citra vim cerebrum serosis suis excrementis expediens. Atq; hoc quidem ex spagyrica

arte petitum est remedium: attamen quod fortius nec non foelicius operatur ære usto, quod, ut diximus, in maximo fuit usu apud antiquos.

Illi præterea, ut epilepticum insultum sedarent, inter alia auxilia, sanguinem ab ipsis ægris profluentem (quod plerunque accidit ex contusione ab inopino lapsu ægrorum) vel ex naribus, vel ex aliqua alia corporis parte assumebant, eoque labia ægri fovebant ac perungebāt, ut eos expergefacerent, ac promptè paroxysmum discuterent. Si autem non flueret sanguis ex lapsu, solebant aut pollices pedum configere & lancinare, aut ab alia corporis parte vulnerata, sanguinem educere. De his sic scribit Alex. Trall. ex Apollonii cōmentariis, & antiquioribus auxiliis, *comitiali collapsō, inquit, ubi à magnis pedum digitis, sanguinem lancinatu extraxeris, labia & frontem ipsius inungito, & inde resurget.*

*Didym. A.
lex. Ben. I.
cap. 37.*

lib. I. cap. 35.

*Superstitiosi
curandi mo-
di.*

Sunt qui hodie & hujus morbi & aliorum, qui habentur gravissimi & incurabiles, a-sint sanationem verbis, chartæ pendulæ inscriptis, characteribus, sortilegiis & incantationibus promittere. Quam prorsus curandi rationem, ut abominandam abjicio & execror. Si quidem omnes morbi, ac imprimis qui gravissimi sunt, (qualis inter alios epilepsia est) celeberrimum aliquem Medicum,

doctis-

doctissimum, ac in arte sublimem & versatissimum desiderant, qui & morborum naturam & eorum causas optimè callens, vera & apta remedia potius conferat, quàm Terpan-der ille, Arion, & Isomenes Thebanus, qui, ut scribit Agrippa, cantilenis ac suavibus melodiis, vel deploratissimos morbos profligabat aut sedabat. Quæ ut fabulosa planè & mera stulta apud me sunt: admitto tamen, quod & veri omnes Medici faciunt, nō parum suaves illas cantiones & melōdicos concentus, sive vocum, sive instrumentorum musices, imò quamplurimū, ac fœlicissimè, multis affectibus prodesse. Hac enim ratione con-
 turbatus spiritus cōponitur, & quieti suæ restituitur, ut ex historia Davidis apud Saulem regem disci potest. Quin & recipio, quod ab aliis quibuscūq; autoribus scribitur, eos, nempe, qui à tarantulis punguntur, ad eam insaniam redigi, qua perpetuò saltitant: nec ista desipientia prius liberari, quàm suavibus cōcentibus ac musices & instrumentorū harmonia, ea sedata sit. Simile quid testatur mellitæ illæ voces, quibus suaviter demulcemur & fasciamur. Ut enim acerbis & minacibus verbis sæpenumerò cōmovemur, & in furorē adigimur: sic blandis contrā & amicis sermonibus cōponimur ac demulcemur, usq; adeò tanta est in spiritus nostros verborū vis & efficacia.

Musici concentus fasciant.

In hunc finem Menander doctum hoc ac verissimum scriptum reliquit:

Sermo enim est tristitia remedium solus:

Tristitiam enim benevolus scit medicari sermo:

Sermo medicus est, quæ est in animo, passionis:

Animi egrotantis est medicina sermo:

Maximum ira est remedium sermo.

Neque ex his inferri debet, incantationum, verborum insufurrationum, characterum collo appensorum, & id genus aliorum remedium, certum firmumque esse fundamentum, cui inniti debeamus. Quorum quidem nonnulla à veteribus usurpata sunt, ut qui de iis etiam loquuti sint, quæ alligantur, & quæ naturaliter comitialibus obstant, ut scribit

Tral. lib. 1. c.

15. sub finem.

Amuleta

ante epile-

ptica.

Trallianus ex commentariis Archigenis. Quæ quidem remedia à nostris hodie amuleta nuncupantur. Jaspis æcreum colorē habens, aut similis callaino digito impositus gestatur & liberat. Itemque asini frons cuti alligata, gestataque idem præstat: ut & chrysolytus & corallium faciunt ex eodemmet Tralliano. Ga-

Gal. simpl. 6.

lenus usus est, & apprimè laudavit, radicem præoniæ collo appensam: cujus similem habet effectum viscus querc. Commendatur etiam hodie alcis ungula, cujus sive totum, sive pars in pugnum complicata confestim paroxysmum abigit. Ab aliis eadem in annulos conformatur, quæ ex aliquo digito vulgò gestari solet. Indagandi autem hujus auxilii cau-

sam

sam & ansam præbuerunt multorum scripto-
rum commentarii: qui, cum hoc animal hu-
jusmodi caduco morbo obnoxium esse scri-
bant, ubi insultu se invadi percipit, solere, a-
junt, ungulam pedis ad aurem admove-
re, se-
que hoc a paroxysmo liberare. Sed hujusmo-
di virtutum ac miraculorum perrara aut nul-
la etiam adhuc experientia & veritas mihi in-
notuit. Quorum tamen auxiliorum proprie-
tates nolim prorsus explodere aut denegare;
præsertim si à docto medico & in veterum
scriptis, ceu sunt Alberti magni, & aliorum
magnorum Philosophorum, qui de lapidum
virtutibus & id genus aliis, physiognomicam
quandam naturam præ se ferentium cōmen-
tarios conscripserunt, exercitatissimo ea in
consilium & usum tutæ ac legitimæ admini-
strationis præscripta fuerint. Nec alia ratio-
ne compulsus est Galenus, ad usum pæoniæ,
quam è collo suspendebat gestandam, quàm
eo, quod in ejus experientia versatus, agno-
scebat etiam eam citra vehementem calefa-
ctionem, referandi viribus pollere, aut tenui-
tate partium & odoris vi, per suam anathy-
miasin, discutiendæ materiæ venenatæ epile-
psiæ facultatem obtinere. Quibus virtutibus
signaturam ipsam hujus plantæ adjiciemus, *Signatura*
cujus caliculus aut caput, antè quàm flores ex *Peonia.*
eo excludantur, analogiam quandam habet
& si.

& similitudinem ad cranium humanum, in quo futura coronalis spectatur, in cujus partibus interioribus rubor quidam florū, in obscuro nigrescens, fulminis alicujus similitudinem exhibet, quasi ipsam epilepsiam (sideratum morbum) in cranio repræsentans: quæ idcirco congruum huic morbo medicamentum esse testatur. Inducti porro quadam superstitione veteres ad oracula confugerunt, ut huic morbo tam gravi & occulto subsidium compararent. Quæ de re sic scribebat idem Trallianus ibidem: *Democratem Atheniensem ferunt, quum adolescens esset, & morbo comitiali teneretur, ad Delphos profectum fuisse, & ibi Deum rogasse (quum plerique ei offerrent alliganda morbo contraria) quali ex eis uteretur, hocq; a Pythia responsum accepisse:*

De grege sume capra majores rurs alumna.

Ex cerebro vermes, & ovīs dato tergora circum

Multiplī vermi, pecoris de fronte revulso.

Democrates, quum hæc audivisset, meditabatur, quid tunc Deus (Dæmonē intelligendū) loqueretur. Profectus autē ad Theognostum Democratum, nonagesimū octavum annum jam agentē, ei oraculum denuntiat: qui miratus vehementer Dei prudentiā, vatis Pythiæ obscuritatē & obliquum dictum, sententiam vatis in hæc verba aperuit. Gregariarum, inquit, caprarum caput naturaliter multis vermibus, juxta cerebri basim, plenum efficitur:

ac ster.

ac sternutamentis animali obortis, multi vermes in nares capræ insiliunt: oportet igitur veste substrata, ne terram attingant, illos excipere, unum vel tres: & inditum pelli nigræ ovis, tenero collo alligare: atq; hoc naturaliter adversari. Quod auxilii genus quis quàm turpissimum & insulsißimum esse inficiabitur? utpote quod ex authoris omnis corruptionis, falsitatis & mendacii officina emergat. Sed ista, ut & plura id genus alia, tanquam absurdissima & ineptissima missa faciamus: & quam de iis opinioné concipiebat idem Tral-lianus, audiamus, quùm longum postea de iis catalogū attexens, in hæc verba (quæ in suum usum Hermetici ipsi trahere possunt, adversus quosdam pervicaces nostri seculi Dogmaticos) sic loquitur: *Hæc sanè à veteribus dicta sunt, tanquam naturaliter, hoc est, latentis natura, efficacia. At quæ nos edidimus, secundum quandam viam & rationem, quam Græci methodum vocant, dicta sunt: ac convenit peritum omni modo auxiliari, tum naturalibus utendo, tum scientifica ratione, & artificiali methodo, quòd rectè, ut dici solet, omnimodo properandum sit, ut longo morbo & pravo hominem liberes. Mihi sanè omnibus uti placet. Quia verò pleriq; hoc tempore indocti accusant eos, qui utuntur naturalibus, cavi, ne cōtinuè iis, quæ naturaliter operantur, uterentur, sonatusq; sum*

artificiosa via, & ratione morbos superare. At novi, non modo comitiales, sed etiam alios morbos plerosq; victu & medicamentis fuisse persanatos, &c.

At quid cunctamur in tam horrendo & deplorando miserorum epilepticorum spectaculo? Cur à tam crudelibus & stupendis cruciatibus, vel fortissimum quenque animum prosternentibus, non deterremur? Ex hoc igitur carcere pedem tandem educamus: sed quò demum gressum dirigemus? Nunquid cupiètes vitare Charybdim in Scyllam devolvemur? At humaniorem fortè, nec vinculis usque adeò adamantinis atrocem, cum captivos, in eo ergastulo paulò tolerabiliore, quadam dolorum intermissione frui constet, & lunari quadà quietis interpositione demulceri. At mirum est utiq; in eo censu, vel ipsos tiarà & coronà præcinctos Reges, monarchas & principes annumerari: nec non cuiusvis ætatis ac sexus humanum genus nullo discrimine, ei ascribi. Qui quàm vultu sint mœsto ac Saturnio, cogitabundo animo & demisso: quàm truci & acuto aspectu: quàm pallida facie, contorta & deformi: quàm crebris tinnitibus aures perfonent, & ad audiendum duriores ac tardiores reddantur: quàm vertiginosum & nutans sit caput: denique quàm tota corporis constitutio depravata, ac

vitiata

*Miseranda
symptom. e-
pileptic. cla-
des.*

vitata sit, ubiq; partium corporis elucescit, ut præ pudore tam turpis & fœdi morbi, cujus mancipia sese facta vident, tetra potius obrui cupiant. Nec id mirandum est. Nam ut scribit Arææus: *Si se mutuo in accessionibus spectarent agroti, & quacunq; patiuntur cernerent, ultra vitam ducere non tolerarent: verum quæ in singulis atrocita, fœdaq; sunt, sensuum privatio, intuendiq; sublata facultas, abscondit.* Attamen benè, ô amici, sperare vos jubeo, nec animum despondete: at contra omnem mœsticiam è cordibus vestris excutite, quæ potius diris devovenda, & ad Garainanthas releganda est, quàm ut animis vestris infideat: juxtaq; Dictatorem summum dicite, ἀνδρῶν ὧν, ἡ γυναικῶν τῶν ἐξ ἡμῶν καὶ ἐξ ἡμῶν. Si enim in bonam, de restitutione vestra, spem erigamini, & de Medicorum fide, peritia, ac experientia salutati persuasi fueritis, attigistis jam duo restitutionis vestræ promptissima & certissima auxiliorum capita: præter quæ, nec vobis alia, quorum copiola in hac officina supellex ex tabulato explicabitur, quibus ab omni antiquitatis ævo tùm Dogmatici, tùm Hermetici hætenus usi sunt. Post hæc ad ea transibimus, quæ ab utrisq; seriatim, suis seculis investigata & experientia comprobata sunt. Atq; sic in hac eadem officina, pro sexus & ætatis ratione, omnes congruas merces effusas in

suum usum comperient, & inde mutuabuntur. Nec id satis: sed qua via & methodo ea sibi auxilia applicaturi sint, tutò edocebuntur. Quod ut faciliùs & fœliciùs præstemus, gratiam Dei non defuturam nobis speramus. Quem idcirco supplices oramus, ut omnia ad gloriam suam & proximi nostri utilitatem convertat, ac referat.

CAPIT. XIV.

Antiquorum Dogmaticorum epileps. curandi methodus, tam pharmaceutica, quàm chirurgica, cum connexis quibusdam remedium descriptionibus.

QUÆ igitur remedia ad prophylacticam pertinent: quæque ab antiquis Dogmaticis, ad præcavendos & præsus rescindendos diuturnæ epilepsie circuitus ac repetitiones, usurpata sunt, & in usum revocata, ex tribus illis medicinæ instrumentis constitui debent, Diætæ videlicet, Pharmacia & Chirurgia. Diætæ explicationem ad calcem hujus consilii differemus. At quæ auxilia Dogmatici, tum à Pharmacia, tum à Chirurgia mutantur, hîc enarrabimus. Sed quum perturbatè, nulloq; docendi ordine veteres ea nobis scripta reliquerint: eam in illis

Tria prophylact. instrumenta.

illis præscribendis methodum sequemur, quæ à recentioribus Medicis, eorum sectatoribus, observata est, & nobis tradita: ut inde elucescat, semper arti aliquid, multumq; defuisse; quod ad ejus perfectionem desideraretur.

Hippocrates non ingentem remediorum sylvam in hunc affectum invexit: neque satis dilucidè aut ullo ordine illorū administrandorum formulas instituit: cum sibi etiam tantum proposuerit generalem quandam Medicinæ ideam repræsentare: ita ut ab illo juniores Medici ad praxim formari nequeant, exiguamq; messem ex illius semente reportare possint, cum ex tam brevibus & gravibus illius sententiis non rudiores, sed docti viri & in arte versatissimi soli fructum referant. Inter omnia auxilia purgantia imprimis commendat, in hunc morbum, utriusq; hellebori usum, præsertim albi, si morbus fiat per consensum, quo vomitus provocetur. Idem Hippocrates inter simplicia, quæ intrâ sumi, & extrinsecus admoveri jubet, laudavit pyrethrum. Dioscorides in hunc eundem morbum imperavit leporis coagulum, & hepâ asininum assatum & comestum jejuno ventriculo. In quem finem castoreum etiam admisit. Aretæus in eodem morbo, quatenus chronicus est, & eo primùm caput

*Antiquorū
Dogmat.
pharmac. &
Chirurgica
Epilep. cu-
randi ratio.*

afficitur, curationem à venæ sectione primò inchoat: cubitalis videlicet, ad universalem sanguinis ex toto corpore detractionem: & frontalis, ad particularem derivationē. Quin & arterias, ponē & ante aures sitas, secare præcipit. Ea tamen cautione sanguinem educit, ut citra animi deliquiū id fiat. Si quidem, deliquium animæ, inquit, ciet morbum. Ad humorem expurgandum hieram laudat, eaq; remedia, quæ fortiter de capite proliciunt, siquidem, inquit, istorum habitus est dolorum patiens. Addit præterea, opus esse capiti ignē inferre: proficit enim. Quin & tabularum cranii, per trepanum, aptam & congruam apertionem laudat, cujus modum etiam tradit. Commendat portò cantharidum applicationem ad vesicationem usq; ubi, quæ observatione digna & necessaria sunt, explicat. Si vitio ventriculi morbus suscitatur, in purgationē assumit thymelæam, & chamæleon: quæ pituitosos humores educunt, & exiccāt. Neq; cucurbitarum affixionem, epithematū & cataplasmatum, quæ vim habent extenuandi, per halitus digerendi, & fluxa spirabiliaq; corpora reddendi, ut ipse loquitur, applicationem silentio prætermittit. Idem concoquentibus medicamentis, roborantibus, utiles humores creantibus & urinā moventibus, in medicatione utebatur, ut com-

posi-

positione ex viperis, & antidoto Mithridatica. Sed omnibus præstat, inquit, fibri testiculus, hoc est, castoreum, sæpius in mense ex aqua mulsa potus. Tandem concludit, sed non citra horrorem & medicamenti execrationem, se nonnullos vidisse, qui plenos sanguine scyphos hominum capite truncatorum, vel aliter interfectorum, propinarent: seq; legisse, ait, quendam authorem, qui in escam & cibum hepar humanum commendaret & apponeret. Sed hæ, inquit, illis scripta sunt, qui ad hunc usq; miseriæ terminum pervernerunt.

Galenus epilepticis succurrebat oxymelite simplici & squyllitico. Quin & balsamentum quoddam ex ipsa squylla concinnabat, quod aloës vicem in purgatione suppleret. Inter alia medicamina, summoperè illi probata est pæonia, tam intus sumpta, quàm foris colloappenta, ut ipse scribit de quodam puero.

Agaricum quoque seseli & spondylii fructus, & radicem aristolochiæ longæ & rotundæ ex aqua epotam, comitialibus quin etiam prodesse existimabat.

Oribasius, Paulus Ægineta, Aëtius, verbū verbo ipsum Galenum reddunt & sequuntur. Cujus in primis Ægineta verus simia est, qui, cum aliis superioribus, omnia sua auxilia

ex eo mutuatur & exprimit, ut ex scriptis illorum satis constat. At privatim Paulus de acetō quodam loquitur Juliano: sed omnium istorum facto periculo, tandem ad theriacam confugit: quin & naturales thermas scribit huic morbo conducere.

Aëtius privatam quandam excellentē scilicet theriacam adjicit, quam in subsidium epilepsiæ describit. Sed imprimis laudat & admittit certum quoddam remedium, quod ex Sereno mutuatur, cui nullum, ut ipse scribit, comparari potest. Idem enim concoquit & vacuat. Cujus perelegans, artificiosa & ingeniosa scilicet compositio est, ut sequitur.

℞ castorei, veratri nigri, scammonii, ana ʒij. opo panacis, cumini Thebaici, centaurii, nutri, sulphuris vivi, abrotani, ammoniaci, thymiamatis, seminis rute sylvestris, absinthii ana ʒj. confusa & cribrata excipe aqua, & efforma pilulas fabæ Egyptiæ magnitudine, & unam quotidie prebe, cum aceti mulsi cyathis quatuor.

Atque hæc una est, scilicet, ex divinis illis compositionibus & formulis, quas antiqui magnoperè commendarunt: ubi tamen & nitrum & apyron sulphur, tantoperè à multis damnata, principem propè locum obtinent, aut saltem inter præcipua ingredientia eminent. Ubi etiam & veratrum & scammonia admittuntur, quorum tamen vel ipsa sola no-

la nomina aures, totumque hominem terri-
tant. Sed excipiet aliquis, venenatam ac per-
niciosam illorum simplicium qualitatem e-
leganti illa & singulari præparatione deleri
& extinguï. Elegans scilicet & ingeniosa
præparatio, pulveres aqua diluere & misce-
re. Attamen hæc est illa tam celebris & di-
vina antiquorum compositio. Centum alias
possemus huic similes adscribere, quas silen-
tio hic obruemus, ne prolixitas major, quàm
natura tractatus patitur, nobis vitio detur:
neve ad filii Noë imitationem, paternæ tur-
pitudinis detectoris, nec id impune, obli-
ti humanæ charitatis erga proximum, vul-
gares illas crassasque & stupidas, quas etiam
juniores rideant, antiquorum præparatio-
nes de industria persequi velle videamur,
ut stupiditatis & ignorantie notam illis inu-
ramus. Quod absit à nobis: quum potius ab
omnibus laudari eos æquum sit, qui sedula
sua diligentia, & perpetuis vigiliis medi-
cine semina & fundamenta nobis pepererint,
suosque labores candidè impertiti sint. Quo-
rum tamen seculo, multis tenebris adhuc in-
voluto, aliquid condonandum est: quum fa-
cilius sit inventis addere, quàm ea primùm
excogitare. In hunc etiam finem respiciunt
hæc mea verba, ut Hippocratis dictum quàm
verissimum appareat, *medicinam videlicet nō*

φιλοπονία
Andernaci.

eam assecutam esse perfectionem, cui nihil addi possit: sed in qua semper, vel aliquid modò reprehendi, modò corrigi, modò addisci queat: in qua sententia ego ipse non parum confirmatus sum, ante triginta annos, à venerando quodam sene, doctissimo inquam illo viro Guinterio Andernaco, de republica medica optimè merito: qui cum perciperet, indies in medica schola profici posse, perpetuis senescendo addiscens laboribus incumberebat: nec ullis vigiliis parcebat, etiam septuagesimum annum ætatis superans, quin circa carbones, neglecta manuum denigratione (quam delicatuli nostri hodie tantoperè abhorrent) totus versaretur, & fornacibus construendis invigilaret, idq; ut naturæ arcana, quæ summè suspiciebat, ejusmodi instrumentis rimaretur, & tanquam ex Democriti puteo erueret: hoc unū tantum deflens, quòd tùm demùm aut serius, nec à teneris annis aperta sibi fuisset à Deo tanti boni & præclaræ hujus artis cognitio. In cujus scientiæ amplexum, me adhuc ætate juvenem, & omnis experientiæ vacuum (etsi jam operi cum doctissimis Germaniæ Medicis Hermeticis manus admovebam) omnibus stimulis adigebat: nullamq; ut hujus temporis vel ne momenti quidem, jacturam facerem, studiosissimè cohortabatur. Qui idem usq; adeò veram chymiam, &

reme-

remediorum exactam præparationem persequeretur, ut nunquam non vel Doctores etiam medicos, tres vel quatuor continuè haberet, & operis consortes sibi adjunctos haberet. In cujus artis laudem & commendationem, utpote inter medicinæ partes utilissimæ & maximè necessariæ, librum de veteri & nova medicina doctissimè conscripsit.

Sed pergamus, alia aliorum antiquorum remedia, & præscriptas, in hujus affectus curam, formulas explicare.

Ruffus Ephesius hanc medicinæ partem non attingit, ut qui tres tantum exaraverit libros, de appellationibus partiū humani corporis: nec non fragmenta aliquot de medicamentis purgantibus, unumq; de vesicæ & renum affectibus tractatum.

Alexander Trallianus, de quo jam supra mentionem fecimus: quem inter veteres facili & dilucida uti methodo, & in diagnostice ac therapeutice tradenda excellere censemus: de hoc morbo in hunc scripsit modum, qui sequitur.

Primum de infantulorum curatione, tractatum auspiciatur, quodd (ut ipse scribit) hujusmodi morbus illis maximè proprius & familiarissimus sit: quo, si fuerit infans adhuc lactans, qui laboret, nihil moliendum nec agendum censet, quantum ad curationem attinet:

subsequitur enim atas, inquit, & calor augefcens, qui fupcrfluam in capite humiditatem, replentemq; ipfius ventriculòs, difcutit. Admonet tamen, ut fingulari providentia nutricis lacti profpiciatur, ne à bonitate & ejus albedinis colore, qui puritatem ejus indicat, in livorè, virorem, aut nigrorè degeneret: nève ingrati aut fœtidi fit odoris, nec faporis infuavis, aut acidi, fed dulcis: fubftantia ejus non fit, nec nimiũ tenuis aut aquofa, nec craffior aut cafeofa. Tale enim lac, inquit, convulfiones potiffimũ generare folet, & nervos obftruere. Hinc facilè difcimus, ftudiofè nutricè effe deligendã, quæ optimè fit constitutionis & temperaturæ: aut intemperies illius congruã victus ratione (quam fuſè explicat) ad lac ipfius tũm alimẽtoſum, tũm medicamẽtoſum reddendũ, emendetur & adapteretur. Grãdioribus vetò infantibus & ablaçtatis, præter vivendi regulã, quam illis opportunã inſtituit, in medicamentũ concoquẽs & extenuans, imperat uſum decoctionis cujuſdã hyſſopi, matutinis horis hauſtæ, idq; præſertim per totã hyemẽ. Quo remedio temporis ſuccèſſu aſſerit, multos fuiſſe morbo liberatos: identidem decoctioni adjiciens aliquid oxymelitis ſimplicis. Æſtivis diebus decoctionẽ aniſi cum eodẽ oxymelite propinabat. At ſi melancholica infantis erat conſtitutio, decoctionẽ Epithymi

impe-

*Incommoda
ex vitiatò
lacte.*

imperabat. In solutivū medicamentum hierā
 usurpabat: quā tamen junioribus & delicatio-
 ribus nō exhibebat. Ætas enim valdè juveni-
 lis ejus efficaciam (inquit) non tolerat. Vigenti-
 bus autem ætate, & validis viribus præditis, &
 melancholicis utiliter exhibetur. Præstat igitur
 juvenibus epithymi potius momentum
 cū picra exhibere. Cū autē hujusmodi sub-
 fidii malū vinci non poterat, ob humoris &
 materie malignitatē ac pervicaciam, & metus
 erat recursuri paroxysmi, antidoto Theodo-
 reti purgabat, cujus ut purgādi vires augeter,
 aliquot colocynthidis grana, aut scammonæ
 aliquid adjiciebat. Antidotus ista Theodoretum
 dicta (hoc est, divinū munus conferens) à
 Nicolao Myrepso descripta invenitur lib. de
 Antid. sect. 1. c. 115. 116. 117. & 118. Hujus enim
 quatuor descriptionū species exhibet. Cen-
 tesima decima sexta, aut 117. videtur à Trallia-
 no inter alias usurpari, præsertim centesima
 decima septima, quod Myrepseus ipse scribat,
 eam conferre magno morbo: item comitia-
 libus, dæmonio vexatis, caput dolentibus:
 quinetiam thoracis affectibus, & quibus in
 ventriculo cibus acescit: ut & iis, quibus ma-
 lignus circa illam partem & ventrem affectus
 est. Mira deniq; de ea prædicat, eamq; com-
 positionē multis aliis morborū gravissimo-
 rum & desperatorū generibus cōferre asserit:

*Antidoti
 Theodoretū
 vires.*

ita ut tandem inferat, ejusmodi antidotum verè divinum esse donum. *Quisquis enim ea usus fuerit, prosperum, ut scribit, successum sentiet. Si vero quis vere & autumnò semel aut bis ea utatur, neq; circa victus rationem magnopere delinquat, nullis morbis fiet obnoxius. Data Pontica nucis quantitate omnia dissolveret: manè verò hanc sumere oportet. Hactenus Myrepsus. Unde subit mirari, ubiq; tantæ virtutis compositionem, quantæ esse jactatur, hodiè desiderari, in pharmacopæis: quod me, ne excidat, ad ejus descriptionem tradendam, compellit, ex ipso Myrepso petitam, etsi à Tralliano suppressa sit, & silentio prætermissa.*

Ejusdem descriptio.

℞. spica nardi, folii caryophyll. croci, cassia, epithymi, floris junci odorati, myrobal. ana ʒ iij. aloës flavæ ʒ j. B. castorei, Zinziberis, masticis ana ʒ j. Iridis Illyrica ʒ vj. anacardi, agarici ana ʒ j. asari ʒ vj. sem. apii ʒ j. costi ʒ j. B. piperis ʒ iij. fœniculi, & succi ejus ana ʒ j. fœniculum tunde in matratio, & macerato in aceto diebus tribus, ac benè decoquito, & colato diligenter. Adjice mellis Attici vel sacch. q. s. rursusq; ad mellis crassitudinem decoquito, & species simul tundantur & levigentur benè. Quòd si copia sit fœniculi, exprime succum, & meliorem facies antidotum. Hæc in Myrepso, à Leonardo Fuchsio latinitate donato & annotationibus illustrato, scripta reperies. Multos ex hoc morbo convalescisse

luisse hujus antidoti beneficio affirmat idem Trallianus, adjectis, quæ suprà dicta sunt, remediis. Præter hæc, si usq; adeò perversa esset malum, ut respueretur ejusmodi remedia, & in acerbitate sua constans esset, catapotium à se confectum usurpabat: quo nil valentius invenias. Recipit autem aloës, scammonæ, colocynthidis, gummi, bdellii anà ℥j. excipiantur brassicæ succo dosis ℥ iij. aut iiij. pro pueri viribus. Adultis verò etiam sex scrupuli exhiberi possunt: & si plures porrexeris, ait, nihil nocebis, adeò leniter & tutò purgant. Nec comitialibus modò, sed etiam vertiginosis & articulariis auxiliantur. Atque hæc sunt veterum purgantia medicamenta.

Purgationibus universalibus subjungit particulares Trallianus: nec suppressit derivationes aut revulsiones masticatoriis, gargarismis factas. Quibus & usum addit balnei: nec vomitoria retinet.

Si ventriculus radicem morbi suppeditat, huic peccantem humorem educendo, succurrit, qui, qualis fuerit, aut cholagogis, aut phlegmagogis, aut melanagogis extirpatur. Nec, quæ ad corroborationem faciunt, obliviscitur.

At si ab aliquo alio membro trahit affectus originem, eò primùm & præcipuū confert remedium. *Ego sanè, inquit, vidi, quendam*

dam lectorem in hunc morbum incidisse, qui, quum *Seventurus* erat, auras quasdam frigidas a superioris pedis parte ad cerebrum ascendentes percipere se dicebat. Cum igitur hunc catapotius pituitam & melancholicum humorem vacuantibus purgassem, imposui parti affecta, etiam, qua exulcerare eam & calefacere possent, ut hinc ipsa sudaverit, & ex eadem humida non pauca manifesto emanarint. Atq; hoc ubi nos fecissemus, adolescens sanus evasit. Erat autem auxilium, quod ei impositum erat, sanaveratq; lepidium herba. Idem namq; etiā alia quedam præstant, sed nullum equè ac herba hac. Hæc Trallianus: qui neq; ut diximus, vomitivorum in hoc morbo obliviscitur, nec balneorum, nec vehementis corporis exercitationis, nec reliquorū id genus ad aptam vivendi rationem facientium & necessariorum.

Inveterato autem malo, quodq; indomitum aliud omne medicamentum aspernabatur, hoc postremum subsidium opponebat, helleborū nempè, idq; albū: cujus ipse Trallianus formulam præscribit, quam Paulus Ægineta verbū verbo describit eandem, in dosi tantum, aut ingredientium pondere, multum ab eo dissentiens. Paulus enim dragmas scribit, filiquarum Tralliani loco, quæ tantum tria grana singulæ pendent, totamq; compositionem in unam dosim solam restringit, cui ferent.

ferendæ nullum animal par esse possit. Cujus etiam Pauli descriptionem & receptum, quod habet baccarum lauri depuratarum, piperis albi, elypiadis, euphorbii, veratri albi ana 3 viij. hoc est, ana unciam unam, si sequeremur in dosi, nullus, ut diximus, futurus esset vel strenuissimus equus, qui tantâ purgationem ferre possit: at ne dimidiam quidem ejus partē, citra mortis periculum. Sic enim Paulus scribit: *Hac pro una vice prabe cum passo, quod est in colocynthide.* Formula itaq; recepti Tralliani in dosi longè æquior est, ipsa Æginetana: siquidem loco dragmarum singularem, ingredientium, quas Paulus præscribit, si liquas octo tantum præcipit Trallianus, quarum singulæ trium sunt granorum, idq; ex infusione colocynthidis, in passo maceratæ. Quod meo judicio adhuc plus quàm par est, excedit: nec certè credi potest, illius temporis ventriculos tam fortibus & violentis medicamentis sustinendis fuisse pares, nullis etiam à veteribus præmissis, ad vitandū, quod inde imminebat, periculū, præparationibus.

Quod ad naturalia præsidia attinet, ut vocat, quæ societate quadam occulta, & amica proprietate, hujus morbi curationi succurrunt, idem Trallianus ea ex alieno ore (Apolonii inquam) cōmendat, propinatq; propriū ægotantis sanguinem, quod crudele utiq; & dete-

detestandum prorsus, ut jam attigimus, remedium est. Verba insuper facit de lapillis ex hircundinibus erutis, de mustelæ hepate, de ossiphagi avis cineribus: at in primis de radice solani, luna decrescente collecta, tusa, expressa, & in succū redacta, qui ad aliquot dies matutinis horis bibendus exhibeatur, quem, ut observavit, summum arcanum, & admirandum subsidium esse asserit.

At Actuarius author etiam Græcus, naturam tantum, differentias & causas hujus mali edocet, suppressa silentio ejus curandi methodo & remediis.

Celsus medicorum Latinorum princeps, prout est brevis & sententiosus, Hippocratis simiam agens, ut qui præclaris illius sententiis omnia propemodum scriptorum suorum capita illustravit, in hujusmodi mali curatione tradenda, quàm brevissimus est: attamen singulares quasdam in missione sanguinis cautiones adhibet: nec non temporum momenta, quibus remedia administranda sunt, studiosè observat: deligens ad sanguinis educationem & purgationem ex helleboro nigro, ipsas paroxysmorum horas: simul admonens, post insultum servandam esse, magna cura, congruam vivendi rationem, quam præscribit. Si autem istis remediis morbus non cesserit, confugiendum censet ad veratrum album:

bum: ac ter quoq; aut quater eo utendum, non ita multis interpositis diebus, sic tamen (addit ille) ne iterum unquam sumat, nisi cōciderit. Tandem in morbi continuatione lenendum præcipit, præter ventrē, totum corpus oleo veteri, multisq; exercitationibus agitandum, & longis frictionibus, excepto capite & ventre, perfricandum. Deinceps iterata ex superioribus medicamentis purgatione, inungi dera sum caput imperat, litu ex antiquo oleo, nitro & modico aceti concinnato, intrò castoreū sumendum. Tandem ad revulsiones & derivationes progreditur, quas sanguinis educatione, ex salvatellis & cucurbitarum affixionibus, perficit: addens insuper, in extremum subsidium, ferrum, quo incidit, & ignita cauteria, quibus occiput adurit, ut per ea, inquit, perniciosus humor effluat. Quibus omnibus pertentatis remediis, si morbus non vincatur, indomitum & incurabilem esse pronuntiat.

Scribonius Largus lib. suo de compositionibus medicinalibus cap. 2. sex nobis producit remedia, aut empeirica experimenta. Primum ex quadam herba, quam Græci (ut vult)

*Experimenta
Scrib. Lar-
gi ad Epil.*

vocant *πολύεννεον*, & Latini nervalem, de qua ab ægrotante, tota adhuc viridi edi præcipit, ante omnem alium cibum, idq; à prima Luna ad tricesimam. Coagulum etiam hinnuli

cervi admittit, intra novem dies sumptum: nec non testiculos crocodili, thymi usum ex oxymelite. In ejusdē libri quadragesima prima compositione, quoddam arcanum aulicæ cujusdam matronæ proponit, quo miranda in variis curationibus præstita se vidisse testatur: quod utique muliebre est remedium, veneficæ potius quàm medicæ artis officinam redolens, cum ista in compositione sic observantur, ut rasuræ eboris immisceatur mel Atticum, & (quæ veluti basis & fundamentum jaciuntur arcani) sanguis testudinis & palumbæ adjiciatur, ea cautione, ut maribus ægris ex animalibus masculis, fœminis ex fœmellis sanguis educatur & adaptetur; qui nec ex quavis animalium parte extrahendus est, cum nullius foret virtutis & efficaciam medicamentum, nisi ex collo unius animalis, & ex venis alterius, sub alis sitis, clavo acuto, ex ære Cyprino ad id concinnato, emitteretur, ipsumque remedium alia quàm buccæ pyxide recondideretur & asservaretur. Ordo autem administrandi hujus medicamenti, quod per x x x. dies continuos exhibetur, ab ipso Lunæ decremento ordiendo: & in dosi quantitate observanda, is est, qui sequitur, ut prima vice tria cochlearia offerantur: deinde ad quinque procedatur, postea ad septem: quarto loco ad novem: postremo

stremo tandem ad undecim usque, nec plura perveniatur, regrediendo postea eo, quo processum est, ordine, ut videlicet primò novem, deinde septem, & sic deinceps quinque & tria: ac denud idem ordo repetatur ascendendo & descendendo ut suprà, dum ad trigessimum diem perventum sit. Quæ quidem omnia, meræ præstigiæ sunt ac fallaciæ, quæ alicujus utilis & salubris medicamenti locum invadunt: subitque mirari, vetustos illos authores tam imperitè ratiocinatos esse, tamque frivola & ridicula inconsultè scriptis mandasse. Quæ tamen antiquitatis titulo muniuntur & commendantur.

Quod ad Marcellum attinet, satis constat, illius librum ex empiricis medicamentis totum esse consarcinatum, unde Empiricus ipse dictus est, & ex omnibus omnium auctorum experimentis undequaque consutum, ut ex Galeno lib. de loc. aff. Archigene, Apollonio, Heraclide Tarentino, & aliis apud ipsum Galenum citatis: nec non ex Medicis Latinis, Plinio, Apuleio, Celso, Apollinari, Designatiano, aut etiam ex ipso Silurio, Eutropio & Aufonio, magni illius Poëtæ Hermetici parente, qui aliquot tantum annos ætate præcesserat: quem nec puduit in suo experimentorum

libro fateri, se multa ex vulgari plebecula, aut etiam ex ipsis mulieribus didicisse, nec eundem suum librum characteribus profanis & verbis incantationum, ac id genus ridiculis ex Paganismo, ab illo etsi Christiano, derivatis. Ubi etiam, sed obiter tantum & quasi perfunctorie, unicum tantum receptum in hunc morbum, de quo agitur, primo capite sui libri exposuit: quod commemoratione & scriptis indignum est. Nec in alium finem hujusce authoris citavimus authoritatem, quam ut nonnullis patefacerem, iniquè à se proclamari & convitiis proscindi quasdam remedium formularum hodie usurpatas, quæ tamè ratae sunt & singulares in Paracelsi libris descriptæ: easq; ab illis, Phariseorum more, qui cæcitatem suam plenam non agnoscetes, ex aliorum oculis festucam discutere volebant, indignè damnari & respui, cum longè antiquorum deliramentis & fallaciis præstent & excellant. Nemo enim ratione præditus, nec usq; aded cæcus aut luscus quispiam est, qui jure eat inficias, si vel tantillum quid subodoratus fuerit de Chirurgia magna & parva Paracelsi, omnes alios in medicamentorum etiam vulgarium & externorum præparationibus, qualia sunt balsamica olea, unguenta, cerata, emplastra & id genus alia, ab illo uno separatos, & multis post stadiis à tergo relictos.

Vatiniā
Galenic. in
Paracelsum
odium.

Si verò interna illius remedia spectemus, quibus usus est, quæ ex mineralium familia & æconomia deprompta sunt: fatendum est utiq; in sedula eorum & tuta præparatione ac administratione supremum honoris gradum inter medicos & philosophos æquissimo jure ipsi deberi. Etsi enim antiquitas ex illis aliqua usurpavit, & in usum revocavit, ut jam notavimus in hujus morbi cura: multa tamē alia, eaq; præclara & magna remedia, quæ hodie ex mercurio, sulphure, antimonio, vitriolo, & id genus aliis extrahuntur, ignota & incomperta habuit: quorum usus, etsi ab ignaris, ut venenati, maligni, & exitialis medicamenti proscribatur: experiētiā tamen, rectā *Præstantia* eorum præparatione adhibitā, utilissimus & *chymicorū* re ipsa saluberrimus hodie deprehenditur: à *remed.*

quibus vel morbi tincturis validis & fixis ac profundis radicibus pervicacissimi edomantur & subiguntur: qui alioqui sumptis ex vegetabilibus medicamentis, ut minùs potentibus, illudunt, & procaciter recalcitrant. At sanè, non citra dedecus & ignominiam artis medicæ, aut medicorum potius, cernere licet, sive in Italia, Germania, Gallia, aliisq; regnis & provinciis: ac etiam in multis Academicis magno celebrium medicorum numero decoratis, Empiricos multos, qui etiam omnium literarum ignari, remediis tamē suis

solutivis, ex mercurio, antimonioque paratis, suoque; laudano, & id genus aliis tam metallicis, tam vegetativis, utcunque ab illis & factis indocte paratis, tam egregia tamen præstant, ut quibusvis vel contagiosis vel gravissimis morbis, ac doloribus sævissimis plus auxilii & solatii, idque; parva & gratissima suorum medicamentorum dosi, quam multi medici, qui vel celeberrimi vulgò habentur, emplastris suis, Johannis de vigo, mercuriatis, anodynis, paregoricis & narcoticis suis remediis, conferunt. Qui sua idcirco tam tuta & salubri experientia, ac effectis tam potentibus, Doctores illos medicos, à quibus doctrina & eruditione longè lateque sperantur, tamen prævertunt, eosque nobilium familiarum ædibus sua admissione & introductione excludunt. Quod quàm ignominiosum sit, tædet fusiùs dicere. Nec istis moventur hodiè medici illi Doctores, qui, ne videantur quicquam ignorasse, & posse aliquid novi addiscere, ne discipuli habeantur eorum, in quos sibi docendi imperium arrogat: veteri suæ pelli (ut ferunt) immori malunt: quàm, prudentis serpentis imitatione, novâ assumptâ, senectam deponere. Atque hac sua superbia & arrogantia id efficiunt, ut cum doctiloquis sermonibus & plausibili eloquentia nihil præstent, aliis, rerum effectibus & operationum

*Galen. diffi-
culter ab o-
pinione an-
tiqua dimo-
ventur.*

num virtutibus inferiores, cedere turpiter cogantur. Neque enim Hebraico Idiomate, nec Græco, nec Latino, nec quavis alia sermonis elegantia curantur morbi, at lucis naturæ cognitione, & rerum ab ea procreatarum experientia & tuta administratione. Neque hic absurdum aut abs re fortassis fuerit, recitare, ante aliquod tempus me à quodam generoso & doctissimo viro in consilium melancholiæ hypochondriacæ, qua laborabat, vocatum esse: ubi, quum in ejus curationem vulgaria omnia medicorum remedia, quæ ex Pharmacopæis depromuntur, exposuissem: tanto se eorum acervo obrutum esse dicebat, ut omnem curationis spem deponeret, si rursus in eandem curandi viam sibi esset ingrediendum, quam ventriculus fastidiret, respueret & horreret. Addebat, se Empirici cujusdam magni apud se nominis, auxilia admisisse: ac inter omnia solutivum quoddam pharmacum prorsus insipidum, quod, vel minimæ quantitatis dosi, usque adedè egregiè & citra molestiam purgabat, ut ipsum aliis omnibus medicamentis præferret & anteponeret, ut cujus vel crebrò post aliquot annos periculum fecisset, ejusque porro basim & fundamentum hujus purgantis medicamenti mihi exhiberet: (qui pulvis erat, omni sapore carens &

albissimus) & de eo consilium ex me quaereret, nullo tamē mutandi hujus in melius medicamenti studio ductus, sed quid de eo sentirem, audiret, & num mihi cognitum esset nec ne, exploraret. Cujus cūm materiā agnovissem, (quod vel minimo spagyricæ artis tyroni pervium fuisset) ut ejus quæstioni & petitioni morem gererem, respondi: nec mihi probari, nec etiam rejici medicamentū. Non rejici quidem, quòd certissimum haberem apud me, ex ejusmodi materia & subjecto præstantissima & admirandæ virtutis purgantia remedia parari posse, quæq; omnia alia vincant, cūm à docto, experto, & in hac arte versato medico tractantur, & in usum revocantur. At nec probari, quòd ab Empirico, non satis fortè hujus artis perito, prodiret: cui, & ejus similibus faciendæ medicinæ periculo, bonarum omnium legum sanctione interdictum sit, ut qui nullam suarum actionum rationem possint reddere: sed incertis animis omnia tentent, & quod ab aliis doctioribus, alicui morbo congruere fortè didicerint, illud promiscuè omnibus morbis adaptare, magno cum errore, & judicii imbecillitate, audent. Siquidem curandorum morborum methodi, & medicamentorum naturæ ac virium, nec non eorundem perfectæ ac legitimæ præparationis modi prorsus ignari sunt.

*Empirici
nesciuntur.*

& ut

& ut plurimum ἀναλογησι conspiciuntur. Idcirco nec remediis illorum, ut certis & tutis, fidendum est multum : & eorum præparatio nobis suspecta esse debet, ut qui veneni in medicamēto latentis nullam habeant cognitionem : aut si norint, illius corrigendi, vel potius distrahendi & extinguendi peritia careant. Quæ quidem operationes & administrationes, solis medicis, iisq; doctissimis, & in arte versatissimis, competunt, ut scilicet succedant. Sed non caruit responsum meum exceptione, usq; adeò ille Empirico suo sustinendo & propugnando erat intentus : exponens etiam, olim inter antiquos nō minoris famæ & nominis fuisse Empiricos, ac methodicos Dogmaticosque, in exemplum Theſſalum afferens, in quem (si fama caruisset) usq; adeò acerbè & animosè scriptis suis Galenus non insurrexisset. Addidit præterea, in probationem suarum rationum, id, quod Latinorum medicorum princeps Celsus scribit, in operis sui medicinalis præfatione, ubi sibi familiarissimum fuisse Celsum, ac eum diligenter evoluisse, & ejus scripta firmæ memoriæ mandasse ostendebat : ut qui non integras sententias, sed totas ejus paginas, citra lapsum recitaret. At ille adhuc hoc insuper addidit : Perinde est de medicis vestris, ac de nostris Jurisconsultis, qui, etsi tenent omnes

Collatio medicorum cum jurisconsult.

leges, easq; alios docent, si tamen in factum alicujus litigantis consilium dandum est, hæsitant & fluctuant incerti, unde ordiantur, & quò desinant. Qui si ad litem aliquam tuendam ex pulpito aggredi cogerentur, usque adeò tyrones & rudes deprehenderentur, ut ad risum judices & audiores omnes essent provocaturi, qui vel eorum discipuli fuissent. Nec unquam ex eorum schola usque adeò perfecti emergunt discipuli, quin nova illis tyrocinia addiscenda sint, vel ex vulgari aliquo Procuratore, qui etsi prorsus legum ignarus, longè melius tamen ipsis Doctoribus, eorum usum & praxim callet; quod caput est & materiæ præcipuus nodus. Non secus hodiè quàm plurimi cernuntur juvenes medici, celebres Doctores, qui ex cathedris eleganter de omnibus medicinæ partibus, vel iis præsertim, quæ diagnosticen & therapeuticen, nec non partium ulum aut anatomicen spectant, disserunt. In simplicium & animalium historia, sive de natura, sive de forma, proprietatibus & virtutibus agatur, Dioscorides & Theophrastus dent manus, & ab iis vinci se, (si audiant) fateantur: quibus etiam in antidotis concinnandis & pharmacia componenda, atque earum conficiendarum canonicibus tradendis Mesue & Nicolaus impa-

*Magnifica
Dogmatico-
rum de ma-
teria medica
eloquentia.*

res fuerint : usque adeò multa , imò omnia magnificè ex suggesto promittunt , & superciliosè eloquuntur. At si ad consilium alicui ægro dandum , & ad febris continuæ ab eo profligationem aut pleuresis, dysenteria, hydropisis, epilepsia, aut gravis alicujus morbi extinctionem , sive acuti , sive chronici vocentur : quanto , Deus bone , stupore percelluntur , etsi in attrectando pulsu , & circumspicienda urina, miram industriæ & certitudinis in arte speciem præ se ferant , stuporemque suum , quantum possunt , dissimulent ! Si necesse est ab illis vivendi normam ægro præscribi , à vetula quadam , ægrotantibus adstare & ministrare solita , lectionem addiscant oportet. Si formula medicamenti ægro tradenda est , rationem ejus explicadæ à Pharmacopæo, hac in arte magis versato , & eorum , quæ factò opus sunt , audient : aut saltem correctorem illum suorum receptorum admittent. Denique novis istis Doctoribus novo rursus in praxi magistro opus est , aut hypodidascalo ; non secus , ac recentioribus advocatis Procuratores (ut vocant) subsidio sunt , ut suprà diximus. Atque hinc vobis constat , quàm magnificè usus & experientia commendanda sint , quamque in vestra nostraque professione , ut summè necessaria , requirantur. Nam ut ipsemet Celsus

Eorundem pusillanimitas in praxi.

Vsu & experientia Medicò opus est.

addic

addit in eodem capite, *verum est, ad ipsam curandirationem nihil plus conferre, quam experientiam.*

Artiū magna variat.

Vsus facit artem.

Multæ quidem aliæ artes tam abstrusa & recondita causarū suarum perquisitione non indigent, ut quæ non æquè incertas & imperceptibiles eas habeāt: sed certis nitantur fundamentis, ac oculis ipsis conspicuis, quibus securè & tutò superextruunt, hoc est, iis causis, quas experientia & demonstratio *non* certas nobis patefacit. Si quidem nec agricultura, nec navigatio, alta animi meditatione, & scientiarum seu disciplinarum diuturni habitus comparatione, opus habent: at longo usu & experientia, qua earū cultores in summos magistrosevadunt, & perfectionem attingunt. Quicquid sit, in vestra medicina (inquit) ejusdem rei contrarios effectus, utpote laxandi & adstringendi, proficiendi & nocendi, sive in vivendi ratione, sive in medicamentorum administratione, crebrò potis fuit deprehendere. Quæ quidem contrarietas experientia citiùs quàm ratione comperta est. *Hac similiaq̃, (experimenta) cum quotidie inciderent (inquit Celsus) diligentes homines notarunt, quæ plerunq̃ meliùs responderent: deinde egrotantibus ea præcipere cœperunt. Sic medicinam ortam, subinde aliorum salute, aliorum interitu, perniciofa discernentem a salutaribus: repertis*

pertis deinde remediis, homines de rationibus eorum differere cœpisse: nec post rationem medicinam esse inventam: sed post inventam medicinam, rationem esse quasitam. Vides, inquit ille, me Celsi rationibus & autoritatibus uti, ut apud vos Doctores medicos constet, non ita nihili faciendos esse Empiricos: præsertim eos, qui se ex Paracelsi schola & ejus sectatoribus fatentur hausisse multas egregias experientias, elegantias, ornamenta & præclara remedia, quæ in magnam ægrotantium utilitatem, commodum & salutem cedunt, & quæ in vulgarium, quibus quotidie obruuntur, defectum & nauseam exhibent ac propinant. Qui, si tam blandis verbis, & compta ac polita doctaq; oratione ægros suos non norunt, ut vos, demulcere: opere tamen & effectis illis satisfaciunt, eaq; remedia & curationem instituunt, qua ab omnibus suis languoribus, quos desperatos censetis, liberantur: cumq; ipso Celso vobis obtrudent, *ingenium & facundiam vincere quidem: sed morbos non eloquentia, at remediis curari.* Ad quæ utiq; verba, & tam plausibiles rationes, autoritate tanti viri Celsi nostri armatas. obmutuissem, si, quod ex eo aliquando legissem & accuratè observassem in eadē ejus præfatione, ex memoria excidisset. Cui idcirco respondi, in per-
versum sensum & usum Celsi verba ab eo

torqueri, nō quōd quicquam ex verbis ejus & sentētia truncasset, aut depravasset: sed quōd eam, quam ipse Celsus conclusionem inferebat, reticuisset: qui post hæc verba: *Ad ipsam curandi rationem nihil tam conferre quam experientiam.* Subjicit consequenter, (quod ab illo suppressum erat.) *Quamquam igitur multa sint ad ipsas artes propriè non pertinentia: tamen eas adjuvant, excitando artificis ingenium.* Itaque ista quoque natura contemplatio, quamvis non faciat medicum aptiorem, tamen medicina reddit perfectum: Veriq; simile est, & Hippocratem & Erasistratum, & quicumq; alii non contenti febres & ulcera agitare, rerum quoque naturam aliquā ex parte scrutati sunt, non ideò quidem medicos fuisse, verum ideo quoq; majores medicos extitisse. Ratione vero opus est ipsi medicina: etsi non inter obscuras causas, neque inter naturales actiones: tamen, sæpe.

In fine quoque ejusdem præfationis videre licet, in majore ipsi pretio rationales & Dogmaticos medicos quàm Empiricos fuisse: quoniam illi multa circumspiciunt, hi facillima tantum, non plus quàm vulgaria ac communia. In cujus rei confirmationem, auctoritatem citat Hippocratis dicentis: *mederi oportere & communia & propria intuentem.* Atque sic superioribus rationibus satis confirmata-

firmatis, totum hunc sermonem tandem hoc modo cōcludit: *Igitur ut ad propositum meum redeam, rationalem quidem puto medicinam, esse debere, instrui verò ab evidentibus causis, obscuris omnibus non à cogitatione artificis, sed ab ipsa arte rejectis.* Cùm igitur tu, inquam, Celsi authoritatem in tuum usum revocas, non idcirco causam integram obtinuisti: sed cum illo tibi dicendum est, in magno utique pretio & laude habendas esse egregias experientias: citra quas nihili sit medicus. Nec contra in Empiricos ita acerbè invehi decet, qui longis suis peregrinationibus, & cum doctis viris consuetudinibus ac versationibus, præclara multa & admiranda naturæ secreta reportatunt ac didicerunt: quorum sedentatio, & inter domesticos parietes tantum degenti medico pudenda est ignoratio, iniqua rei incognitæ damnatio: & superba nimis in melius proficiendi voluntatis aversio. Quod ad me attinet, ingenuè fateor, me multa ab isto hominum genere didicisse: nec unquā à voluntario ubiq; discendi studio discessurum polliceor. Tu verò fatearis necesse est, longè melius tutiusq; à Dogmatico & rationali medico, qualē me profiteor, & majore cū fructu medicinā fieri, quàm ab ignaro Empirico, cujus ignorantia, perpetuas habet, iniquitatem, temeritatem, superbiam, & convitia, comites.

*Commend.
Empir.*

(Uc

(*Ut enim Comicus canit: Homine imperito nihil iniquius, nec quicquam injustius: quia nil rectum esse putat, quàm quod ipse facit.* At antag-
 onista ille meus, cum nondum se confossum
 prorsus & victum putaret, aliaq; in me tela
 retorquere esset paratus, valere tandem à me
 jussus est, cursumq; repetii, à quo in ejus gra-
 tiam digressus eram: & quem interrompen-
 do potui reprehensionem subire multorum:
 sed præsertim Arabum Medicorū, quos diu-
 tius quàm par erat, remorabar, & suo hono-
 re, aliorum omnium laudibus pati, non satis
 eos opportunè dignabar. Sed & hos dedita
 opera in hunc postremum ordinem rejeci,
 quòd præ omnibus Antiquis, eam in curatio-
 ne morborum usq; adeò facilem methodum
 præscripserint, ut cum hodierna nostra con-
 sentiant, & ad eam quā proximè accesserint.
 Siquidem quæ perturbatè remedia ab aliis
 tradita sunt, ab his in ordinem ita facilem di-
 gesta sunt, ut, cum nulla fructus aut utilitatis
 spes ab aliis expectaretur, hinc junioribus
 medicis, & in arte, hoc est, praxi, & in theoria
 magna fructuosi proventus facta sit accessio.

CAPUT XV.

*Qua methodo Arabes in cura Epilepsiae usi
 sint, ex Mesue ostenditur.*

SED en quantus sit illorum numerus, quorum bona pars reges, principes & Hermetici Philosophi fuerunt, qui idcirco studiosè cupiunt, & me quasi vi compellunt, ut in illorum album asciscam, qui autoritate sua sententiam meam tueri, confirmare, atq; etiam augere ac ditare parati sunt. Quos etiam lubens recipio, & ut patres charissimos ac observandissimos amplector & veneror, modò vos colendi patres remediis quibusdam, adversus venenosos Momorum & invidorum morsus me muniatis, quos scio ansam inde in me insurgendi, & criminandi arrepturos. quòd vestri plurimorum, quos fateor hætenus mihi fuisse incognitos, um bonibus ausim me protegere. Atq; hic est illorum Catalogus, quem ordine alphabetico contexamus, Aboali, Achme Abrahami filius in suo viatico peregrinantium, Agazo, Alsal, Albuzazar, Albuer, Amuran, Avicenna, Averroës, Avenzoar, Ebezenzar, Elabin, Hunain, Hamech, fil. Zachar. Hara fil. Hamech elengezar. Haly abbas. Haly fil. abbas. Isaacaben amaran. Mesue, Rabi, Razis. Sabor fil. Zuzer rex medoran. Serapio, Serapionis filius, Xirasi rex med. Zazar, compluresq; alii fuerunt omnes utiq; magni nominis viri, quos non habita temporum aut ætatum singulorù ratione, sed alphabetici ordinis serie digessimus

Medici Arabes.

mus ac recensuimus, idq; in eum tantum finem, ut tractatui huic nostro honori sint, non autem ut numerosa suorum receptorum ipsum adobruant. Ex omnibus tamen soli hi nobis venient in subsidium, Rasis videlicet, Avicenna, & imprimis Mesue. Hic enim cum ultimus propè omnium ætate fuerit, eosq; ferè omnes oculis viderit, hic unus vice omnium nobis esse potest, ut qui eos in commentariis suis citando, illorum doctrinæ & auxiliorum quintam (ut ita loquar) essentiam extraxerit, sed præcipuè remediorum, quorum magno studio delectum habuit non in hunc tantum affectum, de quo hic agitur, sed omnes alios morbos profligandos. Hic autem Mesue, de hoc nostro affectu & ejus cura, loquitur libro suo de ægitudinibus capitis, cap. de Epilepsia, ubi scribit, in hujus morbi curatione sex scopos & indicationes nobis esse proponendas: quarum primam constituit in optima vitæ regula, aut ut ejus verbis utamur, regimen ponit in vita, quod in debita sex rerum non naturalium administratione firum est, quæ satis fusè ab eo explicatur. Secunda intentio æquat & coaptat materiam, id est, eam coquit ac digerit, ut ejus facilius fiat expulsio: quod scylla præstatur, & ejus auxiliis, quæ ex decoctionibus ejus, aut aceto, aut oxymelite parantur, additis syrupis de hyssopo, de acoro, stœchade, origano & id

*Methodus
curat. Epileps.
ex Mesue.*

I.

II.

genus

genus aliis, ex quibus concinnat sibi apoze-
mata. Tertia abscindit materiam, ut loquitur,
hoc est, evacuat, atq; hanc rem complent (ut
vult) evacuationes, clysteria, suppositoria le-
via aut acuta. In evacuationem usurpat præ-
cipuè, quod idem veteres, Antecessores ejus,
tùm Græci, tum Arabes factitare solebant,
hierâ diacolocynthidos, quâ magni facit, vel
ad omnes capitis affectus. Illius descriptio-
nē, nec non multarū hujus generis vacuatio-
num tradit, in quę euphorbium & alia calefa-
cientium gummi genera, scammonium, lapis
lazuli, borax, helleborus, colocynthis, turbit,
& id genus alia, benigna scilicet, pharmaca in-
grediuntur, vel citra ullā præparationem aut
correctionē. Inter evacuationes sanguinis e-
ductionem probat ex saphena, hæmorrhoidū
provocationem, menstruorumq; in fœmi-
nis. Quarta intentio ponit regimen, ut loqui-
tur, in conversione residui ejus, ad diversas
partes & oppositas, quam Neoterici revulsio-
nem & derivationem vocant: quæ gargari-
smis, ptarmicis, masticatoriis, vomitibus, cu-
curbitarū affixionibus, nec non vesicantiū ac
causticorū topicorū appositione, aut etiam a-
ctuali igne, ligaturis, frictionibus, & id genus
aliis præstari solent. Quinta intentio (ut utar
illius vocibus) rectificat membrum mādans,
si est aliquod mādans, & rectificat cerebrum.

III.

IV.

V.

VI.

Hoc loquendi genere (crassiore alioqui, præ elegantia hodierni sermonis) designat roborationem partium, aut membrorum amandantium, ac originem morbi primam constituentium, qualis est ventriculus, matrix, aut quodvis aliud membrum, unde malum originis sue sumit exordium. Sexta intentio, accidentia corrigit ac emendat, apposita & convenienti remediorum administratione, quæ virtute & proprietate sua paroxysmos coercet ac remoratur aut leniunt, aut prorsus extinguunt, vel saltem crebram illorum repetitionem retinent. Atq; juxta has omnes intentiones, varias remediorum formulas exprimit, partim ex suo ingenio & Marte: partim ex aliis authoribus decerptas, ut Democrito, Hippocrate, Dioscoride, Galeno, Tralliano, Orisbasio, Joannico, Mahema Araffi, Serap. & aliis. Si innumeras alias celeberrimorum etiam Arabum formulas remediorum audire est animus, quæq; ad easdem intentiones, & cum prioribus propemodum eadem, aut illis sunt similitudine respondentes, lege Haly fil. abbat. 21. cap. lib. 5. suæ practices. Item Razem 1. comment. cap. de Epilepsia. Avicennam Fen. 1. tract. 2. cap. 11. Tædiosum enim foret singula huc minutim traducere, quæ ab omnibus in hunc morbum afferuntur, quum etiam una & eadem propè remedia sint, diverso tantum stylo

ſtylo elaborata, & à Græcis Latinisq; authoribus, ut jam monuimus, ſerè omnia diducta. Aliqua tantum in hoc tractatu evolvere, (nò tantum proceſſum attexere) operæ pretium eſſe duxi, ut ſolummodò innotefceret, quibus Abavi noſtri remediis, in morbis curandis, uſi fuerint: &, quo adminiſtrationis ordine progreſſi ſint, & quem ornatum atq; etiam auctiorem tum Avi, tum Patres, qui ſequuti ſunt, noſtri addiderint, perſpectum fieret. Ut tandem mirari deſinant, aut præter fidem etiam id eſſe aſſerere, (quod multi hodie incredibile putant) ſi à nobis majorum illorum filiis, in majorem ſplendorem & ornatum elegantiotem, ſpartæ medicæ aliquid conferri poteſt. Nec hercle dubitamus, quin poſteri, in hoc etiam certamine, factorum magnitudine, & indiſtriæ majoris gloria, victoriam nobis extorqueant, facile enim inventis eſt addere.

CAPUT XVI.

Methodus Dogmaticorum recentiorum in cura caduci, ſelectiores remediumum flores, ex eorundem ſchola prodeuntes complectens.

ORDO, quem ab initio ſequi decrevimus, nos nunc compellit ad producendos

dos in lucem neotericos Dogmaticos, ut scilicet eorum & pulchriora & magis specifica auxilia, quæ in suis scriptis therapeuticis, ad curationem hujus morbi, quatenus chronicus est, attulerunt; explicemus. Celeberrimos autem singularum Nationum aliquot authores seligemus, quos & scriptis & consuetudine in peregrinationibus nostris novimus. Omnes enim recensere, & nominatim appellare velle, summè laboriosum, nullusque dicendi finis fuerit. Quinetiam hos tantum citabimus, qui post, aut paulò supra centum annos vixerunt & scripserunt in Italia, Gallia & Germania: inter quos floruerunt Alexander Benedictus, Symphorianus Campegius, illi coævus & amicus, ut ex mutuis illorum literis inter se cognosci potest. Savonarola, Catinarius, Richardus Anglicus, Arculanus, Placentinus, Guainerius, Gatinaria, Fuchsius, Leonellus Faventinus, Montagnana, Trincavellus, J. Stock, Langius, Bayrus, Wirsung, Manardus, Fernelius, Rondeletius, Valeriola, Capi vaccius.

*Dogmatici
neoterici.*

*Eorundem
methodus
curat. epileps.*

Dieta.

Methodica illorū curandi ratio in epileptica affectione, quatenus diuturnus est morbus, hæc fuit, ut scilicet ab optima vivendi regula semper auspicarentur: cujus descriptionem ad calcem hujus consilii rejiciemus, ut antea monuimus, quòd simus hîc, non priva-

tam

tam tantum victus rationem, sed & generalem, accum hoc aliisq; multis affectibus communē, præscripturi, utpote quæ & huic morbo, & ejus affinis ac agnatis, de quibus simul scribimus, possit conducere.

Quod verò ad aliorum remediorum administrationem attinet, in ea Arabum ordinem imitati, hac, quæ sequitur methodo, sic procedunt: quam quidem methodum ego ipse & probo, & libenter in praxi æmulor. Veruntamen magnâ hîc observatione nobis opus est; cùm enim multi iiq; varii homines, qui hoc affectu tentantur, variam habeant constitutionem, ætatem, dissimile temperamentum, & diversas morbi causas, ista omnia nobis erunt circumspicienda, quæ idcirco ita observabimus, & tam facili methodo singula excutiemus, ut ad quosvis vel tyrones etiam medicinæ non exiguus fructus sit redditurus: cùm alioqui ex ferè omnium Practicorum, ut vocant, lectione nil aut parum utilitatis sint percepturi.

Dogmatici igitur nostri, præceptorum summi sui Dictatoris & Coryphæi Hippocratis, memores, i. aph. 22. nec non & Galeni ii. method. c. 4. semper curationes suas ab universalibus vacuationibus auspicantur: veritamen ne ex constricta alvo, duriores reddite

Pharmacis

faeces, atq; idcirco expulsionē interpellata,
 putidos suos halitus in membra intrudent,
 foetoreq; suo vasa eorum inficiant, unde gra-
 via symptomata oriantur: primum omnium
 emollientem clysterem præmittunt, deinde
 minorativum aliquod, ut vocant, eccoproti-
 cum, quæ præparationes & purgationes hu-
 morum præcedant, idq; recte ex sapientis sui
 coryphæi Gal. sententia instituunt lib. 2. aph.
 9. *Si quis extenuet, inquit, & incidat crassos atq;
 tenaces humores, qui in corpore sunt, & meatus
 aperiat, per quos isti transmittuntur atque tra-
 huntur à medicamentis, quæ vim purgatoriam
 habent, tunc purgatio rite in omnibus procedit.
 Qui verò istud quidem neglexerint, vomitum,
 autem atq; alvi subductionem procuraverint,
 iis difficiles obveniunt purgationes, non sine tor-
 minibus, interdum & vertigine quadam fasti-
 dioq; multo & malo pulsu ac dissolutione & dif-
 ficultate.*

Minorativa

In minorativum vulgò usurpant, diaca-
 tholicon, diamannâ, diasennam, diasebesten,
 diaprunum solutivum ex descriptione Razis,
 Mesuæ, Nicolai præpos. Nicol. Alexandrini,
 Montagnanæ, Florenzolæ, aliorumq;. Atq;
 ejusmodi minorativa exhibent decoctionis
 aut portionis forma, ad hoc aptæ, cui aliquan-
 do folliculorum sennæ aliquid incoctum sit:
 vel forma boli; alibi pulpa cass. recens extra-

& in vulgari est usu, quam etiam ut lenitivū
 singulare & benignum planè medicamentum
 existimant. Sed in me ipso sepiùs contrarium
 sum expertus, qui nunquam ea sum usus, quin
 graviter illa fuerim immutatus, quod plerisq;
 aliis ejusdem mecum temperamenti accidisse
 etiam animadverti. Cùm enim cassia sapo-
 re sit dulcis, facilè bilefcit, in biliōso tempe-
 ramento, ut & Manna. Adde etiam, si ex ea in
 balneo vaporoso proliciatur destillatione a-
 qua, ex illa promanare (ut & ex melle) aquam
 mirum in modum fortem, acrem & morda-
 cem, atq; idcirco summè calefacientem. Quæ
 quidem vis ex igne destillationis contrahi nō
 potest, quicquid secus garriant alii. Quod ex-
 perientia videre licet. Siquidem ex pulpa me-
 lonum, cucurbitarum, cidoniorum, cucume-
 rum, aliorumq; id genus fructuum, qui natū-
 ræ proprietate frigida sunt qualitatis, eodem
 ignis gradu, nihil prolicitur, quàm aqua fri-
 gida & ejusdem naturæ, id est, frigiditatis,
 cū fructibus ex quibus eruitur. Nemo enim
 dat id, quod non habet, ut jam suprà diximus.
 Idcirco cùm usurpabitur cassiæ usus, id sum-
 ma cautione & circumspectè faciendum est,
 explorata videlicet uniuscujusque natura &
 constitutione, cui ea præscribitur. Siquidem
 pituitosus & obæsiæ crassi corporis consti-
 tutione præditus ager, ea quidem uti tutò
 N s possit,

*Cassia ve-
hementia.*

*Ejusdem in-
terna ana-
tome.*

*Cassia cautè
utendum.*

possit: alius verò, citra noxam, & commodè nequaquam queat. Nolim igitur videri illius usum improbare aut damnare: sed ex interiore illius anatomia & dissectione, quam sæpè aggressus sum, demonstrare volui, quid intus contineat, nec ubique aut semper in omni subjecto illius usum esse recipiendum: at ne pleuriticis quidem, etsi omnibus aliis purgantibus, illis interdicitur, ea tuta est, licet benignum & temperatum inter alia omnia judicetur esse medicamentum. Quinetiam ejusdem pulpâ solâ exhibitâ, usq; adeò ventriculus distenditur & intumescit, ut magna flatuum copia perturbetur, ac vehementer torqueatur: quod ea utentibus valdè noxium ac perniciosum est. Si autem ea, in majori etiam dosi, aliquo apto & idoneo decocto diluatur, decoctumque clarificetur, ac colo trajiciatur, adjecta uncia una syrupi de cichorio cum rhab. aut syrupi rosati solutivi, melius agitur cum ægris quibus propinatur ex Medicorum nonnullorum sententia. Nos autem utemur melius sequenti opiata purgatoria ad minorandam epilepticorum materiam, cujus descriptio sequitur.

Opiata pur- *℞ polyp. q. visci querni, seminis carthami*
gat. Querce- *anà ℥ ij. passul. purgatarum à vinaceis, liqui-*
tani. *ritie anà ℥ j. prunorum dulcium, jujubarum*
anà

anà n. xx. sem. paonia, cardui bened. anà \mathfrak{z} β .
 florum calendul. tilie arboris, lilii convall. anà
 p. j. florum cich. viol. bor. buglossi, ros. anà
 p. ij. sandali citrini \mathfrak{z} iij. cinam. anisi anà \mathfrak{z} j. β .
 decoquantur & exprimantur ac clarificentur.
 In suff. quantitat. hujus decoctionis clarificate,
 atque in vas vitreum indita, adde folic. senna
 orient. \mathfrak{z} iij. agar. troch. rhab. anà \mathfrak{z} vj. epithy-
 mi p. j. β . vas vitreum optimè sigillatum ac in
 Bal. Mar. inditum, ibi triduum moretur, ut o-
 mnia in ipso sufficienter digerantur: dein for-
 titer exprimantur. Expressioni addantur pul-
 pa cass. tamarindorum, cum aqua viol. ex-
 tract. anà \mathfrak{z} iij. manna granata optima, peni-
 diorum, sacchari violati q. suff. fiat electua-
 rium, coctum ad perfectionem, ut artis est.

Hoc medicamentum dici potest antidotus *Ejus usus.*
 catholica, non solum antepileptica, sed quæ
 variis aliis, tum acutis, tum diuturnis morbis
 conferre potest, blandeq; humores omnes e-
 vacuare ac reprimere citra calefactionem,
 aut ullam molestiam. Hæc antidotus ut plu-
 res aliæ descriptæ sunt à nobis in nostra Phar-
 macopæa restituta, cujus exhibetur \mathfrak{z} β . in *Dosis.*
 forma boli. Aut si forma potus jucundior ac
 gratior est, dissolvatur medicamentum in de-
 cocto aut aqua convenienti, in qua per no-
 ctem maceretur: dein postridie clarificen-
 tur omnia cum ovi albumine juxta artem.

Huic

Huic potioni addi poterit, in gratiam eorum, qui fortiore purgatione opus habebunt, syrupus aliquis rosatus solutivus cum rhab. aut cum senna, eorum qui à nobis in Pharmacopœa nostra descripti sunt: qui etiam soli purgandis infantibus & junioribus ac delicatioribus, in minorativū conducunt ac apti sunt.

Nonnulli minorativi loco usurpant pilulas de aloë & de hiera, quas iis, qui potiones præ debili & delicatulo ventriculo ferre nequeunt, nec bolos, sumendas præscribunt. In hunc finem pilulæ nostræ de aloë in aliis nostris consiliis, ac præsertim in Pharmacopœa nostra descriptæ, maximè conducunt & excellent: virtute aloëphanginas, & pilulas de aloë rosata, de aloë lota longè lateq; superantes, etsi aloë benè riteq; præparata ac lota instar balsami sit ventriculo & hepati: ac tanroperè à Celso commendetur, ut omnibus aliis purgantibus, ventriculo noxiis, correctivi loco admisceri jubeat. Aloëndarium etiam medicamentum à Guinterio Andern. in libro de Peste descriptum, ubi alia, quàm vulgari, ratione parata est aloë, præstantissimum habetur.

Diasenna Montagnanæ, aut illa ipsa quam in Pharmacopœa nostra tradidimus, in qua tartari crudi loco, cremorem aut crystallum tartari substituimus, benignum pariter ac lenè pur-

ne purgativum est, quod in minorativū commodè usurpari potest. Hic addendus est syrius de senna nostræ descriptionis.

Atque hoc florilegium est medicamento-
rum benignius ac mitius purgantium, quæ
primæ corporis regioni expurgandæ mul-
tū conducunt, & quibus in eum finem Do-
gmatici medici, vel expertissimi omnium, u-
tuntur. Illis, quicquid ingenii ac industriæ
Deus nobis largitus est, candidè impertiti su-
mus & adjecimus.

Repurgata igitur, ut suprà dictum est, pri-
ma corporis regione, in usum venit, conco-
ctio, attenuatio & humorum præparatio (ut *Humorum præparatio.*
vocat) idq; antequam ad morbi radicem ex-
tirpandam transeat. *Concocta enim medica-
ri & movere, non cruda, oportet, inquit Hippo-
crates.* Quam quidem humorum concoctio-
nē sic capimus in corpore aptè fieri, cū ju-
xta Hippocratem fluida redduntur corpora,
hoc est, materia coagulata ac fixa redditur li-
quabilis & soluta: quæ corporea sunt, in spi-
ritum attenuantur, aut quæ spiritualia, in cor-
porea convertuntur, hoc est, cum crassa exte-
nuantur: & tenuia incrassantur. Hæc verè co-
ctio-
tionis species (quam tamen non asserimus,
eam esse ubiq;, quæ ab Aristotele 4. meteor.
cap. 2. adfertur) fusiùs ac clariùs à nobis alibi
explicabitur; cujus etiam effectus genuinos
in

in hoc ipso tractatu demonstrabimus, cum deinceps de auxiliis & veris præparationum modis, ab Hermeticis in humorum peccantium concoctione usurpatis, verba faciemus.

In præparantium usum, usurpant apoze-
mata, hydromelita, oxymelita & syrupos, huic
scopo congruos. Quo remediorum genere
ubique pharmacopolarum officinæ scatent,
nec non tam veterum quàm recentiorum li-
bri practici. In omnium autem præparantiũ
locum, quibus, vel doctissimi quiq; Dogma-
tici, uti consueverunt, unicam tantum for-
mulam, apozematis methodo hinc describe-
mus. Ad cujus exemplum, & hydromelita &
oxymelita, aliãq; id genus remedia, eodem
spectantia, componi poterunt.

Apozema.

*R. rad. peonie, galanga, cyperi, angelice, calami
aromat. anà ʒ ss. rad. graminis, asparagi, visci
quer. anà ʒ vj. cichorii cum toto, endiv. scariola,
fumaria, lupuli, melissa, prim. veris, agrimonie,
ceterach polytrici anà m. j. chamed. chamepyt.
hyssopi, thymi, majorana, mentha anà m. ss. sem.
anisi, cardui bend. peon. sesel. citrii & corticis e-
jusdẽ anà ʒ iiij. florum anthos, calend. beto. anà p.
j. floru tilia arboris, lili cõvall. anà p. j. ss. fiat de-
coctio in oxymelite simpl. ad lb. j. ss. in colatura
clarificata dissolve syrupi cort. citrii, de stæcha-
de, & de beton. anà ʒ iiij. fiat apozema aromati-
zandum ʒ j. diamoschi dulcis, utatur per 5. dies.*

Ejus.

Ejusmodi apozemata inter preparata primum locum obtinent, in quibus pratorum propè omniū, herbæ & flores omnis generis bona ex parte capitales & calidi acervantur. In caput enim morbum grassari hunc præcipuè plerique omnes autumant, cujus in causam, cum pituitosam materiā frigidamq; accusent, citra controversiā ex calefacientibus propè omnibus simplicibus, apozemata sua cōscribunt. Veruntamen præter primariā cerebri affectionē, habent etiā illi cordis, ventriculi, splenis & matricis rationē, si afficitur mulier, hinc fit, ut cardiaca, hepatica, & splenica hystericaq; immisceant remedia. Porro cum varii etiam ægrotantium temperamenti, magna sit habenda ratio, cum alii sint phlegmaticæ, alii biliosæ, alii melancholicæ constitutionis: quinetiam alii crassi & obæsi, alii macri & extenuati, alii ætate grandiores, alii juniores, denique sexus ipse cum magna cautione sit distinguendus, pro omnium istorum observata varietate, varia etiam adhibenda erunt remedia: ut (verbi gratia) proponatur nobis biliosus aliquis & calidi temperamenti; abstinendū erit in illius medicatione, à calidioribus medicamentis, quæ phlegmatico alicui ægro possint cōgruere: aut saltem calidiora, si quæ usui sunt, frigidioribus erunt temperanda, ut minùs incendiant aut noceant.

Causa variationis remedium.

Quæ

Vim medicatricem simplicium non à qualitatibus procedere.

Quæ quidem ratio à Dogmaticis summo jure observatur. At (ut liberè loquar) parum fiendum censeo rationibus eorum, qui omnè auxiliorum vim ex simplicibus frigidi, calidi, &c. qualitatibus deducunt, & totam pendere autumant. Etenim in his affectibus, qualis epilepsia est, hujusmodi qualitates prorsus esse frigidas, inertes, & invalidas, satis superq; experienciâ comprobatur: quod jam alibi attigimus, ut fusiore repetitione nunc non sit opus. Nec quis putet hanc mei solius esse opinionem, & à Paracelso emendicatam. Idem nobiscum ipse sentit Hippocrates libro illo suo de antiqua medicina, quem jam alibi citavimus: ubi rejectis eorum hypothefibus, qui rerum virtutem calori, frigori, aliisq; id genus qualitatibus, adscribunt, ipse potentibus & efficacibus saporum, acidi scilicet, amari, &c. facultatibus, potiùs quàm illis vendicat: ubi quàm propè ad Hermeticorum sententiam accedat, ut fusiùs alibi exposuimus, elucescit.

Hinc igitur discendum, non ad solam simplicium caliditatè respiciendum: quàm nec pæonia, nec viscus quer. nec tiliæ, aut lilii convall. flores, alcis ungula, cranium hominis, cerasorum nigrorum aqua, hirundinum & picarum, atque alia id genus subsidia specifica, ex calidis ejusmodi qualitatibus mutuenter:

nec

nec à celebrioribus ac magis expertis Medicis Dogmaticis hoc respectu, in hujus morbi curationem usurpentur.

In apozematum autē superiorum locum, ad præparandos humores destinatorum, ego potius hydromelitū atq; oxymelitum usum probaverim, quæ hujusmodi morbis congruunt: quod minus molestiæ & fastidii, quàm apozemata sumentis exhibeant: adde etiam, quod diutius integris asserventur viribus, ut diu etiam illis uti liceat citra corruptionem, quod in his morbis maximè necessarium est, ut videlicet non in sex aut septē tantum dies: sed in plures menses etiam eorum usus protrahatur. Sic enim chronicas affectiones & longa temporis serie contractas, domari ac evinci decet.

In præparationem igitur morbifici humoris, quod sequitur hydromel congruentissimum futurum est.

Rasura ligni buxci ℥ iij. rad. henule campana, visci querni, visci coryli anà ℥ j. ℞. rasura cornu cervi & ligni rhodii anà ℥ j. sem. cardui bened. citrii, ruta, anà ℥ ℞. macerentur per 24. horas in lb. viij. hydromelitis simplicis: dein coquantur ad unius tertie consumptionem: addendo sub finem coctionis florum tilia arboris, lilii convall. calend. anà p. ij. scyllæ præ. ℥ j. demum transcolentur per manicam Hippocratis: azomatizentur.

Hydromel
antepilepti-
cum.

tur, ſi velis, cum pauco cinnamom. & fiat hydromel antepilepticum. Huic, ut melius & utiliùs reddatur, adjici poſſunt aliquot ſpiritus vitrioli guttule, dum aceſcat, & palato gratiſſimum fiat. Hujus hydromelitis ſingulis diebus manè & vèſperi duæ aut tres uncie propinentur, quod in longum tempus continuetur.

Spiritus autem vitrioli loco, etſi ſingulare ac præſtantiſſimum remedium eſt huic maiorum generi: ad ſingulas hujus hydromelitis doſes, in eorum gratiam, quibus ſuſpecta ſunt metallica remedia & inviſa citra rationem, (ut paulò poſt dicemus) unam aut alteram, aut etiam plures uncias aceti ſcyllitici admiſcere poteris, qui quidem totus vitriolatus eſt, nec idcirco à veteribus & recentioribus Dogmaticis repudiatus, ſed ſummè inter omnia præparantia laudatus & celebratus. Aut hydromelitis loco, incoquantur oxymeliti ſcyllitico ſuperiora ſimplicia, quod fortiùs incidet, & humorem peccantem concoquet.

In eundem finem uti etiam poſſumus oxymelite helleborato majore Juliani, toties in Epileſiam, alioſque id genus morbos, decantato à Gefnero: quod, ut ipſe loquitur, mirificè abſtergit, incidit, aperit humores omnes, omniaque excrementa e corpore protrudit, ac meatus, intus forisque

referat: mira denique de eo prædicat Gesnerus: ita ut mirum sit, ipsum in apothecis Pharmacopæorum desiderari, & à medicis ab usu quotidiano excludi. Hujus descriptio habetur in Pharmacopæa August. & alibi.

Quæ mox sequetur aqua, in eundem finem conducet, quæ opportuno herbarum & florum tempore parari poterit, & ad usus necessarios asservari.

Rad. recentium Angelica, henula campana, Aqua antihædoaria, ana ℥ j. radicum buxi, peonia Luna pileptica, in signo Leonis, si fieri potest, decrefcente collectæ, visci querni recentis ana ℥ ij. dictami albi ℥ j. sem. cardui bened. citrii, acetosæ, portulac. peonia Luna decrefcente collecti & excorticati ana ℥ ℔. nucis moschate, macis ana ℥ iiij. florum cotula foetida, sambuc. ana p. iiij. florum salvia, stuechados, lilii convall. ana p. ij. pulverisanda pulveriscentur crassiuscule, & contundenda contundantur & macerentur per quatrimum ad ignem Balnei Maris in aquarum ruta, cerasorum nigrorum, florum tilia, florum geniste & hyperici, ana ℔. ij. dein fortiter per torcular exprimantur. Huic expressioni adde spec. diamoschi, diamarg. frigidi, diacorrallii ana ℥ ℔. rasura cornu cervi ℥ j. confect. de hyacintho, conf. alkermes theriac. veteris an ℥ ℔. camphora ℥ j. denno per duos dies in Bal. Mar.

digerantur, ac tandem destillentur per cineres. Hujus aqua exhibeatur pro dosi ℥℥. tui si salem ex capite mortuo aut fœcibus, in cinerē redactis, extractum addideris, reaffusa ea ipsa aqua in cineres fœcum toties, dum virtute salis imprægnata sit, longè præstantius reddetur medicamentum, hujus enim vel minima quãtitas exhibita, multò majorem utilitatem pariet, copiosis illis decoctionum, hydromelitur a nobis descriptorum, dosibus, adjectis semper aliquot spiritus vitrioli guttulis, quod arcanum est hujus morbi specificum, ut jam in lite, inter Dogmaticos & Hermeticos intentata, abundè contestati sumus: & ut patere potest ex elegantibus illis floribus, quibus Dogmaticorum præcepta hac in parte ornavimus, & instruximus. Præterea, nõ tantum humorum pituitosorum, melancholicorum & biliosorum præparationi usui erit eadē aqua, si seorsim peccent ejusmodi humores, si conjunctim: at apoplexiis etiam, vertiginibus & membrorum resolutionibus, atque id genus aliis morbis magnoperè conducet, in eorum præcautionem scilicet, & paroxysmorum repetitionem arcendam, si ad singulas Lunæ quadras, istius aquæ unciam exhibueris. Quæ etiam in ipsis morbi paroxysmis tutò recteq; exhiberi potest, ut curationi & insultu violentiæ coercendæ ac domandæ, ægtisq; ocylsimè liberandis inserviat.

*Vsus prædi-
ctæ aquæ.*

Hæc aqua præservans, scilicet, præparans, & sanitatem constituens, his tribus simul effectis admodum insignis & potens, si accuratè expendatur, partim ex cardiacis constare, utpotè, radice angelicæ, zedoariæ, dictami, seminibus cardui benedicti, citrii & similibus, quæ infestis ac malignis humorum peccantium ac necantiū qualitatibus opponuntur, eam animadvertetis: partim ex radicibus & seminibus præoniæ, visco querno, aliisque id genus, in specificum epileptici morbi remedium ab antiquis & recentibus medicis habitis & celebratis: partim etiam ex iis, quæ cerebro, ventriculo, aliisque visceribus corroborandis maximè conducunt. In qua etiam rasuræ lignei buxci additamentum, à me fortè primò excogitatum, & in compositionem etiam apozematum ac hydromelitem relatum, comperietis: deniq; ea ingessi simplicia, ut flores sambuci, camphoram & aquam rutæ de industria, quod in hunc morbum specificis quibusdā virtutibus non careant: quarum rationes mox sum redditurus, ne citra rationem aut inconsultè quid fecisse videar. Ingrati illi cotulæ, sambuci & camphoræ odores, satis arguunt, putido quidem ac narcotico, sed quòd & mitigativo sulphure scatant. Cujus generis sulphur, mitigando, sedando, extinguendoq; , tanto fulminis ardo-

*Sulphur a-
medynum.*

*Anatomia
internali-
gni buxei, e-
jusq; natura
& facultas.*

ri, in cerebri nostri cælo, furenti, & insultus
hos epilepsiæ fulgureos jaculanti, aptissimū
ac congruentissimum est: quod satis testatur
aurea illa nostri Nepenthes compositio, quæ
promptissimum ac singulare huic morbo ad-
fert subsidium. Atque ut particularius causas
audiatis, quæ nos ad scobem ligni buxei, alio-
qui admodum fœtentis & caput ferientis,
addendam impulit: sciatis, in eo vim quan-
dam narcoticam & soporiferum sulphur ab-
undè contineri, unde fœtorem contrahit,
quemadmodum cicutæ, ruta, mandragora, o-
mniaq; papaverum genera, quæ ingratum o-
dorem expirant, quod narcotica sint, hoc est,
narcotico sulphure nimium tincta & infecta.
Adde etiam, in perpetuo virore ligni buxei,
& ejus in saxosis ac montanis locis delecta-
tione, ac origine, ubiq; partium illius vitrio-
latam planè naturam internæ ejus signaturæ
elucescere. Quinetiam cum ex ejus rasura ex-
tillatur aqua, major acidi liquoris irritantis
ac pungentis, solventisque spiritus vitriolati
instar, quàm alius humoris, copia extrahi-
tur. Quemadmodum etiam vitriolum alia o-
mnia mineralia narcotico sulphure superat:
sic simplex hoc naturæ illius prorsus fit par-
ticeps, eamque induit, spiritus ejus ex locis
montanis & petrosis, ubi libenter nascitur,
grescit & luxuriat, exugendo, atq; hinc fœri-
dissi.

diffimū sulphur contrahendo, quod vi ignis in oleum putore gravissimum extorquetur. Cujus narcoticæ virtutis magnum est argumentum, quòd ea quilibet, vel gravissimus dentiū dolor, omnes alios dolores superans, uno momento sedetur, si dentiscalpium oleo ejus intinctum in radicē dolentis dentis immittatur, quæ vix eo attingitur, cū statim miraculi & incantationis instar dolor prorsus avolat & opprimitur. Præstantissimū igitur est, inter omnia simplicia, mitigativū auxilium, nec nō adversus omnem virulentiam & verminationem, ut ita loquar, quæ ut plurimum epilepsiarum causas inducunt, præsentissima antidotus: quale inter mineralia, narcoticū vitrioli sulphur habetur, primamque sedem occupat in curatione hujus morbi, prout suo loco fusiùs docebimus. Addeamus & hīc nostras hujus olei buxei experientias, quod tantę virtutis re ipsa esse experti sumus, ut omnes generis dolores edomet, corruptiones & putrefactiones corrigat, vermes enecet & expellat, malignosq; vapores, ex quibus symptomaticæ epilepsię procreantur, quæ faciliè tandem in Idiopathicas trans-eunt, arceat & absumat.

Præter has rationes usu & experiētia à nobis confirmatas, vir quidam Germanus magni nominis Medicus, scriptis suis certò te-

*Quid sit o-
leum ligni
Heraclei
Rulandi.*

status est, oleum ligni Heraclei Martini Rulandi, quo Rulandus ipse in suis centuriis tot epilepticos sanitati restituisse, & dentium dolores sedasse affirmat, oleum hoc ligni buxei, destillatione extracti fuisse, non guajacini, ut antea opinabatur. At licet fides eorum dictis detrahatur, experientiis tamen meis satis confirmor, in hoc buxio ligno magnam vim anodynā, & Herculem quendam hujusmodi tam gravium affectuum domitorem, delitescere. Solus unus Martinus Rulandus, aut potius, qui patri supervixit filius, dignus utique tam admirandorum arcanorum, tam admirandi doctiq; patris hæres, refragari mihi possit, si in electione & usurpatione buxi, alterius ligni loco, hallucinor. Ille, inquam ipse est, qui reclamare possit, solusq; dignus, qui singularia ejusmodi arcana in lucem proferat, & Rempubl. medicam eorum participem faciat. Neq; enim nobis ipsis nati sumus, at patriæ, parentibus & amicis. Si autem Heracleum illud tanti pretii lignum, cedros etiam Libani, ob tam insignes ejus virtutes superans, publicum fugit medicinæ theatrum, liceat de nostro ligno, buxo inquam, periculum facere, & virium ejus experientias tentare, quacunq; libuerit præparationis facie. Sive enim decoctionem ejus usurpes, sive liquorem aut oleum, miros ejus in curatione mor-

morborum, his quos tractamus, similium, ob rationes jam à nobis commemoratas, effectus experieris. Sed plus satis in excutiendo hoc præparationis articulo immorati sumus: tempus est, ut ad vacuationē & purgationem transeamus, ut nempè discamus, quando & quomodo eam fieri oporteat, & an semper in hoc morborum genere necessaria sit futura.

CAPUT XVII.

De Elleboro nigro, quo ut & aliis violentioribus remediis, vel nulla, vel saltem perexigua emendatione correctis veteres utebantur, ejusq; admirandis ad quosvis gravissimos ferè morbos facultatibus & præparationis modo.

DE M O N S T R A T U M est antea, quibus vacuantibus medicamentis antiqui in tam gravi morbo uti erant soliti, tum vomitū provocantibus, tum aliis id genus: helleboro nempè albo & nigro, qui principatū in hunc usum obtinebant, ex sententia ipsius Galeni, medicorum Coryphæi, quingentis aut sexcentis, post Hippocratis tempora, annis nati & florentis, quemque Dogmaticæ medicinæ instauratorem omnes profitentur, à quo tamen quàm parum aut inscitè exitialia illa & violenta purgantia instaurata & correctâ illo

Violenta & exitialia remedia, vel absque ulla, vel saltem frivola quædam adhibita præparatione ab antiquis usurpata.

seculo fuerint, ex præscriptis eorū formulis satis superq; liquet: ut qui ne hellebore quidē albi, quem præcipuē in epilepsie curam usurpabat (ut ex ipsius cōmentariis in aph. i. lib. 5. videre est) ullam aut ineptam emēdationem admiserit, quæ violentiā illius in vomitu provocando, compesceret: quam quidem hellebore vehementiā & in provocāda vacuatione molestiā testatur bonus Mesues lib. de simpl. cap. ult. de hellebore, cum accidētibus terroris plenis fieri. Quin & paulò antè versiculis aliquot, docuit his verbis, quid de eo sentiret:

Mes. lib. de simpl. c. ult.

Helleborus albus, inquit, corporibus nostri temporis est molestus, imò est eis, sicut venenū propriè præfocans. Celsus lib. 2. c. 13. hæc de Hellebore refert: At ubi longi, valentesq; morbi sine febre sunt, ut comitialis aut insania, veratro quoq; albō utendū est, id neq; hyeme, neq; æstate rectè datur, optimè vere, tolerabiliter autumno: quisquis daturus erit, id agere antè debet, ut accepturi corpus humidū sit. Illud scire oportet, omne ejusmodi medicamentū, quod potui datur, nō semper ægris prodesse, semper sanis nocere. Cujus rei hodierna etiam experientia certā satis fidē facit. Quod tamen antiquorū primariū ac potissimū fuit medicamentū, quo ad vomitū in epilepsia & gravioribus aliis morbis, quibus cōgruit, proliciendū utebātur. Ante tamē illius exhibitionē, levia quædam ab iis observaban-

tur.

tur. Lubricantibus enim prius corpus ad laxationē præparabant, idq; ex sentētia Hipp. 4. aph. 13. quo minùs laboriosè excremēta, cūm per vomitū, tum per alvū deturbarent. Ratio etiā temporis, horę & temperamēti habebatur: ac cavebatur aliquando, ne jejuno ventriculo, at potiùs cibato & pleno exhiberetur, ut vomitus faciliùs & minore molestia succederet. Quod ad ejus præparationem attinet, sive quę sit in turundis majusculi raphani, in quibus ramēta hellebori infixā per integrū diem macerari sinebantur: quibus extractis tale olę raphani in oxymel infundebantur, postea deglutiebātur, super hausto ipso oxymelite, sive quę cum pomo, aut quę cum infusione in oxymelite sit, aut aliquo alio ejusmodi præparationis modo: insipidę prorsus id genus præparationes, & omni industria carentes frigidęq; sunt, præ aliis elegantibus utriusq; hellebori præparationum formis, quas arti spagyricę debemus: quasq; variis modis descriptas, & maximè utiles ac necessarias, hydromelitis, oxymelitis, extractionum, pilularum & tabellarum figura in restituta Pharmacopœa nostra videre licet, quas hîc sigillatim recensere non sit opus. Etenim procul dubio est, inter vegetabilia purgantia, helleborum, præsertim nigrum, & aptè & concinnè paratum, astralibus morbis, ut vocant Hermetici,

Præpar. hellebori juxta antiq.

Vires hellebori nigri mira.

hoc est, tam altas fixasq; radices habentibus, tamq; occultis seminariis summū & præsentissimū esse remediū, atq; idcirco huic tanto tamq; gravi morbo curando & prorsus eruncando summè cōducere. Quantis autem laudibus helleborum nigrum ipse ornarit Hippocrates, perspicuum est; sic enim de eo loquitur: ut, si oportune & appositè, cui congruit, exhibitus fuerit, illius hominis juventutem instauret, perfectam illius valetudinem cōservans, temperamentum corrigens, atq; inde animi meliorib. de simpl. res commodans. Quin & addit bonus Mesue, e. de Helleb. illius virtute, viscerum omnium corruptionē emendari, puritatemq; humoribus eorum restitui: magna facilitate ac potestate subtilem bilem cum crassa pituita mixtam, hancq; cum atrabile, promiscua omnia, vacuari & expurgari: nec non ejus efficacia ac proprietate totam sanguinis massam purificari, & sordibus suis elui; usq; ad eā venas omnes penetrat, ut ab iis, ex toto corpore, fæces omnes & impuritates prolixi ac educat: tantæq; virtutis esse asserit, ut ne remotissimæ quidem partes, ac ne cutis quidem ipsa extima, illius attactum fugiant. Quo fit, ut hoc medicamentum præstantissimum sit ac specificum, purgando cerebro, totiq; capiti, ac omnibus sensuum instrumentis, nervis, visceribus, vesicæ & matrici idoneum auxilium, huicq; epilepsiæ morbo, de quo

quo agimus, melancholiæ, mania, paralyfi, vertigini & hemicrania singulare præsidium. Atq; hæ sunt, quas Helleboro laudes tribuit Antiquitas: cujus usu tamen hodierni Dogmatici, periculum veriti tot symptomatum, quæ procreat, utcunq; videlicet præparatus, prorsus sibi interdiciunt. At cum tantæ sit virtutis, huicque morbo, de quo agimus, repurgando, & valetudini restituendæ accommodatissimum sit medicamentum: aliquot formulas hîc subjiciemus remedium, in quibus purgationis basim & principem locum helleboro tribuemus. Si plures quis iis desideraverit, licebit ex pharmacopœa nostra illas expiscari. Aut si junioribus, ut infantibus, aut delicatioribus, mitius aliquod & vulgarius medicamentum exhibere animus est, Galeniq; exemplo, amarum ex aloë pharmacum illis sæpè quotannis propinare: pilulæ nostræ Catholicæ ex aloë, in eadem pharmacopœa nostra & alibi descriptæ, lenioris ac jucundioris medicamenti, quàm ex aloë sola, citra præparationem, locum abundè supplebunt. Ubi etiam multa alia purgantium genera, siue simplicia, siue composita, vulgaria & non vulgaria, comperientur præscripta, quorum huc traducendorum non est hîc locus, nec opus.

Satis igitur nobis fuerit, in medicamen-
tum

tum purgans epileptiis accommodatissimum, solum hunc syrupum helleboratum describere, ut sequitur:

Syrupus
helleboratus

R. rad. helleb. nigri, veri & electi ℥ j. polyp. q. seminis carthami ana ℥ j. B. visci quer. coryli ana ℥ j. turbith gummosi, agarici trochiscati, asari ana ℥ vj. sem. paeoniae, anisi, citrii, cardui bened. acetosa ana ℥ iij. diptamni Cretenensis, florum tiliae arboris, calendulae, centaurii minoris, hyperici ana p. ij. florum viol. buglos. nymphaeae ana p. j. B. macerentur in s. q. oxymelitis scyllitici & aqua fumarie, idq. in vase vitreo optimè clauso, ad ignem Baln. Mar. per duos dies ad minimum: deinde fortiter exprimantur ac clarificentur. In lb. ij. huius colatura macera deinceps, & digere ad eundemmet ignem Baln. per 4. dies rad. hellebori nigri veri & electi ℥ j. folliculorum sennae ℥ iij. macis, caryoph. cinnam. ana ℥ j. Denuò fortiter exprimantur, & per unum aut alterum diem in eodemmet Baln. Mar. quàm optimè purificentur, ut artis est, semel aut bis in die ad minimum, faeces, quas in fundo vitri subsidere percipies, rejiciendo, & quod purius est, denuò purificando, idq. reiterando, donec materia nullas amplius faeces seponat ad fundum vasis. His peractis, adde sacchari viol. q. s. ut coquantur in syrupum, addendo sub finem coctionis rhab. seorsim in succo rosarum pallidarum macerati & expressi ℥ j. B. mi

B. misce, fiat syrupus mediocriter coctus. Dosis esto ℥j. vel ℥ij. Per se exhibetur, vel cum aqua lilii convall. semper addendo potioni guttulas aliquot spiritus vitrioli, ex arte præparati. Atque is unus est syruporum nostrorum purgantium antepilepticorum: cujus omnibus æquè, siue ii sint infantes aut fœminæ, siue juvenes aut veteres, obæsi aut macri, siue cujusvis temperamenti homines, tutus est usus, eam dosin exhibendo, quæ pro cujusvis ægro- tantis debili aut forti natura satis esse possit. Idemmet auxilium apoplexiis, paralyti & melancholiæ, aliisq; id genus morbis, validas etiam fixasq; radices habentibus, summè con- ducit.

Si tamen fœmina est, quæ hujusmodi mor- bo conflictetur, ut sæpenumero id contingit, purganti syrupo adjicienda erit bryoniæ ra- dix, quinetiam in purgationem uti poteris fœcula bryoniæ, cujus descriptionem tradi- dimus ac præparationem in illa nostra Phar- macopœa, quod hystericum est medicamen- tum, idq; specificum & proprium solutivum: quales sunt etiam extractiones, quæ fiunt ex succis mercurialis & rutæ, quæ ibidem etiam habentur.



CAPUT XVIII.

De revulsionibus & derivationibus, operationibus chirurgicis, deq; medicamentis corroborantibus, tam generalibus, quàm specialibus Dogmaticorum.

*Chirurgica
operationes.*

QUÆ huic affectui adhibentur, revulsiones ac derivationes clysteribus acerbis attrahentibus ac vellicantibus, nec non suppositoriis cōmodè fient: item apophlegmatismis, masticatoriis, errhinis, garismis & ptarmicis. Atq; ut ex chirurgia aliqua etiam petamus remedia, aptè hæmorrhoides aperientur: venæ etiā malleolorum ad fluxum sanguinis secabuntur: præsertim si ex suppressis mensibus vitiū oriatur, quod ut plurimum contingit, nec non hirudinum ad frontem, pone aures, atq; ad alias capitis partes commodas, affixio futura est utilis: si in eo morbi vitium situm est primariò.

At si ex infimis partibus causa mali exurgat, pedibus, cruribus, femoribus, hypochondriis, cucurbitulæ cum scarificatione utilissimè apponentur: nec non & in superiorum partium revulsionem, scapulis congruè affigentur. Ligaturis etiam fortibus & frictionibus, commodissimus futurus est usus.

Quin-

Quinetiam ad cauteria actualia aut potentia, ut vocant, futuræ coronali, occipitio, aut colli cum capite commissuræ adacta, transiri foelicissimè potest: idque ut exitiali materiæ, si caput primùm ea infestetur, exitus sternatur: aut ad ea loca proximè, ex quibus virulenta causâ emergere percipitur, emunctoria, ad eam materiam divertendam ac distrahendâ, excaventur, quæ sæpenumerò ex femoribus, cruribus & pedibus, atq; id genus partibus infimis & procul distantibus evaporat & scaturit.

Vfus cauteriorum.

Quod ad materiam eorum pharmaceuticorum auxiliorum attinet, eam fusiùs aut minutiùs excutere, non est nostri instituti, præsertim cum subiectum hoc omnibus sit notissimum, de eoq; aut bona ejus parte jam abundè, dum de præsentis paroxysmi cura hujus morbi ageremus, à nobis dictum sit.

Restat igitur (ut præscriptam methodum sequamur) de affectarum partium corroboratione, de intemperiei earundem correctione, ac reliquarum peccantis materiæ discussione, dicere.

Roborationi conferunt cons. rad. pæoniæ, acori, pyrethri, cortices citriorum, & myrobalini conditi: conservæ quinetiam florum salviæ, rosmarini, stæchados, betonicæ, uniones margaritæ, coralli, ebur, cornu monocerotis,

Corroborantia.

*Specifica E-
pilep.*

rotis, cornu cervi, præparata omnia ex arte: species, aromatici rosati, diarrhod. diamb. diamoschi, lætif. Gal. dianthos Nicol. diamarg. calidum Avicennæ, diacastorium: confectio de hyacyntho, de granatis, Alchermes, & id genus alia, quæ in usu sunt, sive simplicia, sive composita, quæ in varias aptantur formulas, ut opiatas, condita, tabellas: quibus Neoterici semper aliquid specificorum, hodie in curam hujus affectus usurpatorum, solent adjicere, qualia sunt alcis ungula, cranium humanum, viscus quernus, semen radixque pæonia. Quod autem ad ungulam asini attinet, cujus usus veteribus fuit familiaris, nunc apud recentiores Medicos, ea propemodum exolevit.

Inter autem ea specifica, vulgò recepta remedia, cùm in usum admittuntur, certis quibusdam observationibus deliguntur: ut scilicet, posterioris pedis potius quàm prioris, alcis ungula usurpetur, quæ apud nonnullos, annulo inclusa, ita ut cutē attingat, gestatur: apud alios collo appenditur, nudam pariter carnem contingens; hacq; administratione virtutis laudē consequitur, profligandę prorsus istius ægritudinis, nec non ipso insultu & paroxysmo ocyùs agrū liberandi, idq; ex observationibus Joannis Agric. & Ammonii. Ab aliis scobs ejus & pulvis potu exhibetur, quod præ-

præsentissimum creditur esse remedium Gesnero lib. de Quadrupedibus, cap. de Alce.

Sic etiã in cranio cautiones adhibentur, ne scilicet pars ejus posterior, sed anterior potius in usum seligatur, ut fœminæ fœmineum, mari masculum adapteretur. Solet autem sic administrari, ut ab aliis pulvis tantum ejus propineretur citra ullam aliam præparationem: ab aliis calcinatus, & in cinerem candidissimum redactus exhibeatur. Qui autem calcinatione meliùs reddi specificum opinantur, reprehensione non carent eorum, qui ejusmodi præparationem improbant: quòd in perusta (ut ajunt) illa calvaria nullus supersit primigenius humor, nullumque principium vitale restet: satiusque in scobem derasam propinandum existimant, citra ullum aliud præparandi genus. At ne ipsi quidem satis acutè perspiciunt, aut prudenter distinguunt, utrum cranium fuerit melius, an recens, an ex sepulchris effossum, & longo jam tempore exuccum ac desiccatum.

Calcinatione humidũ primigeniũ non absorbitur.

Atqui diligētes isti humoris primigenii, & vitalis principii inquisitores & scrutatores, si rerum salibus inclusa illa nō agnoverint, magnorum ac verorum philosophorum, naturæ arcanorum indagatorum, titulo prorsus indigni sunt: at sophistarum ac pædotribarum,

rum, qui græca latinè vertendo, & ex suggestis publicæ scholæ multa garriendo, sibi grædia omnia arrogant: & ex admiratione, quam apud juniores quosdam adhuc alphabētos discipulos sustinent, jam sed ad cœlum usque extremum evectos, planè sibi persuadent ac ementiuntur.

Sed de his satis dilucidè jam in tractatu nostro de priscorum philosophorum medicinæ materia, &c. egimus, nec non pluribus locis alibi, quæ hic repetere supervacaneum sit.

Salis substantia fixa.

Quicquid est: salem, certissimum est, trium principiorum hypostaticorū fixissimum esse, in eoq; firmissimas tincturas ac impressiones delitescere: hinc fit, ut liquoribus ac oleis animalium terra absumptis & exesis, ossa, salium domicilia, ipsaq; propè tota sales, licet exiccata tumulo, fixa tamen firmaq; sola superstent, nulla temporis serie expugnabilia nec vincenda. Quæ etsi exterantur, eorum tamen sales neutiquam dispereant, sed in ipsa terra permanentes deprehendantur. Veruntamen, ea etsi ossa magnam salis copiam in se se contineant: eorum sal multis terræ partibus involvatur, & viribus suis idcirco interpellatur, nullos suæ virtutis effectus producit, quales dissolutus & separatus præstare solet, nec balsami sui vires exerere, quin terrestribus illis vinculis expediatur. Quod una calci-

calcinatione fieri tantum potest, quâ sales in cineres rediguntur, ex quibus à perito philosopho ac artifice, mediante propria aqua, aut quavis alia huic rei idonea, sal eximius, ac magni pretii elicitur: qui venis nostris impertitus, humidum verè primigenium, activis qualitatibus longè potentius, quàm craniū simplex, in pulverem redactum, dici potest. Cujus etiam ad perfectam albedinem calcinati, humor nostro ventriculo insitus, salem dissolvere, & in partes corporis omnes diffundere potis est.

Neq; hîc rejicio vulgare illam cranii præparationem aut calcinationem, Dogmaticis nonnullis cognitam; etsi mox synceriores, purioresque, ac earum legitimum usum subjuncturi sumus, quum auxilia Hermeticorum producemus, à quibus egregias illas ac elegantes philosophicasq; præparationes hausimus, iisq; acceptas referimus.

In visci autem querni, radicis ac seminis pæoniæ administratione, quædam etiam in illis colligendis traduntur observationes; ut videlicet radices & semina hujus pæoniæ decrescente Luna decerpantur: nec non & eodem tempore viscus quoq; quernus colligatur, sed cum Juppiter in aliqua domorum suarum fortunatus admodum fuerit, Lunam scilicet trino vel sextili aspectu intuens.

Sed jam satis experientias hujusmodi praefidiorum in hunc affectum ejusque curam rationibus suis confirmatas supra attigimus. Nonnullas adhuc porro subnectemus suis locis.

Hoc tantum loco, formulam unam roborantis medicamenti in opiatae formam adjiciemus, ut sequitur:

*Opiata cor-
roborans.*

Rx conserve florum anthos, paonia, bnglosse ana ʒ ss. corticis citrii saccharo conditi ʒ ij. pulveris visci querni ʒ ss. seminis paoniae decresciente Luna collecti, ungulae Alcis ana ʒ ss. cranii humani calcinati ad albedinem ʒ j. ss. coralli prep. margaritarum preparatarum, cornu cervi prep. unicornu ana ʒ iiij. lapidis Bezoardici veri ʒ j. diamoschi dulcis, diatriasandali ana ʒ ij. theriacis veteris, confect. de hyacyntho ana ʒ j. cum syrupo conserve citrii fiat opiata mollis, de qua capiat ad molem nucis avellanae singulis matutinis, idque in longum tempus protrahatur; statim ad singulas doses haustulum aquae lilii convall. florum tiliae, qui etiam huic malo specifici ac congruentissimi sunt, assumendo. Nec non in eundem usum propinentur etiam aquae hirundinum, aut picarum, de quibus antea locuti sumus.

Habentur etiam in nostra Pharmacopœa nonnullae aliae theriacales aquae antepilepticae, quae corroborandis partibus etiam conducunt, quarum huc supervacaneum sit descriptiones traducere.

Possumus etiam ex superioribus medicamentis alias formas concinnare, utpote electuaria, tabellarum, & id genus aliarum, in usum diuturnum matutinis horis exhibendarum.

Atque hæc sunt generalia corroborantia, quæ præcipue affectum cerebrum respiciunt, ubi hujusmodi morborum, ex Dogmaticorum sententia, sedes constituta est.

At si radix & seminarium morbi in ventriculo situm est, ea superioribus adjicientur remedia, quæ ei conducunt. Si verò ex matrice affecta morbi causa procreatur, ejus etiã habenda erit ratio.

In peculiarem etiam partium corroborationem, Epithematis, fotibus, suffitibus, cuculis, scutis, balsamis, emplastris, & id genus aliis, partibus affectis accommodatis, utendum erit.

Ex his perspicuum est, in generalibus ac particularibus roborantibus, Dogmaticos in frequenti & vulgari usu habuisse flores salviæ, rosmarini, stæchadis, betonicæ, semina pæoniæ, juniperi, & alia id genus omnia prope modum calida & odorata; nec nõ moschum, ambram, ejusmodi compositiones ingredi, quòd, ut jam alibi, causam eorum propugnando, exposuimus, opinentur propè omnes à causa frigida hunc affectum procreari, eaque crassa & pituitosa, ideoque incidentibus.

*A Galenicis
in hoc affe-
ctu calida &
odorata per-
peram exhi-
bentur.*

*Moschi na-
tura.*

calefaciētibus & attenuantibus habere opus
remediis. Attamen frequenti experientia di-
dicimus, ejusmodi calefacientibus & odora-
tis remediis auctos potius & excitatos fuisse
hos affectus, quàm imminutos aut superatos.
Nunquid id accidit ideò, quòd moschus & si-
milia odorata sint *καρδιακα*, hoc est, caput
gravantia, & opplentia cerebrum, & pletho-
ricas causas augentia? Quin re ipsa quotidiana
nos docet experientia, mulieres hysteris
affectibus, huic morbo germanis sororibus,
obnoxias, solo chirothecarum moscho suffi-
tarum odoratu, & id genus aliis, in insultus
incurrisse hystericos, iisq; illas uno momen-
to concidisse & prostratas esse. Quinetiam
ipse vidi, multos ne rosæ quidem odorem su-
stinere potuisse, nec citoniorum, quin statim
rheumate corriperentur & perpetuis sternu-
tationibus concuterentur: imò etiam gravissi-
mis capitis doloribus torquerentur, usque
adeò odores illi fragrantés & vaporosi cere-
brum opplent, agitant & perturbant. Quod
summoperè à Dogmaticis & accuratè notan-
dum est, in quotidiana roborantium suorum
administratione, ubi frequentius peccatur,
quàm proficitur. Idcirco paulò post, suo loco
videbimus, specifica Hermeticorum robo-
rantia longè aliam diversamq; naturam ha-
bere, quorum etiam probabiliores ac diluci-
diores

diores certioresq; rationes redduntur, cur in
usum hujus morbi aptentur & conducant.

CAPUT XIX.

*Radicalis Epilepsia fomitis extirpandi ratio
ostenditur, nec non remedia ad hunc sco-
pum opportuna addu-
cuntur.*

RESTAT modos explicare, quibus hujus
morbi reliquæ radicitus erui, & fundi-
tus extirpari queant: cum enim alta & occul-
tissima sint illius seminaria, simplicibus ægrè
& levioribus tantum medicamentorum præ-
parationibus solvi ac subigi possunt: quibus
etiam edomandis, vulgares vacuationes, re-
vulsiones, derivationes, roborationes ad ali-
quot dies administratæ, impares fuerint. At
longiore multò tempore ad ejusmodi radi-
ces eruncandas, opus fuerit, ut scilicet sen-
sim & paulatim, ac continua diuturni tempo-
ris serie exhibeantur ac administrentur, qui-
bus vel sic quidem vincendo malo non satis
paribus ac validis, necessariū fuerit ad chro-
nicas diætas (ut vocant) perfugium, hoc est,
ad subsidia hydrotica, diaphoretica ac diure-
tica: sed non specifica propria: quæ ad occul-
tas illas causas prorsus evellendas, malignam-
que ac perniciosam morbi qualitatem, qua

*Seminales
Epilepsia fo-
mites diffi-
culter è glo-
bis suis eli-
minantur.*

*Indicationes
huic scopo
inservientes.*

stipari consuevit, coercendam ac extinguendam, respiciant: ut hac ratione viscera crassis illis impuritatibus ac obstructionibus, quibus scatent, expediantur: supervacanei quæ humores incisi, attenuati, soluti, & per urinas expurgati, prorsus exhauriantur & absumentur: atque sic venenati ac maligni illi vapores sudoribus excludantur, ac exhalent, ut œconomia membrorum depravata in integrum restitui possit: & temperata firmaque corporis constitutio reddi. Sic enim concoctiones juvabuntur, & tota sanguinis massa defœcabitur, omni contagii ac veneni labe sic exclusa, qua sæpenumerò omnes hujus mali causæ foveantur ac crescunt.

Diaphoretica principalia.

Inter remedia, hœs curationis & corroborationis scopos spectantia, balsamicum & odoratū guajacum, Indicum illud lignum, nec non lignum Sassafras, quod ex Florida, in qua crescit, ad nos advehitur, cujus aromaticus sapor, dulcedinē fœniculi æmulans, gustui est gratissimus, principem locum inter hydrotica omnia & diaphoretica, occupant: quæ etiam pervicacibus morbis omnibus ac chronicis, quorum frigide sunt causæ; nec nō constitutionibus ac naturis obæstioribus, crassioribus ac pituitosis, administrari utiliter & adhiberi solent.

Inter sudorifica, quæ vulgariter usurpantur,

tur, salsa patilla & radix chinæ, minùs calefacientia habentur, quæ idcirco in id genus morbis administrantur, qui radices occultas habent, & diuturnitatem temporis consequuntur, omnibus aliis remediis frustratentatis: quæ quidem hydrotica à nonnullis Dogmaticis macris & macilentis adaptantur, & in eorum usum servantur, nec non eorum, qui jecur impensè calidum obtinent: ratis, ejusmodi simplicium decoctionem minùs noxiam, quàm quæ ex guajaco, aut alio calidiore medicamento paratur: quanquam ab aliis laudatur guajacum, principemque locum tribuunt in curationem, non tantùm variolarum, sed epilepsiarum etiam, paraly-sis, & chronicorum ejusmodi morborum ac nullis remediis vulgaribus cedentium: cujus tamen temperatur decoctio scobis rhodii ligni admixtione, ut apud Pharmacopæos nomen habet, vel quod aliter roseum aspalathū dicitur, santalum non tantùm similitudine exprimens, sed odorem rosæ valdè referens, cujus hodie frequentissimus est usus, ejusq; cum omnibus ferè aliis decoctionibus mixtio fit, in quibus guajaci & aliorum calidorum hydroticorū calor moderandus est, pergratum simul ac suavissimum odorem, saporemq; decoctioni impertiens.

Inter ea etiam hydrotica communia, lau-
rinum

rinum ac juniperinum, ligna recensentur; cujus in morbis frigidis & pituitosis temperamenti ac humidis, qualia sunt quædam paralyseon, contracturarum & catarrhorum genera. In eodem albo numerantur ulmaria, carduus benedictus, radix petasitis aut bardanæ, & id genus alia, quæ longū esset omnia recitare, satisq; hîc esse possit communiora quædā enumerare, ad quæ celebriores & majoris notæ Dogmatici, in gravioribus morbis, & pervicacioribus, tanquā ad sacram anchoram ex vegetabilium familia petitam, hodie confugere solent. Ex quibus varii generis decocta parant, quibus unum aut alterum sudorificorum istorum immiscent modò majore, modò minore copia, prout res exigit, & varia ægotantium constitutio ac temperamentum suadet.

Nos verò qui hoc loco de Epilepsia agimus, ea nos medicamenta hydrotica, quæ opportuniora, aptiora, & magis affectui specifica nobis videbuntur, inferemus, ob commemoratas jam à nobis rationes, quas hîc supervacaneum sit repetere. Atq; ne ab ordine nostro, & instituta methodo aberremus, posthac etiam suo loco, quæ opportuniora etiam, ac aliis morbis huic germanis sororibus magis congrua ac specifica fuerint, docebimus.

Hydroticum.

R. rasura ligni buxci ℥ ij. β. rasura ligni juniperi,

peri, radicis paonia, visci querni ana \mathfrak{z} j. β . rasu- antepilepti-
 ra ligni rhodii, cornu cervi, ana \mathfrak{z} vj. rasura ebo- cum,
 ris, radicis chine, seminis card. bened. & corticis
 citrii ana \mathfrak{z} j. macerentur per 24. horas in lb.
 viij. aqua fontana tepida: dein coquantur ad u-
 nius tertia consumptionem, addendo sub finem
 coctionis florum tilia arboris, lilii convallium,
 ana p. ij. fiat colatura per manicam Hippocratis,
 cujus dosis sit unciarum v. vel vj. in potu. Hæc u-
 tique potio cujusvis ætatis & temperamenti
 hominibus epileptico hoc malo affectis, cõ-
 modè exhiberi potest; quòd ea magis ad vi-
 rulentas ac malignas qualitates edomandas
 respiciat, quàm ad erassos pituitososq; cere-
 bri humores calore suo attenuandos, solven-
 dos ac vacuandos sudoribus excitatis.

Nonnullæ sunt corporum admodum hu-
 midæ naturæ cõstitutiones, in quorum usum,
 decoctioni non verear \mathfrak{z} ij. scobis guajaci, ad-
 modum balsamici, ut jam monuimus, adji-
 cere, ut quod, cum inter sudorifica anume-
 retur, non possit non corruptionibus ac ver-
 minosis malignorum vaporum putrefactio-
 nibus, quæ sæpenumerò epilepsiam sympa-
 thicam concitant, obsistere. Ditioribus ex a-
 quis ulmaria, fumaria, vel florum tilia & li-
 lli convallium, hujusmodi morbo specifico-
 rum (loco aquæ communis) decoctiones pro-
 pinaverim. Aut etiam decoctionum loco,
 cum

cum in iis, pars mercurialis, aut acidulus ejus & fermētativus ac sudorificus spiritus vi ignis exhalet, ut in nostro de lue venerea consilio scripsimus: satius fuerit, & malim ego ex simplicibus illis, in Bal. Mar. per triduum aut quatrīduū digestis, liquorem cornuta, ut vocāt, igne balnei vaporoso ad siccitatē usq; extillare, unda tota rei substātia citra adustionē proliciatur: ac secundam decoctionē ex fœcibus parare, quæ loco vini in potum cibi tempore aut extra cibum etiā exhibeatur. Quod præstabitur commodè, si aridis illis fœcibus, fontana & communis aqua superinfundatur, ex qua fiat decoctio: ac demum decoctione effusa, exiccatoq; capite mortuo, ex eo in cineres candidos per reverberium redacto, cineribusq; istis in manicam Hippocratis injectis cum cinnamomi cōquassari modico, velim ego per eos destillatam identidem ac crebris vicibus traducere & reaffundere priorem aquam, quæ salē fœcum extrahat, unde efficacior & magis vitriolata reddatur. Hujus autem aquæ sic demum paratæ satis fuerit in singulas doses duas aut tres uncias offerre, unde admirandos effectus videre liceat.

Atque sic, quibus ornamentis spagyricis vulgaria illa Dogmaticorum remedia obiter augeamus, ac ditemus, perspicuum est: quæ alioqui parum fœcunda, & prorsus etiam

iam inania deprehenderentur, si qualia sunt, nec arte spagyrica adaucta, administrarentur. At expectate paulisper amici, ut suo loco, illa elegantiore ac nobiliore cultu, induta, vobis prodeant.

Cum hujusmodi remediis utuntur Dogmatici, hanc administrationem, Diætam facere, vocant, quòd tunc strictum admodum vivendi genus, idq; attenuans, & exiccans ut plurimum imperetur. Nonnulli ad longum satis temporis spatium, hanc vivendi formulam, hoc est, ad 24. 30. aut 40. dies protrahunt, ut paulatim & longa serie, tam rebelles affectus, longoq; tempore contracti, dumentur ac vincantur. Alii 10. aut 15. dierum Diæta satis, nec ultra progrediuntur. Quod mihi nullo modo probatur. Tāta enim temporis brevitate agitantur, non autem discutuntur aut absumentur humores morbifici.

Irrita Diæta Dogmatica

Toto illo temporis Diætæ curriculo purgatur æger (ut & ante illius inchoationem commodè fieri solet) idoneo specificoq; medicamento, idq; sexto quoq; die. Cui si stricta fuerit alvus, biduo quoq; perfundetur emolliente clystere, ultra medicamentū superius allatum. Quodq; postremum est in hac cura: ut inchoata est portione medica laxante curatio, sic portione simili finitur medicatio. Quod quidē medicandi genus in nonnullis, adver-

adversus ejusmodi chronicos & pertinaces affectus, qui carnosæ & obasæ constitutionis, humidique ac pituitosi temperamenti fuerint, fœlicem ac efficacem sortitum est exitum. Aliis plus damni, quàm commodi peperit. Quæ enim expectatur cerebri exiccatio, tantum abest, ut fiat, ut contra humidius, ac catarrhis cerebrum reddatur opportunius. Hujusmodi enim calefacientibus remediis incensus sanguis, majorem vaporum copiam exhalat & emittit, quibus magis opuletur cerebrum, sicque turbidum ac nubilum, nec non pluviosum redditur, hoc est, defluxus ac destillationes in varias corporis partes concitantur & crescunt. Cujus rei sedula habenda est ratio, ne quid hujusmodi remediorum, citra delectum & inconsultè, præscribatur. Quin potius procurandum est, ut istiusmodi medicamētis urinæ potius provocentur, sudorifica enim omnia, diuretica quoque haberi solent: aut per insensilem transpirationem sanguis expurgetur, ne ad sudores violentiùs adacto corpore plus justo sanguis incalescat.

Talis Dogmat. medicatio non in omnibus suam finem assequitur.

Diuretica commendantur.

CAPUT



CAPUT XX.

*De aquis mineralibus, ad quas Dogmatici
ægros post omnia sua frustra tentata remedia,
ablegare solent, affectui huic specificis,
earumq; facultati-
bus.*

SIc igitur administratis id genus auxiliis,
si res parum feliciter succedat, exiguum-
que fructum afferat, solent iidem Dogmatici
ægros suos ad thermas & minerales aquas ac *Therma &
aq. mineral.*
metallicas ablegare: quas natura in dies va-
riis Europæ locis, videtur nobis liberaliter &
profusè elargiri. At ne altius cogamur illas
repetere, satis sit nobis eas exquirere, quas
Gallia nostra, locaq; nobis etiam circumvici-
na ac finitima suppeditant: ubi nec ferreæ, nec
plumbeæ, argenteæ, antimoniales, vitriolatæ,
aluminosæ, nitrosæ, gemmeæ, sulphureæ, nec
bituminosæ nobis defuerint: ex quibus aptè
usurpatis & congruè administratis, in diver-
sorum affectuum varias curationes, ab exper-
tis doctisque Medicis, varios & admirandos *Earum effe-
ctus.*
effectus produci videamus. Quos quidem ef-
fectus, ex variis vacuationum generibus, quas
singulæ specificas habent & proprias (utpote
quæ aliæ sudoribus, aliæ urinarum provoca-
tionibus, aliæ per alvum purgationibus, aliæ
vomi-

vomitibus, aliæ transpiratione insensibili medicantur) præstari certum est. Alias verò aliis dotibus præditas videre est, quibus citra ullâ apertam vacuationē, morbis appositè mederi solent, idq; viscera nutritioni inserviētia obstructionibus suis tartareis & mucilaginosi impuritatibus inhærentibus expediendo, vel optimam illis temperiem, à qua desciverunt, restituendo, ac totam illorum depravatam œconomiam corrigendo & instaurando.

Galen. omnibus suis de-stituti remediis ad mineralia con-fugiunt. Sed quæram libenter ex iis, qui tantopere in auxilia metallica, aut ex metallorum ac mineralium familia petita: (in quorum albo censemus lapides, succos terrestres, sive sales sint, sive sulphura) invehuntur & eis adlatrant, cur tentatis omnibus aliis subsidiiis, & eorum imbecillitate cognita, in gravissimis ac deploratissimis morbis ad thermas minerales, aut medicamentosas aquas cōfugiunt, si illis virtutem omnē detrahunt, & mortua prorsusq; inertia esse contendunt? Nunquid hoc est, contra suas injustas querelas agnoscere, substantiam quandam metallicam, eamq; efficacissimā istiusmodi aquis inesse, cujus virtuti tantorū malorum curatio arroganda sit? Quæ quidem vis & efficacia, si istis aquis deesset, ex mineralibus essentiis, quid aliud quàm humectare & refrigerare possint aquæ thermæ? Apage igitur perversa illa & contorta eorum

Gal. de mineralibus perperam sentiunt.

rum de substantiis metallicis opinio, qua vitali
omni principio eas carere falsò imaginātur,
& ratiocinari pertinaciter gestiunt. Non mi-
nùs absurdè aut temerè disputant, ac negant
nullam esse metallorū substantiis cum homi-
nis natura analogiam ac communicationem,
quòd hujusmodi aquarū virtutibus tot tan-
tisq; malis hominē liberari & restitui indies
cernant, ac fateri cogantur, sive id fiat impu-
ritatum deterfione, vel vomitibus, vel deje-
ctionibus, vel per urinas, præstita: sive etiam
cōtrà ejusmodi symptomatis, adstrictionibus
aquatū, & virtutum metallicarū, coërcitis, &
ad naturalē habitum restitutis: sive etiam ca-
tharris omnibus, nec non omni hæmorrha-
giæ aut profluvii cujusvis genere, sedatis, &
cursu suo violētiorē interceptis ac composi-
tis. Ex quibus etiā thermalibus aquis, atq; etiā
metallicis substantiis & virtutibus, omnis ge-
neris febriles, sive ex pituita, sive ex bile ardo-
res, nō refrigerante aliqua tantūm qualitate,
sed longè alia præstātiorē ac nobiliore potē-
tia, modò extinguuntur, modò frigida quæq;
nō calida qualitate, sed potētiorē efficacia, ad
suam temperiem revocantur. Sic omnes æ-
dematosæ ac pituitosæ frigiditates corrigi ac
temperari cernuntor: sexcentiq; alii admirā-
di effectus istis thermalibus aquis in omnis
generis morbos producantur, pro varietate

substantiarum metallicarum, quibus dotatae sunt & praeognantes. Quis jam neget ex tot tantisq; virtutibus ac effectis, oculis ipsis perviis vitalia esse metalla, omnique (nisi mente captus & talpa caecior) spirituum vitalium & robore destitui aüsit asserere? Quis analogiam & consensum hujusmodi remediis cum hominis natura, temperamento, & complexione, ut vocant, nunc detrahat? & tam arctam conspirationem ac concordiam, quâ sese mutuo juvant, & complectuntur, deneget? Tot itaq; agendi potestates, tot virtutes, tot miracula, quæ præstari in tam gravium & invictorum morborum curatione quotidie perspiciuntur, satis amplam demonstrandi fidem faciunt, quàm potens & firma sit, ejusmodi spirituum metallicorum tinctura, vitalisque impressio (nedum ut nulla sit) omniumq; aliorum auxiliorum vim & energieam superans, ut nulla alia probatione, quàm quâ oculis fides habetur, vel apud ipsos cæcissimos, sit opus.

Attamen nuper subortum est insanientium nescio quod genus hominum, huc & illuc titubantium, lumine luscorum, cerebro & ingenio obtuso ac hebeti, vel potius contorto & perverso, qui verius vulcaniorum cyclopum imaginem representent, & quos magis fabrilis incudibus & malleis sordide tra-

ctare,

*Vnde tot tā-
taq; mine-
ralium a-
ctiones profi-
ciscantur.]*

etare, quàm febrilia curare, & medica opera honestè liberaliterq; exercere deceat: qui in metallica illa remedia debacchantur, omnibusque viribus eorum lucem extinguere conantur, quòd tam mirandis remediis & effectis (quos turò citò & jucundè exerunt) invidiant, & à sese talia præstari, quæ nunquam didicerunt, indignissimè ferant, victasq; manus tendere erubescant. Sic sanè ignorantia superbix & nequitix individua comes. At quod pejus illos habet, & in rabiem totos adducit, hoc in primis est, quòd in gravissimis & deploratissimis morbis, sua ut plurimum fringere remedia videant, & mira ab aliis præstari audiant ac sciant: cumq; ea ediscere potiùs, aut saltè æmulari & studiosè imitari in usum miserorum ægrorum deberent, damnant è contrario, atq; in furorem adversus quosdam Doctores, celebresque Medicos, naturæ mysteriorum studiosos, adiguntur: quos falsò & superciliosè ignaros, artistas, Empiricos proclamant, ignari ipsi apeirici, & verè lufci, cum non videant gloriam ex empiria consurgere: ex apeiria verò ignorantix dedecus inuri. Sed quid cum fucis istis ac vespis nobis rei est? Pares cum paribus committi debent: sic fortes Aquilæ imbecillarum columbarum & leones feroces canum etiam illatrantium congressum respuunt: invidis maledicis ac detra-

Livor quorundam in mineralia, omnem ipsis vim medicatricem derogantium.

etoribus solummodò loquor, bonos, doctos, verosq; Medicos semper excipio, eosque suspicio, ut alibi jam protestatus sum.

Sed de his plus satis; ad alveum thermarum nostrarum aut aquarum calidarum revertamur, à quo hæc justa famæ & nominis nostri apologia me avocavit & parumper digredi cœgit.

Illarum virtutes, potestates ac proprietates, mille ac mille admirandorum effectuum in curationibus morborum, exemplis oculis ipsis videndas, subjecimus, nec tamè huic soli probationis generi, licet potenti & valido, acquiesco: sed aliis porrò dilucidioribus demonstrationum rationibus, posthac adhuc illarum veritatem enucleabo, ubi simul eorum opiniones confutabimus, ut pueriles & ridiculas, qui metalla aut metallicas substantias omnivitali principio carere autumant, apocrusticaque ea esse ex Gal. sententia pronunciant, nec nò lethalia potius, quàm salubria, ut quæ ab interno usu explodenda sint, & interiorum purgationum administratione: in quem tamen finem à doctis, & in præparatione eorum veratissimis destinantur & præscribuntur felicissimè, magnoq; omnium ægrotantium commodo, ut vel deploratissimi morbi iis vincantur & cedant, nò secus ac thermalibus aquis.

Ut rationibus igitur veritatem metallicorum auxiliorum confirmemus, eodem argumento

mento utemur, quo novus quidam practicus, isq; in utraque medicinæ secta æquè juvenis, me à se impetitū apud celebrem quendā Medicū (à quo hanc juvenilē arrogantiam didici) jactitavit, mihiq; sic valida argumēti vi silentium impositū fuisse: hac utiq; ratione triumphū bellè ante victoriā concinens. Sed diffidū istud in alium locū rejiciemus, ubi paulò post Hermericorū remedia in hunc, de quo agitur, affectū, proponemus: ubi primas occupari sedes à metallicis perspiciemus, aut nō postremo saltem ea loco censerī debere: ibidemq; ex responsione nostra ad Neotericum illū, demonstrabimus, ejusmodi remedia nullo modo vitali aura & spiritibus carere poterētibus ad agendum: quin potius firmiorem illis inesse virtutem & vitam præstantiorem, quæ inter alia omnia medicamentorum vel præstantissimorum genera maximè virtute & energia excellant: idq; non vaga aut erronea quadā opinione docebimus, sed validis, certisque rationibus, ipso usu & experiētiā rerum magistrā, nixis ac confirmatis, comprobabimus ac demonstrabimus.

*Mineralia
vita non des-
tituuntur.*

Thermales igitur inter aquas, quæ acidæ sunt ac vitriolatæ (quales Spaenses & Pogæ, sexcentæq; aliæ hujus generis habentur, quas natura variis in locis profundit) epilepticis affectibus congruentissime sunt ac aptissime,

*Mineralia
hisce affecti-
bus appro-
priata & spe-
cifica.*

cujus rei rationem ſuprà reddidimus, à cujus repetitione hìc ſuperſedebimus. Secundum à vitriolatis locum occupant ferreæ in hujus morbi curatione. Ex hujusmodi aquis ferreis, aliquot ab hinc annis, recens in Dania fons emerſit. Harum vis eſt potiſſimùm in hoc affectu, ſi morbus ex partium, nutritioni inſervientium, vel matricis vitio oritur. Si quidem vitriolum, quod venerum eſt, & veluti primum cupri ſeu veneris ens, magnum cum Marte, qui ferrum dicitur, conſentum habet, ſiquidem unū in aliud facilè tranſmutatur, alteriusq; naturam induit, ut vulgò notum eſt. Unde Poëtæ, Veneris & Martis amores myſtico quodam ſenſu cōfinxerunt, rationem ex Philoſophis & naturæ arcanis expiſcati, unde mutuam utriuſq; concordiam & conſenſum didicerunt.

*Vitrioli cum
Marte con-
ortium.*

Inter vitriolatas, antimoniales etiam aque recententur, Antimonium enim, ut ſcribit Parac. lib. de Aurora, de ſtirpe eſt & gente vitrioli. Hæ autem tertio loco collocantur in curatione horum affectuum, præſertim ſi, ut sæpe fit, hi ex materia quadam putrida & verminosa oriantur, ex qua peſtiferi vapores ac venenati in cor cerebrumq; efflantur, epilepſiamq; ut plurimum excitant. Quæ quidem virulentæ materiæ, ejuſdem aquis expurgantur, & dejectione sæpiùs deturbantur, non-

*Antimonia-
lium aqua-
rum facul-
tas.*

nun-

nunquam tamen etiam vomitione, sed raro, extruduntur. Si in illis infusum argenteum numisma maceretur aliquandiu, aureum colorem ex illis contrahet, quod certissimum est antimonialis aquæ cognoscendæ signum. Hæc miros etiam effectus edunt. Tales esse Encosenses in Vasconia crediderim, aut de antimoni minera aliquid retinere.

Sed de huiusmodi aquis & admirandis eorum effectis, seorsim tractatū conscribemus, ubi quicquid est huius argumenti, fusè disputabitur, balneaque præcipua, ac thermales aquæ totius Europæ, suis etiam nominibus, cum virtutibus ac proprietatibus designabuntur & describentur: idque in libro nostro de Recondita rerū natura, artisq; mysteriis, &c. quò lectorem revocamus, ne nunc fusiores hic à nobis de iis tractationem frustra expectet. Hoc unum tantum dicemus, Galliā nostram, præ alia quavis regione, abundè ejusmodi aquarum medicamentosarum genere, à natura cumulatā ac ditatam, præsertim Vasconiam nostram, quæ toto montium Pyrenæorum tractu, iis mirum in modum & felicissimè abundat: qui idcirco inter alios montes, pretiosissima omnis generis metalla, & metallicas substantias profundit & exhibet: ex quibus olim Romani ingentes thesauros & immensas opes eduxerunt: quorum adhuc

Gallia aquarum mineralium ferax.

veſtigia extant. Nec mirum id eſt, cùm eorum
 virtus & ſumma prudentia totum propè or-
 bem ſubegerit, ac imperio ſuo ſubjecerit. Fa-
 xit autem D. O. M. & auguſtiſſimo Regi no-
 ſtro, virtute facilè ac prudentia Romanos ſu-
 peranti ex noſtris votis annuat, ut pervigili
 diligentia, ſolerti induſtria ac ſagacitate No-
 bilis viri, D. de Beaulieu, jam olim Conſiliarii
 Regii, ac Règni arcanorũ, privatiq; Senatus
 Amanuenſis, à Rege pro dignitate, ſummam
 in fodinas minerales ac metallicas authori-
 tatem adepti: nec non præter alias verè no-
 biles dotes, raris ac elegantibus naturæ arca-
 nis ſummo ſtudio invigilantis, atq; his nomi-
 nibus ſumma gloria digniſſimi: Annuat, in-
 quam, Deus, ut Pyrenæi illi montes, alterum
 opibus ac theſauris Peru referant, ex quorum
 copia & fœcundo penu hoſtes publicæ ſalu-
 tis edomentur, conſervatores ac pacifici, a-
 miciq; Règni foveantur ac ſuſtineantur. Ex
 medicalibus verò thermis & earum virtuti-
 bus, natura & proprietatibus, nec non ex illis
 defluentibus aquis, quæq; indies pro manatu-
 ræ ſunt, ut univerſalis Panacææ vim ac lo-
 cum obtinere poſſint, juventutisq; inſtaura-
 trices aquæ dici. Faxit etiã Deus, ut earum ope
 & virtute, proſperæ ſanæq; conſtitutioni ac
 valetudini, potentiffimus Rex reſtitutus, ea
 tam diu fœliciter perfruatur, ut Neſtoris an-

nos etiam vitæ diuturnitate superet : optamus quin etiam, ut prædictæ aquæ locum medicinæ alicujus universalis, qua omnes totius sui populi ægritudines abigantur (quod Deus omen beet) supplere possint. Atq; hinc certè summa naturæ benignitas nobis elucescit, quæ pauperibus præsertim ita prospexit, ut cum sua inopia remediorum auxilia, ex eorum caritate nequaquam sibi comparare queant, abundè isthinc summa liberalitate concessa, hauriant, & affusè perfruantur. Sic enim comparati sunt hodiè multi Medici, ut omnis apud illos frigeat in pauperes charitas, citiusque eos morbis jugulari patiantur, quàm ullum præsidium præ avaritia, qua totum uruntur, benignè elargiantur. Quo factum, ut Deus summè misericors, citra dispendium tam liberaliter illis succurrat. Unde constat, quàm ab antiquo aurei illius seculi splendore degenerarit Medicina, quæ à generosa illa liberalitatis in omnes facie, in rugosum hoc ac portentosum avaritiæ os, deformis planè & defœdata desciverit.

Præter Vasconicos fontes, alias etiam thermas habemus in Gallia Narbonensi, Balernas nomine : in Delphinatu, in Lugdunensi ditione, Borbonensi, Avernia & Nivernensi : deniq; in omnibus ferè hujus regni plagis & provinciis, alias; ut sponte sua sic videatur Natura

*Natura erga
mortales be-
nignitas.*

tura (communis omnium parens) larga manu, pauperibus & circumvicinis populis erogasse tantum beneficium, quo sine impensis & minore negotio, cum opus remedio haberent, ac subsidio, perfruerentur. Atq; hujusmodi opum usque adeò dives est Natura, ut quotannis novos ac recentes ejusmodi fontes è sinu suo ubique exprimat, quales nobis duos aut tres ab hinc annos exilierunt scaturigines: una ad Rothomagum, altera ad Monbelliardum in confiniis Campaniæ & Burgundiæ situm. Quarum virtus & potestas quanta sit, illius præsertim, ad Monbelliardum scaturientis, magnam fidem facit, doctissimi cujusdam & celeberrimi Medici de dotibus illius, indubia tractatio. Hanc naturæ benignitatem ac liberalitatem, tot tantisque præfidiis humano generi, summa Dei gratia, consulentem, cum animadvertimus, nunquid ea arguit & damnat mercenariorum Medicorum ac inexorabilium, qui artē suam tam turpiter & sordidè nundinantur, immanitatem ac crudelitatem?

Præter superiores aquas & thermas, varia etiam latorum genera, sulphureorum, bituminosorum, quæ salium quorundam naturam, ac proprietatem frigidis affectibus, ut paralyfi & id genus aliis congruam, possident, Natura ex divite cornu copia sua superaddit,

dit, ne quid de parsimonia tam benignæ matris, conquerentur liberi.

Quibusdam in locis extant etiam balnea, ex quibus derivantur stillicidia, Italis Douliches dicta, à dulci, leni & blando fluore, quo caput aut aliæ corporis partes ægræ, utiliter perfunduntur. Hac enim ratione rigatæ partes, superflua sua humiditate liberantur & exiccantur, inprimis cerebrum pituitosum his valdè juvatur ac corroboratur. Hujusmodi quoque auxilio, quædam Epilepsiæ species curationem aut levamen non exiguum recipiunt.

Atq; hæc est compendiosa medicamentorum series, tam internorum, quàm externorum, varias indicationes & scopos respicientium, quibus hætenus Dogmatici in epilepsiarum curationem utuntur.

CAPUT XXI.

De indicationibus atq; observationibus Dogmaticorum, tum veterum, tum recentiorum in cura vertiginis.

QUOD ad vertigines attinet, quæ ab omnibus ferè Dogmaticis, vel ab ipso etiam Galeno parvè vocantur epilepsia, iisdem propè remediis (quæ juxta indi- Com. aph. 17.3. catio-

*Cura vertig. juxta
Dogmaticos.*

cationes curationū eisdem, proposuimus in epilepsiarum subsidium) ea ab illis tractari & curari solent: aut tam exiguum saltem inter utrorumque morborum auxilia aut curandi modum subest discriminē, ut separatas curas id nō mereatur. Nullus enim Medicus, vel tantillū in medendi arte versatus, non novit medicamenta seligere, eaq; huic vel illi morbo adaptare, prout tēpus & locus postulant: cum etiam & in natura, affectis partibus, causisq; magnum consensum habeant & affinitatem. Hoc tantummodō privatim observandū, ut in ipsis paroxysmis, prāter ligaturas, cucurbitarū affixiones, clysterum acrium & irritantium injectiones, quibus ad revellendum uti solēt, caput cum aceto rosaceo irrigetur, oleo verō incoquatur serpillum, aut spondylium, aut hederā, aut id genus alia: odorandūq; acetum, pulegium, mentha, aliaq; ejusmodi ex aceto, idq; juxta Aretæi sententiam.

*Aretæus de
curat. morb.
diuturnorū
c. 3. & 4.
Phlebotomia.*

Aëtius tetrabibl. 2. serm. 2. c. 7. ex Archigenis opinione & Posidonii, venam secari suadet, siue principium fuerit affectionis, siue tempus jam progressum fuerit, dummodō vires ferant, nihilq; reluctetur, ac inprimis si ex materia sanguinea ac calida affectus oriatur.

*lib. 3. c. 13. de
cura vertiginis.*

At in hac sanguinis missione, prout notat Damascenus, cavendum, ne confertim is detra-

tra-

trahatur, aut acervatim evacuatio fiat, ut loquitur Aëtius: eò quòd ex qualibet occasione ægri concidunt. Quapropter pluribus detractionibus per intervalla repetitis utendum esse sentit, ut congrua mensura expleatur. Hanc addit porrò observationem, ut scilicet, cum educitur sanguis, caput oleo simul, sectionis tempore, aceto & rosaceo, polygoni, aut hederæ succo admixto, irrigetur: & lana convoluta, rosaceo, aut œnanthino madefacta. eodem tempore ventri imponatur.

Idem Aëtius eodem libro & capite, post alia omnia, tum universalia, tum particularia tentata frustrà remedia, generalesque vacationes purgationis & missionis sanguinis præmissas, incisionem arteriarum in capite, juxta tempora supra aures (ut utamur ipsissimis illius authoris verbis) fieri suadet. Eandem tuetur opinionem Paul. circa finem 12. cap. lib. 3. de re medica. *Verùm (inquit) in quibus caliditas capitis, & aurium sonitus est, utpote calidioribus vaporibus per arterias illabentibus, etiã arteriarum sectionẽ assumimus retro aures.* Ejusdem sententiæ est & ipse Damasce-nus eodem cap. *Cùm verò, inquit, ista vertiginis passio dolorosa, nascitur ob vaporosos spiritus, sursum ad caput elatos, in utrisq; arteriis post aures impactos, ut foris infarctæ compareant arteriæ: tunc unicũ ejus ferè & presentissimũ fuerit præsidium,*

fidium, earundem arteriarum pertusio. Quæ tamen sanguinis per arterias missio non omnibus probatur, quòd sic à scopo curationis sæpiùs aberretur, juxta sententiam ipsius Gal. 3. de loc. aff. cap. 8. Avicen. Fen. 1. tract. 5. cap. 3. In hujusmodi affectu laudat venę sectionem, quæ pone est aures, quam quietam vocat. *Est enim, inquit, optima in curatione omnium specierum vertiginis materialium.* Et quandoque cauterisatur: idq; meritò, quod ea sectione, vapores & halitus omnis generis transpirent & exhalent, undecunque in cerebrum evecti fuerint. Quod post præmissas universales evacuationes fieri constat. Caput enim ante totum corpus curare non licet. 4. Therap. Quin & hæmorrhoidum in viris, & menstruorum in mulieribus provocatio, in his affectibus utilissima & necessaria futura est. *Est enim sanguinis missionis quædam species cõgruentissima.* Post ejusmodi tentata remedia, caput ipsum ad occipitium est scalpello convulnerandum, ut ait Oribal. syn. lib. 8. c. 5. In eundem finem Moderni & Neoterici cauteria, sive actualia, sive potentialia, præsertim saturæ coronali admovent, quibus per cerebrum, tanquam per fumale, exhalationes & nigræ fuligines ac resinosæ, horum morborum productrices, expirent & traducantur. Atq; eæ sunt indicationes ac observationes, quas tùm veteres, tùm

Hæmorrhoidum & mēstruorum provoc.

Cauteria.

tum recentiores in praxi horum affectuum, vertiginum inquam, curatione sequi solent. Cætera quæ ad præcautionem aut ad curationem eligi & administrari possunt remedia, ex ipsarum epilepsiarum cura in præservatione & curationem posita, peti possunt, ut supra monuimus.

CAPUT XXII.

De indicationibus curativis Apoplexiæ, tam generalibus, quàm specialibus, cum adjunctis remediis, juxta methodum Dogmaticorum.

IN apoplexiæ verò tractatione, quæ in morborum acutissimorum numero censetur, quæque sæpiùs ægrum ad mortem rapit, aut saltem in gravissimum alium affectum, paralytin, inquam, degenerat, nonnulla sunt privatim observanda, ab iis diversa, quæ in curam epilepsiarum usurpantur; etsi in genere, quæ uni morbo conducunt, alteri etiam prodesse possint: cum sint affines morbi, & ex iisdem propè causis nati: quiq; juxta Dogmaticorum sententiam eandem corporis partem occupant: ut com.aph. 45. 2. aliisq; locis jam citatis scribitur.

*Peculiare
quadam ob-
servations
hic notanda.*

Quod igitur à Medico observandum, id est, ut scilicet morbi naturam accuratè intueatur,

Gradus A-
poplexia.

atur, & expendat, num apoplexia sit gravissima, an mediocriter, an parum tantum lacesens. Siquidem tot illius gradus à Medicis agnoscuntur ac constituuntur, qui præcipue distinguuntur usu respirationis, magis aut minus liberæ aut impeditæ: vel fortis aut debilis. Anhelitus enim in minore aut debili apoplexia aliquem servat ordinem, quamvis inæqualem; in fortiori ac magna vim patitur & ægrè fit. At in fortissima, usque adeo deficit respiratio, ut sensu & motu prorsus privata membra videantur, & præter obscurum in pulmonibus & pectore anhelandi officium nihil restare perspiciatur. Sic enim discernitur affectionis magnitudo, ex noxæ, quæ spirationi infert, vehemètia, ut scribitur 3. de locis affe-

Galen.

Atq; id est, quod sagaciter à Medico prudenti perpendendum est, nec non pulsus diligenter illi etià notandus est, examinandusq; color vultus, nec non alia quæq; observanda, quæ ad rem faciunt, num videlicet æger gravi somno prematur: num altius aut demissius stertere audiat: atque an magna vel parva molestia respiret: num etiam variis corporis locis vellicatus & punctus, sensum ex corporis motu præ se ferat, nec ne. Quo in casu sequendū erit Archigenis consilium, ut nimirum à prognostico exordiat, quo ejusmodi apoplexiam fortissimam lethalem esse signi-

Apoplexia
lethalis.

significet & iudicet. Sic enim famę ac honori suo prospiciet, omnemq; calumniandi ac cōvitiandi ansam eripiet, & à se amolietur, memor scilicet Magni illius Dictatoris aphorismi 42. aph. 2. lib. *Solvere morbum, quem apoplexiam vocant fortem, impossibile: levem verò non facile.* Debilis tamen curari potest, ut addit Galenus in com. &c. Sed ut plurimum in paralyfin terminatur.

Lata igitur & pronuntiata prognostici sententia, nō tamē à Medico æger citra subsidiū prorsus deserendus est: licet in suo genere hic morbus gravissimus ac periculosissimus nullam salutis spem polliceri videatur: nisi fortē in ipso mortis agone, extremosq; anhelitus ducens deprehendatur. Tunc enim animæ Medicis committendus est. At dum quid spei Medico subesse videbitur, quo æger recreari possit: invocato primū illo summo Numine, Medicorū Archiatro, ut remediis benedicat, omni Medicus diligentia & industria ægrotāri suo succurret: observabitq; imprimis ægri vultus colorē. Qui si fuerit rubicundus; pulsus utrunq; plenior & validior, corpus nō extenuatū, ac plethora potius refertū: quę indicāt, apoplexiā ex vasorū plenitudine & sanguinis copia suscitata; primā medicandi rationē, quę singularis & inter alias præsentissima est, à sanguinis educatione auspiciabitur.

*Methodus
procedendī
in Apople-
xia cura.*

Phlebotomia.

At quas venas secari oporteat, quæ quantitas sanguinis educenda, an magna, an exigua, an paulatim sensimq; , an simul & semel haurienda : quidvé sanguinis missioni præire debeat, non satis constat inter authores Græcos, Arabes, nec Latinos, tum antiquos tum recentiores, ut qui hac in re sententiis discrepent.

Veterum de phlebotomia sententia.

Archigenes, præjudicato, ut diximus, infœlici morbi exitu, audacter è vena dextri brachii, sanguinem pro viribus emittit. Gal. in introd. sanguinem statim mittendum suadet.

Aëtius tetr. 2. serm. 2. c. 27.

Aëtius primo loco, unctiones huic affectui congruas ac utiles usurpat, totumque corpus iis imbuit, at caput præsertim: nec non vomitum provocat, ac clysteribus acribus ventrem laceffit. Quibus peractis venam secandam esse, docet: sectionemq; & sanguinis detractio- nem è dextra manu fieri debere censet; nec non copiam sanguinis, quæ educenda est, dividendam. *Commovere enim, inquit, oportet tantum, non exolvere vires, & calorem extinguere.* Inspiciendus etiam pulsus in evacuatione, & faciei color ac respiratio. Quibus non obstantibus, nihilque mali minantibus, securè etiam repetenda erit detractio.

Paul. lib. 3. c. 18.

Oribas. synop. lib. 5. cap. 6. ex sententia Philomeni, eundè ferè sequitur processum. Paulus Ægineta contrà, omnibus aliis postpositis,

tis, statim ad sanguinis missionem confugit, modò ex causis superiùs allatis, ea necessaria sit. *Eis itaq;* inquit, *qui quomocunq;* parari possunt, statim vena secanda est. Et si remissionem aliquam habuerint, repetita sectione, sanguinem detrahere oportet eadem aut sequenti die. Nec tamen hìc venam designat, quam nihilominus cubiti venam notari subintelligendum est: cujus cùm plures sint, alii cephalicam deligunt; cujus est opinionis Avicenna, à qua vult etiam copiosum educi sanguinem.

Avic. Fen. I.
tra. 8. c. 24.

Rhases alicubi jugulares venas pertundi suadet, cujus sententiam improbat Marcus Gatinarius, præclarus ex Neotericis Medicus, quòd ægerriimè earum vulnus claudi possit. Alibi idem Rhases utramq; cephalicam aperiendam esse censet, vel intra horæ spatium. In eam it sententiam Mesue, consulens, ut quàm celerrimè utraque cephalica incidatur, idq; cum emissionem multi sanguinis, ut cerebrum, inquit, patiatur.

Lib. divisionum, cap. 12.
tra. de agrit. cerebri, cap. de apopl.

Haly filius Abbas sentit, in hoc apoplexiæ genere, quam, ut dictum est, ex sanguinis copia nasci constat, ut cephalica secetur, aut sapheua etiam, ad majorem revulsionem.

Haly 5. præc. c. 22.

Alexander Bened. inter Neotericos percelebris, hanc primò laudat revellentē sanguinis missionem, ex talo, vel crure, mox eam

Alex. Bened. lib. I. c. 35.

quæ ex venis circa guttur turgentibus & conspicuis fieri potest.

Atque hæ sunt diversæ ac discrepantes authorū, quos modò citavimus, circa hujusremedii administrationem, sententiæ, qui inter Græcos & Arabes excellunt ac eminent. Omnes enim hic recensendi nullus unquā fuerit finis. Rogo autem lectorem, & juniores Medicos, quibus hæc mea scripta consacro, ut, quicquid paulò post scripturus sum, æqui boniq; consulant. Probo quidē ego & laudo in apoplexia, quæ ex sanguinis copia suscitatur, subitam phlebotomiā, si modò vires ferant, & judiciū jam de morbi gravitate & periculo pronunciatum fuerit. *Si quid enim movendum videatur, principio morbi moveto*, inquit Hipp. in hoc præsertim tam acuto affectu, quodd nullas det inducias: in primisq; sanguinē ex mediana vel cephalica utriusq; brachii educito, prout urgebit necessitas. Quinetiam si vires ulterius progredi patiantur, & suadeat jugularium venarum distensio, ut sepè fit, quando per anarrhopen sanguis ab inferioribus partibus sursum traducitur, vaporumq; multitudo, ac halituum superiora petens, & jugulares venas distendens, strangulationem ac suffocationē minatur: tūc censeo securē & intrepidē secandā esse venā, ac præsentissimū istud esse præsidium, tutissimumq;

*Autoris de
phlebotomia
sententia.*

si sphagnetides aut jugulares illę venę pertundantur, quarum majore plenitudine, ex tractu sanguinis, aut vaporum sursum elatorum, spiritus vitalis intercipitur, ne in cerebrum transferri possit, unde affectū hunc suscitari, tanquā ab una ex primariis causis, supra notavimus. Frustra autē Marcus Gatina-rius earum apertionem metuit, quod agrē vulnus coalescat. Si enim ejus claudendi rationem probē, citra fascias aut ligamenta, tenuerimus, cui modo jam pridē assuevimus, levis aut nullus prorsus futurus est labor. Huic enim rei emplastrum de pice, aut simili glutinosa materia vulnere inductum, satisfaciat, & planē ipsum concludat. Vel si digitus apertioni appositus, ei ad horas aliquot adhæreat (ut fieri solet in venarum & arteriarum incisionibus, ex ingenti vulnere illatis, quarum sanguis aliter sisti non potest) idem commodē præstari possit.

Ut autem ostendamus, in hoc apoplexię genere unicum subsidium esse sanguinis missionem (quod tamen non caret periculo) addam & illud (ut tandem finem faciam) quod scriptum reliquit Celsus his verbis: *Si lib. 3. de re- omnia membra resoluta sunt (quod de apople- med. c. 27. xia intelligit) sanguinis missio vel occidit, vel liberat. Aliud curationis genus vix unquam, sanitatem restituit, sæpè mortem tantum differt,*

vitam interius infestat. Post sanguinis missionem, si non redit & motus, & mens, nihil spei superest, ut è contrario. Post educationem sanguinis, utile fuerit acres clysteres injicere: quin & ipse Rhases consulit, ut ab iis curationis sumatur initium, qui morbosam materiam attrahant & deturbent ad inferiores partes, sicq; revellant. Cui etiam revulsioni frictiones vehementes, validæ ligaturæ & strictæ, cucurbitulæ inferioribus partibus affixæ, somnoq; ægri profundo excutiendo, summo perè conducunt & commendantur. Consultum etiam fuerit, ex ejusdem Rhasis sententia, in sanguinea hac apoplexia cucurbitam magnam futuræ coronali apponere, nec non & humero sinistro cum ingenti flamma: revocat enim ad vitam deploratos. Nam obstricta itinera spiritibus etiam vitalibus patefacit, & liberam eorum virtutem reddit.

Nec in hoc genere morbi omittendæ erunt perfusiones ex oxorrhodinis, idq; incipiente morbo: quæ raso capiti inducentur. Fiet autem oxorrhodinum ex oleo & aceto rosato, cui setpyllum incoctum fuerit. Castoreum verò naribus ad olfactum admoventum, ut vult Archigenes, quod multis probatur veterum, ne initiis ad resolutentia vehementiora & magis calefacientia statim veniat. Commodissimus etiam fuerit prarmicorum

*Alie quadā
indicat. cu-
rat.*

Nota.

*Perfusionis
oxorrhod.*

rum usus, ut privatim cerebrum obstructionibus liberetur: ubi observandum, semper à levioribus remediis esse inchoandum. Atq; sic ægro omnibus modis, uti suprà, promptissimè succurrendum. Cui si nulla ratione altus ille sopor excutitur, nec liber sermo restituitur, certissima sunt proximæ mortis argumenta, *Signū mortis.* cujus nequaquam reus Medicus fuerit, præsertim si de omine præmonuerit, & talis morbi eventus periculum maturè fuerit auguratus. At si administratis ex arte apposis & congruis remediis, quibus Deus cœperit benedicere, spes aliqua affulget restitutionis; audacter continuanda curatio est, ut seminariorum morbi reliquiæ, digerentibus, evacuantibus, resolventibus, ac partes affectas corroborantibus medicamentis, prorsus evellantur & discutiantur: cerebrumque ipsum suis incommodis expediatur, idq; purgationibus & corroborationibus idoneis: quarum myrmeciam aut formicariam supervacaneum fuerit hîc acervare; quùm ex iis, quæ jam in epilepsiæ curam attulimus, judiciosi Medici, quæ ad rem fuerint, mutuari possint: siquidem ob utriusq; morbi inter se cōsensum & affinitatem, communionem etiam præsidiorū uterq; affectus sortitur, quibus mutuò se juvare possint. Hic mihi tantummodò satis sit proposuisse, quid privatim

in apoplexiis observandum sit, quæ ex sanguinis copia nascuntur, ut indicia & notæ testantur, quas suprà attulimus.

De præparantibus nihil attigimus, quòd morbus, ne in ipso quidem principio, ulla offerat inducias. At versus declinationē præscribi possunt.

Signa & cura apoplex. phlegmaticæ.

Si verò apoplexia, ex pituitoso, frigido & congelato humore generetur, ut frequentius contingit ex Dogmaticorum sententia: has habebit notas: pallidum vultus colorem, temperamentū pituitosum, gravatum & cōsopitum cerebrum, nec non senectutē. In ea autē sic versabitur Medicus, ut, si ægrū restitui posse confidat, nec prorsus deploratū esse morbum agnoscat, edito prius prognostico, ut suprà, primò curam à clystere admodum attrahente ordiatur, *qui ex cephalica decoctione, melissa, origani, rute, majoranæ, calamenthi, betonica, seminis paonia, granorum juniperi, florum chama. centaur. & similium concinnabitur, in cujus q. suffic. incoquētur pulpa colocynth. ʒj. s. agarici, sennæ ana ʒ ij. deinde in colatura hujus decocti solventur mellis anthosati ʒ ij. salis gemmæ ʒj. olei nardini & anethini ana ʒj. s.*

Clyster.

Si præstò non fuerint Pharmacopola, aut remotiores ab ægro fuerint: ne tamen æger præsentī auxilio destituatur, quòd inter alios affe-

affectus, hic morbus promptissimum remedium postulet, sumendum erit jusculum ex olla culinaria ad lb. j. in quo tantum marini salis dissolvendum, quantum capi aut ferri possit à jusculo, quibus oleum nucum aut olivarum, aut butyrum adjicietur, nec non tartarum vini siccum vel liquidum: quæ promptè omnia, vel in quavis domo reperiri possunt, atq; ex iis clyster injiciendus.

Si licet per otium jusculo vel aquæ salviæ, rutæ, thymum, origanum, hyssopum & aliquot brassicæ capita, quæ ubiq; facile occurrunt, incoquere, commodius fuerit: huicque decoctioni (si ruri aut in arce aliqua, alioque loco ab urbe remoto, hoc fiat, ubi desit Pharmacopæus) adjiciendus erit cortex sambuci, qui ubique reperitur, aut grana ebuli ad suff. quant. & prædicti salis quantitas cum oleis, melle & butyro ubique pervio, solvenda, ex quibus fiat clyster.

Si res verò in urbibus geratur, cephalicis clysterum decoctis, qualia suprâ attulimus, addentur, diaphœnicôn, benedicta, hiera Paccii, hiera diacolocynth. & id genus alia, quibus clysteres majorem vim trahendi acquirant.

Ut autem in eum finem prompta & parata semper habeantur remedia, descripsimus in nostra Pharmacopœa oleū colocynthidis simplex

plex & compositum, quæ possunt æquè faciliè à Pharmacopæo parari ac confici, ac quodvis aliud simplicissimum, ut præstò sint in ejus officina, quum usus postulabit. Si enim hujus olei $\zeta j.$ sumpseris, quam in jusculo aut decocto aliquo cephalico, aut simili alio solveris, cōfestim paratus habebitur clyster, qui injectus magnam utilitatem afferet, attrahendo & discutiendo materiam omnem morificam, hujus generis mali causam. Iste enim affectus, ab initio, alvi solutionem per vehementem & potentem clysterē desiderat, quo materia peccans à cerebro avellatur, & ad infernas partes revellatur, ut ait Damascenus lib. 3. cap. de apoplex.

*Clysterum
in hoc affe-
ctu usus.*

Præter hæc colocynthidis olea tam simplex quàm compositum, quæ in officinis Pharmacopæorum non sunt usitata, attamen summe necessaria, alia nos docet ars spagyrica, quæ longè majores attrahendi vires & utilitates, quibusvis aliis, possident, quorum extrahendorum industriam suo loco describemus. Ejusmodi clysteres, prout opus fore videbitur, repeti debent; nec non in eorum locum prostereta aut suppositoria substitui, ex trochiscis alandahal, sale nitri & euphorbia confecta: quæ etiam commodè indentur, si tardior fuerit injecti clysteris exitus & pigrior operatio. At ne, dum diutius fortè ejusmodi ex-

di expectantur remedia, ullum vel temporis momentum pereat, frictiones deorsum versus, & ligaturę fortes in partibus corporis inferioribus, administrentur, & rejecto clystere, plures variis in locis cucurbitulę, collo videlicet, spatulis aut humeris, natibus, coxis & cruribus, idq; cum scarificatione affigantur: statim verò post, hoc quod sequitur vomitorium exhibeatur.

℞ rad. asari, sem. raphani, anethi, urtica ana Vomitorii.
ʒ iij. fiat decoctio ad ʒ v. in qua solve oxymelitis
simplicis ʒ ij. fiat vomitorium. Ante tamen vomitorii usum, si validus percipiatur pulsus, æger non admodum senex, attamen boni & plethorici habitus, etsi omnia non sese prodant sanguineæ apoplexię indicia: non vereretur tamen, post redditos clysteres, sermone non revocato, ex utraq; cephalica venę sectionem præscribere, è qua tamen parcius educatur sanguis: quamvis & veterum & recentiorum pauci in hac apoplexia phlebotomiam suadeant, & mihi objici possit, citra omne exemplum, à me uno eam imperari. Sed ad Mesuem, Medicosq; Parisienses provoco, qui ne in ulla quidem paralytis & apoplexię specie phlebotomię parcunt. A quibus fateor, me in ea audentiorē ab illis esse factum, etsi liberiorē aut largiorē phlebotomiam non probem.

Si æger autem ad se redeat, hoc est, sensum & sermonem recipiat, ante ipsum vomitum levis purgatio non erit negligenda, quæ cum pilulis cocciis, aureis, de agatico, foetidis erit exhibenda, modò catapotia possit deglutire: sin minus, gutturniolo appositò, quæ sequitur, potio erit propinanda.

Potio purgatoria.

℞ agarici trochiscati ℥ij. follicul. orientalium, senna ℥ iij. macerentur & coquantur in aqua betonica, lilii convall. ana s. q. pro dosi, in qua colata solve hieræ Paccii ℥j. β. castorei ℥ β. theriacis veteris ℥ j. oxymelitis simplicis ℥ vj fiat potio. Quantitas hieræ augeri aut minui poterit, pro viribus ægrotantis. Nec enim habenda est ratio ingrati saporis remedii, cum careat omni sensu æger, omnibusque moris & ingratorum & vehementiorum medicamentorum, nec non nauseam & vomitum provocantium, excitandus & agitandus sit ægrotus. Hoc in casu veteres longè violentius remedium usurpabant, nimirum helleborum. Neque enim in hujusmodi morbis sequendus est Hippocratis aphorismus, concocta medicari, &c. At potius si quid movendum videatur, de principio move: idq; quàm ocysimè. Hinc etiam fit, ut præparantium & concoquentiū nullam hîc, in ipso scilicet paroxysmo, rationem habeamus.

Præter generales hujusmodi vacuationes

ac revulſiones, adminiſtrandæ etiam particu- Particularæ
remed.in-
tentiones.
lares veniunt, quæ caput ſuis impedi-
tis expediant, qualia ſunt ptarmica, aut ſter-
nutationes, quæ in nares agrotantis inſuf-
flabuntur ex canaliculo pennæ, licet ſenſus ſit
prorſus expers. Errhinorum enim & maſtica-
toriorum nullus uſus eſſe poteſt, præ alto ſo-
pore, quo opprimitur, niſi ab eo reſurgat, &
ſenſus recolligat. Ubi nec prætereunda ſilen-
tio ſunt medicamenta, quæ vim illam cerebri
ſopitam excitare & vellicare poſſunt. Quales
ſunt ſuffitus ex caſtoreo, aſſa fœtida, opopo-
nace, galbano, quos naribus hauriet & admo-
tos excipiet: vel cum pulveribus illorū, aqua
vitæ, aut oleo ſalviæ, vel nardino maceratis
& exceptis parabitur linimentum, quo, os,
nares, & aurium limina inducentur: nec non
etiam deaſum caput ad coronalem futuram
& eam partem, qua collum occipitiſ com-
mittitur, eo perfundi poterit. Quinetiam in
morbi deſperatione, vertici capitis aut ſyn-
cipiti ſartago candens imponatur, cujus ca-
lore congeſti ac cōglaciati humoris liquatio
promovebitur: cui ſuccedet linimentum ex
pulveribus, ſalviæ, baccarū lauri, pæoniæ, hyſ-
ſopi, granorū ſynapi, caſtorei, caryophyllorū,
macis, piperis, iridis, granorum alkermeſ, o-
popanacis, benjoini, oleo caſtorino, vel nar-
dino exceptis, & id genus aliis, addito aquæ
vitæ,

vitæ, & si lubet, euphorbii modico, quo caput imbuetur. Ex his etiam concinnabitur emplastrum, ut sequitur:

Cataplasma.

R. pulveris synapi ℥j. ℔. stercoris caprarum, & columbarum ana ℥℔. pulveris sem. pæoniae, gran. juniperi, rad. ireos, & florum salviae ana ℥ij. foliorum ruta minutim concisorum, m. j. cum vini, mellis & aceti, q. suff. fiat emplastrum vel cataplasma, quod commissura colli cum occipitio inducatur.

Roborantia.

Roborantia etiam in hoc affectu studiosè usurpanda sunt, quæ, si fieri possit, per os ingerantur, idq; præmissis universalibus vacationibus, qualia sunt theriaca, confectiones de hyacyntho, alkermes, anacardina, aurea Alexandrina, in aquis aut decoctionibus aptis acidoneis infusa & macerata: cujus generis sunt theriacales aquæ, Antapoplecticæ, in nostra Pharmacopœa descriptæ: nec non alia complura roborantia, tam universalia, quàm particularia in usum cerebri, quorum etiam aliquam fecimus mentionem, cum de cura Epilepsiæ ageremus, aptissima in hunc finem futura sunt.

Si ad se redeat æger (quod ex remediorum serie congruè administratorum, fore conjiciendum est & sperandū: alioqui frustra hæc præsidia præscripserimus) licebit per otium, reliquiis mali prorsus tollendis, & sensim ex-

tin.

tinguendis invigilare. Præparantes enim tum
vacuationes, revulsiones, derivationes & ro-
borationes, otiosè veniunt in usum: quæ non
tantum obstabunt, ne recidivos paroxysmos
patiatur æger, sed quæ etiam curationem in-
tegram ac absolutam præstare possint.

CAPUT XXIII.

*De Paralysis, ejusq; specierum cura, legitima
etiam medicamentorum administratio-
ne, ex sententia Dogmati-
corum.*

AT cum ex more, ejusmodi apoplexiæ fre-
quenter in paralyin degenerent ac ter-
minentur, eamq; vel unius tantum corporis
partis, vel dimidii corporis etiam: restat no-
bis pauca de hoc etiam affectu dicere: quum
etiam, quæ in cura chronicæ epilepsiæ attu-
limus potissima remedia, eadem & huic mor-
bo aptari possint & exhiberi, quò juniores
Medicos revocamus, ut ex infinita auxiliorum
varietate, quæ copiosè illic explicavimus, a-
mceniores flores, elegantiores, & utiliores
seligant ac decerpant. Nec enim ad quosvis
scopos & curationis indicationes varias,
quicquã desiderari animadvertent. Quo fit,
ut nihil in curam hujus symptomaticæ para-
lysis addituri simus, quàm capita quædã, ob-
S
serva-

*Curatio pa-
ralysæos.*

*Nonnulli
affectus per
crisin in pa-
ralysin desi-
nunt.*

servatione ac administratione remediorum particulari, dignissima, siue hæc paralytis ab apoplexia originem trahat & deriveretur, siue (ut fieri potest) aliunde generetur. Etenim quædam sunt etiam colicorum affectuum genera, nec non febrium, quæ per crises, & (ut volunt per metastasin) in paralyses transeunt ac degenerant. Nonnullæ etiam matricis suffocationes, ut vidimus aliquando, in id genus affectus desierunt & terminatæ sunt : quin & Luis quædam species, quarum longo jam ante exortum tempore gravitates capitis & stupidi sopores, crebris vertiginibus stipatæ, præcesserant, eundem exitum habuerunt : quæ quidem alia ratione domari & vinci nequiverè, quàm solis iis remediis, quæ specifica quadam proprietate affectum extinguunt, qualis est mercurius philosophicus, aut philosophicè paratus, ut paulò post docebimus. Si igitur contingat, ut apoplexiæ paralytis superveniat, aut in eam degeneret, cui jam aptata fuerint, quæ dicta sunt remedia, evacuantia, revellentia, exiccantia & corroborantia : ut omnibus modis porrò juvetur natura, & sarcinæ mole expediatur, cujus propemodum pōdere succumbit gravis, quod juveni Medico præstandum restabit, id erit potissimum, ut nempe diuturnis iisque congruis præparantibus ad

Indicat.

con-

concoquendam materiam, fluidamque reddendam, ac ad evacuationem aptandam, utatur, reliquiasque humorum sic excludat ac deturbet, aut deturbandas præparet. Huc enim magni illius Dictatoris Hippocratis refertur aphorismus, aptissimeque usurpatur: *concocta medicari & movere oportet, non cruda.*

Quæ jam ante in cura epilepsiarum chronicarum præscripta sunt hydromelita, nec non alia præparantiū genera, cum magnus sit inter hos morbos consensus & similitudo, huic quoque morbi generi congruentissima sunt, seligique poterunt, quæ commodiora & aptiora esse videbuntur, hucque traduci: Unam tantum receptæ formulam satis fuerit describere, quæ & omnibus aliis paralyfis generibus accommodari & prodesse poterit, tanquam inter præparantia omnia, unum ex præstantissimis specificum & accommodatissimum remedium.

R. rad. acori, henule campanæ ana ℥ ij. rasura ligni juniperi & ligni Rhodii ana ℥ j. ℞. hyssop. herbæ paraly. florum lilii convallium, calendula, lavendula, ana p. ij. macerentur per 24. horas in ℔. vj. hydromelitis simpl. dein coquantur ad medietatis consumptionem, tum demum transcolentur per manicam Hippocratis, & aromatizentur cum paucis cinnam. & nucis moschata. De hoc hydromelite capiat ℥ iiij. manè, & totidem vespèri, reiterari poterit.

Remedia.

Hydromel
specificum.

*Examē pra-
dicti Hydro-
melitis.*

Ejusdem hydromelitis cōtinuandus est usus, non ad multos dies tantum, sed ad multas hebdomadas, aut etiam menses. Adjeci huic formulæ de industria, quæ visa sunt magis attenuantia, coquentia & calefacientia initio, etsi morbifica materia prorsus sit crassa, frigida, pituitosa & obstruens, qualis ut plurimum esse conjicitur: attamen admiscui etiam, (ut videre est) lignum rhodiū disertè, ut ad temperiē reliqua revocaret. Est enim adstrictio- nis magis & corroborationis, quàm attenua- tionis particeps. Hæc igitur à me putentur ita esse facta, ne nimia colliquatione & attenua- tione materiæ, principio morbi diffluentis & excedentis, dispergantur huc & illuc in ner- vofum genus variæ illius partes, quæ malum potius augeant, quàm minuant. Quod maxi- mē junioribus Medicis observandum & no- tandum est, ut rectè & tutò gerant omnia.

Interea verò, dum hydromelitis usus admi- nistrabitur, frequentes injiciendi erunt cly- steres, idq; uno quoque saltem biduo. Sicq; tractata ac præparata mali materia, tandem expurgabitur, nō simul & semel forti aliquo medicamēto, at per intervalla & sensim, hoc est, apozemate aut decocto solvente in plu- res dies exhibendo, cujus sequitur formula.

*Apozema
solutivum.*

*R. polypod. sennæ, carth. ana ʒ x. passul. liqui-
ritiæ ana ʒ ʒ. sem. anisi, seseleos ana ʒ ij. florum
cicho-*

cichorii, viol. borr. ana p. j. agar. troc. cum sua ligatura \mathfrak{z} ss. folicul. senna orientalium \mathfrak{z} j. ss. fiat decoctio. In lb. j. colatura solve syrupi rosati sol. syrupi de cichorio cum rhab. ana \mathfrak{z} ij. fiat apozema in tres doses, adde in ultima diacarth. electuar. de citro ana \mathfrak{z} j. ss.

Atque sic purgatus æger denuò repetet usum hydromelitis præparantis, cui per aliquot dies sumpto, alternatim succedet purgatio. In hunc modum alterna illa hydromelitis & solventis medicamenti administratio, ad aliquod satis longum temporis intervallū continuabitur. Si quis autem nova decoctione lubēter carere velit, accipiat lb. ij. superioris hydromelitis, quibus incoquat & mace-ret, senne, turbith, hermodactylorum ana \mathfrak{z} j. dum restet decocti lb. j. clarificata, cujus tres aut quatuor uncie ægro (prout ad purgationem fuerit præparatus) propinari poterunt: idq; per tres aut quatuor varios, aut etiā continuos dies, si ferat natura ejus minùs delicatula tantum purgationis.

Post longas & diuturnas ejusmodi præparationes ac vacuationes, minùs calefacientes & vehementes, transiri potest ad fortiores ac vehemētiore: quales sunt pilullæ fœtidæ, Remed. v. de bdellio, de euphorbio: hiera Paccii aut hementiora. Logadii, atq; aliæ id genus hieræ, aliq; medicamenta, vehementiùs attrahentia, & com-

positiones, quæ scammoneam, helleborum & euphorbium excipiunt: nec non plura alia præsidia, quibus veteres & recentiores sca- tent. Quæ tamen citra cautionem, aut temerè nō sunt exhibenda, etsi à causa prorsus frigi- da prognatū malum agnoscitur, ægrotansq; crassi, obæsi & pituitosi temperamēti, ut cen- set Trallianus. Quæ enim paralyses extenua- ta & macra corpora, hepatisq; bullientis, in- vaserunt: & causam morbi ex calidis siccisq; exhalationibus ac qualitatibus obtinuerunt: eē hujusmodi remedia, ut noxia potius, quàm utilia respuunt, ut postea docebimus.

*Trall. lib. I.
cap. 16.*

Obiectio.

At excipient nonnulli, tantū abesse, ut ea noceant aut contraria sint, ut contrā an- tiquitas senserit exhibenda esse ea medica- menta, quæ vel febrem ipsam possint indu- cere, à qua nervosum genus morbis suis re- medium mutuatur, juxta Hippocratis aph.

Hanc utique medendi rationem minimè probare possum, nec solus sum, qui eam im- probem: utpote quæ parum recta & tuta sit, Exigua enim febris parum utilitatis adferre possit: at magna exitium potius pariat, & mortem acceleret, quàm salutem restituat. Probamus tamen hieram Galen. simplicem, quam tota Antiquitas commendavit: pilu- las de hiera cum rhab. & agarico, pilulas de aloë rosata dictas, eò quòd succo rosa- rum

rum sæpius elotæ sint, aut quòd eundem succum sæpius imbiberint, ut videlicet duæ pilulæ paulò ante prandium, vel cœnam deglutiantur, idque vel eo etiam tempore, quo præparans hydromel propinabitur, ut quæ & ventriculum sint corroboraturæ, & simul unam & alteram sedem excitaturæ, unde natura levetur & adjuvetur.

Neq; hic etiam prætermittendus revelentium usus, in quos frequens clysterum injectio commodissima futura est, à quorum lenioribus primo loco inchoandum, ut dictum est, deinceps ad fortiores & vehementius attrahentes, ac magis vacuantes, transendum; in quibus solvi possunt jam supra commemoratæ hieræ Paccii, Longadii, nec non benedicta laxativa, & id genus alia.

Revulsiones.

Ptarmica autem, Errhina, masticatoria, in particularem cerebri à suis impedimentis expeditionem, magnoperè conferent, ea semper cautione, ut leniora, benigniora, ac minus vehemèter attrahentia præmittantur.

Ptarmica, &c.

Restat nunc (ut ordinem institutum sequamur) de remediis cerebri, partesq; nervos corroborantibus dicere: nec non de iis, quæ reliquias mali educunt, ac intemperiem corrigunt. Inter roborantia censentur cōservæ florum calendulæ, betonice, salviæ, ros-

Roborantia.

marini : radices acori conditæ, anacardina confectio, diacastoreum : nec non ipsum per se castoreum in numero præstantiorum habetur, apud omnes antiquos & recentiores. Idem diamoschum, diambra, rosata guajaci, falsæ parillæ, ligni juniperini & similia.

Externa.

In externis numerantur remediis, quæ partes resolutas ac paralyticas magnopere juvât, fœtus ex vinaceis vindemiarum, si illis calentibus æger incubet, aut iis foveatur : nec non decoctio vulpis ad tabem usque & ossium separationem consumptæ : si huic decocto adjectæ fuerint, inter coquendum, herbæ cephalicæ, & nervis congruentes. Vaporaria ite sicca conferunt, nec non balneæ ex ejusmodi incoctis herbis in vulpis jussulo, vel vino, paratæ. Ex quibus vel solus vapor ab ægro, ex capsula congruente, in qua fuerit collocatus, exerto capite & libero, receptus satis fuerit, vel in vasculo ad id accommodato, in quod lateres igniti, ejusmodi decoctis suffocati, vapores suos deponant, quos æger excipiat. Ex quo eductus æger, & in lectum calentem trajectus, ad sudores componi debet. Ex fortibus tamen emergenti ægro, vel ex vaporario sicco aut humido, operæ pretiū fuerit, non tantum resolutas partes congruis oleis aut liti- bus inungi : sed collum etiam, qua parte occipitio committitur, dorso spina, nec non prin-
cipia

cipia & nervorum origines, unde ejusmodi resolutiones tanquam ex partibus primariò affectis, iisdem perfundi debent. Illis enim potissimùm, non solis iis secundariò affectis, externa isthæc remedia accōmodari debent.

Inter ea autem remedia, quæ in apothecis Pharmacopæorum occurrunt, sunt, unguentum Aragon dictum, Martiatum, Agrippæ, oleum vulpinum, costinum, nardinum, laurinum, de castoreo, de piperibus, de lateribus, de palma Christi, canabynum, oleum salviæ, rutæ, lumbricorum, de therebinthina & id genus alia, ut, quod nobis etiam à natura datur, petroleum. Ex quibus vel solis, vel medullis & axungiiis cervi, ursi, pardi, taxi, anguillæ & similibus (inter quas axungia humana excellit) admixtis: additis etiam succis & pulveribus herbarum cephalicarum, coctis omnibus & cum cera ac therebinthina in unguenta, aut litus aptatis, extrinsecus partes affectæ foveantur, perlinantur & inducantur: nec non commodissimum & ad rem fuerit, superioribus oleis & pinguedinibus unguentum catellorum compositum adjungere: unguentum ex impinguato anseris, cum simplici pice nigra infarctum, vel etiam additis foliis visci pomi, salviæ, herbæ paralytis minutissimè concisis: adjecto quinetiam castoreo, & gummi ammoniaco, bdellio, aceto solu-

ris, ad majorem penetrationem: Baccæ etiam juniperi & lauri conquassatæ, caryophylla, nuces moschatæ, cubebæ, piper, crassiusculè contusa omnia, superiori farcimini indi commodè possunt, juxta convenientem singulorum quantitatem & dosin. His enim omnibus anserculi abdomine confarto, & ad leni ignis assationem aptato: defluet ex eo, in pinguiam, aquis salviæ & betonicæ imbutam, liquamen, quod istis aquis supernatans, ne aduratur, tandem post perfectam anseris coctionem segregabitur, & in linimentum aptabitur, quo resolutæ partes, vel solo, vel admixtis aliis congruis, perungentur & fovebuntur.

*Guay. tract.
9. de paral.
c. 7. ol. serpentis.*

Oleum serpentis à Symphoriano Campesio, & expressius ab Ant. Guaynerio præclaris Medicis descriptum, omni paralyis generi singulare præsidium est, nec non omnibus nervorum affectibus summè conducit. Quod quidè serpentis oleum, cum aliis quibusdam remediis optimis, experientia à se comprobatum asserit Guaynerius: cujus receptam heremitæ cuidam chymico acceptam refert: qui cum diuturnam operam & oleum frustra ac temerè in sufflandis carbonibus & chymicis follibus impendisset ac lussisset, animum tandem ad aquas stillatitias & olea extrahenda, quæ ab eadem chymica arte feliciter didicerat, converterat & appulerat.

Hoc fatetur ipse Guaynerius, & testimonium arti spagyricæ, tanquam ad medicinam utilissimæ, sic perhibet & adscribit: nec pudet eum fateri, licet celebrem Medicum, ab ignaro & nihili homine alchymista, tam præclarum & utile remedium didicisse. Sic candido animo, quæ bona sunt per se, bona agnoscit, nec aspernatur, undecunque prodeant; quod perversi, superbiq; homines non ita fideliter & candidè, etsi convicti, amplectuntur & recipiunt: sed ætas patrum sic nos tulit nequiores, mox daturus progeniem virosiorem.

In eodem tractatu idem Guaynerius Ciconiarum oleum, cum unguento de gummis inscripto, ad ejusmodi affectus etiã præstantissimo, describit.

Valeriola observ. medic. lib. 4. observat. 4. eximium etiã ad paralyfin unguentum depingit. Nos præclara quoque multa descripsimus in Pharmacopœa nostra, quæ ad eundem finem spectant, hausta quidẽ ex Dogmaticis, quibus mox & alia hinc adscribemus topica, ab arte spagyrica Hermeticis tradita, tam ex metallico genere, quàm vegetabili, & animali extracta: quibus Dogmaticorum suppellectilem augebimus & ornabimus, (ut nostri est instituti) ne dum ut eam improbare ac dampnare animus sit, ut falso

nonnulli aliis persuasum volunt, & eo nomine convitiantur, ac nos infimulant.

*Aqua mi-
nerales.*

In hunc finem vel ipsi vulgares Medici respiciunt, cum, frustra tentatis omnibus aliis remediis, paralyticos suos ad aquas minerales relegat, balneaq; sulphurea, aluminosa, bituminosa, nitrosa; ex quibus indies mira spectare licet. Ejusmodi sunt Borbonenses balneæ, Vasconia, miræ præstantiæ & utilitatis. Quod testari possit nobilissimus Dominus de Beaulieu, Spaenses aquas, & multa alia superius commemorata remedia magna felicitàte expertus. Cujus cum totum crus cum femore, ex lapsu graviore in paralyfin & resolutionem incurrisset, nec non motum ac sensum amisisset, ita tamen tandem summo Dei beneficio restitutus est, ut liberè nunc incedere & gradi possit, muniaq; sua, alioqui seria & regia obire, ut jam antea diximus. Quem ut conservemus, & in meliorem statum semper promoveamus, defungentes officio & promissis, quibus erga tantum virum particulari quadam fide devincti sumus, aliqua hîc explicabimus remedia, quæ singulare & præstantissimum id genus morbis subsidium afferant, quæ ex catalogo Hermeticorum remediorum, arte spagyrica prognatorum mutuabimur.

Junio rem autem Medicum oportet, in ad-
mini-

ministracione superiorum remediorum, ac imprimis topicorum jam commemoratorum, quæ ut plurimum calefaciunt & attenuant, accuratè expendere (ut suprà obiter monuimus) paralyfis naturam, ægri temperamentum, ut videlicet, si morbus à materia frigida, pituitosa, crassa ortum habet, si similis temperamenti est æger, hoc est, pituitosi, membrumque paralyticum intumuit, sensum perdidit, cujus sopor sit exacuendus & excitandus, ut in hunc finem unguenta & linimenta, siue simplicia, siue composita, seligat in remedium morbi, quæ plus subtilitatis & penetrationis, calefaciētis ac attenuantis virtutis possident. At verò etsi causa morbi materialis est, ægrotansq; temperamento bilioso: si tamē pars affecta emarcescit, & in atrophiam labitur, aut jam incidit (quod sæpè usu venit) à vehementiùs resolventibus ac calefacientibus, quæ magis exiccare ac atrophiam augere possunt, abstinere Medicus: qui alioqui plus noceat, quàm profit. Quo in casu satis fuerit, meo quidem iudicio, decoctum ex vulpe, intestinis & capite vervecinis, cui anodyna semina incocta fuerint, si eo pars ægra foveatur, & linimentis, aut oleis cōgtuis, hoc est, lenioribus & minùs fervidis inungatur, quæ uncta succidâ lanâ, aut canina pelle, ad id accommodata, obvolvatur.

*Quadam
notanda in
administra-
tione topico-
rum.*

Hæc igitur remedia prudenter & judiciose paralyticis affectibus adaptentur, siue ii sint ex apoplexiis nati, siue ex sese crassam materiam possidentibus.

At si non redundantia humorum crassorum, sed exhalationum potius qualitas, quam quantitas fuerit hujusce morbi effectrix, ubi quidem siccitas simul cum caliditate potius, quam cum frigiditate & humiditate infestat, quid tunc præstandum erit? Tunc utiq; curandi ratio prorsus immutanda erit.

*Trall. lib. 1.
cap. 16.*

Alia paralyf. spec. ejusq; à superiore diverfa curanda ratio.

Posse autem paralyfes ex hujusmodi causis suscitari, testis est Trallianus, qui inter veteres id accuratè observavit: inter verò Neotericos Guaynerius tract. 9. c. 8. Ubi de paralyfi non tantum sanguinea, melancholica & cholERICA loquitur, sed & de ea, quæ à mala complexione, sine materia, procreatur.

Anatomia ejus interna:

In hoc affectus genere, Medicum peritum esse oportet non tantum externæ & superficiariæ illius anatomix, sed internæ & vitalis, de qua à nobis alibi institutus est sermo, nec non suprà, cum de veris paralyfis causis dissereremus: quarum bonam partem aciditati cujusdam humoris, non frigidi simpliciter & humidi, sed acidi, pungentis & stupefacientis etiam ac planè vitriolati (ut suo nomine tandem designetur) adscripsimus: qui quidem ex vaporibus melâcholiæ in nobis

bis natæ proficiscitur, quam Dogmatici etiâ acidam agnoscunt: cuius resoluti vapores, & in genus nervosum diffusi, stuporem ac *âvai-
θεια* inducunt.

Hanc itaque humorem, qui diligenter expendet, & facultates illius ac effectus, quos humori melancholico vendicavit Antiquitas, conferet cum liquore vitriolato: quanta sit utriusque sympathia & consensus ac similitudo, medicam Identitas, facile animadvertet, ut fusiùs à nobis alibi dictum est. Quod cognitu maximè necessarium est, & consideratione dignum. Vix enim aliter multarum paralyseor causæ & remedia dignosci ac comparari possunt. Frustra enim in horum affectuum curationem laboretur: si opinio sit, communibus ac vulgaribus remediis, hoc est, calefacientibus & siccantibus omni paralytis generi succurrendum esse. Quod optimè utique Trallianus (et si sub simplici caloris sicci, aut frigidaë qualitatis specie) agnoscens: (quæ quidem qualitates melancholicum humorem, aut vitriolatam substantiam, non secus ac umbra corpus, comitantur) appositè in hæc verba scripsit lib. & cap. supra citatis: *Talibus igitur, inquit, purgans aliquod medicamentum præbere, commodum non est: universa enim ipsis inimica sunt, præsertim hiera, & quæ
euphor-*

euphorbio constant. Nam præterquã quòd nihil juvant, siccitatem nervorum adhuc magis augment. Novi sanè ego quendam, resolutionem ex mœrore, multa sollicitudine & inedia expertũ: deinde sumpta hiera adeò læsum, ut totus ipse immobilis fieret, & propemodũ interiret, nisi in contrariũ mutatus fuisset, & humectantibus omnibus, cùm potionibus, tũm cibis & aliis, quæ temperatum ipsum reddidissent, usus fuisset: maxime verò balneis compluribus, unctiõne ex hydreleo, mutatione aëris temperati, & omni hilaritate. Etenim tristis erat, ad iram proclivis, à medicamento nimirum excitatus, & qui flavam bilem collegisset. Hac sanè ratione, si qualitas fuerit præsertim intemperies calida, vitari debent cibi acriores: adhuc autem magis, quæ medicantem ac purgantem vim obtinent. Pari modo etiam in frigida intemperie præditis, medicamenti utendum non est purgantibus, cùm solo victu tales curari possint. Atq; hæc Trallianus.

De specificis verisq; remediis, omni paralyseor generi congruis, sermonem in suum locum differimus: cùm videlicet, quæ curandi sit ratio Hermeticorum, tractabimus: ubi videbitur, usum præscribi posse, purgantium, præparantium, revellentium, corroborantium, quæ specifica fuerint, & congruè adaptata causæ morbi legitimæ ab Hermeticis privatim agnitæ: ubi ea etiam auxilia enarrabimus,

bimus, quæ paralyfibus ex præva & maligna qualitate nascentibus ac stipatis, prout suprà diximus, appositè congruunt: quibusq; inest vacuandi, purgandi ac domandi morbi specifica & particularis quædam energia: & quæ in tutissimum usum venient. Malam enim complexionem inductam, non corrigunt solum, sed & extinguunt, delentq;, calorem suffocatum vivificant, nervosumq; genus à tota proprietate corroborant.

Quod ad aliquas alias paralyfes, quæ raro contingunt, à quibusdam Dogmaticis recentioribus descriptas, attinet, quæq; vocantur humorales, hoc est, ex sanguinis copia, aut ex bile, aut ex melancholia suscitata, præter vulgares illas, quæ humori pituitoso, frigidissimo & congelanti adscribuntur, legi potest, quod inter alios docet Guaynerius tract. 9. c. 8. cujus si verba ipsa non referimus, sententiã tamen authoris explicabimus, quæ hujusmodi est: Curationem sanguineæ paralyfis, vult primùm à clystere inchoari, quem subsequatur phlebotomia, si vires adsint, & reliqua omnia concesserint. Ad hanc vacationem, Medici Parisienses, inquit, vel ad tres libras sanguinis, aut etiam ampliùs, consequenter educunt, hac nixi ratione, quòd phlebotomia copiam & quantitatem minuit ac vacuat. At tu, inquit (lectorem compellans) si aliquando

*Paralyfes
humoralesq;*

Cura paralyfis sanguineæ.

*Non tam
largè affa-
tim sanguis
profunden-
dus.*

cogêris ad tantam sanguinis copiam educen-
dam, tantamq; vacuationem, cave, ne confe-
stim & uno momento eam præstes. Tutius
enim operaberis, si in duas aut tres eam repe-
titiones distraxeris, matutinis horis basilicam
secando, lateris oppositi; vesperi cephalicam
eiusdem lateris, & postridie linguæ venas in-
cidendo. Quæ quidem sensim sic administra-
ta sanguinis missio minus (ut infert) habet
periculi, & longè tutius aliâ celebratur. Un-
de videre est, non ex hodierno seculo, sed ex
prisca jam olim avorū ætate, Parisienses Me-
dicos magnorum phlebotomitaram famam
reportasse: quanquam sunt, quos ab isto pro-
verbio, ut prudentiores & magis judiciosos
excipere fas est, & de vulgarium istorum me-
dicastroorum numero eximere, qualis & ipse
fuit suo tempore Guaynerius, qui aliorū me-
thodū damnabat: quales etiā fuerunt nostro
tempore celeberrimi Medici, Grandus ille &
Durerus, qui tantā sanguinis missionē ubivis,
& in omni morbi genere nō ferebant: quam
audacter nimium & incircumspectè, nulla cau-
tione adhibita, nulla ætatis, criticorum die-
rum, & aliorū id genus habita ratione, multi
profusius, quàm par est, celebrant, & temerè
administrant. Ad quam quidē sanguinis mis-
sionem, ne in apoplexiis quidem & paraly-
sibus, ex copia sanguinis progenitis, quibus
tamen

tamen phlebotomia singulare præstat remedium, usq; adeò præcipites erant veteres, ut ex abrupto, & citra ullam cautionem & circumspectum iudicium, ad eam imperandam raperentur. Atq; hæc sunt, quæ de ea loquitur Aretæus, cum curam apoplexiæ & paraly- Aret. lib. 1.
 sis instituit. *Æquale sanè (inquit) adjutorium,* de curat. a-
utpote magno affectui magnum remediũ, cut. mor. c. 4.
sanguinis est, nisi quis plus, quam cõveniat, mit-
tendo delinquat. Modum autem conjectare diffi-
cile est. Nam si paulo plus detraxeris, hominem
planè strangulasti. Ad vitam enim tuendam hic
vel paucus sanguis efficacissimus est, cum sit vi-
te corporisq; alimenti fomes. Si minùs detraxe-
ris, quam causa postulat, nihil magni per magnũ
auxilium contuleris. Adhuc enim causa perma-
net. Sed præstat minùs detrahendo delinquere.
Nam si minùs detractum esse visum sit: aliqui
verò optimi successus apparuerint, iterum venã
rescindere congruens fuerit: scindendã est au-
tem vena in concavo cubiti. Hæc enim in sinistro
fluida est. Simul quoq; in pusilla apoplexia (id
est, paralyti) & resolute partes consideranda
sunt, in sinistronè, an in dextro latere resolutio sit:
à salubribus enim partibus (ut dicere mos est)
sanguinem haurire oportet. Hæc enim sanguis
facile delabitur. Hæc etiam à lasis partibus ma-
teria derivatur, &c.

Alexander Trallianus, de paralyti sanguini- lib. 1. c. 16.

nea differens, hæc scribit quæ sequuntur: Si quidem igitur copiam sanguinis ex notisprehendas, liquet moderatam ejus evacuationem, ante aliam universam, adhibendam esse. Non enim convenit in his multum sanguinis, etiam si abundet, detrabere: sed ad auxilia potius, quæ ad quæ locis inducuntur, perveniendum est.

Tetr. 2. ser.

2.6.27.28.

Actius de phlebotomia apoplexiæ congrua loquens, vult missionem sanguinis divisim fieri, hoc est, sensim & paulatim separatimq;. *Commovere enim tantum oportet, inquit, non exolvere vires & calorem extinguere.* Deinde sequenti capite addit in hunc sermonem de sanguinis missione in paralyfi, ex humorum copia, & sanguine genita. *Manifestum igitur est, inquit, quod redundantem humorem evacuare oportet. Nec verò aptius principium in his reperire datur, quam à venæ sectione, siquidem permiserit ætas, habitus, tempus, studium, progressus, victus & reliqua, quæ prohibere solent venæ sectionem. Oportet autem moderatam detractionem facere, ne perfrigeretur. Frigiditas enim cum siccitate affectionem inducit. Quapropter solum imminuenda est materia paululum per venæ sectionem, & præsertim in provectiori ætate, detractio verò fiat à sanioribus partibus.*

Qualem igitur oporteat esse phlebotomiæ in hujusmodi affectibus legitimum usum, his testi-

testi-

testimoniis satis superq; liquet. Ubi diligenter observandum, summa cautione & circumspeditione, non temerè (multorum more, qui omni alio carent subsidio) ea utendum esse. Quod quùm à multis secus fiat, quantus sit illius abusus, fallaxq; aut exitiale remedium, perspicuum est nimis: eamque diuturnam ac inveteratam consuetudinem in legem transiisse, quæ abrogari nequeat, iniquissimum est iudicium, & perversissima opinionis regula.

Celebrata phlebotomia, pergetur ad sanguinæ paralyfis curationem reliquam, ubi adhibebuntur præparantia ad moderandum sanguinem: evacuantia congrua, revellentia & derivantia opportuna ac necessaria, & topica affectui accommodata: quæ cuique mali speciei propria & apta, ex eorum numero, quæ copiosè tradidimus, seliguntur.

In paralyfibus ex humore bilioso, acri & *Paralyf. bilioso curatione.* calido natis, ut purgationi reddatur opportunus humor, non attenuandus & calefaciendus fuerit: sed contrà refrigerandus & incraslandus, idonea ad id victus ratione, & legitima medicamentorum, in hunc finem delectorum, administratione, hoc est, ut ex præparantibus minùs calefacientia, & ex purgantibus pariter temperata usurpentur. Qui etiam delectus in topicorum exteriorum, hoc est, fotuum, lituum, unguentorum, empla-

plastrorum, balnearum applicatione observabitur.

Paralys. melanch. cura.

Si ex melancholia paralyfis ortū habuerit, eadem curādi methodo utendū erit, ut causæ suis remediis appositè respondētibustollantur: quæ cōmoderanda erunt & ita temperāda, ut citra nimīā exiccationē id præstetur. In quibus paralyseos omnis generis curationibus sedulò animavertendū erit, ut ea remediis aliis immisceantur medicamēta, quæ specifica quādam proprietate malo adversantur.

Quid jam ex me desiderent, aut de me cōquerantur Dogmatici, nō video, qui usq; ad eò penitus in officinas omnes Galliarū, aliarumq; regionum introivi, & exactè lustravi omnia, ut ex illis, quicquid fuerit divitiarum & ornamenti, in apertum ex capsulis & pigidibus aureis, argenteis, ligneis elegantissimè pictis & variegatis evolverim, & in curam horum affectuum, de quibus hīc agitur, profusè explicaverim, & elargitus sim: quibus etiam ipsemet ego Dogmaticus fœliciter uti soleo. Quod si à me prætermissum quid videbitur, id non satis adhuc solerti & exactæ indagini, quàm malè fidei meę tribuant. Neq; enim eo animo omisi, ut tam præclaris thesauris ac gazis quenquā (ne dum Remp. medicam) privare velim, quam omni industria ditare, & ornare pro sparta mea cōtendo: sed in tanta re-
medior

mediorum fecunditate ac multitudine, fieri nequit, quin aliquid nobis elabatur & excidat; ubi Doëtorum & celebrium virorum iudicium hîc imploro, qui initam à me rationē calculis suis cōprobent, & suffragentur; meq; non ut invidum & malæ fidei hominem, sed candidum & ſyncerum ac ſibi amicum, germanumq; fratrem agnoſcant.

De Hermeticis etiam hoc mihi promitto, fore, ut nullo modo in me inſurgāt & corripiāt, quodd eo nomine & fine in collegia ipſorum introeā, ut ſcilicet aliquid ex eorū monumentis, extractis nempè, eſſentiis, magiſteriis, arcanis, tincturis, aliisq; id genus ſpecificis auxiliis, ut quintis eſſentiis, baſſamis ad curandum potentiſſimis & ſummè efficaciſ, mutuer & decerpam, ut ex virtutibus & eſſectis, de præſtantia eorum, & ſedis eminentia, qua aliis omnibus præluceant, iudicetur. Simulq; hoc rogatos illos velim, ut mecum in adita & penetralia ſua ingredi patiantur aliquot doctiſſimorum ex Dogmaticis ac celeberrimorum virorum: qui, etſi antiquitatis zelo & ſtudio, mordicus veteres ſuas opiniones retineant & tueantur: eo tamen animo tam candido, modeſto, recto & non obliquo ducuntur, eaq; ſolida pollent prudentia & doctrina, ut ſaltem, nobis amicas aures potiùs præbituri ſint, quàm præcipiti invidia,

& odio in nos ferantur, & convitiis laceſſant, acut improbos & deceptores damnent. Illudq; auſim etiam mihi perſuadere, ubi ipſis oculis medicamentorum præparationem, & remediorum efficaciam conſpexerint, & in Hermeticorum ſchola edocti fuerint, nō minore animi ardore ea amplexuros, pro viribus tutaturos, & ſummis laudibus eveſturos: quanta aliquando invidia & odio, in illa explodenda, damnanda & execranda, conflarunt.

CAPUT XXIV.

Mechanicam Hermeticorum lithurgiam ex recondita Naturæ æconomia atq; officina fluxiſſe ostenditur, ſimulq; therapeuſis eorundem in cura Epilepſiæ, cum legitima quorundam remediorum præparatione demonstratur.

EJ A igitur, quid præſtent Hermetici, nunc videamus. Appulimus enim jam ad cujuſdam, ex noſtris confratribus Hermeticis, poniterium, vel ut ita loquar, laboratorium, qui tamen in Dogmaticorum ſchola eruditus, Dogmaticæ profeſſionis Doctōratū adeptus eſt: cujuſque tanta eſt eruditio, ut etſi diuturnis ac variis digladiationibus laceſſitus eſt, oppugnatoribus fortiter reluſtans, victo-
riam

riam tandem summa cum gloria reportarit: idq; tamen non citra subsidium magni illius Coryphæi, ordine & sede, qua eminet, dignissimi, utpote Maximo ac potentissimo Regi operam dantis, & medicinæ apud illum faciendæ primatum obtinentis. Cui confratri ac Collegæ charissimo à Majestate sua, laboratorium, & fornacum construendi varia genera, concessa est libertas, quæ in spagyricorum remediorum præparationem & usum referantur. Quo fit etiam, ut liberior vobis ad hanc scholam pateat aditus: cujus quidem, certum est, ingressum, primo limine, angustum sese vobis oblaturum: at sensim tamen dilatari, & in largum expatiari, Pythagoricæ literæ instar, paulò post deprehendetis. Hac enim literæ figurâ, Pythagoras virtutis viam monstravit, cujus introitus arduus quidem est & spinosus, reliqua verò via, ad exitum usq; planissima, facilima & amœnissima peragranti est. Præterea tota hæc schola sentibus, rubis & urticis scatere primo aspectu deprehendetur, quæ tamen non sunt aspernandæ, cum hujusmodi loricis suavissimi ac pulcherrimi fructus muniri soleant. In hunc finem, ubique in portarum frontispiciis rosa cum suis spinis pingi assuevit, addito hoc emblemate: *Difficilia quæ pulchra*. Vobis igitur candidissimi viri, quæ in obrectatorum, in-

*Christianiſſ.
Gall. Rex
Chymie
fautor.*

*Significatio
literæ Py-
thagorica.*

vidorum & maledicentium sede nō confide-
tis: sed omni virtutū genere, quæ veros Asele-
piadas ac Dogmaticos Hippocrateos decent,
ornati estis, vobis, inquā, aditus huc patet. Ne-
que enim facilè patimur, vos à nobis, aut nos
à vobis divelli, qui perpetuā vobiscum unio-
nem optamus, & quam scimus vobis gratissi-
mā nobiscum futuram: quorum conjun-
ctione & concordia, collapsam Medicinam
restitutum iri non dubitamus, magnosq; in-
de fructus ad Rempub. medicam accessuros,
opportunūq; ægrotantibus, ex philantro-
pia & dilectione, qua erga proximū nostrum
tenemur, subsidium illatum iri.

*Laboratorii
spagyrici de-
scriptio.*

Sed jam intrò pedē intulimus; Circumspi-
cite quaquā versum, num in oculos vestros
incurrāt tot vasa, pixides, magnæ, mediocres,
parvæ, tam varii generis, quæ infinita specie-
rum & medicamentorū genera, tam simpli-
ciū quā compositorū, cum internis, tūm ex-
ternis affectibus congruentiū contineāt, qua-
les in Pharmacopolarū officinis magno nu-
mero videre licet. Nequaquā in hoc ponete-
rio tot tantosq; fucos atq; pigmēta extrinse-
cū admirari licet: at omnia carbonibus deni-
grata ac fœda videas: fornaces hīc & illic in-
cōpositè ad varios ignes cōstructas, ut nōnul-
læ etiam sint, quæ perpetuū nocte dieq; ignē,
ad exemplū ignium Vestaliū, perpetuò coru-
scan-

scantiū, relucētē sufficiant. Hoc tamē porro
 admirari liceat: innumera vasorū genera, va-
 riis formis, & stupendis etiā effigiata, quæ in-
 de ignaris & stupidis hominibus risus argu-
 mentū: at doctis & solertibus admirandę saga-
 ciæ ansam præbent, in hac officina cōperiri ac
 conspici. Norunt enim sapientes, nequaquā
 ludicram esse aut ridiculā, & præter rationem
 excogitatam hanc instrumentorum, vasorum
 nempe ac fornacum varietatē: siquidē ad ex-
 emplū & imitationē naturę, in visceribus aut
 penetralibus terræ, tanquā in suo magno la-
 boratorio, munia sua obeuntis, artē operari
 satis superq; sciunt: atq; ut in illis fornacibus
 Natura cōtinuas suas ac varias destillationes,
 evaporationes, sublimationes aut exaltatio-
 nes, circulationes, rectificationes, cohobatio-
 nes, atq; id genus alias operationes in ventre
 terrę, tanquā in suo magno athanore, exer-
 cet, ubi ignes suos proprios, sive ex carboni-
 bus, sive ex sulphuribus, bituminibus, & id
 genus oleagineis rebus, possidet, quos per
 gradus appositē temperat. Sic ars, variis suis
 instrumentis artificium naturæ ingeniosē æ-
 mulatur & perficit. Non minū enim hæc suis
 reverberatoriis furnis indiget, ac monte Æ-
 thna, & perpetuas flāmas expirantibus Natu-
 ra. Ex his enim Chymici sua reverberatoria,
 ut ex antris, speluncis, rupibus, saxis, angustū
 ingres-

*Vnde orta
 sit instru-
 mentorum
 chymicorū
 varietas.*

*Ars spagyri-
 ca imitatrix
 Natura.*

ingressum, corpore reliquo largo ac capaci, habentibus, variaq; figura præditis, vasorum suorum varietatem, utpote rectorum, curvorum, obliquorum, longorum, brevium, rotundorum, quadratorum, capacium, angustorum, occlusorum, apertorum, mutuati sunt. Hinc enim retortæ seu cornutæ, matraccia, pellicani, sublimatoria, modò sigillata, modò non, ad similitudinem naturalium ejusmodi organorum, ad calcinationes, sublimationes, reverberationes, circulationes, aptorum (ex quibus tot tamq; varia fontium, balnearum calidarum aut frigidarum genera scaturiunt) ortum habent.

At præter ista, hoc est, aqueas illas & humidas destillationes, sicca etiam meteora ex ejusmodi operationibus Natura producit, eaque sulphurea, salina, mercurialia, qualia sunt arsenica, realgaria, auripigmenta, antimonialia, cinnabria, & id genus alia in visceribus terræ producta: nec non infinita calcium metallicarum genera, quæ ibi occurrunt & extrahuntur. Adde etiam salium infinitam multitudinem, quorum alii in aquas soluti, alii coagulati, admirandos operationum, calcinationum, dissolutionum, filtrationum & coagulationum, naturæ effectus oculis subjiciunt: quos natura omnibus modis effingere contendit. Nec in his tantum naturæ operatio-

rationibus artis imitatio est: at in elixationibus etiam ac affationibus, nec non cōcoctionibus naturalibus, quæ *ἐκπύσεις* dicuntur, in quibus ars ignem etiam sibi proprium, non adurentem aut consumentem, sed circulantem, coquentem, fœventem, nutrientem, vegetantem, qualem nobis bonus ille Trevisanus, aliiq; veri Philosophi depinxerunt, extruit: unde nata est hæc sententia, ad medium fumalis laboratorii inducta: *Ignis & azoth tibi sufficient.* Nunc verò, quid in hoc secessu & officina chymica contineatur: & quæ auxilia ex iis erui possint, tempus est patefaciendi: videndumq; est, inter tot, quæ ibi habetur remedia (licet exiguum locum occupent, & minimis pixidibus ingentes summeq; rari thesauri concludantur) quæ seligere nos oporteat; ea videlicet, quæ istis affectibus, de quibus agimus, juxta varios curationum scopos, maximè congruunt, ubi eam rursus seque-mur, quam instituimus à Dogmaticis methodum.

Ut igitur ab epilepsiis exordiamus, sive ut morbi acuti considerentur, tùm potissimum, quùm paroxysmus repentè ingruit, & ægrum opprimit, statimque definit: sive ut longi & chronici, per intervalla recurrentes, aut interdum etiam diuturnum paroxysmum fœventes, nec nisi morte desinentes. Horum affectuum

Indicationis curat. Epileps. ab Hermeticiis desumpta.

fectuum causas astrales potius & spirituosas esse indicant Hermetici, quàm materiales & crassas, ut jam abundè diximus: nec non malignis & virulentis quibusdā qualitatibus copulari, quibus idcirco, non expectata digestionum, concoctionum & præparationum methodo, promptè succurrere, & virulentam eorum vim infringere, totis viribus contendunt. Cùm autem jam suprà originem & seminaria prima nōnullarum epilepsiarū, quas analepsias & catalepsias vocavimus, exposuerimus, easq; ex pravis, acribus & venenatis vaporibus suscitari, qui vel ex impuro sanguine ab origine, vel corrupto lacte & inquinato semine, aut quovis alio atrabilario humore, porraceo & æruginoso (qui aptius vitriolatus dici potest) exhalāt: minerasq; morbi delitescere, vel in ventriculo, sanguinis massa, intestinis, splene vel mesenterio, matrice, aliisq; corporis partibus; dixerimus, unde cōtagium ab infantibus etiam lactantibus contrahi possit, & sic mali labes ad eos traduci. Ea deligemus idcirco auxilia, quæ omnibus horum affectuum generibus citra discrimen, omnibus etiam ægrotantium ætatibus ac sexui congruant, & accommodari possint, qualis est theriacalis aqua quæ sequitur.

Aqua theriacalis.

℞ rad. angelica, Zedoarie, bardana, scorzonera, tormētilla, bistorta, henula camp. gentiana, petas-

petasites, ana ℥j. ℞. radicū pæoni. maris & fœ-
mine, decreſcente Luna in ſigno Leonis collect.
raſura ligni buxi, viſci querni recentis & coryl.
ana ℥ij. ſandali citrini, ligni aloës, myrobal. o-
mnium ana ℥j. diptamni albi ℥vj. herb. meliſſe,
ſcabiola, acetola, fumarie, agrimonie, ruta, ana-
gallidis, matricarie, menthe rubr. abſynthii Pon-
tici, hyſſopi ana m. ij. ſeminis cardui bened. citrii,
pæonia, ſeſeleos, gran. juniperi ana ℥℞. cubeba-
rum, macis, nucis moſchata, cinnam. ana ℥iij. flo-
rum geniſtæ, hyperici, centaurii minoris, tilie ar-
boris, lilii convall. calendula, lavendula, ana p.
ij. florum cichorii, bugloſſi, roſarum rubrarum.
p. j. Sumende erunt radices, herbe & flores, qui
quàm recētīſſimi fuerint ex temporis opportuni-
tate, qua parabitur hac theriacalis aqua: quod
quidem cōmodiſſimè fiet in æſtate, quū omnia
tunc abundè vigeant & viribus valeant. Atque
hæ radices, herbe & flores recentes, in amplo mor-
tario quàm tenuiſſimè contudentur. Quæ ſi
ſicca fuerint, recentiorum defectu, craſſiusculè
conquāſſabuntur. Omnia autem optimè mixta
olla indantur vitreate ſatis capaci, ut tota mi-
xtio liberè ea contineatur: cui ſuperinfundan-
tur aqua ſtillatiæ primule veris, lilii convall.
florum tilie & calendula, ſingularum ℔. j. ℞.
aqua meliſſe, hyſſopi, roſmarini, geniſtæ ana ℔.
℞. vini albi optimi ℔. ij. aut quantum ſatis fue-
rit, ad mixtionem illam imbuendam & perfun-
dendam:

*dendam: qua saepe manibus intrò aut cochleari
 comprimetur, ut melius humectetur & liquorem
 imbibat. Hæc autem olla arctissime occlusa, ne
 quid expiret, lento igne foveatur, dum materia
 tepescat, ut sic melior ac facilior fiat fermenta-
 tio, septem aut octo dierum spatio: quò enim diu-
 turnior maceratio, eò melior futura est fermenta-
 tio. Postea exprimantur omnia, & linteo cer-
 natur ac trajiciatur expressio. Deinceps fæces
 torculari fortiter comprimantur, ut tandem a-
 ridissima reddantur. Atq; totus hic expressus li-
 quor in plures alembicos diffundatur, vel in ma-
 gno destillatorio cupreo simul colligatur, cum re-
 frigeratorio vase (quæ omnibus Pharmacopæis
 obvia & in promptu semper esse debent, ad a-
 quas & olea vegetabilium extrahenda) ex quo
 aqua extilletur, quæ preciosa & excellens futu-
 ra est. Relictæ autem fæces superiores interea igne
 reverberii in cineres reducentur: quibus appri-
 mē calcinatis, superior aqua calidè affundetur
 & reaffundetur, donec suum salem ab illis ex-
 traxerit, sicq; potentior & efficacior reddatur:
 quæ tamen sola, & citra salis sui adjunctionem,
 ad curationem & præcautionem Epilepsiarum
 omnium, sive idiopathicarum, sive sympathica-
 rum, omnibus etiam ætatibus & temperamentis
 ad 3 B. tutò & fœliciter exhiberi potest: idq; ma-
 tutinis horis. Neque enim ea præparandi tan-
 tùm & corroborandi ægri vim habet, ut quæ
 etiam*

*Vsus istius
 æq.*

etiam malignas qualitates adoriatur, undecunq; eæ progrediantur: nec nō hujus morbi verum specificum & ἀντισπαστικόν esse certissimum sit.

ADDITIO.

Verūntamen ut hæc aqua nobilior, perfectior, & majoris virtutis sit, ac energiæ magis specificæ, adversus hunc morbum, additamentis his, quæ sequuntur, ditabitur, ut videlicet ad istius aquæ libras quatuor, theriaca Veneta, aut Monspessulana, ejusq; quàm optima ℥ iiij. confectiois de hyacyntho ℥ j. ℞. conf. alkerimes ℥ ℞. pulverum diamarg. diacoral. latific. Galeni ana ℥ ij. diacastorei, ℥ ℞. aut etiam amplius, castorei ipsius simplicis ℥ ij. camphora ℥ j. mixtis omnibus & vasi longioris colli (quod matrarium vocant) firmissimè clausi impositis, in balneo maris fiat digestio per quatuor dies: deinde igne cinerum destillatio per alembicum extrahatur, destillatam aquam ter aut quater super suas fæces cohobando, ea cautione tamen, ne nimia fæcum exiccatione, liquor extractus adustionem redoleat. Quæ tamen nō est metuenda, si ex balneo Maris vaporoso, vel ad siccitatem usq; ut in Pharmacopœa nostra docemus, fiat extillatio. Hac ratione præstantissima aqua elicietur, non tantum in omnes Epilepsias, sed etiam apoplexias & paralyces. At si secunda hujus destillationis fæces in cineres aduratis, & ex iis salem aquâ melissæ

lissa juxta artem extrahatis, eumq; ter aut quater, ad majorem puritatem & subtilitatem, solvatis, filtratis & coaguletis: eumq; suæ aquæ immisceatis, in qua confestim solvetur, auctiores longè vires & potentio rem multo energieam ejusmodi aqua habitura est.

Atq; hæc sit aquarum eleganter cōficiendārū, & rerum virtutis extrahendæ methodus ac forma, quæ arti spagyricæ accepta ferenda est.

*Difficilia
qua pul-
chra.*

Atqui ignarus aliquis pædotriba, crassi & stupidi ingenii, pigerrimus ac negligentissimus, aspernabitur forsan hæc omnia, quòd uno momento nō fiant, sed longius temporis spatium ejusmodi operatio exigat, nec difficultate ars careat. Quod mirum utique non est, quum usq; ad eò sit imperitus, ut ne rationem quidem extrahendi salis, in quo rerum virtus præcipua posita est, ut alibi docuimus, calleat, aut vel tantillum notam habeat. At quibus præclarum, doctum, ac arcanorum rerumq; sublimium ac pulchrarum studiosum est ingenium: quibusq; perpetuò cum honore & gloria medicinæ faciendæ amor incumbit, ac in proximū dilectio, omni lucro anteposita: is nihil difficile aut arduum, sed facilia omnia occurrent: etsi de astralibus morbis curādis agatur, quibus vulgaria remedia, crassa Minerva parata, restituendis prorsus impa-
ria,

ria, nullarumq; viriū sunt. Hinc autem lenietur laboriosæ operationis difficultas (si qua est) quodd magna medicamento quantitas hac ratione comparatur, quæ tedium levet non ita citæ repetitionis: præsertim si ex vase cupreo, copiosè aqua educatur: quodd diuturnū etiam vigorem, vim ac energiam retineat, quoddq; admodum exigua dosi exhibeatur, ut ne semel quidem singulis annis operatio iteranda veniat: ac de virtute quidem ejus tanta est experientia, ut fructus illius ac summa utilitas, laborem artificis tempusq; impensum satis superq; compenset.

Uſus autem ejus hic esto, ut infantibus scilicet, qui hoc morbo tentantur, in ipsa accessione, ad semicochleare exhibeatur, idque vi intrudatur, si aliter fieri nequit, adjectis aliquot olei succini guttis, una aut altera nempe: quo fiet, ut statim à paroxysmo resurgāt. A quo excitati, non quiescent nec cessabunt ab usu medicamenti ejusdem, quod ad 15. vel 20. dies, aut plures etiam, matutinis horis erit cōtinuandum. Quod utiq; remedio complures eorum à morbo, citra repetitionem, prorsus convaluerunt, simul injectis crebris clysteriis, & eorum nutrice, optima vivendi norma, ad rectam temperiem revocata.

Quibus porro cujusvis ætatis & sexus hominibus eadem aqua in præcautionē & cura-

*Prædicta æqua
dosis
administranda
ratio.*

*Mulier hy-
ſter.*

tionem affectus, commodè & fœliciter propinatur. Si autem mulier ſit, quæ ab hyſterica affectione in hunc morbum incurrat, eidem aquæ admiscenda erit tinctura granorũ maturorum actes, ut vocat Parac. cujus descriptionem docuimus in noſtra Pharmacopœa reſtituta. Admiſcendum etiam (ſi velitis) oleũ buxinum & caſtorinum, arte ſpagyrica prolectũ, ſingulorum ad tres aut quatuor guttas, cujus medicamento uſus ſit & diuturnus, & ſine intermiſſione adminiſtretur.

Si ex vitio ventriculi ortum habet affectus, ſive ſint viri, ſive mulieres, quæ laborant: diluendæ erũt in ea aqua duæ aut tres olei menthæ, cinnamomi, roſmarini guttæ, nec nõ totidem olei ſeminis aniſi, pœoniæ, arte pariter Chymica extractorum, quæ ex ſimplici aqua, more educendi ex ſeminibus olei, extillata ſint, ut Chymicis omnibus notum eſt.

Si verò extillatio prioris & poſterioris aquarum iſtarum theriacalium, alicui videbitur non carere difficultate, & temporis diuturnitate, (cũ tamen res ſecus habeat) ut oſtendam, quàm copioſa abundant Hermetici remediorum ſupellectile, & quàm variis modis ea effingant ac præparent (uſq; adeò ex ſolertia & ſagacitate artis ingeniòſi homines) earum in locum vobis ſubſtituam alia remedia, quæ in ſyruporum formam concinnabun-

buntur, quorum usus jucundior, gravior & facilior futurus sit, quiq; citra exceptionem, vulgaribus aliis omnibus, & præsent, & longè utiliores sint. Quorum etiã in nostra Dogmaticorum Pharmacopœa, his ornamentis & opibus spagyricis eam decoraturi, descriptionem tradidimus.

R. igitur rad. peonie, visci q. ana \bar{z} β . cinnam. Syrupus an-
 optimi \bar{z} vj. florum calendula, lilii convall. tilia β epilepticus.
 arboris, lavendula, ana p. j. ros. rab. p. ij. Sicca au-
 tem & arida, non recentia, omnia ista sumantur;
 radix peonie in frustula secetur: at reliqua, ut se
 habent, citra conquassationem, in matracium,
 ut vocant, justa capacitatis injiciantur: quibus
 abundè satis, aqua vite, salvia, juniperi (si habe-
 ripotes, ut in Germania, & quarum etiam for-
 mulam in nostra Pharmacopœa docuimus) su-
 perfundantur. Quæ si desiderentur, sumatur a-
 qua vite ex optimo vino prolecta, quæ quatuor
 digitos materie superemineat. Vas verò optimè
 clausum, ne quid expiret, in B. M. collocetur, aut
 radiis solaribus ad tres quatuorvè dies expona-
 tur, ubi aqua vite rubrum colorem contrahet,
 virtute simplicium impregnata. Quæ quidem
 aqua per lenem inclinationem à fœcibus erit se-
 paranda, ad cujus uncias decem, sacchari candi-
 di in pulverem \bar{z} iij. vel iiij. adjicienda erunt, o-
 mniaq; argenteo cochleari agitanda, ut solvatur
 saccharum in patina argentea: deinde ignis, ex
 V 3 incen-

incensa charta, aqua vite imponendus, ut ardeat, versando seu commovendo semper materiam ex cochleari argenteo, tamdiu, exuretur aqua, dum syrupus satis coctus, aut plus minusve fortis videatur. Tum enim, quum tempus erit, extinguendum erit aqua vite incendium, quadrata aut orbe stanneo vel argenteo suffocatum. Atq; hic syrupus in modum Hermeticorum paratus, antepilepticus prestantissimus futurus est: cujus, siue in precautionem, siue curationem morbi, semicochlearis mensura exhibita satis futura est. Ad idem prodest maceratio florū calendula, lavendula, lilii convallii in hydromelite malvatico nostro per mensem facta, cujus macerationis exhibentur ℥ j. vel ℥ ij. pro dosi, manè.

Quum autē in id genus affectibus soleant ut plurimum corruptiones & vitia, in visceribus contenta, purgationibus educi, (ex quorum vaporibus malignis hoc malū creari solet) ut hoc præstetur, purgantiū medicamentorum loco, ex vegetabilibus peritorum, hoc est, loco cassiæ, catholici, diaphœnici, triphærae pers. elect. Indi major. & minor. confect. hamech, hieræ simpl. aut Pacci, & id genus aliorum, aut leniorum aut violentiorum, quæ plus damni sæpenumero, quàm utilitatis adferunt: seligenda sunt ea, quæ ad seminaria usque morbi penetrant: inter quæ, ab antiquitate semper commendatum vidimus utrum-

Purgantia.

que

que helleborum: sed in primis nigrum laudamus, quia albus in montibus nostris frigidis collectus, usque adeò crudus & incoctus est, exitialis & convellens, ut illius usum prorsus improbem, & rejiciendum suaserim.

Quin & ex ipso helleboro nigro, in nostris montibus decerpto, quanta quamq; gravia oriantur symptomata, vulgari more parato, sæpè vidimus, Idcirco aliquot ejus præparationes jam suprà cap. 17. ex spagyricis petitas, ut tutior illius fiat usus, tradidimus. At quæ sequuntur, ex eorum etiam schola ac disciplina castigatæ, æquè utiles fuerint.

R igitur veri hellebori nigri purpureis floribus, quiq; recens collectus sit, non aridi, si fieri possent, quantum sit satis ad dimidiam alembici partem ex radicibus conquassatis & tuis implendam: ex quibus per balneum maris vaporosum (quod ad destillandum, citra adustionem, institutū est) tantum aquæ stillatitiæ educetur, quantum reddi poterit. Sicca autem, quæ restabit in fundo alembici materia conquassetur, & in matraccio colli oblongi reponatur: cui affundatur propria aqua, ac nota, tantum aridarū fæcum conquassatarū esse sumendum, nō plus, quantum aqua sua stillatitia supernatante ad tres digitos latos submergi possit. Ponantur omnia in digestionē balnei ad sex aut octo dies, dum aqua radicum colore tincta & impregnata rubescat.

Quinta essentia hellebori nigri.

Tum defundatur aqua per inclinationem: qua iterū sola balneo maris satis calenti, in digestionem reddatur. Hac enim coctione secunda, quod crudius est, magis maturescit & corrigitur, ac aliquid semper impurarum fœcum secernitur, quod in forma hypostasis aut sedimenti in imo residet. Deinceps hæc aqua optimè digesta, cocta & depurata, in parvo alembico reponatur, unde rursum extilletur, dum in fundo vasis restet materia, syrupi consistentiâ, qui verus est hellebori balsamus & quinta essentia.

Atque hæc sit una ex optimis & facillimis essentiæ quintæ, non tantum ex helleboris, sed etiam ex esula, chelidonia, aliisq; id genus vegetabilibus extrahendæ methodus. Hujus usum posthac docebimus.

Si verò radices hellebori nigri recentes desiderantur, sed siccæ tantum occurrunt (quum non omnibus pervium sit, utpote à montibus procul remotis, recentibus semper potiri) in hunc modum, qui sequitur, parandus erit earum balsamus, essentia quinta aut extractio, quæ Epilepsiiis conferat.

Aliud ex-
tract. helleb.
nigri.

R igitur radices veri hellebori nigri, quas mē-
se Septembri collegeris, sole in signo libræ existen-
te, vel arietis, mense Martio, circa alterutrum
aquinotium. Tum enim pollent radices virtuti-
bus, & nativo suo humore totæ madescunt. Hæ
accuratè mundatæ, vino albo dilutæ ac exicca-

te, contundantur in mortario marmoreo, ligneo
pilo. Conquassata discindantur forcipulis, sicq; in
alembici vitrei capacitatem injiciantur, iis su-
perfundendo aquarum paonia, florum lilii con-
vall. & florum calend. ana quantum sit satis, ad
eas optimè imbuendas ac perfundēdas, quæq; spi-
ritu vitrioli addito acidula reddi poterant. To-
taq; ista materia ad 24. horas in lento igne in di-
gestionem hareat: cujus liquor tandem stillatitius
in recipiens, capitello alembici aptatum, extillet,
non ad perfectionem aut siccitatem integram:
sed ut fœcibus adhuc humidis, stillata aqua re-
affundatur, quæ denuò per alias 24. horas dige-
stioni reddantur, ut postea prelo, ad id concinna-
to, totius liquoris ac subst. fiat expressio, fœcibus
seorsim separatis ac repositis. Quæ quidem ex-
pressio tota alembico iterum reddatur: unde rur-
sum extillet aqua, dum in fundo remaneat syru-
pi consistentia, aut mellis: atque hac denuò aqua
fœcibus separatis ac repositis seorsim in alembi-
co, ut diximus, superfundatur: ut digestio eorum
repetatur per 24. horas, ac demum fortis prelo
totius substantia fiat expressio, servanda seorsim,
fœcem aridam, & superiori consistentia syrupi
admiscendo expressionem. Aqua vero stillatitia
fœci reddatur, ut prius, ad infusionem, quæ post-
ea expressa syrupo adjungatur: idq; toties præ-
standum ac continuandum, dum nullum am-
plius radices aut illarum fœces saporem gustanti

reddant. Quod quidem integra expressionis & radicum essentia prorsus exhausta signum est certissimum.

Tum verò servatos syropos, ut supra diximus, qui ex lb. j. radicum ad uncias circiter quatuor balsami extrahuntur, in matracium vitreum oblongi colli infundes: quibus tertiam aut quartam partem stillatitiarum aquarū servatarum, adjicies (etenim majore copia asservantur aquae, quam syrupi) ac in digestionem vase in Bal. M. reposito, dum aqua inficiatur colore rubro: tincta aqua per inclinationē transfundatur, & ab hypostasi, quae in fundo restabit, quam optimè fieri poterit, separetur: ac recens denuò aqua reafundatur ac separetur, idq; tot cohobationibus repetendū, donec tota mellita illa substantia extracta in aquas illas transferit, in essentia pura ac clarissime speciē. Quae cohobatio perfecta fuerit, si nihil in fundo vasis, praeter faecem quandam, inutilem, & omni colore aut tinctura destitutā, (quae summū est hellebori venenū) relinquatur.

Ubi ista perfeceris: aut etiā inter operandum, faecem in cinerem rediges igne reverberii juxta artē, idq; ubi eam fortiter expresseris: ac separatā lento calore Aquā, quae tincturas superiores continet, dum remaneat syrupi consistentia, aut potius hellebori balsamus pretiosissimus, cum extracta ea aqua totus cinerū sal ex arte prolicietur. Quo aqua grvida & condita syrupo illi aut balsamo helle-

bellebori reafundetur, agitādo & miscendo probe omnia: deinde rursū extillabitur, dum ad cōsistentiā syrupi ac balsami materia rursū in fundo redigatur, cui suus sal, in quo vis purgatrix principua bellebori posita est, admixtus & cōiunctus fuerit. Hujus helleborini balsami scrupulus, solutus in uno aut altero cochleari suæ aquæ, aut alteri⁹ cōgruentis liquoris, admirandū est purgativū, ac massę sanguineę excellens mundificativū: quod nō epileptis tantū domandis par est, sed omnibus aliis etiā deploratissimis ac astralibus morbis, quales sunt maniarū ac melancholiarū species, subigendis efficacissimū, quibus vulgaria remedia ludibrio esse solent. Hic non obijcienda est operationis difficultas, cū satis superq; utilitate & præstātia medicamēti ea cōpensetur: imò quæ in ea vel tantillū versatis soleat facillima haberi. In qua si qui sunt sumptus, facilè à divitibus, quibus hæc videntur dicata, magno fœnore persolvuntur ac restituuntur. Illis enim tam eximias præparationes dicavimus: at tenuioris fortunę aliis, quib⁹ fortè hæc cariora videbuntur & inexpertorū Pharmacopœorū capacitati, præparationes nostras balsamicas ut accōmodemus, quæ sequuntur, erunt aptāda. Oportebit enim aquarū præoniæ, lilii conval. & calendulæ in locū substituere extractionē radicū hellebori, repetitis decoctionibus factā,

cum sero lactis aut lacte destillato, & sæpè identidem expressam, ut in expressionem virtus radicum pertranseat, ac in ea maneat. Quod toties iterandum est, hoc est, reassusio, repetita ebullitio & expressio: ut ultima expressio nihil saporis habeat, quod omnē hel-lebori substantiam ac virtutem in aquas aut serum lactis aut liquorem expressum transfuisse testabitur.

In libras autem singulas expressi liquoris addantur folliculorum sennæ ℥ij. caryophyl. cinam. mac. ana ℥j. β. seminum anisi & fœniculi dul. ana ℥ij. florum ros. rub. pug. ij. florum nenuph. p. j. quibus infusis & expressis, secundum artem instillentur tot spiritus vitrioli guttula, ut tota mixtio acidula reddatur. Qui per ignorantiam, spiritus vitriolati usum in medicina improbant & respuunt, cujus tamen virtus & præstantia, siue ad tincturam medicamentorum extrahendam, siue ad fermentationem omnibus rebus, quibus immiscetur, inducendam, siue nimiam caliditatem purgandā, contemperandam, illorumq; venenositatem corrigendam, satis præjudicari non potest: loco spiritus prædicti injiciunt pro singulis uncis succi citrii vel limonum (qui naturam vitrioli æmulatur) quantum sit satis ad aciditatem inducendam, probeq; omnia macerentur, digerantur, ac fermentetur ad tres aut quatuor dies:

quorum

quorum postea fiat expressio: cuius liquor ex bal. Mar. vel calentibus cineribus destillatione educatur, dum, quod restat in fundo, mellis consistentiam acquirat: cui adde myrrhæ & mastice in pulverem q. s. rhabarbari, si voles, modicum, ut fiat pilularum massula. Ex qua, pilula una tantum in dosim exhibeatur: cuius operatio felicis futura est, & ad radices usq. morbi ac seminaria penetratura, ut, quicquid est impuri & corrupti, radicitus evellat ac exhauriat, quod vulgaria, ut diximus, medicamenta nequaquam prestare valeant.

Cum prima hellebori essentia, quam, ut meliorem aliâ, usurpavimus, cuiusque usum legitimum promissimus, conjungi poterit, (si ita videbitur) extractum aloës, fennæ, agarici & rhabarb. vel extractum scammonæ & colocynth. quorum extract. formulæ in nostra Pharmacopœa restituta reperientur: ex quibus forma opiata concinnetur, cuius dosis sit ʒj. aut admiscendo myrrhæ & castorii & pulveris fennæ, q. l. fiant pilulæ: quarum una tantummodò in dosim exhibita semisrupuli, aut integri pro robustioribus, vehementissimè per secessum operatur, idq. citra perturbationem ullam. Si Epilepsia fiat per consensum uteri, his addere poteris fœculam bryoniæ & assæ fœtidæ essentiam seu oleum ad libitum.

Alios

Alios aliquot præparandæ & extrahendæ essentia hellebori modos, alibi jam ante viginti & quinque annos in libro nostro de spagyricis præparationibus descripsimus, quod Pharmacopæos, parû adhuc aut nihil in chymicis operationibus exercitatos relegamus, ubi sint facillimum, atq; etiam vulgarem præparandi modum nacturi, sicubi alibi, & minimæ impensæ operationem.

Hæc igitur sint, quæ explicata fuerûnt, Hermeticorum, in hoc genere morborû purgantia remedia, ex vegetabilium familia petita: quæ ob insignes suas virtutes nō epilepsiis solum accommodantur, sed & vertigini & apoplexiæ maximè competunt. Metallica autem purgantia longè nobiliora & præstantiora, ab illis ad occultas superiorû morborum causas expurgandas habita, suum in locû differimus.

CAPUT XXV.

De revulsionibus & derivationibus, reliquisq; curationum scopis, item de corroborantibus specificis Hermeticorum.

QUOD ad revulsiones & derivationes necessarias attinet: eas æquè cū Dogmaticis recipiunt & commendant Hermetici: ac in primis frequentem clysterû vel etiam irritantiû usum: citra tamen deco-

ctiones illas cephâlicas nimis incendentes & *Clysteres*
 calefacientes, quarum loco, & hieræ Paccii *Dogmatico-*
 aut Longadii, aliorumq; id genus medica- *rum impre-*
 mentorum, nimium calefacientium & attra- *bantur.*
 hentiũ, quæ vulgò ejusmodi clysteres ingre-
 diuntur in horũ morborũ cura: quæq; ut plu-
 rimũ (quemadmodum dictũ est) materias
 quasdam vaporosas, calidasq; exhalationes &
 siccas excitât, atq; idcirco longè magis noxia,
 quàm utilia sunt. Horum, inquã, omnium vi-
 ce, longè præstantius medicamentũ purgans
 in suis clysteribus substituunt, quod citra o-
 mnẽ nimii caloris manifestũ sensum, & qua-
 litatẽ, attrahentem tamen abundẽ virtutẽ &
 facultatẽ possidet, quã eximiẽ operatur. Cu-
 jusmodi est crocus metallicus vel metallorũ, *Crocus me-*
 ut vocant, quæ præparationis antimonii quẽ *tallorum.*
 dam species est, cum nitro parati: à quo figi-
 tur & arsenicali suo sulphure spoliatur anti-
 monium, ut sic etiã excoctum intrinsecus &
 ore, citra vim ullam aut corporis perturba-
 tionem, sumi possit: multoq; minũ corpus
 exagitet, decoctioni clysteris immixtum &
 infusum. Sed de hujus medicamenti virtute
 ac præstantia paulò post fusiũs, nec non uti-
 litate ac admirandis ejus effectis differemus.

Præter crebrum ejusmodi clysterũ usum,
 qui propriam quandam horum morborum
 naturæ congruentem vim habent ac energiã
 spe-

specificam : quiq; operantur etiam, juxta decoctionum, quæ variari possunt, facultatem ac proprietatem, addito semper specifico aliquo medicamento, nulla habita calefaciendi aut frigefaciendi ratione: quod tamen curiosè nimitum observant vulgares Medici.

Laudant quoq; iidem Hermetici æquè cum Dogmaticis vomitus provocationem: hæmorrhoidum apertionem, ac menstruorum: nec non saphenæ venæ aut alterius etiam, prout expedit, sectionem: cucurbitularum appositionem, frictionum, fortium ligaturarum, ptarmicorum, errhinorū, masticatoriorum, idq; in privatam cerebri expeditionem. Deniq; nullum non ejusmodi remediorum admittunt, ut qui etiam cauteria, siue ea sint actualia, ut vocant, siue potentialia, recipiunt: quod revulsionum & derivationū usum præstent. Veruntamen singulare hoc vomitivum ac sternutatorium usurpant, aliorum omnium loco, Hermetici, salem videlicet vitrioli rite præparatum: quo felicissimè utuntur, paucorum granorū exhibitione, in congruenti decocto aut stillatitia aqua solutorū, quo lenis vomitus, ac utilis educitur. Idem sal, si naribus insuffletur, privatim cerebrum expedit, & mirè repurgat: Cujus usus longè salubrior est & innocentior helleboro ipso albo, qui vulgò in hunc finem usurpari solet.

Vomitivum.

In corroborationes & confirmationes cerebri, aliarumq; oblæsarum partium, nec nō intemperiei correctiones, & reliquiarum resolutiones: cū in hunc finem Dogmatici usurpent uniones, margaritas, corallo, grana-
*Corroberā-
tia Dogma-
ticorum.*
 ta, rubinos, sapphiros, hyacinthum, jaspidem, lapidem Lazuli, aurum & argentum in folia, aut limaturam redactum, cornu cervinum, unicornu, caphuram, sericum crudum aut chermes, & id genus alia: ex quibus confectioes alkermes, de hyacyntho, de granatis, diamargaritum, de rubinis, de lapide stellato seu lazuli: nec nō antidotum Alexandrinam, diamargaritum calidum & frigidum, aut etiā antidotum ē margaritis, & ē corallis, à Nico-
*De antido.
sect. 10. c. 35.*
 lao Myrepso descriptam, concinnant. Quæ
36.
 quidem confectioes & aurum recipiunt, & omnes propemodum pretiosos lapides, aliāque id genus roborantia, quæ pro fundamēto & basi variarum aliarum antidotorū quoque admittuntur, idq; sine ullā ingredientiu preparatione, quā in pulveres redactorum, ut mox dicemus. In illorum, inquam, medicamentorum roborantium, crasse præparatorum locum, quæ ad ventriculum cum stomacho inaurandum & inducendū lapidibus potius conducunt, quā ad cerebrum corroborandum, cū ejusmodi crassa medicamenta à ventriculo coqui & vinci nequeant, nec

*Corrob. Her-
meticorum.*

*Tinctura
lapidum.*

idcirco in venas sic exhibita traduci, quibus
 substantia corporis nostri frui possit: inter
 Hermeticos vel minimum etiam exercitati,
 surrogare solent corporum crassiusculorum
 loco magisteria corallorum, & unionū arti-
 ficiosè extracta, cum aciditate vitriolata mon-
 tana, vel ea, quæ ex junipero, guajaco, ligno
 quercino, (ejusmodi aciditate supra alia o-
 mnia abundante, ut jam pridem lib. 5. magni
 nostri mundi speculi docuimus) extillat: nec
 non etiã, rubinorum, granatorum, smaragdo-
 rum, sapphyrorum essentias, ejusmodi acidita-
 tis vitriolatæ beneficio extractas, quæ in sale
 marino, aut nitri & petra delitescit: quamq;
 vel minimus spagyricorum artifex novit pro-
 licere ac separare ex ipsis salibus, qui ejusmo-
 di lapides pretiosos in essentias resolvunt,
 propriis suis coloribus tinctas, ut rubinorum
 & granatorum servato colore rubro, & sola-
 ri, hyacynthi tinctura flava: smaragdi virore
 & venereo colore: sapphyti sapphyrico &
 lunari. Quibus etiam notum est artificiū ex-
 trahendæ tincturæ ex chermes, longè aliud, ac
 ab illo diversum, quo ab infectoribus ex gra-
 no tinctorio aut scarlata, ut vocant, color e-
 ducitur. Sic essentias & olea caphuræ, croci,
 arte extrahi in Pharmacopæa nostra docui-
 mus: nec non aurum & argentum in calcem
 primum redacta, ut in liquorem potabilem
 sint

sint traducenda, solis juniperi & salviæ oleis, aptè ut decet, præparatis, & in hanc rem accommodatis, perspicuè ibidem demonstra-
vimus. Quæ quidem essentia, sive salis confi-
stentiam, sive olei formam obtineant, sive eæ
solæ sint & separatæ, sive etiam inter se com-
mixtæ, ex jusculo, aut aliquo alio congruente
liquore exhibentur: quæ idcirco sic in venas
distribuuntur, balsamum suum, & spiritus in
nostros spiritus & naturalem balsamum tra-
ducetes ac commiscentes: quibus nostri cor-
borati, ac fortiores redditi, nullo negotio se-
minaria, vel radices etiam occultissimas hu-
jusmodi morborum evellere & prorsus erun-
care possunt.

Præterea in eundem scopum Hermetici con-
servarum rosmarini, pæoniæ, salviæ, & alio-
rum id genus loco substituunt olea & essen-
tias suas: nec non theriacæ aut mithridatii lo-
lo, essentiam illarum aqua corniculi cervini
extractam usurpant: aut aquas etiam, quas
vocant theriacales, antepilepticas, antapople-
cticas, & antiparalyticas, & id gentis alias spe-
cificas aquas, morbis istis cōgruentes & aptas:
de quibus jam suprà loquuti sumus: quarūq;
formulas in eadem nostra Pharmacopœa, ex
spagyrica aut Hermetica schola petitas, de-
scripsimus: quibus Dogmaticorū præsidia au-
gerentur, & illustrarentur: quæ alioqui per se

& seorsim omni ornamento ac decore destituta sunt.

CAPUT XXVI.

De Spagyrica Cranii humani Epilepsia specifici præparatione.

QUOD ad specifica attinet, Dogmatici, ut suo loco diximus, multa ejusmodi in usum revocant: inter quæ aquas nostras antepilepticas de hirundinibus, de picis & similibus additionibus salii ex iis extractorum, & ex Hermeticis petitorum, decoratas auctasque descripsimus. Inter quos Dogmaticos, sed recentiores imprimis, nemo est qui omnibus aliis medicamentis huic morbo idoneis & specificis cranium humanum summis laudibus non præferat, fœminæ laboranti cranium muliebre; viro, masculum adaptantes. Veruntamen inter illos non satis constat de ejus præparatione: cùm alii, ut exhibeatur, in cinerem album redigi velint: alii citra calcinationem & omnem præparationem, sed quale est per se, autumantes ustione omnem primigenium humorem, vitaleq; omne principium absorberi & exarescere. In quo falluntur plurimum: solamq; sibi externam rerum anatomiam nō internam notam esse hoc nomine testantur, circaq; corticem

Discrepantes Dogmat. opiniones de præpar. Cranii humani.

tantum rerum, non circa nucleum aut medullam, hactenus esse versatos, ut paulò post patefaciemus, cum de admirandis salium virtutibus & effectis verba faciemus.

Huc igitur intrudemus, juxta Hermetico-
rum industriam, cranii præparationem: unde
admiranda auxilia, adversus epilepsiam pri-
vatim, eruemus, cujus summa & præstantissi-
ma ac peroptima præparatio, magisterium e-
jus est: *quod sit, si unum aut alterum cranium,*
recens, exquisitissimè omni carne denudatum,
& in frustula aut ramenta concisum in cornu
tam aut retortam, ut vocant, immittatur, cujus
tubò adhareat capax recipiens, ne strictius spiri-
tuum vi & copia, ex retorta arene immersa &
inhumata prodeuntium, dissiliat. In qua opera-
tione igni nequaquam parcendum, qui infra su-
praq, ac circumcirca ita est ex arte admoven-
dus, ac assiduè perflandus, ut retorta ex incendio
incandescat ac exardeat: nec ab igne fovendo
priùs desistendum, quàm ex cornuta spiritus al-
bidi in vas recipiens effluere desierint: quod faci-
le cognoscetur ex recipientis vasis declaratione,
cujus perspicuitas nihil spirituum amplius ex-
halantium aut rubri olei, unde antea turbaba-
tur; restare satis arguet. Quo cognito ab ignis
continuatione cessandum: sinendumq, est, ut per
se sensim extinguatur, & citra tactum vasa re-
frigescant: à quibus agitandis supersedendum ad

*Magisteriū
cranii hu-
mani, ejusq;
preparatio.*

horas 24. ut per otium spiritus melius in recipiente firmentur, insideant ac conquiescant. Ex quo tandem effundendus erit seorsim liquor subalbidus, ac instar lactis turbidus, qui ex singulis craniis ad quatuor circiter aut quinq³ uncias extillare solet, cui rubrum oleum sanguinis instar, supernatabit ad sex drachmas, vel semiunciam: at fœces in fundo retortæ residuæ, carbonis instar comminuti nigerrimæ, in cineres albos erunt, igne reverberii rodigendæ: ex quibus sal aquæ pœonie aut aliâ antepilepticarum nostrarum stillatitiâ, eruatur. (Phlegma enim unius aut alterius cranii huic rei satis esse nequeat, nisi fortè copiosa ex multis craniis proliciatur.) Ejusmodi autem sal solvatur, filtretur ac coaguletur cum eadem ipsa aqua: idq³ multoties repetatur, dum perfectissimè emundatus sit ac depuratus. Interà autem, dum huius salis operationi incumbetis, ter aut quater repetetis ac iterabitis liquoris cum tinctura sua supernatante conjuncti, destillationem. Quùm autem omnia ista gravem admodum ac fragrantem odorem spirent, ut is detrahatur, trajiciendus erit liquor, per modicum colchotaris, ex vitriolo Cyprino aut Ungarico exiccati, qui verè aureus ac summè pretiosus inde evadet, mercuriũ cum tinctura sua mixtum, oleo aut sulphure continens, in quo liquore si salem suum dissolveris, qui per se solusq³ summum est Epilepsia remedium.

Sal cranii
humani.

in perfectissimum evadet medicamentum: cujus si duas aut tres guttas ex semicochleari aquæ antepilepticæ, aut theriacalis, intra & extra epilepsiæ paroxysmum exhibueris, idq; per mensem singulis diebus continuaveris, perfectam hujus mali curationem, favente Deo, consequêris.

ADDITIO.

Huic magisterio cranii humani, ut supra parati, si essentia aut magisterii perlarum & corallorum ana ℥ j. addideris, diamoschi, diacastorei ana ℥ ℥ spiritus vitrioli veri, hoc est, cum virore suo extracti, guttas 24. olei de seminibus peonia, guttas 20. mellis anacardini ℥ j. mixtaq; simul omnia circulentur in Pellicano in B. M. ad tres aut quatuor dies. Quibus exactis liquor exemptus accuratè asservetur, & cum opus fuerit ℥ j. aut seorsim, aut ex aliquo alio liquore, quales sunt superiores, exhibueris, mirandos effectus inde nasci percipies.

PRÆPARATIONIS COMPENDIUM.

Qui tantum temporis & operæ in hujusmodi præparationibus verentur insumere, etsi utilissimis: compendiosiore hanc, quæ sequitur, viam ingredi poterunt: ut scilicet sumant unum aut alterû cranium, recens excarnatum, & nunquã sepultum, quod in frustra contigiant aut ramenta, ex quibus destillatione per

retortam, liquor cum spiritibus, ut supra, extra-
batur: quod uno die perficitur. Atq; totus hic li-
quor bis per se rursus distilletur, ad maiorē pu-
ritatē inducendam. Quæ operatio integrū diem
non exigit. Cujus liquoris uncis quatuor sica-
storei recentis ʒj. diamoschi dulcis, confectiois
alkermes ana ʒ ss. mellis anacardini ʒj. addide-
ris, simulq; omnia probè miscueris, & rursus ex
alembico igne cinerum sublimaveris, corallo-
rumq; & perlarum essentie cum spiritu vitrioli
extracte ana ʒj. nec non olei succini guttas xx. o-
leorum cinnamomi & anisi ana guttas x. addide-
ris, scrupulumq; istius mixtionis exhibueris ex
aliqua convenienti aqua mira percipies, si ab
una ad alteram Lunam, ejus usum non inter-
miseris.

ALIA CRANII OMNIUMq; FA- cillima preparatio.

Quum non semper cranium recens ocur-
rat: nec pervius sit omnibus illius excarnandi
modus, ut illis, qui de more in anatomis ver-
santur: eorum loco usurpari illa poterunt,
quæ recens è sepulchris effodiuntur, & si alio-
rum bonitatē non æquant, quod minus mer-
curialis essentie, aut nihil prorsus obtineant,
quam quæ recentia sunt, & nunquam sepul-
chro condita, abundè possident & retinent:
nihil enim in his humo absorptum est, ut in
aliis,

aliis, quæ diutiùs cœmeteriorum terrâ nitro-
sâ obruta, atq; idcirco ab ea omni carne, me-
dullâ & liquore spoliata, quem à propria na-
tura mercurialem & sulphureum obtinent,
prorsus exaruerunt & depasta sunt. Quod
eorum salibus non accidit, quos propter fi-
xiorum illorum naturam in residuo ossium
restantem, terra non attingat, ne dum possit
absumere. Hac enim ratione ad infinita secu-
la, ossa & nitida & integra, citra ullum formæ
aut fixioris suæ substantiæ detrimentū & ja-
cturam perstare, ubiq; perspicere est. Eligan-
tur autem ea crania, quæ minorem in sepul-
chro moram passa fuerint, ex quibus sal, ut
sequitur, proluciat: quod præsentius & ma-
gis specificum Epilepsii futurum est reme-
dium, quàm si pulvis solus aut imparatus, aut
etiam albedinem calcinatus exhibeatur: si-
quidem sal qui ex cranio arte extrahitur, in
liquorem faciliè resolvitur, qui eo venis no-
stris ac spiritibus communicabilior & pene-
trantior est ullo pulvere aut cineribus terrâ
suâ & corporeâ mole adhuc obtusis & oppres-
sis. In quo utiq; sale non tantum craniorum,
sed aliarum etiâ omnium rerum abundè pri-
migenius humor & vitale rerum principium
instita sunt. Hinc fit ut inter simplicia, ea, quæ
copiosiore sale abundant, fortius vigeant, &
strenuè magis temporum injuriis relucten-
tur,

*Sal cranii
ipso crudo
præstantius.*

*Quæ sale
abundant,
diuturniori
vita fruun-
tur.*

tur, ut nullis nec rigoribus, nec ardoribus perimi aut vinci possint, quo minus virorem suum & vegetationē conservent, quod secus aliis, eò minùs præditis, accidit. Idem videre est in animalium genere, ut inter illa, quæ copiosiorē salem natura possident, ea vivaciora & diuturnioris sint vitæ. Quin & partes animalis eo abundantiore, quales sunt osseæ, minus corruptioni obnoxiae sint, & serius interitū minentur. In iisdē salibus formæ rerū deliteſcunt, quod luculētis exemplis paulò post illustrabim⁹, ut unicuiq; pateat, & oculis subjiciatur, ac veluti manibus palpetur, quicquid admirandarum proprietatum & effectuum, in vitali illo principio latitet & contineatur.

Ut igitur facilem, & citra temporis jacturam ac impensarum magnitudinē extrahendū è cranio salis modum doceamus, quod libenter in gratiā Phārmacopæorum ac artificum minùs solertiū, ut addiscant: nec non ægrorū, qui magnis sumtibus, sua inopia parcere coguntur, ut ex hac facilitate, quam proponimus illis, libenter succurratur, nec ex difficultate operationis, de qua nemo conqueri possit, charitas erga proximum refrigerſcat, quam in Christianis cordibus erga fratres ardere par est & æquissimum, prout sequitur, præstabimus.

Preparatio Betria, quatuor, aut etiam plura crania, quæ parum

parum diu in terra delituerint, ut diximus. Ea salis cranii in frustra contundantur (solum calvariā intel- humani. ligo citra maxillas aut mandibulas) quæ prius vino optimè deterfa & mundata, postea in vinum album infundatur, in quo caryophylla, macis, flores rosmarini, lilii conv. tilie, calend. salvia macerata fuerint: quod bis aut ter subinde repetendum, ut hoc infusionis vino optimè imbibantur. Atq; sic parata craniorum frustra in cupellam terreā non vitreatam immittantur, quæ in furno reverberationis, Athanore dicto, posita, flamma carbonum, non ligni, in calcē aut cinerem redigantur albissimum. Qui quidem cinis in matratium vitreū injiciatur, cui tantū aquæ rosmarini superfundatur, ut quatuor aut quinque digitos superemineat. Obducatur firmissimo luto vas, quod abiete & cera constet Hispanica, ne quid expiret: atq; in B.M. bulliente collocetur, in quo, ad quatuor aut quinque dies in digestionē & circulatione retineatur: quo tempore aqua, lixivii instar, cranii sale tingetur ac imprægnabitur. Refrigerato vase, aqua per inclinationē effundatur: & materia recentem aquam superfunde denudò, ut novā fiat digestio & circulatio, ut supra: idq; toties iteretur, donec totus sal in aquas trāsierit. Istius aquæ sale imprægnatæ, vel dimidium cochleare argenteum propinari potest in curationem vel præsentis vel future epilepsie chronice. At si ab ista aqua salem separare volumus,

omnes ista aqua imprægnata in alembicum profundantur, ex quo destilletur aqua à sale, qui in fundo alembici remanebit: quem si animus est puriorem reddere & crystallinum, solutionibus, filtrationibus, coagulationibus identidem crebrò repetitis, ad summam puritatem adducetur: qui & solus pretiosissimus est ac magna virtutis, & essentiis corallorum, perlarum, & id genus aliarum rerum antepilepticarum, commixtus.

CAPUT XXVII.

De seminarii prædictorum affectuum plenaria resolutione ac consumptione, deq; usu & præparatione Topicorum, juxta Hermeticos.

IN resolutionem & consumptionem prorsus integram reliquiarum Epilepsiarum, vertiginum diuturnarum, & apoplexiarum in paralyses degenerantium, post præparationes, evacuationes, aversiones, derivationes ac roborationes superiores Dogmatici, ut jam monuimus, diætis utuntur, ut vocant, hoc est, hydroticis, ac sudorificis decoctionibus, ex guajaco, china & salzaparilla, ac fassafras, atq; id genus aliis vulgaribus sudatoriis concinnatis. Hermetici verò in eundem finem ac scopum, talia quidem remedia admittunt: at illis præterea sales suos admiscēt,

Diætæ Dogmat.

aut

aut liquores acidulos, qui minore dosi, & citra exuperantem calefactionem, longè magis in eisdem affectus conducunt.

In hoc etiam Dogmaticis sunt superiores, quodd inter hydrotica vegetabilia norint & habeant singularia quedam specifica singulis istis morbis proprietate quadam congruentia: ut adversus epilepsiam hydroticum hoc specificum habent, viscus nempe quernum præparatum: semen pæoniæ, & rasuram ligni buxei, quæ inveteratis etiam vertiginibus opem ferre potest. Adversus paralytes hydroticum usurpant ex ligno juniperino cum floribus calendulæ, lavendulæ & rosmarini magnâ copiâ, addentes singulis hydroticis suos sales in majorem utilitatem, nec non aliquot liquorum acidorum guttas ex sulphure aut vitrioli spiritu. Præter hæc omnia, alia possidet hydrotica ex metallica substantia desumpta, longè adhuc aliis & præstantiora & meliora, de quibus suo loco postea dicemus, unde discatur illorum in remediis fecunditas & divitiæ, nec nō in præparandis & coquendis hydroticis ex vegetabilibus præstantia & industria: unde quàm egregiæ observationes, vulgares illas omnes superantes, eliciantur, perspicere licebit, si omnis absit invidia, & res ex æquo & bono judicetur: quod præter eas, quas jam suprà descripsimus, formulas, clariùs

*Hydrotica
Hermetico-
rum speci-
fica.*

rius patebit ex iis, quæ in restituta nostra Pharmacopæa abundè tradidimus.

In remedia topica eundem curationis scopum spectantia, nec non tam inveteratis epilepsiis, quàm apoplexiis conferentia, ac paralytibus, loco oleorū castorei, salviæ, betonicæ, rutacei, vulpini, nardini, laurini, piperini & similium vulgarium: nec non unguentorum, Martiati, Agrippæ, de bdellio, communiū, ex quibus præscribuntur formulæ in unctionem membrorum affectorum, Hermetici usurpant olea arte & citra vulgaris olei olivarum additionem extracta longè aliis subtiliora, penetrantiora, magis attenuantia & discutientia, nec non nervosas partes corroborantia, ex omnibus gummi generibus, ex castoreo, styrace, benjoïno, floribus salviæ, rosmarini, betonicæ, calendulæ, seminibus pæoniæ, ex baccis lauri, juniperi, piperis, & aliis id genus aromaticis. Ex quibus etiam cum aqua vita præstantissima balsama & odorifera ad easdem intentiones conficiunt. Quod autem hodie multi Dogmatici, oleis therëbinthinæ, petroleo, de cera & lateribus, sive simplicibus, sive cõpositis utantur, palàm est eos ejusmodi remedia ex spagyricis esse mutuatos: ut olea etiam alia, quæ ex omnibus resinis, pinguedinibus & axungiis, ex quibus etiã admiranda linimenta componuntur, destillari solent

Topica.

Balsama.

lent: quæ potissimum contracturis & paralyfi
cōferunt. Horū præparationes videre licet in
nostra Dogmaticorū Pharmacopœa, artificii
ejusmodi spagyricis aucta & exornata. Hic tā-
tū subijciemus, duorū aut trium topicorū
ejusmodi formulas, quæ præsertim omni pa-
ralyse & contracturarum, siue recentium, si-
ue inveteratarū generi maximè conducunt:

oleorum resina & therebinthina arte spagy- *Topicum ad*
rica extractorum, ana lb. j. B. galb. bdel. serapini paralys. &
ana ℥ iiij. castor. ℥ ij. benjoini, styracis calam. a- *contract.*
na ℥ j. B. pinguedinum taxi, cuniculi, anseris, an-
guille, ana ℥ iiij. medulla cruris bubuli ℥ ij. aqua
vite optime lb. ij. baccarum juniperi, lauri, semi-
nis peon. conqussatorum ana ℥ ij. caryophyl. nu-
cis musc. contusorum ana ℥ j. piperis longi ℥ ss.
florum salvia, rosmarini, beton. lavend. calend.
ana pug. ij. succi corticis ebuli & sambuci, ana ℥
iiij. omnia in amplum matratium vitreū conj-
ciantur longi colli, & in digestionē in simo equi-
no calido, vel in Bal. M. ad quatuor aut quinq;
dies collocentur, ut pinguedines in eo liquefiant,
& olei therebinth. ac aqua vite opera gummi sol-
vantur, & aromatum ingredientiumq; aliorum
spiritus ac essentia separētur ac eliciantur. Hinc
calentibus adhuc omnibus fiat colatura & for-
tis ex torculari expressio: expressumq; ut subti-
lius & in tenuiorem ac magis spirituosam quin-
tam essentiā redigatur, in alembicū aut cupreā

cornutam, quæ destillandarum pinguedinum & gummi, vel seorsim etiam, instrumenta sunt aptissima, immitatur, gradatim ignem circumcirca admovens, qualem ejusmodi pinguedinum destillatio exigit. Hac ratione prolicietur balsamus aut oleum copiosum & magnæ virtutis, omnium ingredientium vires sortitum. A quo si lubet, aquosam stillatitii vini substantiam, aliorumq; succorum separabis ad lentissimũ ignem, aut non separabis, si voles. Isto oleo tota dorso spina ab occipitio ad imam usq; vertebra, partesque paralyticas aut resolutas illines; quas unctas lanâ pingui succidâ, granorum juniperi & aliorum cephalicorum pulvere conspersâ, involves: unde mirandos effectus in omni paralyfis & contracturæ genere, nec non omnibus, in summa, nervorum affectibus sis probaturus.

ALIU D.

R. oleorum de cera, de lateribus compositorum, & ut in Pharmacopœa nostra Dogmaticorum descripta occurrunt, ana ℥.j. B. benjoin. styracis, calamit. ana ℥.iiij. castorei, myrrha ana ℥.ij. euphorbii ℥.℥. injiciantur omnia in vas vitreum optimè clausum, & in cella vinaria, aut frigido aliquo loco repositum, ut brevi solvantur gummi, & in balsami naturam oleorum beneficio convertantur. Cui, etsi jam per se insignis ac magnæ virtutis, si olei laurini, arte spagyrica extracti

tracti ℥ iij. pinguedinis urfi, taxi, arte chymica etiam parate, ana ℥ iij. addideris & probe miscueris, prestantissimum & penetrantissimum balsamum consequeris: nec non ad omnes nervorum affectus efficacissimum, ac ad robur partibus unctis maximè conciliandum. Siquidem in olea ista de cera & lateribus composita, quæcunq; simplicia nervis amica ac familiaria sunt, ingrediuntur, & suam virtutem deposuerunt. Docuimus etiam in eadem nostra Pharmacopœa, ejusmodi olea, nec non laurinum & de pinguedinibus, citra olei alieni additionem, elaborare. Quarum formularum exemplo, quivis Medicus, vel tantillum chymicis extractionibus initiatus, sexcetera alia ejusmodi remedia ad illarum imitationem præclarissima, nullo negotio excogitare ac parare possit, ut dilucidè cuivis videre & experiri licet. Si porro iis de cera & lateribus oleis, flores sulphuris adjeceris, non ineptè feceris. In illis enim perinde ac in oleo terebinthinæ dissolvi possunt, modò id fiat in calido aliquo loco. Veruntamen balsamus ingratus hinc odorem sibi compararet: quo fit, ut hîc flores non addamus: quorum tamen ulum si expectis, ad majorem exiccationem, balsamo sulphureo Martini Rulandi, in centuriis ejus descripto, uti possis: quo tam rara & admiranda præstitisse se scriptis affirmat.

*Dogmaticis
mineralia
tantoperè
ipsis invisa,
extremum
sunt refu-
gium.*

Hicigitur tam internorum, quàm exter-
norum præsidiorum chymicorum omnibus
curationum indicationibus, quæ hujusmodi
morbis congruunt, tanquam ex picta tabella,
oculis subjecta habetis ornamenta & gazas,
quæ, tum ex vegetabilium familia, tum ani-
malium deprompta sunt, reiectis in alium ad
calcem hujus scripti locum, metallicis : ut
quæ & præstantiora aliis omnibus *ἐκ προτε-
ρα* admirandisq; effectis, magis prædita sint :
ubi etiam Dogmaticorum methodum sequi-
mur, qui ut plurimum præmissis imbecillio-
ribus remediis, frustra q; tentatis ex vegeta-
bilibus & animalibus, ad metallica tandem
confugiunt, dum ægros suos ad thermas aut
minerales aquas, tanquã ad turiora subsidia,
relegant: quas tamen boni illi viri, sui imme-
mores, alibi damnant & respuunt: quiq; (ut
nonnulli alii, qui veteri senectæ & crassæ suæ
ignorantiæ immori malunt, quàm turpiter,
ut putant, à sententia dimoveri se patiantur)
parum norunt, quàm sibi sic contradicendo
cæcitatis & ignorantiae, nec non in erroribus
suis pervicaciæ ac obstinationis reos se faciât,
ignorantes arte naturam, ad cujus imitatio-
nem, ejus fundamento, ars superextruit, posse
etiam in his remediorum generibus supera-
ri, & de præstantia arti cedere. Quod & in a-
liis rebus omnibus videre licet, quæ aut me-
dica-

dicamenti, aut nutrimenti usum præstant, ubi natura, siue rhab. siue colocynthidem aut alia purgantia, siue frumentum & racemos in alimentum producat, requirit tamé artem, quæ naturalia ista in usum hominis perficiat, & consentanea ejus naturæ, ac magis vel ad medicandum, vel ad alendum congrua reddat & aptiora: quod vel cæcis ipsis perspectissimum est ubiq; ex infusionibus medicamentorum, ex panificio & vini elaboratione, quæ egregiæ utique & excellentissimæ sunt artis præparationes, citra quas crudiores illi cibi, & medicamenta assumpta, vitæ humanæ longè essent nocentiora, quàm utiliora: & altiore radice ac occultis seminariis carentia, vulgaria quidem & communia remedia, quæ natura sponte sua fert, fortè usui esse possint, citraque ullum exquisitius artificium. Quæ si nihil proficiant, æquum est ad fortiora & validiora confugere: ut sic ad debellandas grues Pygmæorum aut stilponum robur satis esse possit, ne dum ad mures aut formicas longè imbecilliores expurgandas: ad hydram verò, leonem, aut aprum Ætolicum subigendum, fortius longè robur opponendum sit. Hujusmodi sunt hi morbi, Epilepsiæ, lepræ, apoplexiæ, lues Hispanica, & id genus alii, quos hîc tractamus, quorum immanis ac indomita ferocia non nisi Herculeâ

*Ars Natura
dona ad u-
sum homi-
num reddit,
idonea.*

*Medicamē-
ta externa.*

clavâ devinci ac opprimi potest. Idcirco aptè summus ille Dictator Hippocrates & ad rem dicebat, extremis morbis, extrema esse adhibenda remedia. Inter autē extrema ejusmodi remedia, hoc est, valentissima & fortissima, supremum occupant locum, quæ metallica esse diximus, de quibus nunc nobis restat dicendi opportunitas.

CAPUT XXVIII.

De salium quorundam ex Mineralium familia desumptorum, affectibusq; prædictis specificorum anatomia interna & vitali, virtute & præstantia.

TALIA esse metallica præsidia vel ipsi Dogmatici satis superq; compertum habent, ac fateri coguntur: cum (ut suprâ monuimus) in quibusvis deploratissimis morbis, ubi silent vulgaria remedia, ad thermas & minerales aquas, metallicis spiritibus gravidas, confugiunt, ex quibus varios ac admirandos effectus experiuntur, ut quotidianus testatur earum usus, omni rationum pondere ac argumentorum cumulo superior.

Inter autem metallicas substantias, (quæ trium sunt generum) eæ quæ ad naturam salis referuntur, quæq; magis de simplicitate element-

*Salium effi-
cacia.*

mentari participat vi & efficacia agendi majore pollent. Fusio rem autem de hujus principii vitalis natura, donis, proprietatibus, officiis ac præstantia tractatione in librum nostrum de recondita rerum natura, artisq; mysteriis, tanquã in suum locum, differimus: rati satis esse, hîc in præsentia admonere, quàm graviter ex Dogmaticis nonnulli hallucinentur & peccent, qui salis cranii humani incinerationem ac extenuationem, in epilepsiae curatione damnant, nec non aliorum salium ex variis rebus extractorum, ad emundandum, expurgandum, ac omnis generis impuritates corporis nostri, quæ omniũ morborum, quibus oppugnamur, seminaria figunt, eluendum, usum respuunt ac explodunt: ex quibus (si natura eas sordes, bilis nitrosulphuree beneficio, in jejuno intestino excretricem facultatem vellicantis, ac ad expulsionem irritantis, nõ deturbaverit) varia morborum genera oriuntur. Est autem fel ex salium naturalium genere detergentium, quemadmodũ & urinæ alii excretionum generi inservientes, ut alibi docuimus.

In hoc porro magis hallucinantur, quòd sales ab incinerationibus & extractionibus, humido suo primigenio ac vitali principio prorsus spoliari autument. Quo satis indicat, quàm exiguam, aut nullam etiam prorsus a-

Salium pro-
priet.

Calcinatio-
ne salium
humidum
eorum pri-
migenium
non absumi.

Vitales rerum qualitates unde proficiuntur.

Anatomia interna Saturni.

anatomiae vitalis & internae rerum naturalium cognitionem habeant, etsi ubique vitales rerum spiritus, & admirandas eorum virtutes ac effectus, citra tamen judicium, animadvertant: satis enim quotidiana, ad erudiendos illos, esset ex odoribus, saporibus & coloribus rerum petita experientia, ni prorsus aut stupore nativo, aut spontaneâ malignitate cæcutire vellent. In illis enim potentibus qualitatibus, quæ aliunde, quam ex salibus, ac præcipuè metallicis, non emergunt, satis superque interna elucescit ac viva anatomia. Quod exempli gratia, patet in sale zuccharino, quod ex plumbo vi aciditatis vitrioli, vegetabilium omnium principis, aut etiam (quod satius est dicere) veri illius nectaris essentiâ cœlesti acidulâ, elicitur: siquidem viribus menstruorum illorum totum propemodum plumbum in salelem redigitur, qui vel communi etiam aqua, instar vulgarium salium, dilui ac solvi potest, tractariq; filtris ac coagulationibus, aliorum instar. Ex quo ad siccitatem redacto, spiritus educi arte possunt, qui in aquam vitæ fragrantissimam, & summe admirandam resolvuntur, quæ flammam non segniùs, quam vera & subtilissima vini essentia concipiat, sulphure proprio ac tincturâ, sanguinis instar rubicundissimâ, ei super-

per-

pernatante. Unde verus Philosophus ex triade per unionem copulata unitatem colligit: quod verum est auri dissolvens, ut jam alibi scripsimus.

Atq; ex hac potissimum scaturigine, veri Medici Hermetici universalia sua ac suprema remedia in epilepsias, vertigines, apoplexias, quas hic tractamus: nec non in elephantias, caneros, & id genus gravissimos ac invictos morbos expiscari debent, ut humano generi feliciter consulant.

*Universalia
Hermetico-
rum reme-
dia.*

Quod ad corallum attinet, qui arbusculus est metallicus, ex saxis marinis exurgens, vitamque à spiritu salis vegetantis possidens, ut qui etiam totus naturam salinam præ se fert, cum totum penè ejus corpus in salem redigi possit, mediantibus illis dissolventibus, quæ suprà attigimus, quibus evaporatis, & exiccata coralli substantia salina, ex eo pariter aqua vitæ ardentissima educitur, quæ, instar quoque essentiae vini, flammam concipit, cum rubra, sanguinis instar, tinctura, quæ circulationis aut rectificationis beneficio aquæ innatat: quæ quidem aqua & tinctura, si probè inter se uniantur, jam tum antidotum præbebunt adversus epilepsias & apoplexias præstantissimam, si aliquot ejus guttæ ex aqua aut liquore congruo assumantur. Quod tamen

*Anatomo
Coralli.*

*Antidotum
antepilept.
& antapoplectica.*

artificium, si eodē modo persequamur, quem observavimus in mēstruo Saturni describendo, aut Lunaria minore, aut opere vegetabili Raymundi Lullii, quas operationes in tractatu nostro de priscorum Philosophorū medicinæ materia, &c. descripsimus: certissimū ac supremum dissolvens educemus, quod aurum in veram quintam essentiam (quod veris omnibus Philosophis factu facillimum est) sit redacturum.

Margarita. Similis aqua vitæ ex perlis & unionibus ex eodem, cum corallis, fonte productis, extrahi etiam potest. Reperiuntur enim perle in conchis marinis, variis coloribus in argentatis. Quos quidem varios colores à salis spiritibus proficisci exemplo docuimus, in nostro tractatu de priscorum Philosophorum medicinæ materia proposito, cum de sale petre loqueremur, cujus spirituum penetrationetorum alembici corpus variegatur ac tingitur, colorem opalæ, hoc est, omnigenæ picturæ, referens.

Cordialia. Etsi autem vel solæ ipsæ aquæ vitæ aut essentia perlarum aut corallosum, per se satis & ex se se inter præstantissimas antidotos commirè recreantes ac refocillantes censeantur: si tamen ulterius procedatur, dissolvens inde solare & lunare admirandæ & incomparandæ virtutis, adversus epilepsias ac desperatos

*Vera Solis &
Lunæ menstrua.*

ratos

ratos omnis generis affectus, extrahetur ac elaborabitur, ut nemo non sani iudicii tantā medicamenti vim & efficaciam ubique testetur, nec nisi obliqua ac perversa raptus mente fateri erubescat.

Si quis autem de operationum longitudine ac diuturnitate, nec non caritate tam laboriosi medicamenti conqueratur: sciat ille, magnis potentibus ac divitibus solis etiā esse dicatum, & à nobis in illorum usum proponi, qui nullis parcunt sumptibus, ut huiusmodi atcanis vitæ suæ conservandæ consulant, & tam gravibus ac horrendis malis sese expediant. Præterea in hunc finem etiā hæc à nobis exponuntur, ut pateat oculis, quàm admirandas vires, proprietates & effectus vitales conclusos in se, sales vel metallici habeant, & quàm solerti ac sagaci artificio in aquas vitæ, præter multorum etiā magnorum Medicorum & Philosophorum, qui sibi omnium rerum scientiam arrogāt, opinionem ac fidem, transeant ac resolvantur.

Ex rubinis, smaragdis & hyacinthis cum floribus kibric, ex arte ter calcinatis igne reverberii, ut artis est, tandem cum salis spiritu vitriolato eliciuntur essentia seu tincturæ, ad prædictos morbos profligandos, perutiles. Smaragdorum & rubinorum essentia cum aqua lilii convall. exhibentur ad epilepsiam

Occupatio.

*Tinctura
gemmarum
affectibus
prædictis
specificæ.*

& vertigines; at hyacynthorum tinctura cum aqua calendulae exhibita, paralyfi & contracturae summum est remedium, si post generales evacuationes, per quindecim dies continuos usurpetur, harum tincturarum doses sunt iij. v. aut vj. guttulae, vel cum proprio menstruo conjunctae exhiberi possunt usque ad unum cochlear cum vino, aut aliquo alio liquore convenienti.

CAPUT XXIX.

De Spagyrica salis marini analysi, admirandaque ejus, tum in vegetabilia ac metallica quaedam Naturae individua, tum in corpus humanum agendi potestate.

ATopus est, ut salium nostrorum tractationem persequamur, ac miros etiam salis marini effectus expiscemur. quo quotidie omnia cibariorum genera condiuntur, nec illo, ad vitam humanam tam necessario, quicquam carere potest.

Si à salis marini dulcibus crystallis exordiamur, qui ex materia tam acri ac salsa extrahuntur, non dubium est, quin ignaris hominibus, rem istam supra hominis industriam esse arguentibus, risum moveamus; quod quidem si ad amissum legum & normarum Philo-

loſophiæ illorum rem iſtam revocemus, uti-
que ridiculum planè futurum eſt: non autem
ſi ad incudem veritatis, genuinis ac legitimis
Philoſophis probè cognitam, & quibus ſolis
hæc ſcribimus, referamus. Viſum eſt autem *Quibus hæc ſcribantur.*
hoc tam ſuſpiciendum arcanum, in gratiam
illorum, enucleare, ea lege tamen, ut ſolis ar-
tis filiis, terminorum ejus peritis, ac verè Phi-
loſophiæ fonte prolutis, non ignaris & ſtu-
pidis hominibus, imò etiam maledictis ac cõ-
vitiis tantam artem proſcindentibus ac indi-
gnè lacerantibus, in cognitionem veniat. Æ-
quum eſt enim, detrectatores ejusmodi in
ſua inſcitia ac cæcitate permanere, ſuesq; ac
porcos ab unionibus iſtis proculcandis arce-
re, ne dum admittere.

Solvatur igitur ſal marinus, ſiltretur & coa- Preparatio,
guletur ex arte, cū proprio & naturali menſtruo,
idq; toties, dum ſummā puriſicationē ac claritatē
acquirat. Hujus ſic emundati & clarificati ſalis
lb. vj. adjice diſſolventis vitriolati & mellis ſui ex
vegetabili, & animali parati, quod ſufficit ad
majorē fermentationē ac corroborationē, ut facta
digestione cõveniente, quā præiſſe oportet, uſum
vehiculi præbeat, ad commodius ſpiritus aqueos,
ſulphureos ac vitriolatos, dulces, acidoſq; qui fir-
miſſimè ſali illi reconditi inhaerent, extrahendos.
Quod in pixide Wallemburgica, vel quavis
alia, quæ ignē ſuſtineat, quales ſunt retorte Bello-
vacen-

vacenses, ex quibus Lutetia aqua fortes exprimuntur, præstandum est.

In hoc versatur rei cardo, ut gradatim ignis admoveatur: in quam rem sedulo artificii & in hujusmodi opere exercitato incumbendum est. Necnō & fornax reverberatoria Athanoris requiritur, in qua opus ex norma & mensura dirigatur. Oportet enim vas incandescat purpureo, nō claro colore, ne videlicet sal fluat: cuius fluxus spiritus retineat, ne copiosius & opportune, ut decet, extillent. In eo autem adequato igne cornutam aut retortam immorari necesse est ad octo dies, quo tempore semper recipienti invigilandū erit, quod usq; adeo, & spissum & capax firmissimog; luto obvolutum esse oportet, ne quid usquā expiret: quod & turbidum & spiritibus vaporosis ac albis oppletum animadvertetur, in quibus

*Primū Ens
metallorū.*

*Terra folia-
ta.*

virtus & primum ens metallorum resolutum est in aquam acidissimam. Post spiritus exhaustos, tandem ad collum & summitatem recipientis, sub finem destillationis sublimabitur, aut attolletur terra, que foliata dicitur, instar nivis albiissima, que ei collo adhaerebit, qui mercurius aut sulphur Philosophorum nuncupatur, quam utramq; appellationem merito & jure suo obtinet.

His itaq; peractis & refrigeratis omnibus vasculis, ut probē omnia conquiescant, loriceis suis vasa erunt exuenda, cōjunctaq; per agitationem utraq; essētia salina ac spiritalis seu liquida, in

alera-

alembicum effundentur vitreum, ex qua tria principia summæ spiritualia, simplicissima ac efficacissima seu maxime penetrantia, quæ in ea continentur, separanda erunt, ut seorsim singula seponantur, ut mox dicetur, quæq; deinceps in unum corpus uniantur, quod verè homogeneous est, ac nihil heterogenei retinens, simplicissimum ac penetrantissimum efficacissimumq; futurum est.

Alembicus autem & Recipiens firmissimè loricata in Balneo vaporoso collocentur. suo quodq; loco, ac lentissimo calore insipidũ phlegma, aquæ tantum inutilis sapore referens, separetur. Quo separato ad justam satis quantitatem, idq; lentissimo igne, ut dictũ, alembicus frigori exponatur, Crystalli
dulces salis. ubi pellucidissimi lapilli crystallini gustuiq; dulces formabuntur: quibus semotis ac seorsim sepositis, redditoq; denuò Balneo dulci alembico, ut rursus ad lentum calorem insipidum phlegma sejungatur, si rursus alembicus frigori exponatur, concrecent iterum glaciales globuli, iidemq; per dulces. Quæ quidem operatio toties repetenda est, dum nulli amplius lapilli emergant, & quicquid residui extillabit, nõ amplius phlegma insipidum, sed aciditatis vitriolate, quæ mordicationem summam lingue inferat, instar acerrimi spiritus vitrioli, gustum inducat. Tunc verò ab operatione desistendum, & in fundo alembici querendum verum salis oleum vitriolatum acidumq;

Menstruum
Solis.

Simile.

acidumq; à quo omne insipidum phlegma & inutile extractum fuerit. Crystallini vero lapilli, et si sapore dulces deprehendantur, admiranda tamen sunt virtutis, ut qui soli seorsim vel cum oleo suo ad idoneam quantitatem permixti, sint, verum Solis terrestris menstruum ac dissolvens, ejus proprietates ac virtutes vitales vegetantesq; locupletans ac exacuens, quemadmodum celestis Sol in Arietis signo domicilium figens, ubi Marti sedes gratissima est, exultat, & prepotentes vires, in rerum mundanarum renascentia exerit, spiritus rerum in penetralibus terre veluti sopitos calore suo virtuteq; excitans, ut ad superficiem terre attollantur & individua sua, sensim radicibus corporeis, corticibus & caudicibus, illius viribus assumptis, virore, floribus, verno tempore tandem ornata procreent. Quos quidem Solis celestis effectus balsamicus terre liquor, quale ex salibus erui diximus, quodammodo imitari potest. Siquidem nihil natura progenuit, quod idem ars imitatione non effingat: & que potest Sol celestis naturali proprietate prestare, eadem & Sol artificialis, chymica industria paratus, & ex rebus terrenis assumptus, exercere quodammodo valeat. Quod enim est inferius, idem est ac quod superius. Liqueor igitur iste balsamicus, ex sale eductus, hoc ipsum potest, si ad debitam quantitatem aqua aut passivi liquoris,

ris, qui ubiq; copiosus occurrit, commisceatur. Ista enim sic diluuntur ac contemperantur inter se idonee mixta, ut hac mixtione, rosa, viola, aliæque flores, vel emarcidi ac siccæ, quicq; omni odore vitaliq; virtute, vel longo ante tempore exstiti fuerint, persusi, ac imbuti, pristinum virorem, & vitales alias dotes recipiant, ac in colorem genuinum ac magis etiam floridum, quo vel dissolvens ipsam etiam tingetur, redintegrentur, ut nec Majus, ex naturali & verno Sole, tot tamq; elegantium florū sit feracior, quam hyems ex artificiali nostro Sole, ad radices herbarum effuso, fecunda eniteat.

Rosa, viola,
&c. emarcid-
arum veri-
ficatio arti-
ficialis.

Hoc igitur modo, qui supra dictus est, si dulcedo illa crystallina salis, cum oleo aut acritate vitriolica propria, debita proportionē conjugatur, Solq; in eo philosophice solutus, & in quintamibi essentiam reductus, omni sanguine rubicundiorē (quem colorem ex coctione aut digestionē proprioq; calore sibi comparat.) adjiciatur; Hinc universalis medicina nascetur admiranda virtutis, quæ vel lepram ipsam tūc universalem, tūc particularem totius corporis, Epilepsias, & id genus indomitos affectus, unius aut alterius tantum grani dosi, expugnare valeat.

Medicina
Universalis.

Accepimus à docto quodā Medico, Francisco Rentzio, Pomerano, elegantiarum istarum chymicarum perquam studioso, arcanorumq;

rumq; naturæ indagatore solertissimo, dicente, quodd Joannes Montanus Strigius, antiquus & magni nominis Medicus, ac singularis raræq; in utraque medicina eruditionis (quem in magno pretio habebat, cuiusq; in Catalogo primorū Hermeticorum alibi meminimus) cum salis dulcibus istis crySTALLIS, statim ubi variis solutionibus & coagulationibus concrevissent, oleū ex illis rubicundissimum resolveret, quod in proprio vase, Solem in liquorem reduceret, unde præstantissima medicina oriretur, coctione omnium colorum discrimina experta; cujus ad granum unum aut alterum pro dosi admiranda auxilia adversus superiores morbos præberentur.

Multi vulgares Medici, qui externam tantum rerum anatomiam rimantur, nec interiora illorum viscera penitiùs introspiciunt, quiq; bona ex parte, de rebus ex linguæ & palati gustu judicant, atque ex eo qualitates suas derivant, sibi nequaquam persuadeant, in sale usq; adeò sapore acri & salso, hinc quidem tantam inesse dulcedinem, totq; & tam suspiciendis effectis præditam. Illinc verò liquorem educi vitriolicum, eumq; acerrimū, qui tam variis etiam, & potentibus effectis, rerum videlicet omnium solutionibus & coagulationibus elaborandis congruat, prout
abundè

abundè in tractatulo nostro de signaturis rerum internis docuimus: quod hic repetere supervacaneum sit, nisi ut seriò mentibus nostris inculcetur, in hoc vitali principio rerum, quarum mare locuples & fecunda est minera, immensum arcanorum & mirabilium virtutum pelagus delitescere.

CAPUT XXX.

De interna Vitrioli signatura, variisq; ejus ad varia morborum genera proprietatibus.

Apræfidiis illis, quæ Hermetici ex tale communi eruunt, progrediendum est nobis ad ea, quæ ex vitriolo privatim extrahuntur: quod quidem genus est salis, inter alia naturalia, non infimè corporeum, ut constare potest ex eo, quod nobis semper Martis & Veneris, hoc est, ferri & cupri speciem videndam exhibeat, quæ vel omnium chymicorum minimus novit ex vitriolo extrahere, nec nõ per vitriolum ipsum intra paucas horas Martem in Venerem convertere. Unde Poëtæ Philosophi ansam arripuerunt, de amoribus Martis & Veneris dicendi ac scribendi, quorum proles Cupido, Deus amorum (hoc est, magnus ille consensus & sympathia, studiumque res omnes inter se colligans, ac

*Sympathia
Martis &
Veneris à
Poëtis descripta.*

summo effectu devinciens) esse fingitur, genuinusq; Veneris filius, quā fingunt ex spuma maris enatam, unde ab iisdem Poëtis ἀφροδίτη & ἀφροσύνη dicta sit, eamq; omnium generationum, totiusq; naturæ parentem eleganter ac verè dixerunt, si internum illorum sensum capiamus. Sic enim figmentis arcana sua mystica involvunt & obtegunt, ut solis sublimibus ingeniis, nō idiotis pateant. Sed mysteriorum istorum, aliorumq; arcanorum accuratiorem inquisitionem, in libro nostro de recondita rerum natura persequemur, contenti hoc tantum impræsentia addere, vitriolum extrinsecus viride, interiorem tamen rubedinem continere; ac, præ omnibus aliis salibus, acetū terrestre possidere, quod omniū rerum terrestrium fermentationem, cum aqua mixtum (qualem fermentū farinæ aqua dilutæ exhibet) inducat. Ejusmodi enim putrefactione & maceratione utriusq; inter se juncti elementi, acetum istud naturæ intrinsecus spiritu suo fermentante, attollit & excitat pastam illam naturæ, unde transmutationes, productiones cōsuetæ & individua quæque procreantur. Ac primo loco ex ejusmodi fermentatione omnis mineralis substantia ortū habet, ex cujus spiritibus tinguntur postea vegetabilia, quorum essentia animalia deinceps pascuntur & foventur, ut alibi diximus, etfi

*Signatura
vitrioli.*

*Fermentatio
natura.*

*Vegetabilium
tinctura-
rum origo.*

et si obscurius. Hujus enim rei lucem clariorem in librum illum nostrum de Recondita rerum natuta differimus, ex qua studiosus lector magnum fructum ac voluptatem sit reportaturus.

De vitriolo autē quid sentiat Galen. libro suo de simplicibus, & quid de ejus transmutatoria virtute scribat, licebit ex ipso Galeno audire, quū refert, se ex mineris Cypri, terreū quendā carbonem, Misy vocatū, attulisse, quē in angulo quodā musæi repositū, successu temporis, in sory conversū fuisse, deinceps in chalcitidem, hoc est, vitriolū, ac tandem in chalcanthū, quod idē est ac venus seu cuprū.

Multa autem habentur vitriolorū genera. Quod ex Anglia & inferiore Germano advehitur, cærulei coloris, non usquequaq; laudabile est. Ungaricū verò inter præstantiora ac meliora habetur. Ut autem bonitatis fiat periculum, admoveatur aut affricetur cultro: si suo tactu, cultrum rubro colore, hoc est, cupreo inficiat, laudatissimum ac optimum habebitur. Cōstat enim in occultis suis visceribus Venerē inclusam continere, cujus contactū Mars statim amplectitur, usq; adeò magna est inter utrumq; metallū sympathia ac consensus. Inter optima Romanū quoq; vitriolū cēsetur, si syncerū, nec adulteratum ad nos afferretur. Quod enim advehitur, vitriolica sua

Gal. sententia de vitriolo.

Vitrioli multa species.

Examen vitrioli.

ochra, quæ semen auri in se conclusum habet, sæpenumerò spoliatum est. Alioqui syncerum magno pretio venditur, ut quod non nisi coronato pondo proftet. Sed omnium præstantissimum est Cyprium saphyrini coloris, quæ lunaris est tinctura in internis Lunæ partibus. Quæ quidem Luna perfectionem Solis, seu auri, cominus æmulatur, quo fit, ut ejusmodi vitriolum majorem cum auro consensum ac societatem habeat. Hinc fit, ut etiam veri Philosophi ex Cyprio vitriolo, saphyrini coloris, menstruum aut dissolvens utriusque Luminaris majoris, hoc est, auri & argenti norint extrahere: quod ex aliis vitrioli generibus, citra additionem, fieri nequit. Cyprium enim vitriolum magnâ Solis quantitatem in se continet, quod ejus, supra alia, pretium auget, ut non nisi tribus aut quatuor aureis nummis singulæ libræ divendantur.

*Ex vitriolo
remedia.*

Ex vitriolo autem multa variaq; , eaque egregia remedia proliciuntur. Cum enim naturæ metallicæ prima materia, & tanquâ Ens primum habeatur & sit: nō dubium est, quin ejus spiritus, nondum mole corporis solida crassaque metall. obruti: sed corporei adhuc spiritus, aut corporis spiritualis naturam retinentes, viva activaq; efficacia ac qualitate, hoc est, immensa ac inexplicabili virtute (ut qui à simplicitate & puritate elementari mi-
nera-

neraliq; minùs recedant) præditi ac instructi sint: utpote in quo vitriolo omnes omnium metallorū spiritus, vires ac proprietates potentia, tanquam in sua origine, delitescant & contineantur: ac in primis vitriolati seu veneri spiritus, ut & Martiales, Lunares, Solares, que: qui cum eo tanto cōsensu ac congruentia junguntur, ut in ipsum vel magna etiam copia, sese transfundant, & ab eo eliciantur. Unde fit, ut non tantum qui à vitriolo extrahuntur spiritus, solius cerebri affectibus tanquam Lunares, conducant: sed cordis etiam, renum, partiumque generationi dicatarum, martialibus quoque ac venereis morbis, tanquam veneri ac martiales opitulentur ac remedium adferant. Sed hanc astronomicam ac chymicam sympathiam, alibi, in nostro de Recondita rerum natura libro, fusiùs juvante Deo sumus explicaturi: hinc satis sit, eam tantum obiter delibasse: ut quantis virtutibus vitriolum polleat, & quam variis usibus sit aptum ac idoneum, non minùs quàm aque metallicæ vitriolatæ, ad quas invicti morbi ac deplorati ablegantur, elucescat.

Si autem quæritur ratio, cur ejusmodi vitriolum, aut quæ ab eo educuntur remedia, quatenus Lunarem, Martialem ac vitriolicam naturam possident, propria ac specifica sunt cerebri ac renum ægritudinibus? responde-

Vitriolum, est sedes & habitaculum omnium spirituum metallicorum.

Bona & proprietates spirituum vitrioli.

Causa istarum specificarum vitrioli virtutum.

bimus, perinde rem in illis se habere, ac in
 salyia, betonica, quæ cerebro congruunt: in
 floribus buglossi, borraginis, aliisque, qui cor-
 diales habentur: in eupatorio, quod jecori di-
 catum est à natura, & scolopendrio aut ce-
 therach spleni ejusque affectibus destinato: in-
 finitisque aliis simplicibus, quorum occultæ
 sunt adhuc virtutes, ut quæ ex qualitatibus e-
 lementaribus, calidis aut frigidis non pen-
 deant, sed sola experientia nitantur.

Sed cum hoc silere sit potius, quam respo-
 dere: dilucidiores rationes annectemus, qui-
 bus demonstretur, quàm verum, proprium ac
 genuinum, specificumque epileptiarum ac apo-
 plexiarum remedium sit, spiritus ex vitriolo
 abstractus, singulari sua proprietate id genus
 morbis facile reluctans ac abigens.

*Summa spi-
 ritus vitrio-
 li subtilitas.*

Ac primo quidem loco, hoc ex ejus summa
 subtilitate, ac, ut ita loquar, spiritualitate pro-
 ficisci certum est, cujus prompta virtus uno
 momento fertur in cerebrum ac in cor, quæ in
 hoc morbo præcipuè laborant & premuntur.
 Ut enim videmus eum, qui deliquitum animi
 patitur, & syncope prosternitur, facile vini
 spiritu aut aqua vitæ ori infusa, vel labiis ac
 naribus admota, nec non aceti odore vitrioli-
 cæ naturæ, quod statim cor feriant, longè ma-
 gis recreari, ac promptius erigi, quàm si qua-
 vis gelatina, aut delicatissimo ac maxime nu-
 tritio-

tritionis restaurante, ac cōsummato cibetur: quod hæc spiritali virtute careant penetrāte, & spiritibus nostris, solis vitæ nostræ authoribus, analoga ac communicabili: quæ vini & aceti spiritui usq; adeò subtilis & penetrans inhæret, ut vel solo odore suo vitriolico, consopitos etiam spiritus nostros ac sensus excitet & redintegret.

Hinc inferre licet, quanta sit, ut ita loquar, spiritalitas ac subtilitas, virtusq; attenuans, penetrans, & instaurans, spiritus vitrioli, qui ita insigniter, prompteq; cerebrum ferit, ut solo ejus odoratu sternutatio confestim excitetur.

Præter ejusmodi tenuitatem ac spiritalitatem essentia, qua sese facile cum malignis, melancholicis ac vitriolatis vaporibus, quibus jam antea præcipuas horum morborum causas arrogavimus: varios alios effectus exerit spiritus iste vitriolicus, ut abundè ac apertè demonstravimus alibi: utpote nimirū, qui, cum sit magnum ac validum coagulans, facile fumos, vapores & spirituosos halitus, ac malignos, qui ex inferioribus partibus ad superiores feruntur, coagulare potest, virtute ista, qua præditus est, coagulandi, ut sic eorum effectus, ac fructus, quos in summa sua exaltatione producant, interpellentur.

Satis superq; alibi demonstravimus, quod

De sign. rerum intern.

Facultas coagulativa

spiritus vitrioli.

fit inter omnium rerum spiritus, cum materia sua corporea ac terrestri concretos coagulatosvé, ac eos, qui hujusmodi vinculis corporeis, vel naturæ beneficio, vel artis industria, soluti sunt, discrimen, ut ista hic repetere non sit opus.

*Ejusdem vis
dissolvendi.*

Veruntamen si causa efficiens horum morborum crassa, materialis ac obstruens fuerit, (ut propè omnes Dogmatici sentiunt.) hic idem spiritus contrarias partes sustinet, ut scilicet crassa illa dissolvat, extenuet, ac liquefaciat, ut sic quoque naturam adjuvet, quo facilius ea extrudat ac dissipet.

*Vis quædam
magnetica
in vitriolo
latet ad Epilepsiam.*

Addam tamen & aliam rationem, ea conditione ac lege, ne censores mei, quos apiricos profus habeo, non verè Dogmaticos aut Hippocratis affeclas (ex quorum numero me esse profiteor) effuso gutture rideant, & hiantes gutture cachinnos suos in me protervè exhalent & eructent: ea nempe est magnetica quædam virtus, in acido spiritu delitescens metallico, qui ad energiam aut activitatem simplicitatemq; elementaris naturæ propius accedens, sua ea virtute magnetica, vim habet attrahendi, domandi, evincendiq; acidos illos melancholicos ac vitriolicos animalis spiritus, quos supra horum morborum diximus esse authores ac artifices. Nec absurdum fuerit refricare, hanc esse rationem, qua
magnus

magnus ille Dictator Hippocrates scripserit loco jam citato: *Melancholici comitiales facile sunt, & comitiales melancholici*, eò quòd magna sit causarum analogia & consensus utriusq; morbi, melancholici nempe & comitialis. Quin & in hunc finem satis dilucidè alibi demonstravi, veræ melancholiæ atræ qualitates ascriptas longè meliùs convenire, si vitriolici humoris appellatione insigniantur, ut suis rationibus omnia comprobavimus.

De sign. rer. inter.

Magnetica autem illa virtus, quam appello, longiùs diffunditur, quàm quæ in Magnete vulgari & ferro attractio est. Hac attrahente virtute, Arsenicum summum venenum, multis è corpore attrahendis venenis idonea aptaq; fit medicina: aut præparatum ab eo oleum, si extrinsecus etiam inducatur, summo usui ac præsentissimo remedio est, curandis nempe cancribus, & arsenicalibus ulceribus omnibus. Hujusce dicti etiã nostri apertè veritatẽ indicant, serpentum axungia adversus suos morsus, oleum Scorpionis adversus suos ictus, & mel cõtra apum infixos aculeos, ac sexcenta alia id genus exempla arguunt ac confirmant. Sed fusio rem harum rerum tractationem, in librum nostrum de Recondita rerum natura rejicimus, ubi non vulgaria & trivialia quæq; centies repetita, ab irrisoribus & censoribus audientur: qualia solent in suis

Talis magnetica vis in aliis quibusdam natura in divinis quoque cernitur.

scriptis ejusmodi homines rapsodica confarcinare: sed seria & gravia quæq; : quæ modestis & candidis ingeniis, pacatisq; animis, admirationi, pro rei argumento futura sunt.

At singulares dotes, quas quidā ex Medicinæ spagyricæ coryphæis vitriolo arrogat, audiamus: nec non varias ejus præparationes ac exquisita remedia, quæ ex illo eruit, & eruenda docet, videamus: quæ ad varias curationū indicationes, nec nō ad profligationem non tantum morborum istorum quatuor, de quibus agimus, at aliorum etiam gravissimorum deploratorumq; , quibus humanum corpus prosternitur, restitutionem respiciunt: ita ut in uno hoc metallico individuo appositè ac exquisitè apparato, & in internas vitalesque partes omnes, dextrè dissecto, integrā Pharmacopæi officinam comperire liceat.

Sive enim præparandi sint omnibus modis humores, sive quæ crassa & tartarea sunt, attenuanda sint: tenuia increassanda; impura expurganda: supervacanea per urinas, sudores, alvi excretionē, vomitum, vacuanda: sive obstructa, penetranda ac referanda sint: sive fuerit omnibus modis naturalis calor instaurandus; in hoc eodem vitriolo auxilia rimari liceat; quin & idem ipsum verum omnis generis doloribus sedandis opportunum anodynum deprehenditur, omniumq; venenorum ac

exi-

Omnis generis remedia ex vitriolo educuntur.

exitialiū humorum alexipharmacū, nec non omnium inflammationū ardorumq; febriliū extinctor ac moderator fit. De eo ipso hæc sunt verba Paracelsi, tom. 2. pag. 72. *Vitriolum* (inquit) in se continet laxativum summū, quod omnes corporis partes penetrat, easq; mundificat: Secundo continet constrictivum: Tertiò si ipsius frondes præparentur, tunc in caduco est arcanum: Quarto si flores ipsius separentur, tum summum est penetrativum: Deniq; si fructus decerpantur, summum caloris nativi instaurativum fuerit. *Vitriolum* enim habet vim renovandi & instaurandi, tom. 6. pag. 308.

Et eodem tomo pag. 77. *Vitriolum*, inquit, est purgativum specificum, ad omnes humores præter naturales. Preparatio illius remedii ibidem describitur.

Alibi: *Aër vitrioli*, inquit, aut ex sicca exhalatione, aut decoctione paratus, subtilissimam vitrioli essentiam in se continet, & in cerebro, pulmonibus & ventriculo easdem, quas sal, virtutes perficit: præterea alia arcana in se habet, videlicet ad icterum, abundantiam bilis, dejectam appetentiam, nimiam obesitatem, ad calculum. Item purgat pulmones, curat pleuresin, caducum, arthritidem, spasmus, &c.

Et alibi: *Vitrioli virtutes*, inquit, intra corpus & extra illud apparentes sunt præstantissime. Intra corpus curat icterum, calculum, febres, ver-

mes, caducum, obstructions alvi. Extra corpus curat scabiem fixam, lepram, &c. Sed hec omnia non nisi preparatum præstat, crudum enim nihil prodest.

Si quis varia remedia, quæ ex eo Paracelsus in omnes febres intermittentes, quartanas, tertianas & quotidianas elicit, videre cupiet, nec non, ut ea cum sale absynthii cõmiscet, consulat tomo 3. pag. 329. ejusq; in omnis generis pestes, igneas, aëreas, aqueas & terrestres, usum videat eodem tomo, pag. 82. 84. 85.

Atque quàm aptè phthisi ac verminationi congruat, legat ejusdem tomi pag. 360. & pag. 387.

Quantum adversus omnis generis manias conferat idem vitriolum, legat tom. 4. pag. 91. 100. 104. 109. 110. Quod ipsum, ut sit omnium tartarearum ægritudinum, calculi nempe, arthritidis, & id genus aliarum auxilium, junctum etiam cum sale aut spiritu tartari (unde fit vitrioli magisterium) consulat tomi 5. pag. 226.

*Magister,
vitrioli.*

Ecquid deniq; nõ amplius præstat vitriolum? En & ex eo ipso præstans elicitur remedium, adversus oculorum dolores & affectus, suffusiones, ungues, maculas, & id genus alia: quorum remediorum formulas ac compositiones

positiones elegantissimas qui nosse cupiet, discat ex tomī 6. pag. 236. 237. 238.

Quæ quidem remedia quàm sint ab antiquorum formulis ac præparationibus aliena, quibus nec vis, nec anatomia ipsius vitrioli intrinseca, externis tantum coloribus & materiæ elementari affixis, cognita fuit, ex superioribus locis à nobis citatis, satis superq; liquebit: nec non ex ipsorum veterum usu. Nō aliter enim Actuar. lib. 2. method. med. cap. 5. calchantō utebatur, quàm adusto & postea loto in oculorum affectibus. Celsus quoque lib. 5. de re medica cap. 10. non aliter vitriolo utebatur ad sanguinē supprimendū, quàm crassa ejus in formam topicam materia administrata.

*Vsus vitrioli
secundum
veteres.*

Galenus 9. simpl. postquam calchantum fortè fortuna in calchitim transire conspexisset, ipsumq; medicamentū ex Cipro magna copia asportari scripsisset, hæc addidit: *Ceterum mirari subit de hoc medicamento, quod pacto vehementissima astrictioni admixta est caliditas non ignava. Constat ergo (addit) quòd omnium maxime condire servareq; carnes humidas potest, nimirum caliditate humiditatem absumens, atq; astrictione substantiam contrahens ac constipans.*

Eadem scripserunt, cum Galeno, Paulus Aegineta lib. 6. de re medica, & Oribas. med. collect.

collect. lib. 15. ut hinc videre liceat, quàm gravi Coryphæus ille Dogmaticorum admiratione fuerit raptus, dum in vitriolo tantam astrictionem, cum tanta caliditate, animadverteret.

Sed quid mirum, cum ille, cum multis aliis suis sectatoribus, externis tantum elementis attentus, vivæq; rerum anatomiae ignarus, & interiores medullas parum scrutatus, quantæ fuerint vitrioli virtutes, planè ignoraverit, ejusque administrationem, non magis quàm antimonii (de quo mox dicturi sumus) caluerit?

Vix enim veteres vitrioli usum agnoverunt, quàm in topicum & externum medicamentum applicatione, unde emplastrum concinnarunt, quod ex ejus nomine diacalchantum nuncuparunt, ineptè à Pharmacopæis diacalchiteos nomine insignitum, quibus ignotum est, quod statuit Gal. discrimen inter calchitidem & vitriolum aut calchantum: quod tanquam basis est ipsius emplastri.

Dioscorides ipsum etiam crudum, ac citra ullam aliam præparationem præscribit, non tantum externis morbis inducendum, at intrinsecus etiam ad drachmæ pondus ex melle dilutum, ut eo ascarides enecentur, nec non etiam ad vomitum iis concitandum, qui fungis pasti sunt venenatis.

Doctus ac sedulus ejus Interpres Matthi-
lus oleum etiam ipsum vitrioli potu exhibi-
tum probat ac commendat, tanquam singu-
lare calculi & asthmatis remedium, si con-
gruis aquis mixtum exhibeatur.

At Paracelsus verorū Medicorū chymi-
corū opinionē secutus, isq; præ aliis omni-
bus coævis ac æqualibus, in interna rerū me-
tallicarū anatomia versatus, longiùs progre-
ditur, ac infinitos hujusde vitrioli apparatus
ac remedia docet, idq; trium principiorū se-
paratione, mercurii nempe, aut spiritus, à suo
oleo vel sulphure & sale, quæ vel separatim
vel in triade conjunctim unitatē constituen-
te administrantur, quorum trium principio-
rum varios effectus ac diversos usus indicat,
singula singulis morbis ex natura sua & pro-
prietate adaptans, salem videlicet & oleum
crassiora, ad mundificandum, expurgandum,
vacuandum ac expediendum ventriculum, a-
liāq; nutritioni inservientia viscera, ægritu-
dinibus tartareis à crassiori materia genitis:
Spiritus verò morbis astralibus, ut apople-
xiis, epilepsiis, de quibus nunc agimus, ac-
commodans ac administrans. Sic enim ille
tom. 4. pag. 362. 363. *Summum arcanū*, inquit,
pro caduco est in vitriolo, non in oleo, sed volati-
litate, id est, spiritu vitrioli: ideo volatilitas non
est rejicienda: sed cum oleo tertio aut quarto igne
fortif-

*Tria vitrio-
li principia.*

fortissimo destillanda, pellicananda aut retor-
tanda. Tum enim oleum acquirit naturam vo-
latilem. Sola namq; volatilia astris imperant.

Nec non alibi dicit: Quicquid caducum
debet curare, oportet ut sit penetrativum, & to-
tum corpus permeet, centrumq; morbi inquirat.
Verum cum oleum ex colchotare destillatum
naturam habeat terrestrem, & ultra eam regio-
nem, cui exhibetur, non egrediatur. Hinc eo mi-
nus cura caduci ab eo perficitur.

In eo igitur spiritu solo vitrioli, ad epile-
psias curandas, eliciendo, magna cautione &
industria opus est, cui appendices congruæ, ac
domando tanto malo specificæ adjiciantur.

Idem Paracelsus antiquorum methodo, in
solo vitrioli phlegmate destillatione ad sic-
citatem usq; proliciendo, posita nō contentus,
ulterius progrediebatur, colchotare nempe
rubeo reddendo suum phlegma, idq; toties
cohobando, hoc est, novies aut decies reaf-
fundendo ac destillando, dum spiritus omnes
humidi & sicci segregarentur ab ipso colcho-
tare, unde longè potentius ac efficacius red-
debatur remedium.

Is igitur, ut subtiliùs vitriolum attenuaret
Cyprium, ex Ungaria asportatum, vel Roma-
num (quo potius, quàm alio, semper uteba-
tur) in opus præstantissimum, primùm phle-
gma destillatione educebat, ipsumq; toties
capiti

capiti mortuo reddebat, dum eo colchorat penè prorsus imbueretur: quibus peractis, optimum vini spiritum accipiebat, quem cum colchorare, phlegmate suo ac spiritu imbuto, commiscebat: commixtis & ad digestionem ac concoctionem unum aut alterum diem, vasiq; vitreo lutato, ut dicunt, & firmissimè loricato, repositis, destillabat omnia in recipiens, nudo & simplici igne gradatim adaucto, dum spiritus omnes & humidi & sicci destillatione expirarent, & in liquorem resolverentur. Deinde hunc liquorem in B. M. putrefaciebat ac digerebat, ut à spiritibus fœx seu sedimentum quoddam segregaretur. Postea theriacalis aquæ camphoratæ quartâ parte adjunctâ, denuò omnia bis aut ter extillabat: unde antepilepticum remedium admirandæ potestatis & effectus creabatur, si durante paroxysmo, ad ægrum excitandum, exhiberetur, & in morbi præcautionem continuè, ac per idoneum temporis intervallum scrupuli semis dosi cum liquore aliquo congruo administraretur.

Aliquando eidem vittiolii spiritui auri foliâ adjiciebat (quæ in eo solvi solent, si optimè paratus sit) ex quibus spiritum suum vitriolatum correctum & aurificatum concinnabat, qui utique eidem morbo congruentissimus est, ut ipse testatur tom. 4. pag. 162.

Quinetiam interdum huic spiritui addebat visci querni essentiam & extractum pæonia, salis cranii humani & similium, omnibus cum vini spiritu, & fecalitii panis biscocto mixtis, destillatis, riteq; cohobatis: cujus remedii commodè & magno fructu scrupulus exhibetur ex aqua idonea, lilii convallii, florum tilia, & id genus aliorum.

Idem præterea Paracelsus tom. 3. pag. 374. elegantem aliam compositionem epileptico morbo aptissimam, cujus basis vitriolum est, describit in hunc modum:

*Antepilepti-
cum Para-
celsi.*

R. vitrioli Romani vel Ungarici lb. xv. liquoris pæonia, camphora, rasura eboris, spodii ana ʒ ss. destilla per retortam in colchotar. R. hujus liquoris lb. iij. alcool vini correcti, aquarum mellisse, valerianæ, ana lb. ss. colchotaris lb. j. reduc denuò per retortam. R. hujus liquoris lb. j. colchotaris recentis lb. ij. destilla demum per cornutam totam diem & noctem, & exibat phlegma, liquor & oleum: postea in Bal. M. separabitur phlegma, & per cineres liquor, seu mercurialis spiritus: per arenam verò, fortiori igne, oleum extrahetur. Phlegmatis dosis infantibus est ʒj. ante paroxysmum. Liquoris in adultis est ʒj. iis qui quadragesimum annum superant, dantur olei gr. aut gutte iij. cum aqua chelidoniæ, vel majoranæ.

Multas alias easq; excellentissimas hujusmodi,

modi, in eundem finem & à nobis concinnatas, usuq; comprobatas præparationes ac cõpositiones adjungemus: nec non alias, quæ multis etiam aliis celebribus Medicis, mihi amicis, experientia notissimæ fuerunt, quasque illis acceptas fero, epileptiis & tribus aliis affectibus opportunissimas.

Neq; enim hîc agitur, nec fert tempus, ut de infinitis aliis remediis loquamur, quæ ex vitriolo extrahi & parari possunt, quæq; multis aliis morbis, tùm internis, tùm externis congruentissima, ut ea, quæ maniis & melancholiis omnis generis, asthmati, phthisi, imbecillitati & doloribus stomachi, ictëris, scirrhis lienis & hepatis, calculis comminuendis, & id genus aliis maximè salutaria sunt: quorum descriptionem in Antidotarium nostrum spagyricum rejicimus, quod Reipub. medicæ propediem daturi sumus, favente Deo.

In eo varias etiam tincturas docebimus, quæ per vitriolum, ex floribus, seminibus & radicibus vegetabilium omnium extrahuntur ad præparationes, immutationes, quas alterationes vocant, & correctiones intemperierum omnis generis, cõferentes: ex quibus ad multos alios variosq; morbos etiam specifica remedia ob vitriolum promanant.

Ibidem quoque varia purgantium genera per alvum, vomitum, urinas & sudores aperimus.

riemus. Quin & partibus nobilibus recreandis, ac corroborandis conferentia remedia, veraq; dolorum omnium anodyna, quæ ex ejus sulphure vitriolato educuntur, indicabimus: ex eo denique individuo metallico tot tamq; varia medicamenta, nō secus nec parcius, quàm in Antimonio, de quo posthac agemus, demonstraturi sumus, quæ officinæ Pharmacopæi plenè instruendæ & complendæ, ut diximus, satis esse possint, unde longè præstantiora, potentiora ac perfectiora remedia vulgaribus depromantur.

Objectio.

At si quis ex Censoribus nostris, planè secretorum hujusmodi ignaris, excipiat; in hujusmodi mineralibus venena delitescere: quæ à Galenō aliisq; lethalia ac exitialia indicantur:

Resp.

respondebimus, si Galeni scripta legantur, quæ nono de simplicibus medicamentis metallicis libro habentur: ac imprimis quæ de hydrargyro ab illo dicuntur: videri illum parum in re minerali aut metallica versatum, de qua tamen, ne quid ignorasse videretur, (et si in hydrargyro ignorantiam suam profiteatur) scripsit: nec non addemus istiusmodi censoribus in responsionem, quæ doctus ille in Dioscoridē Commentator cap. 59. de Antimonio lib. 5. in aliquos suæ ætatis Medicos, ejusdem cum nostris Aristarchis farinæ homines scripsit. Ubi enim is admirandas aliquot

quot curationes ac effectus vitri antimonii, cujus tunc temporis solius cognitionem habebat, descripsisset, virtutumq; historias aliquas recensuisset, tandem post admirandam medicamenti celebrationem addit hæc verba: *Idcirco satis mirari non possum quorundam Medicorum sententiam, qui antimonium lethale venenum esse autumant. Cum enim medicinam profiteantur, nonne satis norunt, nullum dari electione purgans medicamentum, quo & antiqui & neoterici utuntur in purgationibus, quod suo careat veneno? En utrumque helleborum, omnes tithymali species, pityusam, elateriū, colocynthidem, euphorbium, thapsiam, scammonium, thymeleam, & inter mineralia lapidem Lazuli, lapidem Armenium: aris scoriam (quæ in usum quotidianū usurpabant veteres adversus hydropisim) suis venenatis qualitatibus copulata isthæc omnia, quis negare audeat? Quid de sandaracha (addit) exitialissimo veneno dixerint, quod tamen in pilulas ex melle Asthmaticis prescribit Dioscorides, ut & Avicennas usurpat Arsenicum? Sed de ejusmodi pertinacibus Medicis satis dictum sit (inquit) qui antimonium criminando, longè perniciosiora indies medicamenta usurpant. Antimonii enim usus ritè ac legitime administratus, curationum miracula potius quam secus ostentat. Tandem infert illos & judicio & ratiocinatione sana plurimum*

valere, qui chronicis morbis ac desperatis, sive pituitosis, sive melancholicis, antimonium præscribunt. Manum Dei ipsum vocans.

Eadem cum docto Mathiolo & sentimus & inferimus adversus pervicacissimos nostros & ignarissimos Censores: quibus tamē mox videre licebit, nisi bardis & afinis fuerint stupidiore, nec citra admirationem, non vomitiva illa & laxantia medicamenta, ex solo antimonii vitro proritata: at varia purgantium genera, quæ vel perniciosissimis, corruptissimis, ac venenosissimis humoribus cum electione etiam, citra omnem molestiam, sed quàm lenissimè vacuandis aptissima ac tutissima sunt, ut quæ etiam lenitate ac facilitate vulgaria ac quotidiana laxativa superent.

Quin & ex eodem diversa mundificantia sanguinis, sudorifica, corroborantia ac instaurantia, in pulveres, liquores, olea, extractiones, essentias, tincturas parari conspecturi sunt. Deniq; tanquam alterum Protheum, varias formas & naturas identidem induentem admiraturi sunt: qui pro varietate figurarum, quas in præparatione assumit, varietatem etiam curationum diversorum morborum gravissimorum ac deploratorum exhibet.

Quis igitur ejusmodi ac tam insigne medica-

dicamentum potius non beet ac celebret, quàm deterat: eorumq; memoriam colat, qui primam ejus inventionem ac usum in Remp. medicam invexerunt: nisi stupidissimi nostri Censores, atq; etiam maligni fuerint, qui secus faciant?

Sed revertamur, unde digressi sumus: ac remedia nostri vitrioli, quæ ab istiusmodi ignaris improbantur, pergamus excutere.

Vitrioli usum respuunt, quod ipsius spiritus sit acidissimus, oleum valdè acre, atque idcirco adurens & causticum, ut volunt. Subsistant illi paulisper, dum Antidotarium nostrum spagyricum intueantur, ubi exposituri sumus rationem ac modum, quem & nunc per transennam attingimus, spirituum oleorumq; vitrioli nempè edulcorandorū, ac non minùs suaviter, citra mixtionem sorbendorū, quàm syrupi limonum, aut de aciditate citri quotidie propinantur. Ibi enim docebimus vel sola digestionem (omnia dulcorate & temperante) vel cum proprii phlegmatis, vel spiritus vini additione & circulatione, vel olei tartari admixtione facta (licet acre sit ipsū tartari oleum, & cum acri oleo vitrioli jungatur) hoc ipsum tamen oleum illis admixtionibus atq; digestionibus opportunis, dulcissimum & potabile reddi. Quod etsi Censoribus nostris incredibile est, certà tamen

*Dulcoratio
spiritus vitrioli.*

experientiâ fidem, quotiescunq; libuerit, facere possimus, ut inde vel sapere vel tacere discant.

Atque ut magna illa præcipuaq; remedia, quæ ex vitriolo eliciuntur, patefaciamus, ab ipso spiritu vitrioli viridi exordiemur, quem præ aliis omnibus remediis, specificum esse epilepsiiis opportunū omnes Hermetici censent. Fit autem hoc modo:

Spiritus vitrioli cum suo virore extractio.

Accipe vitrioli optimi, siue Hungarici, siue Romani, quantum voles, ex eo phlegma educito, dum spiritus destillatione egredi incipiant: tum mutetur recipiens, & aliud recens substituatur, in quod spiritus omnes traducantur. Quo peracto, novum accipe vitriolum, ex quo phlegma rursum spiritusq; seorsim prolicito, qui seponantur separatim: tantamq; vitrioli quantitatem, extillato, quæ phlegmatis & spirituum copia, quam desideras, satis esse possit, hoc est, ex utrisq; lb. ij. aut etiam amplius.

In phlegmate macerentur, in B. M. ad quatuor aut quinq; dies, semina hyperici & pæonia, viscus quernus, flores lilii convall. tilie, calendule, rosar. hyperici, & rasura eboris, cornu cervi & cranii humani pro lubita: quorum postea fiat expressio, quæ destilletur. Hac destillatione tres aut quatuor recentis vitrioli Ungarici libras imbuito, quas quater aut quinquies sæcibus reaffundito, singulis vicibus liquorem in B. M.

feruen-

*fervente extillando, ut sic vitrioli corpus melius reseretur: cui tandem spiritum ipsum asseruat-
um adjicies, componendo omnia in matracio sa-
tis capace, tubis vitreis longis instructo, quorum
ultimi extremitas in latum diffundatur, in for-
mam infundibili, cui alembicus adaptetur fir-
missimè junctus, vase in B. M. fervente locato:
sic, si benè opereris, solus spiritus cum virore eli-
cietur, usq; adeò subtilis ac penetrans, ut vini spi-
ritum potentiâ æquet. Cujus etiã solius si gut-
tulæ xv. vel xx. exhibeantur, rutissimum com-
periatum esse epilepsiarum remedium, siue
insultus ipse epilepsiæ fuerit expugnandus,
siue venturus arcendus, eo modo, quo uten-
dum esse docebitur.*

Si phlegmate antepilepticis remediis, ut
suprà, imprægnato (vitrioli Ungarici loco)
vitriolum Veneris imbuatur, ut sit in extre-
ma operatione, tunc præstantius multò ad o-
mnes epilepsias curandas remedium habebi-
tur: quo utendum fuerit per mensem à paro-
xysmo, aut ad morbi ipsius interitum usque.
Hujus dosis erit duodecim aut quindecim
guttarū, cum aliqua theriacali aqua isti mor-
bo congrua ac specifica, aut alia ejusmodi i-
donea.

Atque hîc notandum, si spiritus centrum
ipsum aut minera morbi pertingat, futurum
paroxysmum, si quis adhuc expectetur, lon-

gè mitiorem, ac indies faciliorem accessu-
rum esse: tuncq; temporis, cum vis morbi in-
cipiet minui ac desinere, ad sanitatem inte-
gram pergentis, æger aliquas tantum verti-
gines, sed citra convulsiones lapsumq; expe-
rietur, citra etiam spumæ rejectionem, ac ju-
dicii & mētis privationem: quæ quidem ver-
tigo tandem suavi quodā somno stipata pror-
sus evanescet. Nec tamen intermittenda cu-
ratio est, donec perfecta consequuta sit sani-
tas. At primis curationis initiis, utetur æger
specificis purgationibus ac ea victus ratione,
quæ cōgrua ac opportuna sit, ut à nobis pau-
lò pōst dicetur.

Si Epilepsiæ hystericae occurrant, suffoca-
tionibus matricis stipatae, spiritui vitrioli ad-
denda erit tinctura ex granis actes aut sambu-
ci maturissimis chymicè extracta: in quibus
hystericis affectibus, ut omnia felicius succe-
dant, si res præfertim cum mulieribus ditio-
ribus ac potentioribus nobis sit (vitrioli Ve-
neris loco) usurpandum præcipuè fuerit Jo-
vis vitriolū, cujus vel soli flores, vel sal prom-
ptissimum, tutissimum ac specificum suffoca-
tionum ac hystericarum epilepsiarum auxi-
lium per se est.

Sequitur aliud potens ex vitriolo remediū,
quod tincturā vocamus, nostræq; est descri-
ptionis. *R. si fieri potest, vitrioli cyprii, vel si desit,*

*Tinctura
vitrioli.*

Unga.

Ungarici saltem viridissimi, non cœrulei (quale Germanicum est) quantū voles. Si enim aliud usurpetur vitriolum, vix operatio succedat, quam expectamus. Ex eo in igne cinerū, per alembicū, quicquid phlegmatis & spiritus extrahi poterit, educatur: ac eorū magna quantitas colligatur. Super subsidens autem colchotar in pulverē attritum, affunde istius phlegmatis tantū, quantum quatuor digitorū altitudine superemineat. Aëri frigido, ut resideant, exponantur ad aliquot dies, semel aut bis quotidie commovendo, dum tinctura vitrioli viridi colore impragnetur, qua elegantissimū smaragdi colorē emulatur. Quod certissimē accidet, si optimū vitriolum sumatur. Hunc virore sensim, ne quid turbetur, per inclinationem segregabimus, ac denuò fœcibus recens phlegma affundemus, quod recentē etiā tincturam ac colorē proliciāt. Si phlegma ante plenā ac perfectā tinctura ex colchotare extractionē deficiat, à tincturis prioribus jam extractis, destillatione illud erit separandū ad consistentiā mellitā: quo factō infundo subsident crystalli usq; adeo elegātes & pellucidi, ut smaragdos elegantiā æquēt, qui seorsim asservandi sunt. Phlegma autē illud extillatū fœcib⁹ reaffundetur, ut smaragdino illo virore denuò impragnetur: idq; roties & in hunc modū iterandū, dū nulla amplius extrahi possit viriditas. Ab ejusmodi smaragdino virore phlegma (quod semper asservandū est) per destillationē sepa-

separetur ad mellitam consistentiam, quæ in frigido exposita crystallos exhibebit smaragdinos, qui cum prioribus jungendi erunt & miscendi.

Atq; ut eorum sufficiens quantitas habeatur, xij. aut xv. libra vitrioli erunt initio operis destillanda ex diversis alembicis.

Collectis hujusmodi crystalloꝝ, eorumq; acidissimorum, quatuor aut quinque libris, prestantissimus vini spiritus erit adjungendus, omniaq; in Pellicano Hermetice clauso circulanda, ne quid expiret: deinde ex alembico vitreo, arena immerso, igne per gradus administrato extillabit cum spiritu vini, vitrioli spiritus. At colchotar suo adhuc oleo rubro ac gravi imbutum, in fundo subsidebit. Huic colchotari attrito, & jam cornuta aut retorta optimè loricata imposito, spiritus vitrioli una cum spiritu vini conjunctus affundatur, ignisq; per gradus admoveatur ad quatuor dies, qui tandem eò usq; intendatur, ut una cum predictis spiritibus totum rubicundum oleum ac exquisitissimum extrahatur: à quo vini spiritum per Bal. M. primo, tum proprium suum spiritum per cineres separabis, ut oleum in fundo restet acido-dulce ac suavissimum, sanguinis instar rubicundissimum, admirandarum virium adversus omnes aegritudines, in crassiore materia sedem habentes.

Quod oleum (ut in magisterium reducatur, magnumq; ex eo comparetur epilepticum remedium)

dium) cum suo proprio vitriolato spiritu, qui antea extractus est, conjungendum est, simulq; circulanda in Pellicano omnia ad pluresculos dies, unde remedium dulce ac suavissimum, nec satis unquam laudandum, adversus epilepsias, astralesq; omnes affectus alios, resultet: idq; precipue, si calcinatum philosophicè aurum, & perfecta solutione philosophica resolutum, adjectum fuerit. Dosis una aut altera saltem gutta erit, nec plures, cum aqua idonea. Hæc utique medicina tantæ est virtutis & energiæ, ut non epilepsii tantum: at apoplexiis etiam, paralyfi, vertigini, mania, exstasi, syncope aut deliquiis animi, ventriculi imbecillitati, cachexia, hydro-pisi, calculo & omnibus hystericis affectibus succurrat. Ut autem ex hujusmodi tinctura fiat elixir & lapis, aut universalis medicina ad sanitatem & mundificationem omnium corporum, sequenda est methodus & operandi ratio, quæ jam à me in tractatu meo de Præscorum Philosoph. medic. materia, &c. descripta est, nec non in responsione nostra ad Anonymum censorem, qui quæ minùs callebat, cò audaciùs impugnare & reprehendere ausus est.

Ut igitur extinctura prædicta vitrioli elixir, Elixir vitrioli.
lapidem aut medicinam universalem conficiamus, sequenti methodo utendum erit: Caput illud mortuum, in fundo relictum post separationem spiri-

spiritus & olei, calcinetur in igne reverberiiathanoris, ex quo cum proprio phlegmate sal extrahatur: qui variis ac iteratis solutionibus, filtrationibus ac coagulationibus ad perfectionem depurandus est: huic sali (debita proportione & mensura philosophica observata) adde spiritum vitrioli reservatum, ut supernatet duobus digitis, digere ac destilla, novum spiritum affundendo, ac totum hoc opus reiterando, donec pars volatilis superet partem fixi, possitq; predictus sal, per viam sublimationis, in aquila coelestem exaltari, omni talco & unione pellucidior. Tunc salem hunc armoniacum seu mercurium Philosophorum, justa ac philosophica mensura seu pondere, cum proprio glutine sulphureo imbibe & incera reiterate: hancq; tandem triadem matrimonio junctam in toro furni secreti, veris Philosophis noto, ad tempus idoneum ac praefixū coque, donec unitatis documenta conspiciantur, omnesq; transcurrant colores, supremusq; ac desideratus, purpureus nempe tandem emicet: sic fiet elixir, lapis seu medicina universalis, fluens, summè penetrans ac permanens: veraq; Salamandra fixa, nullis gradibus ignis superabilis, cujus vel granum unum ad curationem deploratissimorum corporis humani morborum sit satis.

Qui per ejusmodi fulmen ac aethereum ignem, solem fulminare, incinerare, philosophice

phicè vereq; calcinare, ac in primam suā substantiam, radicem & elementa (etū corpus sit fixissimum ac compactissimū) revocare & reducere norunt (quę reductio non minore labore & industria, ut volunt Philosophi, quàm ejus generatio perficitur) hac fulminatione & fermentatione admiranda miracula conspecturi sunt, ut qui hac ratione aurum, tanquam mortuū & inane, vitalibus virtutibus, ac efficacissima vegetatione donaturi sint: indeq; majora, quàm fas sit dicere vel scribere, præstare possint.

Hujusmodi reductio (ut scribit alicubi *Putrefactio* Paracellus) fit per putrefactionem, quæ omnia, quę per radices generatur & procreantur, ad ipsas reducit: ita ut quod terra est, tempore certo in terram redeat: aqueum in aquam vertatur, & sic de aliis elementis.

Putrefactio ejusmodi non fit nisi per humiditatem, in qua consistit & operatur, & per calorem ac corrosivum, quod sibi habet proprium, vel alienum. Sic corrosio frangit semen in agro, & ad perfectam putrefactionem deducit, ipsius corpus per omnia penetrans & occupans ac solvens. Quod ut fiat, deducendum erit corrosivum dictum de potentia in actum, idque non nisi per calorem sibi innatum. Sic fimus, qui non est nisi sal excrementorum in stabulis resolutus, terram

*Regenera-
tio.*

terram reddit falfam & calidam, qua falſſedi-
ne, quo calore, ſemina ſolvuntur, frangun-
tur, ac ad putrefactionem deducuntur, quam
ſequitur regeneratio, ac multiplicatio ſpe-
ciei.

Hujusmodi naturæ ſal apertè (ut ex calci-
natione conſtat) in omnibus rebus conſpi-
cuus eſt, cujuſcunque generis : imò in iſſis a-
quis etiam inſipidis, licet occultè, immorans.
At præcipuè in vitriolo, tanquam in primo
ſuo ente, eluceſcit, quod vel ex omnibus me-
tallis elici poteſt, & in quod metalla omnia
reduci poſſunt, ut alibi diximus : atque iſtiuſ-
modi reductionis modum, metallorū nempè
omnium in vitriolum in Antidot. noſtro ſpa-
gyrico docebimus. Hinc fit, ut ex eo (vitriolo
inquam) tot tamq; præſentia remedia eruan-
tur ad varios effectus conferentia. Alia enim
coagulationi ſpirituum, alia corporum ſolu-
tioni inſerviunt, alia aliis operationibus con-
grua. Vitriolum enim Leo ille viridis Riplæi
eſt, cujuſ admirandæ poteſtates ſatis enume-
rari non poſſunt, nec celebrari. Sed Cenſores
noſtri iſta capere non poſſunt, ut qui & auri-
bus & oculis planè privi ſunt : nimisq; ſtupi-
do & bruto ingenio, ut myſteria noſtra, quæ
de vitriolo docemus, capere poſſint : nec illis
idcirco has margaritas offero : at politiori-
bus ingeniis, qui majores ex noſtris ſcriptis
fructus

fructus edituri sint. Mirentur illi tātū cum suo Galeno, qui fieri possit, ut tantus calor, cum tanta adstriptione, conjungatur in vitriolo, cū regulas istorum Doctorum hoc mysterium superet. Acuite ingenia igitur, arguti Censores, & alibi, quā in Galeno (qui eas omisit) tantarum ac tam variarum virtutum causas inquirete, ac tam admirandis præparationibus remediisq; , quæ ex uno vitriolo produximus, ex viva ejus anatomia, invigilate, si sapere vultis, & nugas istas de virtute ejus in condiendis ac conservandis carnibus, idiotis proprias, relinquite.

CAPUT XXXI.

De Antimonio.

INVIDIA, pervicacia, tabies quorundam Censorum, aut crassa potius & hebes illorum ignorantia, qui de incognitis absurdè garrere gestiunt: quiq; in sua illa ignorantia volutari & ei indormire libenter patiuntur, haud facilè asininam suam pellem aut senectam deponentes, ut novi aliquid melioris induant, usq; adeò superbi, ut nihil à se ignorari credant, nec quicquam veterum scriptis adjici, aut de illis detrahi posse contendant: quasi fastigium perfectionis attigerit medicina: illorum, inquam, hominum audacia ac

pervicacia, tractatum hunc mihi protraxit de vitrioli in partes varias dissectione: ut quantæ hoc minerale individuum veteribus ignotum, sit utilitatis, ac quàm necessarium, ostenderem.

Quod etiam à me longiorem adhuc posthac fortassis orationem extorquebit, de mercurio, alijsq; metallis: atq; hîc de antimonio, cui ad raucedinem usque allatrant, tanquam exitiâlimum omnium venenum carpentes ac repudiantes: quorum mendacia ut diluantur, rationesq; eorum excutiantur, nunc nobis onus incumbit: ostenderemusq; quàm à veritate alieni deflectant, si extracta ab ipso remedia, & ut par est apparatus, varia ac admiranda, in curatione variorum ac deploratissimorum affectuum, infinita alia vulgaria subsidia multis stadiis post se relinquere, apertum fecerimus. In eo enim sexcentæ proprietates, variae ac præstantes, ut præparantes, expurgâtes, vomitiones concitantes, & id genus alia, ut nunquam satis laudari queat hoc medicamentum. In cujus defensionem non abs re Matthiolus, ut jam diximus, in hujusmodi ignaros ac pertinaces Medicos invehit: cui tantæ est æstimationis, ut manum Dei ipsum vocitet, tanquam cœlitus emissum, adversus gravissimos hominum languores universale subsidium.

Inprimis autem videamus, quid antiqui de metallico hoc individuo scripserint, & quo jure novi isti Censores in venenorum ordinem referant, perpendamusq; quibus facultatibus præditum ipsum veteres dixerint, quas præparationes illius, usum & adaptationem admiserint, ut æqui ac judiciosi lectores omnes oculis ipsis notent, quàm externa hujus medicamenti anatomia, ex solo suo cortice antiquis cognita, præ interiore à veris Medicis nobis tradita, mutila sit, & prorsus inanis ac nulla.

Dioscorides lib. 5. c. 59. ubi loquutus esset de electione ac bonitate antimonii, hæc subjicit: *Veterum opinio de antimonio.*

Quod ad facultates ejus & proprietates attinet, vim habet astringendi, & meatus corporis obstruendi, refrigerandi, excrescentias carnis absumendi, cicatrices obducendi, mundificandi oculorum ulcera & sordes. Sub finem præparationem remedium attingit, quam Oribasius inter veteres Græcos ex ipso Dioscoride mutuatus in suum opus medicum transcripsit, collect. lib. 14. Crematur sibi, inquit, crusta ex farina circumlitum, & carbonibus obrutum, donec crusta in carbonem abeat. Ab igne semotum, lacte mulieris, quæ marem peperit, aut vetere vino restingitur. Uritur etiam succensis carbonibus perflatum, donec igne deflagret. Si enim plusculum uratur, in plumbum transit. Lavatur ut cadmia atq; es. Sunt qui ut plumbi recrementum lavent.

Atque hæc est elegans eorum præparatio, quæ non mihi soli, sed multis aliis risum præbeat, ni responsione mea Antiquitas excusetur, quæ, quod novit, nobis candidè impertita est, ultrà progredi minimè habilis.

Qui autem Antimonium fusione in plumbum mutari autumant, satis testantur, se parum in rebus metallicis versatos. Potuerunt illi quidem violentiore calcinatione & ignitione portionem quandam antimonii in regulum transeuntem observasse, quod metallum quidem referat, at plumbum non sit, ut quod fragile sit & in pulverem reductile, diversæq; admodum naturæ ac proprietatis. At in hoc quoque, ut in reliquis, excusationem merentur.

Galenus de simplicium medicamentorum facultatibus 9. post Dioscoridem de Antimonio scribens, quædam verba de facultatibus ejus facit: *Stimmi*, inquit, *ad facultatem desiccantem*, *adjunctam habet astrictionem*: *quamobrem & ocularibus medicinis commiscetur, & illis scilicet, quæ conformantur in collyria, quæ vocant, & siccis, quæ utiq; collyria sicca cognominant.*

Paulus Ægineta lib. 7. de re medica. Orbas. medicinarum collect. lib. 15. Aëtius terra. 1. ferm. 2. cap. 72. Unius Galeni sententiam & verba propemodum ipsa de antimonii facultate sequuntur. Actua-

Actuaris lib. 6. metho. med. de eo scribit, quæ sequuntur : *Stibium verò, quod nuncupatur, si non est lotum, validam præ se fert astringentem vim : verùm ubi eluitur, retunditur ad eò, ut ferè sit morsus expers.*

Haftenus de Antimonii facultatibus veteres scripserunt, unde venenatum medicamentum, aut inter exitialia collocatum, inferri non potest, ut sinistrè & citrà rationem de eo ominantur Censores nostri : quùm adstringentis potiùs, quàm rodentis facultatis à veteribus judicetur.

Etsi autem Dioscor. inter venena boracem & lapidem Lazuli recenseat, illorum tamen usus in medicina usurpatur, Lazuli quidem lapidis ad expurgandum humorem melancholicum, unde pilulæ ex ejus nomine vocatæ : boracis verò ad ciendos & vacuandos mulierum menses, partumq; adjuvandum, ac secundinas extrudendas, nec nõ ad varios alios affectus, vel intrò etiam assumptus.

Si ejusmodi remedia, quæ longè antimonio acriora agnoscuntur, in usum Medicum admittuntur, an æquum fuerit, antimonium excludere? Si verò quis excipiat, ab eo graves & laboriosos vomitus concitari, in vitrum etiam translato : in promptu responsio est, ab illo Censore magnam veteribus injuriã fieri, qui ignorantia illos arguat, ac inscitiam de-

Obiectio.

tegat, quòd cum ignota iis fuerit vis ejus vomitrix ac purgatrix, pronunciaverint omnes, contraria, hoc est, astringente facultate pol-
lere, vel etiam antè præparationem aut ablu-
tionem, qua, ut vult Actuarius loco jam ci-
tato, ista retunditur, ut ferè sit morsus ex-
pers.

Nec tamen idcirco facilè concesserim, us-
que adeò exitiale esse medicamentum & ve-
nenum, quod vomitum cieat. Quid enim
helleboros, ac præsertim album, gravium
symptomatum pernicie superat? Attamen
vel ipse helleborus albus ab antiquis (ut su-
prà docuimus) in usum medicum assumptus
est, ac in specificum epilepsiarum auxiliū ad-
ministratus.

Idem de thapsia, elaterio, pane porcino
aut cyclamine, titbymallis, & id genus aliis
medicamentis, vomitum cum magna etiam
perturbatione concitantibus, nec tamen à
multis compositis purgantibus electuariis
exclusis, quæ variis morbis succurrunt, dici
potest.

Quicquid sit, à venenatis medicamini-
bus antimonium excepit Dioscorides ac An-
tiqui, nec in ordinem virulentorum illi re-
tulerunt, ut thapsiam, helleborum, & id ge-
nus alia, quæ recensuimus: quibus si in me-
dicina usi sunt, longè potiore ratione anti-
monium

monium, quod mox dissecturi sumus, ut spare liceat.

Ejus anatomiae partes longè alias docebimus, quàm hactenus factum est, ejusque suavissimam medullam, relicto cortice, internaque viscera enucleabimus. Quod præparationibus chymicis facturi sumus, uni illi vitro, gravi & vomitibus molesto, nequaquam immorantes, licet à tyronibus quibusdà empiricis celebretur: sed sexcentis elegantibus præparationibus ac præstantissimis remediis inhærentes, quæ ad varias curationum indi-

*Varia ex
antimonio
remedia.*

cationes referuntur, imò in universum omnibus morbis aptissimè succurrant: & ingruentibus aut futuris, utpote vitæ conservantia, prospiciant ac præcaveant, ita ut ex eo veram simus ab omnimoda medelæ efficacia panaceam descripturi ac tradituri, item Antidotum panchreston, ad multos affectus cõferens auxiliumq; maximum. Item Antidotum pantagogon, omnium humorum deturbationi & expurgationi idoneam: Antidotum Theodoretam, seu divinum munus cõferens. Item Antidotum *ζωήφιλον*, propter mirum ejus in conservanda vita studium & efficaciam.

Item Antidotum Soterion, seu salutare subsidium.

Item Antidotum Lysipyreton, sedans & extinguens omnes febriles ardores.

Item Antid. Theodoton, à Deo datum remedium.

Item Antidotum Theopempton, quod à Deo sit immissum.

Item Antidotū Panæreton, seu omni virtute ac viribus præditum.

Item Polychreston ad multa accommodatum remedium.

Item Isochryson, quod auro æquiparandum sit.

Item Iysiponon seu anodynum diaphoreticum dolorem solvens: Multasq; alias ejusmodi & varias antidotos ac exquisita remedia, quæ ex variis ingredientibus non componantur; sed ex uno solo antimonio petantur; quæ tamen, etsi ex uno, longè majoribus viribus polleant, quàm quæ à Nicolao Myrepso ex antiquorum floribus collectæ, & in ordinem redactæ ac descriptæ sunt lib. ejus de Antidotis, sectione prima: quas Antiqui ut magnis laudibus efferrent, hujusmodi titulis ac nominibus superbis ac ampullosis insignire gestierunt.

At qui accuratiùs & saniore judicio perlegent & excutient, ex quibus rebus componantur, & quàm confusa omnia, ac promiscuè & citra rationem inserta sint: nec non quàm parum judiciosè opium, mandragoram, papavera, hyoscyamum, helleboros, colocynthidem,

thidem, euphorbium, sulphur, & id genus alia, nulla præparatione cōdita, veteres intruserint, æquiùs ista omnia rideat, ni planè sit brutus aut cæcutiat, quàm compositionem usumvè earum laudet ac probet.

Sic veritas temporis filia tandem nobis nata est, & hominum ingenia illustravit, ut omnes ejusmodi compositiones, quæ jam ex novis Dispensatoriis excluduntur, nunc flocci faciant, & prorsus respuant, suisq; apothecis abdicent.

Ex tamen erant veterum margaritæ, uniones & remediorum flores odoratissimi & acceptissimi: qui ne arsenico quidem pepercerunt, nec plumbi usti, imò ne antimonii quidem ipsius crudi & inconditi (quod tanto perè à nostris Censoribus reprehenditur & inculpatur) obliti sunt.

At tempus est, ut indicemus, quàm maturiore judicio, Hermetici, ac in primis magnus ille chymicus Theoph. Paracelsus, naturam, essentiam & qualitates omnes antimonii expederint, ac in partes omnes artificiosè disseuerint, in salem nempe suum, in sulphur & mercurium, utq; longè alias ejus præparationes docuerint, quàm ustiones & lotiones vulgares, quibus ipsum redderent collyriis, antiquorum more, opportunum.

Quin & indicandum est, ut Hermetici in

eo alias exquisitiores virtutes, & singulares proprietates observaverint ac detexerint: ut quæ a strictionum umbratilium loco, contra omnis generis vomitiones lenes, moderatas, & longè illis tutiores, quæ ex helleboris aut æreusto cientur, minoreq; molestia vacantes patefecerint, ac ex eo eruerint: licet illis Antiqui uterentur, & infantibus etiam, ut supra diximus, exhiberent. Quin & ostendimus, varia in eo, eaq; suspicienda, attamen lenia, benigna, & citra nauseam laxantia præsidia reperta, ut hac ratione catholico, diaphœnico, hieris, tripheris, electuariis, Indis majoribus & minoribus, confectioni hamech, & similibus antecellant. Ex nostris enim descriptionibus & experientia constabit, si antimonium purgationi alvi adoptemus, omnibus corruptis ac venenosis humoribus elective repurgandis esse idoneum, si quidem ejus virtute ac facultate tota sanguinis massa declaratur ac repurgatur, citra vehementiorem caliditatem, quam nullam infert, quum vel ipsi linguæ sit insipidum, aut gratum potius palato ac suave, quàm secus, leniterq;, contra aliorum medicamentorum molestissimè agentium morem, vires suas exerat.

Docēbimus præterea varias illius præparationes, ac præstantes virtutes diaphoreticas,

tas, quæ mirabiliore, quàm hydrotica alia omnia Guajacina, aut cætera id genus, effectus producant: imò etiam in diversas alias figuras cõmutabimus, in corroborantia nempe medicamenta & alexipharmaca, longè utique aptiora & utiliora ad nectar vitæ nostræ tuendum, & vires corporis corroborandas, ac venena omnia ab eo excludenda, morbosq; pestiferos, omnibus aliis confectionibus Alchermes, de hyacyntho, mithridatiis & theriacis. In hoc deniq; metallicò individuo videndam exhibebimus (etsi, tanquam præsentaneum venenum, à quibusdam ignaris Censoribus respuatur, damnetur, & diris devoteatur) universalem medicinam, medicinarum medicinam, & admirandorum aut miraculorum ipsum miraculum, seu mirabile mirabilium.

Sed ad rem ipsam jam descendamus, & veritatem verborum nostrorum confirmemus propriis experienciis, tum alienis, quas ex doctissimis quibusvis Medicis & Philosophis Hermeticis, eorumque scriptis ac colloquiis mutuati sumus, & adhuc mutuabimur, super varias ac admirandas præparationes, remediaq; quæ ex antimonio proliciuntur.

Riplæus, Northon, Isaac Holandus, Rupescissa, Basiliius Valentinus ordinis S. Benedicti, & inter alios omnes Paracelsus, super quælibet omnia metallica, Antimonium collauda-

runt ac celebrarunt : hic adæquans ipsum in suis Archidoxis, & libris de vita longa, quam plurimisq; aliis locis, primo enti auri : quod mirum in modum in omnibus ejus partibus, & ubiq; sedulo examinavit ; nihil unquam sibi habens ipso commendatius, ac præsertim mercurio ejus & sulphure. Docet enim ipsum Antimonium ex purissimis perfectissimisq; mercurio & sulphure prognatum, sub vitrioli genere in metallicam formam atque splendorem.

Quin & lib. 3. de vita longa, cap. 6. de infinitis aliis ac admirandis virtutibus testatur, quæ in eo delitescunt,

Antimonium, inquit tom. 4. pag. 105. *restaurator est, & renovator omnium virium corporis.* Et lib. 6. Archidoxorum de magister. fol. 36. *Antimonium*, ait, *curat leprosos, morphæam, scabiem, leoninam elephantiam, tyriam, &c.*

Ibidem addit : *Cum materia antimonii sit spoliativa & mundificativa, hinc fit, ut corporis impuritatem non secus absumat, quam aurum & argentum ab ipso depurari videmus. Inprimis autem, præter opinionem, curat id ipsum lepram.*

Et alibi, tomo nempe 6. cap. 308. *Antimonium omnes morbos tollit, & vires amissas restaurat & renovat.* Et eodem tomo, pag. 107.

Quinta essentia, magisteriū & primum ens antimonii corpus mundificat à lepra, renovatione & instauratione perfecta. Et ibidem, pag. 109. Primum ens Antimonii tantas habet virtutes, ut omne id, quod contingit, transmutet, omnia, quæ ab humore radicali enascuntur, separet, & ex fundamento corpus renovet.

Et tomo 4. pag. 70. *Magisterium Antimonii est confortativum in caduco. In eodemmet tomo pag. 356. Tanta est vis antimonii, ut gravissimum caduci paroxysmum curet. Et pag. 84. 85. & 88. Quinta essentia Antimonii curat vesaniam. Eadem est confortativum in contrahentis. In eodemmet tomo pag. 104. & pag. 91. Oleum antimonii præservat ab omnibus speciebus amentie, ut flores benè preparati præservant à lepra, tomo 5. pag. 273.*

Si omnia, quæ de eo ejusq; facultatibus ac virtutibus prædicantur, huc vellem transcribere, nullus unquam fuerit finis.

Restat ut præparationum diversarum, ac variorum remediorum documenta & artificia aggrediamur, quæ ab ipso Paracelfo, aliisque compluribus, ante & post ejus ætatem, doctis viris edocentur, nostrumque ipsi symbolum ac talentulum conferamus, prout aliquando ipsi manibus paravimus, composuimus, & in usum felicissimè retulimus.

ANTIMONII PANACEA

*Regulus Martis stellatus cum sale solari, prius
ter cum sale martiali exaltato, sublimetur bis
tervé, habebis flores rubros, qui edulcentur opti-
mè: Et ad lentum ignem exsiccati, a colchotare
tertio denuò eleventur. Hoc facto jam habes tuos
flores spiritus Martis Et vitrioli impragnatos,
blande purgantes, Et ad febres omnes intermit-
tentes extinguendas, variosq; morbos curandos,
conferentes ac summè utiles, quos serva.*

*Fixatio salis
armon.*

*Insuper Armoniacū salem, cum equali calcis
viva quāritate, fortissimo igne tribus iteratis vi-
cibus calcina, singulis vicib⁹ aqua calida ipsum
salem separans, idq; per dissolutionē, filtrationē Et
coagulationē, reāfundendo semper recentē calcē
ad unamquamq; operationē, dum armoniacus
sa! figatur, Et liqūabilis reddatur instar metalli.*

*Hic fusus sal in humido ponatur, qui brevi in
pellucidissimū liquorē convertetur, quem mun-
dificabis, in tribusq; ejus partibus paulatim sol-
ves partem unā mercurii methæorizati, ac ea ra-
tione essensificati, ut in crystallum adducatur, qui
Venetianum vitrū amuletur. Hac dissolutione
charta grisea non conglutinata tota imbibatur:
charta sic perfusa matratio vitreo includatur,
cum suo alembico Et recipiente, ex qua liquo-
rem mercurialem igne arena elcito, quem recti-
ficabis, ut dilucidissimus odorisq; fragrantissimi
ac gratissimi moschum redolentis, eniteat.*

Istum etiam jam per se sudoribus ciendis, de quibus in consilio nostro de Lue Venerea egimus, aptissimus est.

In eadem aqua aut liquore, unam aut alteram unciam prædictorum florum dissolve per cobobationes varias: reaffundendo toties recentem aquam, aut novum liquorem, donec totum sit solutum: atq; hanc solutionem a suo menstruo non segregatam servabis.

In eodem menstruo seorsim perlarum orientalium ℥j. dissolviſſo, cum ℥℥ pulcherrimi ac rubicundissimi coralli, quæ facile in eo liquore solvuntur, utramq; hanc solutionem demum cum dissolutione tuorum florum conjungito, ac cobobationibus identidem per quatuor aut quinque dies reperitis, singulis vicibus destillando ac reaffundendo liquorem, idq; quater, quarta destillatione ad siccitatem usque facta: donec perle & corallia una cum floribus prædictis optimè juncta, inserta & incorporata in subtilissimum ac spirituosissimum pulverem omnia redigantur.

Huic mixtioni adde tinctura solis facta, ut paulò post dicemus, ad drachmas duas: ac iis omnibus tandem superfunde vini spiritum alcoholisatum, qui cobobationibus per biduum aut triduum iteratis, tandem separetur, ut panacea nostra antimonii in fundo relinquatur, admirandis virtutibus ac proprietatibus prædita.

In usu & administratione infantibus & par-

parvulis exhibetur trium granorum quantitate, adolescentibus & ad ætatē virilem pro-
vectis granorum ſeptem: robuſtioribus ad 8.
9. aut etiam 10. adminiſtrari poteſt ex vino al-
bo, aut congruo alio liquore, in quo uno mo-
mento pulvis ſolvitur.

Hæc medicina ut plurimum in ſenſilem o-
perationē exercet, interdum per ſudores tan-
tū: interdum leniter alvum laxando, urinas
provocando, omnia citra moleſtiam aut per-
turbationem præſtans. Sed ſæpius ſola hu-
morum correptione, inſtauratione ac corro-
boratione baſami radicalis agit, quàm ulla a-
lia aperta vacuatione aut alteratione ſenſili.
Atq; ut paucis dicam, univerſaliſſima eſt me-
dicina, omnibus ægri tudinibus vel deplora-
tiſſimis etiam, ut epilepſiis, apoplexiis, para-
lyſibus, omni hydropiſis generi, cachexiis,
hyſtericis affectibus, atq; id genus aliis.

Juxta morbi gravitatem & magnitudinem
per 12. vel 15. dies exhiberi debet: quod vel et-
iam vitam producere in multos annos po-
teſt (volente Deo) ſanitatē tuendo, & cor-
pus à variis morbis conſervando, ſi vel ſemel
tantū in menſe de ea medicina ſumatur.

ANTID. PANCHRESTOS

Antimonii.

*ſ. flores reguli Martis rubros, hos reverbera
vaſe*

vasi vitreo infernum dicto, ac firmissimo luto loricato impositos, ex quo nihil prorsus expirare possit. Maneat vas in Athanoris reverberio ad tres aut quatuor dies. Quo facto, tinctura cum aceto radicato extrahatur, recens semper materia reaffundendo & extillando, dum nullū amplius tinctura colorem imbibat. Separetur menstruū à tinctura, quæ postea vini spiritu alkalisato perfusa juxta artem extrahatur, citra separationē spiritus vini. Hujus exhiberi possunt aliquot guttæ in jusculo aut liquore congruo dilutæ. Totā enim sanguinis massam emundat, morphæam, lepram, scrophulas, luem persanat, instaurat & auget nativum calorem, visciditates ventriculi absorbit, ac corpus omnibus recremētis expedit. Colicis aptissima est medicina, nec non præfocationibus matricis, si reguli Martii loco regulus Jovis substituatur ad hujusmodi flores parandos. Poterit etiam à tinctura vini spiritus segregari, si ita videbitur, ad siccitatem usq;, eamque variis aquæ destillationibus identidem repetitis exerce-re & dulcorare, quæ tandem siccetur: pulveris dosis fuerit trium aut quatuor granorum.

ANTIDOTUS PANTAGOGOS.

℞ reguli Martis aut Veneris calcem optimè paratam & calcinatam, ut artis est, hanc quàm

poteris optimè dissolves cum salis gemma fusibilis mercuriali spiritu, omnia ad aliquot dies postea putrefacta & digesta per singulos ignis gradus, ac tandem per violentissimum, destillentur: quæ crassum reddent oleum, quod rectificatione attenuandum & subtiliandum erit, ac iterum destillandum, crassiores fœces segregando à puriore liquore. His addes optimum vini spiritum, circulando omnia, postea destillando, ita ut semper crassiores fœces amendantur, ac ter aut quater sic destillationes iterentur. Atq; servetur hic liquor accuratissimè, tanquam utilissimum omnibus morbis remedium, cujus gutta ad alterandum, vacuandum, aliosq; curationum scopos còplendos potentior est centum lagenis, herbarum decoctionibus refertis, nec non ipsis de rhabarbaro potionibus: siquidè hæc sanguinem repurgat, appetitum sopitum excitat, ventriculum aliaq; nutritionis viscera corroborat: funditus evellit cachexiarum radicem ac procul amandat, nec non melancholias hypochondriacas: adversus icterum & omnis generis atquatos morbos ac hydropes specificum est medicamentum, leniter purgando, ac urinas provocando: nec majore duarum guttarum dosi singulis vicibus opus est, ex aliquo còvenienti liquore: modò ad aliquod tempus singulis diebus, aut alternis eadem dosis propinetur, habita morbi magnitudinis & virium ægro-

tantis

tantis ratione. Potest etiam hoc remedium in præcipitatum & calcem albam, rubram, imò etiam flavam redigi, cujus tria aut quatuor grana in dosin sint satis.

ANTIDOTUS ζήφιλῶ.

*Accipe de antimonii minera, quæ ex Ungaria asportatur, quantum voles: hanc in calcem, ac si in vitrum esses liquaturus, adurito. Postea ut magis attenuetur, & dissolutioni aptior fiat, cum alba fuligine mercuriali sublimetur, deinde edulcetur: ei superfundes, ut crescat ejus virtus, & facilius solvatur, acetum philosophicum ex acido liquore roris seu mannae cælestis cum eadem met minera per digestionem & fermentationes philosophicas factum & preparatum. Omnia deinceps ponantur in Bal. M. ad satis diuturnum tempus, ac donec philosophicum acetum rubicundissimo colore tinctum conspiciatur, quod simul etiam sensim, ex interiore superioris minere aut magnesie Saturnine saccharo, edulcescet. Huic materia tam crebris ac iteratis vicibus acetum recens superfundito philosophicum, dum nullus restet tinctura color in materia: fiat per distillationem separatio ad siccitatem usq₃. Pulveri jam crebris distillationibus ex aqua nubis edulcato, adde præstantissimæ aquæ vitæ ex corallis prole-
ctæ q. s. ex qua tincta colorẽ rursus extrahere pel-
lucidum ac diaphanum rubini coloris emulum.*

Post varias ejus cohobationes ac circulationes proprias, & ad attenuationē majoremq³ subtilitatem necessarias, omnia igne fortissimo ac vehementissimo urgeto, idq³ etiam initio & non observatis mitiorum ignium gradibus: tum cum aqua vitæ coralliorum, oleum ipsum antimonii rubrum, suave & exquisitissimum extrudetur, verum vitæ balsamum nunquam satis laudandum nec commendandum. Cum ipsa vitæ aqua & in ea relinqui potest, citra separationem, si lubet: aut ex eo aliquot guttas immiscere pro dosi, vino aut liquori ei morbo, cui velis succurrere, congruo: quales sunt liquores lili convallii, lavendulæ & calendulæ pro epilepsii, apoplexiis & paralyfi: qualis & aqua theriacalis adversus pestiferos & contagiosos morbos: nec non ad leprā, morphæam, luem, scrophulas, & id genus alios affectus curandos, aquæ fumiterræ & veronicæ: Vera enim est universalis medicina, quæ sēpitos spiritus excitat, roboratq; animales, vitales & naturales, mundando totam sanguinis massam, instaurando radicalem balsamum, & corpus humanum ita renovando, ut & in juvenilem statum hominem transformet. Tanta deniq; tamq; præstans medicina est, ut laudes ejus ac admirandæ virtutes satis prædicari non possint. Verus enim est vitæ balsamus, vero vitæ mercurio æquipollens, de quo verba facit

Para-

Paracelsus tomo 6. pag. 45. in hunc modum:
*Mercurius vita corruptiones corporis humani
 ita tollit, sicuti ligna putrida ligno amputantur.
 Hic senectutem restaurat, & eam in juventutem
 mutat: non quòd novam essentiam in homine
 generet: sed quòd quintam essentiam adhuc re-
 residuam, incorruptam conservet: unde postea
 novae virtutes emergunt. Impurum igitur a spi-
 ritu vita removet: ungues pedum & manuum,
 item canitiem tollit: juventutem confirmat, ita
 ut senectus non amplius canos possit producere.*

Rupecissa lib. de quinta essentia, cap. 41.
 de tam exquisita ac pretiosa loquens Anti-
 monii dulcedine & tinctura, talem tantumq;
 thesaurum esse ait, ut nusquam in toto orbe par
 occurrat.

At qui ex ejus aliorumq; similium descri-
 ptione tentabit hanc Antimonii tincturam
 ex crudo, & in pulverem tantum redacto An-
 timonio, cum aceto ex vino destillato, extra-
 here, utcunque sit vinum generosum & po-
 tens, & quantumcunq; temporis in digestio-
 ne illius teratur, oleum prorsus & operā per-
 dat. Genuinorum igitur ac verorum est Phi-
 losophorum, nosse distinctiones & compo-
 sitiones ejusmodi menstruorū aut acetorum,
 Infinita enim eorum genera ex sexcentis re-
 bus variis varia fieri & componi aut extrahi
 possunt, quæ variantur ex ingredientium va-

*Menstruo-
 rum spagy-
 ricorum va-
 rietas.*

rietate, proprietatibus ac virtutibus. Aceta enim ex cerevisiis Anglicanis, Belgicis, Germanicis, vi hordei aut frumenti enata: aut ex pomaciis & piraceis Normanicis expressa, virtutes fructuum, ex quibus prognata sunt, retinentia, longè lateque inter se differunt: multoq; magis distant ab aceto, quod ex vino omnium vegetabiliū principe, & maximè omnium vitriolato cōficitur. Quin & inter vini aceta magnum statuitur discrimen: siquidem acetum ex vino albo extractū multum à rubelli vini discrepat. Et vinorum Creticorum aceta, debiliorum vinorum acetis (qualia sunt Tigurina) longè multumque virtute antecellunt: sic oligophorum vinum magno discrimine à vinoso & generoso vino distinguitur: ut inde liceat inferre, aceta cerevisiarum, pomaciorum aut piraciorum, immaturorum ac debiliorū vinorum, nunquam fore rerum metallicarū solutionibus apta, nec eò usque potentia, ut aceta hydromelitū vinosorum, quæ cum manna cœlesti, naturā animale percurrerūt, & præter vegetalē induerunt, atq; sic summoperè rectificata spirituales vires & aëreas planè sibi compararunt: ita ut omnia quævis alia, solvendi ac dissuendi potentia superent. Quod obiter dictum sit, ut multi discant, etsi experiētiis veris ac certis polleant, se tamen non abs re spē sua cadere, & à
scope,

scopo, quæ sibi proposuerunt, aberrare, quod acetum Philosophorum non norint, eorumq; dicta ex litera, non sensu mentiantur.

Addo præterea magnum inesse discrimen inter acetum simpliciter destillatum, acetum forte destillatum, acetum forte dephlegmatum, acetum forte benè rectificatum & alkalisatum, acetum radicum, & acetum philosophicum, quod summo virtutis gradu eminet: quodq; nos componimus ac conficimus ex mixtione & cōuenienti proportionem, fermentatione ac unione aëreæ aciditatis animalis, & mercurialis acoris aquei, cum vegetali terrestri, ut ea tinctura, de qua supra loquuti sumus, extrahatur, ad nostram *ζήφιλον* antimonii Antidotum concinnandam.

De omnibus aliis acutorum seu menstruorum, seu dissolventium superiorum, nec non innumerorum aliorum, & naturæ ignium differentiis agemus, quæ claves vocantur artis: eorumque varias addiscemus præparationes, compositiones & usus in Antidotario nostro spagyrico, tanquam in proprio & dicato huic tractationi loco. Quæ quidem omnia scitu maximè necessaria, magnæq; sunt utilitatis, operæ pretium rati, hæc pauca de illis attigisse & notasse locum, ubi abundè hæc docebuntur, ut Medicus & verus Philosophus chymicus, qui sententiam verborum

nostorum concipiet, in operatione antimonii, aliorumque mineralium, ac metallorum, quæ in illo nostro opere describimus, tanquam adversus omnes morbos eosque deploratissimos præstantissima remedia, labi nequeat.

ANTIDOTUS SOTERIOS

Antimonii,

Accipe regulum Jovis, ex quo in pulverem trito, hepar aut crocum metallorum cum sale sulphureo conficies. Hujus hepatis pulvis ruber, citra separationem salis, in lixivio ex cineribus clavellatis, & calce viva parato bulliat, donec lixivium summum ruborem contrahat, quod in vas per inclinationem effundes, idque lentè, ne quicquam de fœcibus admisceatur. Evacuato lixivio, pulverem vulgari more cum potentissimo aceto precipitabis. Abluantur & dulcorentur omnia: deinde cum vitriolica hydromelitis vinosi aciditate, alkalisata proprio sale, tincturam aut colorem extrahes: à qua tinctura menstruum separabis, dein illam circulas ad aliquot dies cum flagrante juniperi spiritu. Deinceps per retortum crebris cohobationibus vi ignis ipsam extrudes, à qua demum spiritum flagrantem separabis, si ita videbitur, ut restet in fundo destillatorii liquor suavissimus, omnium affectuum pulmonum aque salutaris medicina, ac balsamus, lac

aut

aut butyrū dulce sulphuris : cujus tres aut quatuor imò ad sex usq; guttas ex jusculo vel vino, aut congruis aquis, phthificis, dyspnoicis, asthmaticis, pleuriticis, peripneumonicis propinabis. In summa saluberrimum est & potentissimum medicamentum quàm plurimis, iisque gravissimis morbis mirum in modum profligandis & extinguendis aptissimū.

ANTIDOTUS LYSIPYRETOS

Antimonii,

R. florum rubrorum antimonii ℥ iiij. florum sulphuris sublimatorū ad perfectam albedinem ℥ ij. misceantur cum duplo colchotaris vitrioli Ungarici aut Cyprii, ac ter sublimentur, habebis flores rubicundissimos, si benè operatus fueris. Hi cum aciditate vitrioli Veneris primò, deinde cum vero Saturni aethereo spiritu essensificentur. Hujus philosophicæ essensificationis si calueris artem, medicinam suspiciendam concinnabis, veram Antidotum Lysipyreton, omnis generis febres, pestiferas etiam, sedantem ac extinguentem, si ad iiij. aut v. guttas de ea ex idoneo liquore propinaueris.

ANTIDOTUS THEODOTOS

Antimonii,

Funge justo & debito pondere, mensura, proportionem ac ordine sex inferiores planetas terrestres, cum sublimiori sphaera stellata Saturnina,

tanquam cum ceterorum prima radice, ut una bene amalgamentur, & philosophicè calcinētur. Ex hac calce depurata cum sulphuris montani aqueo spiritu, per cohobationes in calido, & macerationes ex arte in frigido factas, tincturam rubeam pellucidam aut diaphanam instar granati elicies: à qua nubium aquarum auxilio primum menstruum separabis, tincturamq; ipsam per varias cohobationes, circulationes & rectificationes necessarias, puro hydromelitis vinosi spiritu excipies, qui ejus colorem eruet, quo tingetur rubini coloris instar, magno cum splendore & perspicuitate: Atq; sic in se septem metallorū veram tincturam simul continēbit, remediū verè theodoton admirandarū virium & proprietatū, & quod Deus nobis largitur in curationem omnium generaliter morborum, vel desperatissimorum, trium, quatuor, quinque vel sex etiam guttarum dosi.

ANTIDOTUS THEOPEMPTOS

Antimonii.

Aurum ter per Antimonium examinatore suum trajectū amalgametur cum mercurii antimonii debita quantitate & proportionē, ex quibus electrum minus fiet. Ex hac amalgamatione abluta, & nigrioribus fuliginibus repurgata, exquisitissimam tincturā extrahē, cum spiritu sulphureo junipero, eo modo operans, qui in duabus superioribus preparationibus traditus est. Hanc tinctu-

tincturam diaphanam ac pellucidissimā, instar rubini, variis cohobationibus in circulato minore Parac. exercebis, quod postea, si voles, separabis, ut tinctura restet sola: Quam sedulo conservabis, tanquam pretiosissimum donum à Deo hominibus missum, adversus pestem, lepram, omnis generis morpheam, lues, & alios id genus gravissimos affectus præsentissimū remedium, trium, quatuor, aut quinque guttarum dosi ex aqua theriacali.

ANTIDOTUS PANÆRETOS

Antimonii.

Re minere antimonii Ungarici ad albedinem calcinata, juxta artē lb. β. sacchari candi in formam syrupi cum circulato minore transmutati lb. j. cui paulatim calcē illam antimonii admisceto. Digerantur omnia per 4. aut 5. dies in B. vaporoso, deinde per gradus ignis destillentur. Ex hac destillatione triplex liquoris genus educitur post separationē circulati, quod primū omnium egreditur. Primus, qui albus est, cancrosis ulceribus & externis morbis opitulatur. Secundus, qui flavus est, vacuationi per alvū, & per vomitū idoneus est. Tertius rubicundissimus, instar sanguinis, dulcisq; balsamus, qui seponendus est ab aliis, si cohobationibus ternis aut quaternis rectificetur, & abluatur cum aqua rosarū, aut buglossi, aut cichorii, quam separabis tincturam & rubicundam & dulcem,

quæ admirandas curationes præstabit, in lepra, morphæa, malo mortuo, sex guttarum quantitate exhibita in aqua fumiterræ. Adversus apoplexiam & epilepsiam dosi duatū aut trium guttarum quantitate ex aqua centaurii minoris. Adversus pestem exhibebitur ad septem guttas, ex aliqua theriacali aqua, unde sudor copiosus emerget.

*Laudanum
Paracelsi,*

Cum eodem oleo rubro aut tinctura Paracelsus laudanum suum diaphoreticum & solutivum cōcinnabat, quod præ aliis omnibus remediis commendatissimum, & in summo pretio habebat adversus pestes, intermittentes febres, adjiciens essentias aloës, myrrhæ, croci, ambræ flavæ, & id genus aliorum, unde pilulas compingebat, dimidii scrupuli, aut integri, dosi deglutiendas.

ANTIDOTUS POLYCHRESTOS

Antimonii.

Accipe reguli Martis stellati lb. j. mercurii in meteoron redacti & essensificati lb. j. B. pulveriscentur & cōmisceantur, retortæq; vasi imponantur cum recipiente, subjiciendo gradatim ignem & genus quoddam gummi crystallini, gravis, sese in frigido coagulantis & calido solventis, extillando: quod una aut altera destillatione, fæces semper separando, rectificabis Super hunc liquorem toties spiritum hydromelitis vinosi affunde

Et cohoba, ut tandem crebris istis cohobationibus liquor dulcescat, spiritusq; separato, restet in fundo oleum antimonii exquisitissimum ac pretiosissimum, multis curandis ægitudinibus, iisq; gravissimis aptissimum. Quin & dormitor est tertianarum februm, quotidianarum, ac in primis quartanarum, si tres, quatuor, quinque aut sex etiam guttæ, habita virium ægritudine, exhibeantur. Blandè enim vomitum multis concitat, aliis alvi solutione citra vomitum: eamq; vim habet, ut radices & semina mala prorsus eruncet ac evellat.

Spiritus hydromelitis vinosi separatus, ut supra diximus, accuratè servatus, & tandem vitriolica aciditate imprægnatus, summum est diaphoreticum, & longè ab aliis vulgaribus aliud, si dosi dimidii cochlearis aut integri ad summum, vel seorsim, vel vino aut alio liquore dilutum administretur.

ANTIDOTUS ISOCHRYDOS

Antimonii.

Regulus Martis cum aquila cœlesti in meteoræ reducatur, & ab acredine optimè abluatur exicceturq;: tum cum aqua stygia Philosophorum, ex duobus salibus spiritualibus, sulphureo & mercuriali, debita proportionè & ex arte composita, solvatur, digeratur, ac tandem per iteratas cohobationes precipitetur. Ex hoc precipitato

pitato spiritus aqua philosophica auferantur, in
 reverberio Athanoris, perpetuo precipitatu spa-
 tula ferrea commovendo, donec acquirat flavum
 aut floris calendula colorem: quem ablue cum a-
 qua pluvia destillata. Huic exiccato pulveri af-
 funde acetum Philosophoru, de quo jam mentio-
 nem fecimus, & tamdiu digere, donec menstruum
 rubino colore tingatur, relictis quibusdam faeci-
 bus albis in fundo. Menstruo per cineres separa-
 tio, remanebit in fundo pulvis levissimus, rubri
 coloris, denuo per duas tresve horas sub craticula
 reverberandus: cui tum demum, si aquam vine
 juniperi affundas, atq; ex arte digeras, ferè totus
 pulvis in tincturam convertetur rubicundissimam
 & admirandarum virtutum, vel ipsi auro pota-
 bili, aut ejus tinctura equiparanda. A postema-
 ta interna omnia sine noxa aperit atq; curat,
 sanguinem concretum dissolvit, corruptum-
 que purificat: ad lepram, scrophulas, luem ve-
 neream, pestem, infinitosq; alios morbos præ-
 sentaneum remedium: imò ipsum hominem
 renovat, & sanum diutissime conservat, do-
 sis guttulæ .vj. .vij. .viij. x. cum vino vel alio li-
 quore bis in die, juxta morbi necessitatem.

ANTIDOTUS LYSIPONOS, SEU

Anodynum diaphoreticum

Antimonii.

Accipe reguli lb. ss. salis nitri cum sulphure
 aut

aut floribus sulphureis, ut artis est, purificati & vitrificati lb. j. reducantur in pulverem, & optime misceantur, & crucibulo indita ponantur in igne circulari, ignem augendo per gradus, cumq; crucibulo sensim admovento, donec omnis materia fluxerit, instar metalli fusi. Tunc vel ferrum candens, vel carbonem ardentem injice, ut sal comburatur: Remanentiam exime, dulcifica, exicca, & cum aquali salis predicti parte secundo uratur, dulcificetur & exiccetur, idem opus tertio repetendo: Relictum pulverem vase vitreo fixatorio bene occluso inditum, per quatuor quinqueve dies in igne fixationis fove, dando ignem per gradus, donec vas tandem igniatur, & pulvis antea albus acquirat calendule colorem: quem tandem, cum aqua vite juniperi correctissima, in vase bene occluso, circulas per aliquot dies: post exime materiam, & affusa ter quaterq; nova aqua vite juniperina, semperq; accensa, a predicta materia exuratur, ac postremo bene exiccetur. Dos à ʒ β. ad ʒ j cum vino optimo vel aqua conveniente.

Est hæc antidotus verè λυγίπικον, omnes dolores ventriculi, intestinorum, uteri, à quavis causa subortos solvens & sedans, si cum vino vel aqua chamæmeli exhibeatur. Ulceribus renum, vesicæ & uteri: item depravata mensium excretioni, fluxuiq; muliebri admirandum remedium: quod cum vino, juscule

aut alio convenienti liquore misceri potest: vel cum mucilagine gummi tragacanthæ, bis tervè in die exhiberi. Eodem modo exhibitum pestilentibus omnibus affectibus, itemque febribus intermittentibus summopetè conducit. Sanguinem enim per sudores, & per insensilem plerumque transpirationem, purificat & repurgat, vitæq; nostræ balsamū balsamica sua vi instaurat, totumque hominem renovat.

Eadem planè methodo, cum regulis ex omnibus metallis, sive conjunctim, sive separatim factis & præparatis: itemq; cum antimonio crudo, vel ex arte calcinato, vel cum ejusdemmet floribus, tum albis, tum rubris procedendum est, ad antidotum illam lysiponium, vel diaphoreticum Antimonii anodynum, remedium illud admirabile cōcinnandum ac præparandum: quod à chymico perito tentari ac probari, ad multorum ægrorum salutem facillimum fuerit: sed ab imperito difficillimum, atque id potius perniciosum, quàm salutare.

His floribus Antidotorum suavissimarum Antimonii, ex Antidotarii nostri spagyrici horto decerptis, contenti erimus, ut in hanc arcam infereremus, ac quatuor his gravissimis morbis, de quibus agimus, adaptaremus: qui quidem ubiq; merentur implantari, ob præ-

præstantissimas suas virtutes, & adversus omnes affectus in universum efficacissimas ac potentissimas, (ut jam satis superque docuimus.) Atq; hæc remedia ab omnibus utiq; avidè expetenda essent, ut quæ optimè concepta, parata, & administrata evellere omnia omnium morborum seminaria, utcunq; gravissimi & desperatissimi sint affectus, & radicatus extirpare possint.

Sed hæc satis sint, quæ huc contulimus: quadraginta præparationes & compositiones ejusdem antimonii, easque elegantissimas ac potentissimas, Antidotario nostro aservamus, quales sunt tincturæ, quæ ex toto ejus corpore extrahuntur citra ullam divulsionem, ex sententia Paracelsi: Arcana, magisteria, essentia, olea, balsama, & aqua vitæ omnis generis: quæ varia ac distincta sunt remedia ipsius antimonii, variis etiam & distinctis morbis congrua, cum internis, tum externis, ut fusè in Antidotario nostro docebimus: ubi etiam methodum mercuriorum ejus educendorū & regulorum describemus. Quin & varia illius sulphura, salia diversa, flores varii generis, unde infinita parantur remedia purgantia, vomitum concitantia, sudores moventia, urinas provocantia, corrigentia, revellentia, mundantia, corroborantia, omnibus deniq; curationū scopis inser-

vientia, nequaquam prætermittemus. Quod disertè hoc loco decantamus ac prædicamus, ut oculis subjiciamus, quot quātāq; ac quāam admirandæ virtutes in hoc antimonio delirescant, Antiquitati incognitæ.

Sicutique ex Græcis, Arabibus & Latinis Galenus, Rhasis, Celsus & alii magni ac celebres viri, qui alium sibi scopū, quāam publicæ utilitatis & artis suæ ornandæ ac locupletandæ, nullū proposuerunt, in quo magnam promerentur laudem, nunc essent superstites, & tot oculis elegantes remediōrū flores cernerent, naribus odorarentur, & manibus palparent: quantā, Deus bone, lætitiā raperentur, quantaq; industriā in hortis suis ejusmodi semina & flores foverent, excolerent, & augerēt, ut ex eis fructus amcēnissimos ac utilissimos humanæ Reip. decerperent ac cōferrent: sic bonorū agricolarū ac œconomorum fidē ac diligentiam imitantes, ut omnia referrent ad utilitatē communē & hominū sanitatem bona fide, nulla privati commodi habitatione, quemadmodum malæ mentis homines, quales sunt quidam hodierni Censotes, qui probos agricolas se confingunt ac simulant, quūm ne levissimū quidē stipitem aut radiculā peritè eruncare possint: ut qui lolium tritico, & rosas carduos anteponāt: quiq; hoc unū in votis habent, ut potius metant, quāam ferant:

ferant: alacres ad rapiendum, ad erogandum
quàm segnissimi & illiberales: privatis com-
modis addicti: utilitatis publicæ contempto-
res: quiq; ex aliorum vituperio gloriam au-
cupari perpetuò student. Quibus nō alius u-
tiq; finis expectandus est, quàm qui fuit Icarī:
qui insolenti audacia ac superbia ferox, ma-
jora viribus aggressus, & altiùs in aëre, quàm
ferebat ejus industria ac facultas, delatus, tan-
dem in gurgites & barathra præceps detur-
batus est. Sed ejusmodi homines quæstui tan-
tùm inhiantes, suis erroribus permittamus:
inclament & insultent, quantum volent, in
remedia chymica: splendorem tam præstan-
tis medicinæ latratibus suis convellere obni-
xè contendant: quid quàm frustra omnia ten-
tent, & dedecus sibi potius conflent, quàm
vel tantilla nota aut nævo illā aspergant. Sed
pergamus, quæ nostri sunt officii partes ex-
plere, & utilitatem publicam indefesso stu-
dio, quantum in nobis fuerit, promovea-
mus. Proponamus igitur & describamus chy-
mica alia remedia, quæ his quoque morbis,
quorum curā persequimur, nativa ac specifi-
ca proprietate præsentissimè succurrunt. Ea
ex mercurio Solis & Lunæ mutuabimus, quæ
inter metalla eorumque medicas facultates,
principatū nullo negotio obtinent. Quæ au-
tem ex illis remedia huc adferemus, ea ex An-
tido-

tidotario nostro spagyrico, ut pleraque alia, rursus educemus, quæ tamen brevî favente Deo, ei ipsi opportunè vel cum fœnore etiâ restituemus.

CAPUT XXXII.

De Sole & Luna.

*Veterum
sententia.*

GALENUS cæteriꝑ; Græci authores parum in auri & argenti cognitione versati fuerunt, ut ex iis aliqua eruere remedia norint. Licet enim Galeno Antidotus de margaritis, & lætificans Galeni, ut vocant, quæ aurum & argentum excipiunt, arrogetur: iniquè tamen id fit: siquidem multa in illis simplicia ingredientia deprehendere liceat, quæ ætati Galeni incognita fuerint, ut sagacissimè notat Fuchsius in Antid. è margaritis, quam Nicol. Myrepsus ei adscribit lib. de Antid. c. 38. & Adolph. Occo celebris Medicus Augspurgensis in Augustano suo medicamentario in compositione lætificantis, sub nomine Galeni, observavit, quam ejus adulterinâ esse, & falsò à Nic. Myrepsò illi adscriptâ, judicavit. Quin & ipse Galenus lib. 9. de medicamentorû facultatibus cap. de medicamentis metallicis, nullâ auri aut argenti mentionem addit. Unus Ægineta de re med. lib. 5. cap. 8. de scorpii plaga, Argentum scribit plagæ aut ictui ejus appositum prædesse præter
opi-

opinionem. Et Aëtius miratur tantum, qui deglutitum aurum medicari & opitulari possit. Itaque duo illa metalla in medicos usus assumpta, & in antidotos relata ex officina Arabica prodierunt, qui primi eorum medicamentis aptandorum inventores fuerunt. Quod ex ipso Nicol. Myrepso videre licet, variarum Antidotorum hinc inde consarcinatori & rapsodo, qui præcipuas & præstantissimas, utpote corroborationi virium idoneas, & gravissimis quibusvis morbis curandis efficacissimas in suum commentarium transcripsit, à quibus aurum & argentum in foliola aut ramenta, citra ullam aliam præparationem, redacta excipiuntur, ut legi potest in aurea Alexandrina, in Diacamero, aut (ut in Augustano medicamentario scribitur,) in Antidoto de lapide Radiato aut Lazuli juxta Mesuem, qui ejus sibi inventionem arrogat, quam & alibi etiam, ut nos, confectiorem alkermes vocat, nec à nostra differt, quàm restitutione quadam in meliorem statum compositionis, à nostris præstita. In Antid. Argyrophora dicta, Antid. è saphyro, Antid. ad cardiacos, ad melancholicos omnesque cordis affectus, quemadmodum & in utrumque electuarium de gemmis calidum & frigidum duo illa metalla admittuntur à Mesue: nec non aurum in confectiorem cardiacam Alexandri Bened.

Hinc constat metallorum aliquem fuisse usum apud Antiquos, ipsaq; in multis, iisque præclarissimis Antidotis & cōpositionibus, usurpata, quarum aliæ adhuc nunc vigent & in usu sunt quotidiano, ad corroborationem virium: quarum tamen, ut diximus, Græci caruerunt cognitione: nec aliis earum concinnandarum methodus, ut neq; condiendorū melle aut saccharo ad saporis suavitatem medicamentorum ratio, quàm solis accepta ferenda est Arabibus. Primi enim omnium posterioris seculi Medicorū de virtutibus pretiosorum lapidum, auri atque argenti, tractarunt, quas ex splendore & puritate eorum agnoverunt non esse potentissimorum affectuū steriles: ut ex Rase, Serap. aliisq; Arabibus cognosci potest.

Avicennas ipse, quem inter celeberrimos recensemus, hæc de auro sic scribit lib. 2. tr. 2. *Aurum*, inquit, *natura est æquale & subtile*: cumque de virtutibus ejus & operationibus verba facit, addit: *Limatura ejus ingreditur in medicinas melancholie, & melius cauterium, ac velocius sanabile est, quod sit cum cauterio auri. Retentio ipsius in ore removet fœtorem oris, & ingreditur limatura ejus medicinas alopecie & tyria liniendas, & iis immiscetur, que bibuntur, confortat oculum in alkool positum. Confert doloribus cordis, & tremori ipsius, &*
mali-

malitia animi, & ei, qui solus loquitur. Et in libello de medicinis cordialibus tr. 7. hæc quæ sequuntur, ipsemet scribit Avicennas de auro & argento: *Aurum* judicatur, inquit, inter iudiciũ argenti & hyacynthi, & est quidem infra hyacynthum & supra argentũ, cuius quidẽ complexio temperata est, aliquantulũ vicina colori, & est ejus operatio à proprietate. De argento autem sic loquitur: *Argentũ* aliquantulũ est frigidum & siccum, & ejus quidem effectus similis est effectui hyacynthi, hoc excepto, quòd multò est debilius illo. Quam verò proprietatẽ Avicennas hyacyntho tribuat, ut intelligamus, subjicit quæ sequuntur eodẽ lib. paulò pòst: *Hyacynthus* temperatus esse videtur. Inest autẽ ei proprietas letificandi & confortandi cor, & fortiter obviandi veneno: & hæc quidem proprietas est virtus, non suis attribuenda cõponentibus: sed manat ab ipsa eo modo, quo ex magnete emanat virtus, per quam magnes attrahit ferrũ è longinquo. De his autẽ, quæ in consideratione hyacynthi persuadere oportet, est ut incõveniens esse dicatur, calorem naturalẽ agere in hyacyntho, cum sumitur intra corpus, transmutationẽ & dissolutionẽ atq; cõmixtionem ejus substantia, cum evaporabili substantia spiritali, quemadmodũ agit in croco & similibus. Et in summa incongruũ quidẽ est, quòd dicatur, quòd hyacynthus in forma sua substantiali patiatur à naturali calore, & exinde

postmodū ejus opus manifestari. Etenim ejus substantia quēadmodū patet sensui, valdē est ab hujus passione remota. Videtur ergo, quod naturalis calor nec imprimat in substantia, nec in accidentibus formę suę inseparabilibus: sed solum in ubi ejus, & loco & qualitatibus ejus accidentalibus. In ubi quidē, & loco, quia facit ipsum cum sanguine penetrare, usq; ad partes cordis. Quapropter cum afficitur propinquius passo, fortius imprimit suum effectū. In qualitatibus quidem, quia calefacit ipsam hyacinthū: De natura verō calefactionis est, ut manifestet proprietatē, & excitet virtutem. Secus apparet in carabe: ipsum, enim quando debilitat, paleam trahere videtur: fricatur quidē donec caleseat. post hoc apponitur palea, & attrahit ipsam velociter. Et videtur ergo, quod ultima impressio natura nostrę, vel caloris naturalis nostri in hyacintho sit ista: & quod actio sit additio manationis ex eo ad illud, ad quod sit manatio naturaliter, & additio appropinquationis, &c. Hęc Avicennas.

Hinc cōcipi potest ab exemplo de hyacintho, quid Avicennas aliiq; Arabes judicaverint de natura & proprietatibus auri & argēti, dum vult tandē concludere, calori naturali nullam inesse agendi potestatem in hyacinthum introsumptā: nec transmutandi & dissolvendi ejus substantiam. At ea permanet, ut est in substantia vaporosa & spiritali, quem-

admo-

admodum supradictus calor agit in crocum, aut aliud quid simile. Quod quidē illi, aliisq; omnibus concedimus, qui aurum, argentum, saphyrum, hyacynthum, & reliquos pretiosos lapides in tenuissimum pulverem redactos propinant, quos vel utcunq; subtilissimè tritos, atq; sic intus assumptos, ne sic quidem calor naturalis noster domare ac dissolvere queat: attamen & metalla & pretiosos lapides, si in calcem philosophicam, essentias, magisteria, olea, liquores aut tincturas adducantur, (in quem scopum tendunt Hermetici, ut corpori humano cedant in medicamenta) faciliè naturalis calor noster atterat, concoquat & edomet.

At nunc tempus est, ut Hermeticorū sententiam aperiāmus, atque ut elegantes ac varias præparationes & operationes, diversaq; remedia, quæ illi tum ex auro, tum ex argento extraxerunt, in medium proponamus.

Videamus igitur quid de istis scribat Paracelsus, quæ peritus Doctor ac æquus lector conferat cum antiquorum scriptis, eaque simul ad incudem revocet, ac de iis iudicium ferat, pronuncietque maturo iudicio, penes quam utriusq; partis inclinet victoria, & quæ scopum propiùs attigerit.

Primo igitur loco hæc sunt, quæ in genere de metallis crassa sua materia indutis scribe-

*lib. de com-
pos. metall.
in principio.*

bat Paracelsus: *Metallorum usus citra noxam, in medicina nō est, nisi prius comminuantur, alterentur, & naturā metallicā depositā, in aliam, essentiam transmutentur. Parum etiam ex iis effectum speres, si non preparatio, quam alchymia docet, applicationem præcesserit, id est, si ante in sua arcana, olea, balsama, quintas essentias, tincturas, calces, sales, crocos, & his similia, redegerit & egroto administraverit.*

*Genuinus
metallorum
usus.*

Hinc constat, omnes illas Antidotos & electuaria corroborantia, quæ aurum, argentum, pretiososque lapides in pulverem crudum tantum redactos admittunt, ab Hermeticis repudiari: siquidem ista sic parata ventriculis auro & argento tantum incrustandis ac obducendis profunt: cum Hermetice præparationes in essentias, magisteria & tincturas adductæ longè nobiliores effectus edant.

Sed cum hic de auro & argento privatim agamus, videamus, quid Hermetici, ac in primis Paracelsus, de iis tradant, quid de illorum virtutibus & præparationibus scribant: postea quid ex nostris hortis efflorescat, ut laboribus etiā nostris fruantur omnes, quos universo populo consecravi, docebimus.

*Singula crea-
ta naturā
tendunt ad
perfectionē.*

Ea omnia, quæ nascuntur ac intereunt, ut volunt Hermetici, suam habent progressionem ad summū perfectionis gradum, in quo scilicet nulla est amplius elementorum con-

trarie-

trarietas, vel destructionis causa. Ista elementorum adæquatio, vel naturarum uniformitas, omnium est nobilissima & perfectissima, adeoq; omnium creaturarū nobilitas & perfectio. Talis uniformitas, quæ substantia est omnibus elementis æqualis in uno auro præsertim inest, in quo propter hanc elementorum adæquationem, nulla potest contingere diminutio seu destructio, ita ut jure etiā possit omnium gemmarum & corporum clarificatorum dici materia: & propterea aurū etiam adeò perfectū est, ut illo nihil perfectius aut nobilius reperiatur: *uni enim nil deperit auro, &c.* ut scribit Augurellus. Hæc autē auri perfecta natura accuratè consideranda est. Ea enim est omnibus elementis æqualis & uniformis, ut dictum: duplicis tamen nature, spiritualis scilicet, seu astralis, formalis, volatilis: & corporalis, materialis & fixæ. Utraq; summo studio investiganda est, ne in tam amplo labyrintho erremus: sed ut veram magnæ veræq; medicinæ, & veri seu uberrimi elixiris materiam, quæ præsertim in sola natura & substantia solari consistit, eruere queamus.

Cum autem hoc præsertim nobilissimum corpus, compactissimæ & firmissimæ sit substantiæ: absq; apertione & fractione aut solutione illius nihil boni præstare poterimus. Nam cum natura in hoc corpore perfectionem

Summa perfectio in auro.

nem attigerit, atque idcirco ab ejus ulteriore operatione quiescente cesset, arti commisit industriam suam, quâ aliquid adhuc perfectius huic corpori tribuat. Idcirco incipit ars, ubi definit natura, quæ nullum sibi alium proponit scopum, quàm & perfectionem illam auri auctiorem reddere, & eam ex materiali corpore eruere, ut spiritualementem, astralem, & ætheream reddat, medicinæ universali ad omnes corporis humani affectus profligandos idoneam. Quæ quidem sic arte reddita medicina, infinitis tum demum virtutibus cumulatur, quæ alioqui in crassa substantia sopitæ languebant, similisque redditur grano, quod numero, potestate & viribus (agricolæ industriam) augetur ac multiplicatur: qui non tantum terram suam aratro proscindit ac præparat, at eam fimis imprægnat, igne nitroso ac calore sulphureo gravidis & potentibus, quæ natura in fimos contulit, ex cœlestibus derivatum. Sic ars in auro operatur, eandem autem similem industriam conferens, quam sementi suæ agricola. Ea autem variis naturæ ignibus internis utitur in sua operatione, quorum virtutes in digerendo & vivificando positæ sunt, quas novit artifex externo igne excitare, eoque omnes coctiones imitari ac perficere, quas natura in suis operationibus adhibet, ut maturitatem & perfectionem

rebus

*Vivificatio**auri.*

rebus omnibus, quas producit, conciliet.

Sic mundus & elementa ejus, ignis inter-
 ventu transitura sunt atq; etiam renovanda, *Renovatio mundi.*
 & à pristina forma in crystallinam longè per-
 fectiorem, puriorem & nobiliorem, ac in æ-
 ternum durabilem commutanda sunt.

Ars quoq; cum in suis operibus variis igni-
 bus utatur, quatuor organa aut instrumenta *Quatuor artis instru-
 menta.*
 ad artificium suum complendum adhibet, so-

lutionem nempe, aut putrefactionem, qua
 aurum in primam suam naturam ac materiam
 reducit (alioqui perpetuò aurum tantum man-
 surum inutile) qualis tum primum erat, quum
 exorsa est auri cōfectionem natura, eam sem-
 per ad perfectionem usq; summam promo-
 vendo. Alterum instrumentum sublimatio
 est, cujus ope ars, ex ipso corpore soluto & a-
 perto, spiritum, animam & tincturam, vires
 & virtutes, quæ in ipso auro delitescabant,
 extrahit ac segregat. Tertium calcinatio est
 & Physica digestio, qua spiritus & anima cum
 corpore in unionem revocantur, ita ut ex tri-
 nitate partium fiat rursus totius unitas, nec
 non conjugium arctissimum, ac indissolubi-
 lis conjunctio.

Quartum organum artis fixatio est, qua tres
 illæ distinctæ partes sic unitæ, usq; adeò in se-
 se vinciuntur ac constringuntur, ut nulla par-
 tium amplius fieri queat divisio. Sicutique

aurum

I.

II.

III.

IV.

aurum specie mortuum, in vitale, vegetale ac prolificum aurum immensæ virtutis convertitur, ex cujus semine si vel granum exhibeatur, miras affectuum curationes in sanitatis corporis humani cōservationem ac vitæ productionem ostendet.

Atq; hæ sunt generales Hermeticorum in naturam proprietates ac facultates auri speculationes, quæ quidem longiùs progrediuntur, & majoris momenti sunt, quàm Dogmaticorum ratiocinationes, ut pleriq; omnes sanæ mentis homines judicare ac concipere facile possint.

Sed ad particularēs eorundem Hermeticorum contemplationes, quas scriptis mandarunt, docuerūt ac experti sunt de proprietatibus, virtutibus, nec non variis ac magnis operationibus, præparationibus, & infinitis remediis, quæ ex auro eliciuntur, descendamus: & prætermisâ longâ illâ ac innumerâ Hermeticorum, virorum alioqui celebrium, serie, qui hoc argumentum tractarunt, & in ipsum quàm fœlicissimè operati sunt, unius Paracelsi scripta intueamur, quibus facilè omnibus, vel maximè invidis hominibus satisfiat: nec non pertinacissimis ac perversissimis quibusdam Censoribus mirabilia videntur ac stupenda exhibeantur.

Aurum, inquit ille, lib. 2. de transmutatione

tionem rerum naturalium, pag. 308. & lib. de renovatione & restauratione, pag. 107. corpus hominis ad summam sanitatem reducit, omnes morbos curat & tollit, omnes colores restituit, instaurat, renovat. Et lib. de vita longa, tom. 6. pag. 126. Aurum præservat a lepra. 7. tomo. Aurum ex universis elixiriis summum ac potentissimum est, corpus servat, & liberum reddit ab omni aegritudine: neq; id corrumpi sinit. Corrigit enim ac emendat quicquid nõ est sincerum. Eodemmet tomo lib. 3. de vita longa, pag. 173. 134. de auro loquens, eiq; tot tantasq; virtutes ac proprietates tribuens, non quidem illi foliato, aut in limaturam comminuto, prout crassè veteres illo usi sunt, sed philosophico, hoc est, crassa sua materia, vario artificio spoliato, & ad summam spiritualitatem adducto, ut fiat medicamentum multis ac variis, iisq; gravissimis morbis idoneum, eademmet verba profert.

Porro ex auro varias docet elici præparationes: atq; ex illo (ut & idem de Luna reliquisq; metallis) tria propria eruit:

Vitriolum nempe solis, qui sal ejus est,

Sulphur solis,

Et Mercurium solis.

Dein ex illis tribus principiis, vel cõjunctim, vel separatim varia remedia parat, ut:

Arcanum auri simplex,

Arca-

Arcanum auri vitriolatum,
 Crocum solis,
 Magisterium solis,
 Liquorem solis,
 Quintam solis essentiam,
 Elixirium solis,
 Balsamum solis,
 Aurum potabile,
 Tincturam solis.

Vitr. Solis.

Processus ac verus extrahendi vitriolum auri
 modus docetur tomo 6. lib. de morte rerum
 naturaliū, pag. 291. Ibidemq; methodum ex-
 plicat educendi solaris sulphuris: virtutesq;
Sulph. Solis. utriusq; docet, esse diaphoreticas, diureticas,
 mundificantes, ex quibus multa eliciuntur
 remedia, variis morbis opportuna.

*Mercurius
Solis.*

Ut autē Solis mercurius separetur ex auro,
 & in primū ens suū reducat, primamq; ra-
 dicem, processus ac methodus docetur eodē
 tom. p. 291. 437. Ex quo mercurio solari varia
 præcipitata parantur, aliaq; remedia præstan-
 tissima purgantia & sudorifica, veri scrophu-
 larum, luis venereæ, morphæarū, & id genus
 aliarum egritudinū, ex massa sanguinis inqui-
 nata ac corrupta proficiscentium domitores.

Ejusmodi remedia parva admodum quan-
 titate exhibentur intrò sumenda, eaquē in
 pulverem vino aut alio liquore dilutum, aut
 in pilulas ex conserva aliqua formatas.

Arcanum auri simplex describitur ab eo- *Arcanū So-*
dem tom. 4. pag. 362. quod caduci morbi spe- *lis simplex.*
cificum ac peculiare remedium esse docet:
necnon omnibus maniarum ac melancho-
liarum generibus opportunissimum, dosi di-
midii ꝓ. aut circiter.

Arcanum auri vitriolatum, iisdem morbis: *Arcanum*
sed præcipue epilepsiæ aptissimum, describi- *Solis vitrio-*
tur tomo 6. pag. 160. cujus dosis est quatuor *latum.*
aut quinque granorum tantum.

At croci solaris conficiendi ratio habetur *Crocus Solis.*
eodem tom. 6. pag. 440. Quæ quidem reme-
dia omnia per sudores operantur, nec, etsi
magnos alvi fluores concitent, idcirco contra
morborum petere & pervadere desinunt, ex
quibus balsamum vitale recreando ac corro-
borando radices & primas mali origines ex-
tirpant, ac fontes exhaustiunt, modo naturæ
tantum, non nobis cognito.

Quomodo verò magisterium Solis pare- *Magist. So-*
tur, docetur tomo 6. lib. 6. de magist. & lib. 3. *lis.*
archidox. de Elementorum separationibus:
atq; hæc vera panacæa est, & adversus omnes
morbos vel deploratissimos, quales sunt le-
pra, scrophulæ, malum mortuum, morphæa,
exanthemata, variolæ, lues, epilepsiæ, apople-
xiæ, paralyfes, contracturæ, & id genus alia,
præsentissimum auxilium.

Formula ac compositio liquoris auri de- *Liquor Solis.*
Ec scribi-

scribitur tomo 3. lib. de viribus membrorum. In contracturæ cura nihil altius, nihil laudabilius est liquore auri & liquore mumiae, ut scribit idem Paracel. lib. 2. de tartaro, tract. 1. pag. 278. Eodem quoque libro & tract. pag. 287. Idem author historiam refert cujusdam hominis, cujus nomē exprimit, qui per quinquennium integrum contracturâ ac paralyfi membrorū perculsus, intra novem dies pristinae sanitati prolus hoc auri liquore restitutus est, multis aliis locis describitur idem liquor, quos brevitatis causa omitto.

*Quint. essen.
Solis.*

Quinta essentia auri dicitur, quando à corpore Solis quædâ spiritualis & rubina essentia separatur, in qua omnis virtus inest, tomo 4. pag. 106. Exhibetur in curationē variorum morborū semel aut bis in die ex vino aut decoctione congrua, dosi 5. 6. aut 7. granorum.

Elixir Solis.

Modus elixiris solaris conficiendi, ejusque virtutes ac proprietates in morbos etiam desperatissimos traditur tomo 6. lib. 3. de vita longa.

Balsam. Solis.

Balsamū Solis, ejus processus ac ratio proliciendi, cum virtutibus ac facultatibus, explicatur in magna Chirurgia pag. 147. lupis præsertim ac ulceribus phagædenicis & cancerosis medicandis efficax, si intrò assumatur & extrinsecus inducatur, mixtis illius aliquot guttis cum alio balsamo leviori.

Aurū potabile & Oleum Solis sine corrosivo, ut *Aurum po-*
habetur tom. 7. lib. de Gradibus & Compos. tabile.
 pa. 361. *extrahitur cum essentia salis ex calcina-*
to destillata, qui postea rursus separabitur & præ-
parabitur. Tum enim optimum aurum potabile
efficitur, tom. 7. lib. de sale, pag. 148. & tom. 6.
lib. de Resuscitatione rerum naturalium, pag.
398. Hæc sunt, quæ ab illo dicuntur: In auro
potabili parando, primus gradus est, ut aurum
fiat volatile & non amplius possit reduci: Huic
volatili auro addatur spiritus vini, & uterque
fiat volatilis. In eodemmet tomo, lib. The-
saurus Alkymistarum inscripto, pag. 398. Ve-
ri auri potabilis præparatio & administra-
tio docetur. Itemque tomo 4. lib. de mem-
bris contractis, ubi hoc remedium tradit
contracturis præsentissimum, tanquam ve-
rum illarum specificum. Infinitis denique
locis hujusmodi aurum potabile ejusque præ-
parationes & usus ab illo describuntur: vi-
res verò & proprietates eodem tomo, libro
de membris contractis enarrantur. Tanta vis,
inquit, inest auro potabili, ut non satis possit præ-
dicari. Major enim vis confortandi non repe-
ritur: Ita ut per hoc remedium omnes morbi
curentur, in primis ii, qui sunt in summo gradu,
cujusmodi est contractura, &c. Qui plures
processus & varios auri potabilis conficiendi
modos discere volet, consulat quæ à docto

Libavio de eo scripta sunt, lib. Alchym. tract.
1. pag. 93. & 94.

*Tinctura
Solis.*

Tincturæ solaris præparatio, cum ejus facultatibus ac proprietatibus, ab eodẽ Parac. exprimitur lib. 2. Chirurgiæ magnæ pag. 146. & 147. his verbis: *Tincturam auri voco ipsius corporis colorem: quem si à corpore separaverimus, ut corpus album remaneat, perfectum opus erit. Sunt enim color & corpus res ab invicem differentes, atq; ob id separari se patiuntur: hoc est, purum (quod color est) ab impuro, id est, corpore, sejungi: quod nisi primum fiat, omnis labor inutilis evadit. Separatione igitur facta, statim ad coloris clarificationem, ac ad summam graduum exaltationem properandum erit. Gradus autem, ad quem tinctura exaltari potest, quinquies duplus est, id est, quinquies in bis, 24. Nam sublimior non evadit. Tinctura hac summum in expurgando, renovando, restituendo, tum membro affecto, tum universi corporis sanguine mysterium continet.*

Praxis autem istius tincturæ proliciendæ, nec non menstruorum, salium nempe & spirituum vini præparationes, quæ præcipua sunt ad hoc artificium instrumeta, subjiciuntur paulò post, eodem loco expressa: cujus tincturæ administrationes etiam docet eodemmet lib. pag. 154 his verbis: *Administratio*
tinctu-

tinctura auri, ad tollendam omnium ulcerum radicem, hujusmodi ferè est, ꝓ ejus cum ꝓj. theriacae optime commiscetur: hujusq; mixtura ꝓj. jejuno exhibetur, & in lecto compositæ agro sudor imperatur.

In scrophulas, luem, vatiolas pari modo cum theriacâ misceri potest, aut cum aqua theriacali antepileptica xx. aut xxv. guttarum numero ad ꝓ iij. aquæ superioris, si quis morbus est epilepticus expugnandus: aut ad alterius aquæ antepilepticæ quantitatem, si paralysis profliganda: dosin cochlearis unius ad aliquot dies continuos quotidie iterando. Deniq; hæc tinctura variis, iisq; deploratissimis morbis curandis opportunè adaptatur, si ex rebus singulis morbis privatim congruis administretur.

Jampridem & ante annos triginta aut circiter, descripsimus in libro nostro de medicamen. spagyrica præparatione, cap. de auro hunc ipsum tincturæ extrahendæ processum; at breviter & obscure satis apud tyrones & rudes discipulos: perspicuè tamen satis illis scripsimus, qui in arte chymica versati sunt & exercitati. Hæc tinctura, quæ in rubrum colorem sublimatur ad formam stellæ radiantis, si philosophica proportionē cum proprio mercurio seorsim etiam extracto misceatur, digeratur, & philosophicè coquatur: evadit

tincturarum omniū nobilissima ac præstantissima, ut sit tinctura etiam tincturarum, & jure medicina medicinarum vocari debeat, cujus vel unicum granum vino dilutum, aut alio aliquo liquore congruo exceptum morborum omnis generis curationi inservit.

Non dubium est mihi, quin nascuti quidam Censores hanc auri tincturam rideant, fabulasq; & nugas esse clamitent, quin etiam etsi apertè vires operationis illorum & effectus viderint, coganturque ab experientia veritatem illorum confiteri & admittere, tamen non desinant imposturarum omnia hæc insimulare. Sed satis est mihi, si gerronibus istis respondero, quamplurimos esse eosq; præclarissimos viros, in Germania præsertim, nec non alibi, imò etiam Principes, qui veritati auri potabilis suffragentur ac subscribant: admittantque illius præparationem, qua in liquore quadraginta aut quinquaginta variis modis per alembicum aurum extillat, ut in corpus amplius nunquam reduci queat: quorum modorum aliquos jam hîc legistis, quos ex Paracelso citavimus: quibusq; veritatem derogare iis sit nefas, qui vel tâtillum in chymicis operationibus versati sunt. Hoc ipsum ego, qui vel omnium chymicorum infimus sum, experienciâ possim, cùm libuerit, oculis videndum subicere infra decem dies: extra-

Etiam, inquam, variis modis tincturam auri nec nō in potabilem liquorem, supra viginti etiam formas, ipsam redigere: cuius rei spondeo me certissimam fidem re ipsa facturum, ei qui ingenuè post conspectum experimentum & rei veritatē, ignorantia suam ingenuè fateri velit, & tā nobilia ac præclara artificia, antiquitati incognita suspicere ac admirari.

Quodd autem varias ac admirandas proprietates auro ascribant Hermetici, in spiritualē naturam, corporeā relictā, adducto, ratio est, quodd inter naturalia omnia corpora, auri corpus emineat, & alia corruptione ac perennitate superet: idq; ratiocinantur majore jure, quàm Hippocrates, & post illum Mesues aliiq;, helleboro, tot venenis ex eorum sententia implicato, majores curandorum morborum vires, quàm auro potabili, tribuant.

Superiores illę omnes auri præparationes, quum spiritualē naturam, & aëream substantiam ei concilient, ipsum idcirco reddunt epileptis, apoplexiis & paralytibus, de quibus hīc scribimus opportunum auxilium, cum ex aliquo congruo liquore administrantur.

Unam hoc loco adjiciemus remediorum nostrorum Solarium descriptionē, cujus formula istis morbis specifica, certissima, ac facilis brevisq; est præparationis. Si tamen ænigmatica videbuntur vobis mea verba, non

est quòd miremini. Tantū enim tamq; præstans argumētum aliter, quā philosophico eloquio, tractari haud potest, cū solis etiam Philosophis illud dicatum sit, & eis pervium.

Calcinate philosophicè solem, ad supremū puritatis gradum prius per antimonij adductum, & aqua stygia glaciata immergite, quæ ex draconis omnivori fontibus hauritur. Ibi Sol passurus est ecclipsin & splendore suum depositurus, ac in nigrum, lividum & mortuū colorem mutaturus: cuius tamen mortificatio hæc, vite ipsius initium est. Huic igitur sic moribundo aquam nubium depluito, quā toties tam diuq; illi faciem abluito, donec sensim inclarescat, & ex fusco colore paulatim deposito splendidior fiat. Nec quicquam periculi verendum ex crebra illius ablu-tione, ut neq; ex illius mortificatione. Quò enim magis extinguitur, eò splendidiorē vitam, maioremq; gloriā sibi comparat ex sulphureo & ardente liquore fructuū maturorum juniperi: qui ex Sole vitalem suum balsamum & sanguinem exquisitissimum extrahit, corpusq; eius album, pallidum, ac tanquam exanime, aut omni spoliatum vita, relinquit. Hunc balsamū & sanguinē solis vitalem si crebris cohobationibus ex spiritu flagrante Saturni per alembicū exercueris: exuperantē acquirēt activitatem ac operandi vim, virtutesq; eximias, quibus balsamū nostrū naturalē corroboret, ac potentiorē reddat, sese omni-
bus

bus suis hostibus expediendi: cuius dosis sit quatuor aut quinque guttarum aut granorum ex aqua lilii convall. aut florum tilia^e adversus epilepsias & vertigines: ex aqua lavendula^e contra apoplexias, & ex calendula^e aqua adversus paralyfes ac contracturas.

Sed hunc processum tinctura^e solis, & auri potabilis idcirco ænigmatica verborum obscuritate de industria involvi: non quod cælare quicquam velim posteritatem, aut illi tam egregia mysteria invidere, etsi tamē certus sum, hoc à quibusdam Censoribus existimatum iri, quibus etiam hæc nostra ludibrio futura sunt: qui tamen aliquando, depositâ ignorantia, & comparatâ tantorum arcanorū scientiâ, falluri sint, me citra rationem hoc non fecisse: quod ea scilicet non sint, quæ dicata sunt doctis, plebi promulganda, & quæ sunt secreta, taliaque haberi debent, vulgò propalanda. Alioqui enim arcana desinerent esse arcana, & gloriâ suâ, deposito velo, ab indignis & profanis hominibus exuerentur ac proculcarentur. Si Pythagorici, aliiq; idque genus Philosophi doctrinam suam numeris velarunt: Lulliani primariis literis Alphabeti, quæ muta sunt omnia, & docendo nihil docentia, nunquid majore jure & ratione, voces draconis omnivori & aquæ stygiæ congelatæ, ex ejus puteis haustæ, aliarumq; id

genus vocū longè magis omnibus Philoſophis perviarum ac apertarū, quos noſtris myſteriis dignos cenſemus, à me uſurpari liceat.

*Virtutes &
remedia,
quæ ab Her-
meticis ex
Luna eru-
untur.*

Priusquam autem huic capiti finem imponamus, aliquid nobis de Luna aut argento dicendum eſt, ſimiliq; ordine, quem hætenus ſequuti ſumus, docendum, quid de ea, ejusq; virtutibus ac proprietatibus Antiqui ſenſerint, & in quem uſum hoc metallum retulerint, qui medicinam ſpectet: ut ſubnectamus poſtea Hermeticorum ſententiã, qui adyta Naturæ altiùs, quàm cæteri omnes, ingreſſi ſunt, ejusq; ſinum ac viſcera in apertum protulerunt, unde arcana quàmplurima, eaque admiranda magnâ induſtriã eruerunt, nobisq; evolverunt.

Scriptimus jam in libro noſtro de medicam. ſpagyrica præparatione, idque pridem, compoſitiones & antidotos argentum & aurum admittentes: quarum adhuc paulò antè de auro loquentes, mentionem fecimus: ac ſimul docuimus, cui uſui illa eſſent apud antiquos, & cūr compoſitionibus infera: nec non oſtendimus, Galeni, aliorumq; Græcorum, qui ſequuti ſunt, temporibus illorum in medicina uſum fuiſſe incognitum: atq; ab Arabibus primis in Antidotos ſuas cardiacas ea fuiſſe invec̃ta. Unus tamen inter Græcos Aegineta illo uſus eſt in ſcorpionum ic̃tus ex-
trin-

insecus plagæ inducto: sicq; de eo loquitur
 5. lib. de re medica. cap. 8. *De Scorpionis plaga:*
Facit ad eosdem (ictus supple) & trifolii semen
potum & ocymi semen: Præter opinionem quoq;
facit argentum statim plaga appositum.

Nunc verò patefaciamus, ut metallum hoc
 non secus ac aurum, utq; exactioribus modis
 ac præparationibus, quàm Græci & Arabes
 fecerint, ab Hermeticis, elaboratum ac disse-
 ctum fuerit. A quibus sic exenteratum est, &
 omnibus modis comminutum, ut in impal-
 pabilem naturam, hoc est, spirituale corpus
 ejus sublimarint, & quod in eo materiale e-
 rat, formale prorsus & incorporeum reddi-
 derint: unde virtutes ejus admirabiles & pro-
 prietates agnoverunt, aliasq; non minus nobi-
 les ac efficaces, in remedia internorum affe-
 ctuum vel graviorū etiam, quàm sint scorpio-
 nū ictus, extrinsecus in laminas plagis appo-
 sitū, erui posse & elaborari deprehenderunt.

Paracelsus ipse in suis scriptis, varias ipsius
 argenti perinde ac auri præparationes tradi-
 dit. Ex eo enim non secus ac ex auro vitrio-
 lum aut salem, sulphur mercuriumq;, eadem
 fermè methodo extrahit. Quin & ex illo do-
 cet, quemadmodum ex auro, quatuor elemē-
 ta separare, tom. 6. pag. 16. de separatione ele-
 mentorum.

Nec nō magisterii Lunæ elaborandi ejusq;
 pota-

*Tria Luna
 principia.*

potabilis reddendæ artificium aperit, non secus ac auri, tom. 6. pag. 60.

At quum Luna propriè ac privatim cerebrum spectet, ejusque morbis, ut maniiis & melancholiis, epilepsiis, &c. specificum sit medicamentum, ei adaptatur: ut cordi ex sua proprietate aurum.

Liquor viridis Luna, inquit Paracelsus, *cerebrum confortat & quasi novum restituit*. Processus autè ejus elaborandi exprimitur tom. 3. lib. 2. de virib⁹ membrorū pa. 7. hoc modo:

Liquor Luna viridis.

R. Luna calcinata, q. s. cohobetur diebus septē per vinum vite: tum calx Luna resolvitur in liquorem tenacem. Hic digeratur in Bal. per mensem unum, tum resolvitur, & succum viridem representat. Quicumq; noverint hanc Lunam philosophicè calcinare, facilè in liquorem hoc processu eam traducent.

Ea igitur hoc modo calcinatâ ac mortificatâ, quem suprà docui de sole calcinando: ex ea liquoris sulphurei salviæ beneficio, ut auro juniperinus congruit, tinctura elicitur saphyrica, essentia, liquor, & oleum lunæ exquisitissimum ad omnes epilepsias, apoplexias, paralyses, aliosq; id genus affectus conferens, si quatuor guttarum numero ex congrua aqua aut liquore propinetur.

Libavius lib. 2. Alchymia, tract. 1. pag. 94. tres modos conficiendi istius Lunæ liquoris aut

aut Lunæ potabilis aperit: qui quidem author describit, pariterque docet tres ejus in calcem adurendæ processus, eodem lib. & tr. pag. 99. 100.

Atq; hæc satis de utriusque metalli auri & argenti dissectione, ac interna terrestrium duorum luminarium evisceratione, hoc loco dicta sint, quatenus iis quatuor affectibus, de quibus nunc agimus, conducunt: reliquas eorum proprietates ac varia aliis morbis congrua remedia, aliorumq; metallorum virtutes ac effectus, in morbis varios excutiendos, rejicimus in Antidotarium nostrum Spagyricum. In conclusione tandem, quæ sequuntur de mercurio aut argento vivo, annectemus, ut pateat nihil ab antiquis de hoc metallico individuo scriptum nec dictum, nisi per transennam & obiter: quod potius ipsum in venenorum catalogum referrent, quam in pretio, ut exquisitum remedium, haberent, ejus proprietatum prorsus ignari: at contra Hermeticos, Preceptorem suum sequutos, (qui semper asseruit: *Quod est superius, illud & idem esse inferius*) longè alias agnovisse in eo proprietates ac remedia, partes omnes ejus interiores accuratè dissecando ac revolvendo: in quibus infinita arcana delitescere, morbis vel gravissimis ac deploratissimis conferentia, compererunt: quæ etiam juxta varias illius

præparationes, varia eruerunt, ejusq; infinitas compositiones in magnum medicinæ ornamentum transcripserunt, ut sequenti capite ostendemus.

CAPUT XXXIII.

De Argento vivo sive Mercurio.

SEQUENTES semper eum ordinem ac methodum, quam in hoc tractatu observavimus (præsertim de metallicis auxiliis agentes) ut, quid de illis senserint veteres Dogmatici Mediciq; celebriores, primò dicemus, sive de proprietatibus illorum differerent, sive eorum compositiones & usum in medicinam inveherent; deinde ut apertum vel luscis etiam, quid Hermetici splendoris ac lucis contulerint, faceremus, ac quàm varia ex illis arcana excogitarint, & in magnum Medicinæ decus ac ornamentū eruerint. Primùm hoc loco, quid de eo senserint, dixerint ac scripserint Dogmatici, in medium affereamus, tribuemusq; illis hunc honoris gradum (sicut hætenus fecimus) ut priores sententiam pronuncient.

Dioscorides inter veteres Græcos antiquissimus scriptor, virtutes ac proprietates metallicarum substantiarum interpretatus, hæc de argento vivo subnectit lib. 5. sui commentarii,

*Veterum de
Mercurio
sententia.*

tart. cap. 70. *Argentum vivum*, inquit, fit ex minio, quod falso tinabaris dicitur, in fictilem patinam, ferream concham habentem, minium conjiciunt, calice concham tegunt, argillaq; illinunt & carbones succendant. Nam fuligo, qua calici inhaesit derasa argentum vivum est. Quinetiam invenitur in argenti fodinarum tectis in guttas concretum. Servatur in plumbeis, stanneis aut vitreis vasculis. Aliam namq; materiam exest. Et lib. 6. cap. 28. idem hæc scribit de ejus virtutibus: *Argentum vivum* potum eadem procreat, qua argenti spuma, torsiones nempe, intestinorumq; dolores: atq; eadem usurpanda sunt auxilia. Videtur autem juvare lac epotum in magna etiam copia: sed post evomendum est.

Oribasius medicin. collect. lib. 13. transcripsit verbum verbo, quæ dixerat Dioscorides lib. 5. c. 7. de mercurio.

Idem & Actuarius infernit iisdem verbis lib. 5. method. medic. cap. 12. sub finem, proprietatesq; ibi argenti vivi describit, quas prius Dioscorides docuerat: nec non etiam in lithargyri aliorumque metallorum descriptione, eundem Dioscoridem æmulatur ac sequitur lib. 6. c. 28.

Ex quibus omnibus liquet, nec ipsum Dioscoridem, nec posteros ejus longo post tempore exortos. Græcos, unam eandemq; cautionem

tionem ſemper recantantes, magna argenti vivi cognitione imbutos fuiſſe. Nec aliud de eo etiam ſenſiſſe videtur magnus ille Gale- nus, etſi aliis verbis utitur, cū ſic ſcriptum reliquit 9. lib. ſimpliciū: *Ipsū non eſſe ex ſim- plicibus ſpontē naſcentibus medicamentis: ſed ex iis, quę preparantur, velut arugo, litharg. &c.* Attamen de proprietatibus ejus idem nihil refert, nec qualitatibus: cū ingenuē fatea- tūr, ſe nullū unquā ejus feciſſe periculū, neq; quōd interimat, ſi devoretur, neque ubi admotū ſit. Vel minimus autem tyronum, qui leviffimam etiam rerum foſſilium cogni- tionem attigerit, novit, argentum vivum vulgare eſſe minerale à natura productum, in formam liquidam & aquam ſiccā, ut mul- tis in Germania & Hiſpania (unde optimum aſportatur) locis reperitur.

Argentum vivum igitur ex minio nō con- ficitur, ut Dioſcor. ejusq; ſequaces ſentiunt: ſiquidem minium aliud nihil quā plum- bum eſt, vī ignis calcinatum ad rubedinem uſq; quemadmodum ceruſſa plumbi calx eſt altera, vapore aceti prolecta, ut à Monſpeſſu- lanis ex venere aut cupro vapore vini & ra- cemorum extrahitur calx cupri, viride æris, aut barbarē verdetum dicta.

Quod ad Cinabarim attinet, pauca etiam de illo ſibi eſſe nota ſatis teſtatur: Cinabrium enim,

Error Dio- ſcor.

Minii quid ſit?

enim, quod in officinis Pharmacopœorū pro-
stat, factitiū est, ex argento vivo cum sulphu-
re primū mortificato, deinde sublimatione
exaltato concinnatum, quod faciliè etiam fe-
rè rotū in mercurium currentem conver-
titur, hoc est, ut ex lib. i. xiiij. uncia propemo-
dum exprimantur, si, ut in consilio nostro de
lue venerea docuimus, calci vivæ admixtum
ex cornuta aut retorta vi ignis protrudatur:
quæ quidem mercurii præparatio longè me-
lior ac exquisitior est vulgari.

Cinabrium.

Est & aliud minerale Cinabrium formam
lapidis rubri referens ponderosissimi, quod
variis locis reperitur. Sed apud Marpurgen-
ses ampla, elegans & ferax illius minera est
in Hassia, cujus magnam satis copiam attuli,
quam doctissimus vir Johannes Hartmanni,
in Academia Marpurgenſi Mathematicus
Professor, ac celeberrimus Medicus Philo-
sophusq; mihi donavit. Ex eo Cinabrio non
dubium est, quin possit eo modo, quem de-
scribit Dioscorides, & post eum Oribasius,
sublimatione mercurius extrahi, cujus etiam
capax est ipsa fodina, copiosiorq; eo modo e-
licietur à Dioscoride descripto, ex eo mine-
rali mercurius, quàm ex artificiali. Quod igi-
tur minium vocat Dioscorides, potest intel-
ligi de Cinabrio illo minerali, non de minio
illo, quod vi ignis potiùs in vitrum vel plum-

*Alia cinab.
species ad
Marpur-
gum.*

*Alius error
Dioscor.*

bum reducitur, nunquā verò in mercurium
vertitur, nisi alia methodo, quā quæ a vete-
ribus tradita est, procedatur: quos inde con-
stat parū in rerum metallicarum cognitio-
ne ac præparationibus fuisse versatos. Quo-
rum in hac re ignorantiam satis superque te-
statur mercurii conservandi ratio, quā do-
cent: cū dicunt, vitreis vasculis, plumbeis
aut stanneis excipi & custodiri debere: ut qui
alioqui vasa alia omnia exedat: cū tamen
nihil magis voret, quā metalla illa duo su-
perius commemorata, terrena vasa ne mini-
mum quidem arrodens, unde eos inscite de
illo loquutos esse veteres, & citra experien-
tiam videre est.

Sed in istis frustra tempus diutius teramus,
nisi eo fine, ut pateat nō omnia omnibus An-
tiquis fuisse cognita: magnis tamen laudi-
bus illos esse celebrandos, ac beneficia eo-
rum erga nos agnoscenda. Quinetiam &
qui sequuti sunt, gloriam suam mereri, &
à nobis gratum animum: quod quæ supra an-
tiquos calluerunt, candidè nobis impertie-
runt, & indies adhuc publicæ utilitati invigi-
lent ac consulant: nec non ut ostendamus
etiam nunquam Medicinam tantum perfe-
ctionis gradum attigisse, quin in secula & dies
singulos, incrementi aliquid, gloriæ ac orna-
menti possit accipere, ut aperte patebit ex hoc
etiam

etiā mercurii argumēto, de quo nunc agimus.

In quo Ægineta aliquid amplius agnovit, quàm superiores qui præcesserunt: siquidē de quadam mercurii præparatione ac præcipitatione scribit, quæ erat in usu, quæq; intus etiam assumebatur: atque hæc sunt, quæ docet: *Argentum vivum ad medicum usum non ita valdē assumitur, quū venenum existat: verū quidem ustum ipsum ac in cinerem redactum, aliis speciebus permixtum, colicis & volvulosis bibendum dederunt.*

Avicennas ipse cum aliis Arabibus, qui post Græcos scripserunt, eos risit, qui argentum vivum factitium esse opinabantur: hujus habuit & cinabrii artificiosi cognitionem, nec non etiam mineralis Priscis incogniti. Semper enim aliquid lucis rerum veritati, & ejus cognitioni tempus addit, ac ut vulgò dicitur, rosas profert.

Videamus igitur, quid ille lib. 2. tract. 2. de illo in formam interrogationis scribat: *Argentum vivum quid est? Argentum vivum, aliud est purgatum à minera sua, & aliud extrahitur ex lapidibus minera sua cum igne. Secus sit aurum & argentum.* Addit: Et Galenus quidem & alii existimaverunt, quòd ipsum sit arte factum, sicut lithargyrium: quoniam est extractū cum igne, & quoniam substantia ejus est similis substantiæ Uxiphur. Existimavit itaq; quòd

ipsum non sit, nisi ex algenzinpher in vase lutato, super quod est ignis accensus & sublimatus: sed non est ita: imò uzifur (id est, cinabrium) fit ex eo cum sulphure. Deinde possibile est, ut extrahatur ex eo substantia argenti vivi.

Post Avicennam aliosque Arabes novis multis hisq; gravissimis morbis exortis, ac inprimis horrenda illa venerea lue grassante, multi siq; magni viri ac celebres, de hoc morbo tam gravi extinguendo, anxie solliciti fuerunt, omniaq; hinc inde meditati sunt, quibus tam diro veneno tot symptomatis ulcerum ac nodorum, pustularum, canctorum ac phagædenorum stipato possent succurrere: in cujus curationem à nonnullis eorum tentatum jam fuerat argentum vivum: atq; huc curatione accommodatissimū remedium cognitum: perrexerunt ipsum in usum admittere linimenti primum ulceribus inducendi, unde egregios effectus perceperunt, imò præstantiores, quàm ab ullo alio auxilio fas esset experiri: postea frictionis, ac demum medicamenti intrò assumendi: quod idcirco in pilulatum formā Barbarossæ dictarum vel crudum etiam exhibitum est. Quin & sunt adhuc hodiè Medici, qui eodem argento vivo utuntur crudo, ex theriaca, mithridatio, aut confectioe Alchermes, cum moscho, ambra, aut cardiaco aliquo pulvere: unde sæpè feli-

Qua occasione Mercurius in usum Medicum venerit.

felices successus experiuntur, in ardoribus urinarum, gonorrhæis foetidis, & pustulis venericis minus malignis. Alii ipsum argentum vivum præcipitarunt, & in pulverem variis modis redegerunt, edocti fortè ex lectione scriptorum Æginetæ. Deniq; in quascunq; formas fuerit paratus & mutatus mercurius, singulares semper suæ virtutis effectus feliciter prodidit, ita ut à Recentioribus pro veneno, contra veterum opinionem ejus facultatis imperitorum, haberi desierit: imò summis laudibus elatus sit. Sive enim eo crudo complures nostri seculi celebres Medici usi fuerint, variis tamen morbis ipsum, citra præparationem etiam opitulari tutò deprehenderunt: quemadmodum magnus ille Brassa-
vola in examine simplicium testatū reliquit, se crudum etiā infantibus lactantibus & pueris & grandioribus ætate, magno cum fructu argentum vivum exhibuisse, cum morti proximis ex vermium torsionibus illos animad-
verteret; quibus tamen nulla alia auxilia profuissent.

Sed de argento vivo jam plura attigi, sive crudum, sive præparatum administretur: ejusque in consilio nostro de lue venerea proprietates ac virtutes, ex Dogmaticorum etiā sententia enarravimus: Diutius igitur in hoc argumento versari, & sententias veterum tum

Græcorum, tum Arabum, tum etiam recentiorum Medicorum hic copiosius congregare, supervacaneum fuerit. Quocirca elegantissima illa ac summa variaq; ejus ornamenta, varias præparationes, varia remedia, eorumq; fœlices administrationes, quas Hermetici in usum revocarunt, & adhuc quotidie adhibent, aggrediamur.

Inter omnes Chymicos Philosophos antiquiores & recentiores, Paracelsus præ aliis summa cura & industria virtutes, qualitates & proprietates ipsius argenti vivi excussit: cujus varios etiam apparatus, variaque ac præstantissima adversus vel deploratissimos morbos conferentia remedia docuit: Cujus idcirco consilium, authoritatem, & operandi modos potius, quàm aliorum omnium sequemur. Attamen inter alia notandum est, mercurium variis modis esse cõsiderandum, vel crudum & qualem natura procreat: quem sic administratum noxiores, quàm salubriorem esse ducò, ut sentit idem Paracelsus, qui de eo sic scribit tomo 6. pag. 61. *Mercurius crudus tremorem & rigorem in homine facit.* Et eodem tomo pag. 65. *Mercurius, nisi optime paretur, tum eosdem morbos inducit, si intra corpus sumatur, quos efficit extra corpus: qui quidem sunt jam antè expositi tremores, aliaque gravia symptomata, ut facilè aurifabri seu*

Varia Mercurii consideratio.

seninauratores, & qui in fodinis versantur, experiri solent. Aut considerandus est mercurius solertis Artificis ac Philosophi manibus paratus, qui arte antiquâ pellem exuit, novasque qualitates ac virtutes induit. Quod idem sic confirmat Parac. tom. 5. pag. 45. *Mercurius*, inquit, *optimè preparatus est naturalis theriaca*, &c. Sed hîc plura de argenti vivi natura non differemus, siue ea sit frigida, ut nonnulli volunt, siue calida, ut alii sentiunt, siue temperata, siue secus, siue perniciofa, siue salutaris, ut varîe sunt & discordes multorû sententiæ: quemadmodû fusè jam satis in Consilio nostro de Lue Venerea ista tractavimus: ubi lector possit discere, cujus sit ex mea sententia naturæ. Quicquid sit, spirituale est corpus, aut spiritus corporalis admirandæ naturæ: aqua est frigida & sicca extrinsecus: calida verò & humida intrinsecus, utq; possit liquefacere, solvere & amplecti in se metallica corpora (prout aqua marina cõtinet in se soluta salina corpora) homogeneus est spiritus, cujus vel minima pars mercurius semper est, perinde ac ejus totum: ut qui vi ignis possit quidè avolare, tanquam spiritus volatilis, corpus tamen ubique inu semper retineat volando, utcunq; altissimè etiâ eleuetur: ne ullâ inde patitur alteratione aut corruptione, cum summè adæquata ubiq; in sua somatopsychia elementa habeat,

Natura
Mercurii.

*Solis & Mer-
curii sympha-
zia.*

non secus ac in Solis psychosomatia talia reperiuntur. Quæ quidem elementorū in mercurio adæquatio, tantam illi parit cum Sole analogiam, præsertim cum uterque in essentiam & simplicissimam puritatem redactus est; quæ prima eorum est materia, ut mutuo amplexu avidè sese excipiant, & naturā suam invicem communicent, ac in unionem summam corporis & spiritus vinciantur; siquidē alterius spiritus ab altero corporalitatē mutuatur: alter verò à spiritu, corporis spiritualitatem, ut uterque simul fiat & *ἡμετέριον* & *σωματοφύλον*.

Mercurius autem ille tribus modis ex vulgari redditur Philosophicus, sublimatione, præcipitatione & destillatione.

Ex supremis Solis in essentiam aut tincturam præparationibus, suprà didicimus, quæ ex corpore ejus solari rubedo quædam virtutibus grvida & spirituali tincturā, sublimatione per alembicum elicitur, relicto in fundo vasis albo corpore: hæud secus ex mercurio in veram suam essentiam sublimationis apparato, extrahitur artis beneficio Mercurius essentialificatus, ut vocant, à quo variis sublimationibus & mundificationibus (si ita liber) nigredo illius mira abstrahitur, ut tandem verè homogœneus is & splendore ac claritate purissima, instar crystalli perspicuus emiceret:

*Mercurius
essentialifica-
tus.*

atq; sic purissimus redditus, & omni perniciē ac veneno exutus, totus tum rapitur miro Solis amore, ut quā ocyssimē ipsi advolet, si admoveatur, & promptissimē ac firmissimē illi uniatur, quasi vi magnetica & proprietatum ac essentiarum similitudine Solem ad se attrahens, ac sibi arctissimo matrimonii vinculo copulans & devinciens: cū alioqui ante ejusmodi illius præparationem, non ita arctē cum auro conjungi poterat, cruditate sua interpellatus: quod cum cocta materia crudum, ut volunt Philosophi, nullum consortium habeat.

Sic itaq; mercurius præparatus desinit esse vulgaris mercurius: at verus & Philosophicus tum vocatur, ut qui veri artificis philosophica manu talis sit redditus.

Innumeri præstantissimi Philosophi multum hujus mercurii præparationi insudarūt, quam vix assequi potuerunt: partamq; variis celarunt figuris & ænigmaticis verbis, tanquam totius operis potissimum caput, involverunt, ut profanum vulgus à tanto arcano arcerent. Quod tamen speramus aliquando nos patefacturos, vel in Antidotario nostro spagyrico, vel alio aliquo loco opportuniore ac commodiore, ne quid invidisse doctis viris videamur.

Arnaldus Villanovanus hoc fundamentū

jecit præcipui sui operis, ut constat ex lib. de perfecta lapidis phisici investigatione cap. 3.

Essensificatus mercurius ex Paracelsi doctrina tom. 6. pag. 298. *fit reiteratis mercurii sublimationibus ex vitriolo & sale, ac ejus revivificationibus. Si idem mercurius novies sublimetur, & toties resuscitetur, tum ad supremam puritatem, est perductus, omnemq; vim venenatam, qua scatebat, deposuit: cujus virtutes tunc immensa sunt* tom. 6. pag. 299. Deniq; certum est sublimationis artificio argentum vivum ad supremam puritatis ac perfectionis gradum adduci posse: nec ideo tantum, quod nigris suis fuliginibus ac impuritatibus exuatur: at potius quod illa sublimatione, sulphure & igne naturæ imprægnetur, à quo cælestes & efficaces proprietates, admirandasq; virtutes mutuetur. Unde verè philosophicus mercurius, & verum acetum metallicum Philosophorum reddatur ac vocetur: utpote qui Solem & Lunam tunc in primam suam materiam revocate, & ex corporeis spiritualia, ex mortuis vitalia, cum eorum radicalis humoris, ac virtutum seminalium, ignis sulphurisq; naturæ (quod tamdiu celarunt Philosophi) cōservatione, reddere possit. Ignoscant autem Philosophi, si, quod hactenus multis obscuritatibus velatum est, in gratiam rei literariæ aperire cōtendo, & clariora luce præclaris ingeniis & veritatis ac arcæanorum studiosis afferre: quod & jam

pridē tentavi, & citra ænigmata aut parabolas illis tantū, non autē malignis hominibus & nihil quā invidiā, odia, & ignaram arrogantiā spirantib⁹, quos nihil hīc moror, exposui.

Addo porro, cū hoc essensificato exaltato mercurio, in aceto philosophico soluto, ubi Sol quoq; seorsim sit resolut⁹ philosophica ac debita proportionē: si uterq; jungatur, postea a menstruo separatur: deinde humidi segregatione, arte sublimationis facta ambo exaltentur, tū mercuriū purpurea solis veste exornatū iri, Solis vitā & virtutes in sese transferentē, unde prestantissimū oritur magisteriū, & admirandū vite elixir ad sanitatis cōservationē, & omniū corporū mundificationē perfectā. At Cēsores nostri irradiantē hunc Solem nunquā sunt perspecturi, quodd sopito nimis & tenebroso cerebro, ingenioq; bruto ac hebere sint. Maneāt igitur isti homines in suis tenebris. Solis enim dicatur hoc lumen, qui sagaci ingenio & indefesso studio huic arti, secreta naturæ versanti incumbunt, indagātq; cū quinq; his qualitatibus, oratione videlicet, studio, industria, labore & patiētia, ad hoc opus necessariis. Addo & hoc insuper, internū illū naturæ ignē in illo mercurio essensificato latentē, sistere posse, coagulare, congelare, & in crySTALLINā duritiē, uno momento, proprię suæ aquę metallicæ ac fluētis justū pōdus, aut circiter, cōpingere: à qua vicissim ille

ille sic extinguatur ac contemperatur, ut ex contrariis utriusq; effectis ne minima quidē de substantia illorū portiuncula depereat, aut etiam diminuatur: ita ut hoc artificio, qui antè Draco erat omnivorus, lenis ac suavis columba reddatur: Aquilaq; cœlestis, cœlestiū ac admirandarum virtutum ferax, tum præsertim, quū ejusmodi aqua (ut ego quotidie operando experior, qui coctas aquas magis, quā crudas probo ac commendo) ex omnibus simul junctis Planetis, aut ex uno solo, extracta fuerit: vel etiam ex fonte illo uberissimo, cujus scaturigo excelsioribus montibus oritur, usq; adeò dulcis saccharata ac mellita, ut simulac Aquila eum depasta est liquorem, & ad satietatem ebibit, hoc est, quantum potest haurire (quæ nota est plenæ satietatis) ea, inquam, Aquila, quod non caret admiratione, agrestem, acerbam, ferocem, mortiferamque suam naturam, statim & uno momento in benignā, suavem, mitem ac salutarem commutet: atq; ut paucis dicam, quod fuit antea non inferius venenū viperino, in theriacam tamen theriacarum, hoc est, in nobilissimum omnium ac præstantissimum remedium convertatur: cujus vires ac proprietates sunt detergere, mundare, rectificare, repurgare, modò per alvum, modò per urinas, totam sanguinis massam: instaurās ac corroborans balsamum

sanum nostrum naturalem, cum naturam etiam balsamicam in se possideat. Hinc idcirco lepræ, scrophulis, lvi, variolis, morphæis, putridis febribus ac continuis, inflammationibus internis, pestilentialibus affectibus opportunum auxilium est, ac tanquam panacea omnibus morbis profligandis idonea: cujus ne ipsi quidem infantes, nec gravidæ mulieres usum refugiant: ut quod etiam omnis generis hominum tuendæ ac conservandæ sanitati cōducatur, scrupuli tūius dosi, aut etiam majore, ex aliqua conserva, aut ex cochleari vini, aliusvè congruentis liquoris.

Non tne fugit, ô Censores, Chymicorum conjurati hostes, vix superficiem verborum meorum vobis fore perspicuam, ac iis, quantum in vobis erit, fidem esse pro viribus derogaturos: sed quid moror ista, cum mihi tantum animus sit, tam elegantes margaritas in agrum alium longè vestro cultiorem ac feraciorē immittere ac serere, unde messis laboribus meis debita certò speretur ac expectetur: neque putetis, sono tantum verborum meorum ætē verberari, nihil verò ultra præstari posse: Verum utique est & citra mendacium verissimū, quod loquor: quodq; luculento potentissimi Principis, cui hoc opusculum consecratur, omni virtutū ac perfectionum genere clarissimi testimonio fulciatur:

ciatur: Cujus utiq; unius fides vel sexcentorū aliorū testimonia superat: etsi ei oculato eorū, quæ dicimus, testi tres alios celeberrimos Professores in ejus celebri Academia docētes, & ordinarios ipsius Medicos adjungimus, qui ejus mādato & studio, quo flagrabant, cernendæ veritatis ipsis oculis viderūt, & re ipsa probarunt, quæcunq; hīc à me dicta sunt: iidemq; variā hujus remedii experimēta ediderūt, ut de illius effectis fierent certissimi. Quin & ipse potentissimus Princeps in se ipso illius foelicissimè periculū fecit, ut qui sic & suave & jucundū ac gratū deprehenderit esse purgans medicamentū, omnes intentiones ac scopos ab Hippocrate cōmendatos assequutū, ut citò, tutò, & jucundè operetur.

*Mercurius
vita.*

Hæc medicina cum aquis & mercuriis duorum luminariū parata, Arcanum, magisteriū, elixir ac mercurius vitæ dici potest: quibustitulis ipsum insignit Paracelsus, sic scribens: *Mercurius vita*, inquit tom. 6. pag. 33. *est arcanū & quinta essentia: hic præservat, instaurat & renovat hominē. Idem hominem ita depurat, ut ungues, pilos, cutim & omnē impuritatem tollat:* Eodē tom. pa. 45. *Eteodemmet tom. 6. pag. 51. Mercurius vita*, inquit, *omnia metallā in primā materiā resolvit & persicit in homine: omnia membrā renovat, quæ in senibus sunt absunta, virtutesq; deperditas reducit. Cum auro multis in locis ipsum comparat.* Qui

Qui plura videre volet de admirandis virtutibus, quas Paracelsus eidem arcano aut vitæ mercurio ascribit, legat Archidoxorum lib. 5. de arcanis, cap. de mercurio vitæ.

Sed sat sit de præparationibus dictum, quæ per sublimationē aut exaltationē fiunt. Quicunque capiet, quæ à nobis modò scripta sunt, varios præparationum modos assequetur, qui pro varietate mercuriorum virtutes etiam ac proprietates variant, ut aliæ sint Solis & Lunæ præparationum virtutes ac facultates, aliæ plumbi, cupri & ferri.

Nunc verò ad præparationes præcipitati superiorum mercuriorum accedamus.

Qui nos ætatē præcesserunt, parum in anatomia interna mercurii versati, ipsum primum calcinarunt, aut juxta Paulū præcipitarunt, & in calcē redegerunt: *Alii quidem solo*

*Præcipit.
Mercurii.*

fulphuris vapore, unde genus quoddā artificiosi cinnabrii cōcinnabant magnæ virtutis, intrò etiā sumti. Alii verò ipsum præcipitarunt fortibus aquis vulgaribus: atq; hoc præcipitatum dulcorabant crebris ablutionibus aquarum cordialium & vitæ: unde remedium educebant in curationem luis venereæ, exhibentes ad gr. viij. x. aut xij. aut extrinsecus inducentes ipsum perfectè edulcoratū, vel solum, vel aliis mixtū, ut butyro: unde linimentū formabāt in omnia phagedenica & exedētia, cacoëtica, virulenta,

cancro-

cancrofa, ac vitriolica ulcera, quod omnia alia virtute unguenta superabat.

Hujusmodi præcipitatum sic elaboratum à quodam celeberrimo Medico pulvis Angelicus mercurii, ob egregias ac divinas doctes, quibus pollebat, vocatum est. Mihi tamè hujusmodi præparationes displicent: nec unquam ego mercurii præcipitationes, aquarum fortium vi factas, hætenus probavi, nec adhuc commendo: siquidè ejusmodi aquæ noxiæ sunt ac exitiales, utpote quæ salium suorum pernicie ac corrosione præcipitatum inficiunt, quod à vulgaribus artificibus emendari, corrigi, ac edulcari nequit ut decet, quò salubre fiat & fœlix remedium.

Si idem mercurius cum spiritibus vitriolicis ipsius vitrioli, aut salis gemma, aut salis communis, aut salis petra præcipitatus fuerit, qui penè omnes eandem naturam possident, eosdemq; fere aut similes effectus producant, si optimè philosophico more preparati fuerint: hic inquam mercurius, si ex cinnabari artificiosa vel minerali extractus fuerit, supplebit mercuriorum corporum metallicorum defectum, quibus carueris: Isq; mercurius præcipitatus ita eleganter [artificio dulcoratus reddetur & mansuetus, ut longè lateq; vulgarem viribus ac effectis superet.

Ex eo porro (loco aquæ fortis communis) si ex aqua philosophica, de qua jam à nobis facta est
supra

suprà mentio (cujus spiritus, facilius quàm aqua fortis separantur) precipitatum feceris, additis fluxibus tartari & nitri, omnia perfectè contemperantibus ac edulcantibus, id bonitate alia precipitata longè superabit. At si in eadem aqua philosophica alterum duorum luminarium intinxeris ac dissolveris, eidemq; aqua mercurios cinnabaris mineralis, aut Antimonii seorsim immerferis ac solveris, cum minore elegantis nostri reguli stellati portione addita, cujus pondus jam pridem alibi in libro nostro de medicam. spag yr. prepar. tradidimus cap. de Argento vivo: omnibus dein rectè permixtis & obumbratis, si crebris cohobationibus ac reverberationibus exerceantur, & ex arte edulcentur, inde turpethum nostrum minerale nascetur, vel Aquila cœlestis Paracelsi ac Phædronis: quod turpethum, trium, quatuor, quinque aut sex granorū pondere vino infusum exhibita ejus colatura, admirandos effectus operatur, leni tamen & facili evacuatione, nec molesta corpus exercens: nec tamen eorundem granorum perierit vis, quorum novæ subinde infusiones iterari & propinari commodè possint. Atq; hoc præstantissimum, nec satis unquam laudandū remedium est, adversus omnis generis lues, epilepsias, paralytes, nec non hydropes, ut sic testatur Parac. tomo 5. pag. 295. Arcanam vim habet, inquit, auferendi aquositates hydropicas,

Aquila cœlestis Paracelsi & Phædronis.

quod nec colocynthis, hermod. esula, turbith prestare possunt, hæc enim poros non ingrediuntur, sicuti mercurius.

Mercurii metallici, Solis, Lunæ, Veneris, aliorumq; metallorū cum spiritu vitrioli aut sulphuris præcipitatorū : aut saltem idq; melius (sed majore temporis diuturnitate) cum calcibus suis philosophicis vi ignis : Ejusmodi, inquam, mercurii ut plurimum sunt diaphoretici, unam aut alterā tantum sedem operantes : tantarumq; ea auxilia sunt virium, ut adversus pestes, lepras, lues, contagioneq; serpentina morborum genera ac venenosa, febres, epilepsias, paralyses, ac alios desperatos affectus, usq; adeò potentia ac singularia præsidia sint, ut ingenuè fatear, ad laudes eorum satis celebrandas deesse mihi orationem : quæ quidem remedia si ritè administrentur, etsi parva tantum pixide contineri possint, sexcenta tamen alia amplis & magnis vasis ingenti fastu conclusa medicamenta, virtutibus superent, & multis longè à tergo stadiis relinquant. Ejusmodi remediis brevi, Deo dante, Antidotarium nostrum spagyricum copiosè instructum habebimus, ut nos etiam tempori & studiis omnium veræ medicinæ studiosorum serviamus: quæq; multis ornamentis ac divitiis longè lateq; vulgari-bus medicamentis clariora ac splendidiora futura

futura sint, & oculis omnium sexcentas eorum nō vulgares præparationes subjiciemus.

Mercurium quendam præcipitatum diaphoreticum describit Parac. tom. 6. pag. 288. lib. de morte rerum in hunc modum: *Mercurius in aqua forti graduata calcinatus, ab eaq³ quinquies separatus, donec rubedinem elegantem acquirat, postea dulcoretur. Deniq³ spiritus vini novies ab ipso destilletur, donec mercurius ignem ferat & candescat: tum preparatus est mercurius diaphoreticus, qui mercurius cum aqua saltaberi dulcificatur: & eadem ab ipso per destillationem separata, semper novâ affusâ, donec nulla acrimonia in aqua percipiatur, dulcis verò recedat, tum præcipitatus hic mercurius dulcedine saccharum & mel superat, in morbo Gallico, cancrois ulceribus, aliisq³ variis morbis supremum remedium, omniaq³ efficit, quæ Medicus desiderare possit.*

*Mercurius
diaphoreti-
cus.*

Præcipuū igitur tanti hujus remedii momentum, alibi apertè declaratum, in perfecta ejus dulcificatione positum est, quæ cum ea aqua saltaberi fit, quam à veris chymicis ignorari est nefas, cum fecus eos callere oporteat, qua in revera sita sit dulcificatio, quibus liquoribus, præ aliis omnibus, insint vires ac proprietates uno momento edulcandi, quod vel acerrimum est, ne hujus rei ignari ad hanc præparationem se accingant,

alioqui venenum potius, quàm utile medicamentum aut Alexipharmacum paraturi sunt: cujus quidem deleteria noxa medicamento ipsi non est ascribenda, at tota imperiti artificis ignorantia vendicanda.

Omnes propemodum elegantes mercurii præparationes, quæ præcipitatione fiunt, paucis versiculis complexi sumus. Censores igitur nostri, qui assiduè præcipitato allatrant, videant (ni planè voluntariis ignorantia cataraetis oculos mentis sibi velent ac excæcent) quàm vera Philosophorum præcipitata differant à vulgaribus mercurii præcipitationibus aut calcinationibus leviter elaboratis, de quibus Ægineta verba fecit: aut ab iis, quæ ab ignavis empiricis passim in usum adducuntur: quas quidem omnes respuimus & damnamus, ab illisq; tam procul recedimus, quàm propinquissimas nobis mercurii verorum Philosophorū præparationes totis ulnis amplectimur & admittimus: quas totius nostri corporis valetudini tuendæ aptissimas esse credimus, multisq; experientiis didicimus.

Tertia & ultima mercurii præparationis species restat nobis explicanda, quæ est de oleis aut liquoribus suavibus ac potabilibus ab eo expressis. Qua de re jam alibi in Consilio nostro de Lue Venerea obiter & pauca quædam attigimus.

Mercurius sublimatus, coagulatus & precipitatus resolvitur facile in oleum, inquit Paracelsus tom. 6. pag. 282.

Quinta essentia seu oleum Mercurii paratur, sicut quinta essentia aut oleū Solis tom. 6. pag. 34, ubi vera loquitur Paracelsus. Consultantur igitur, quæ jam suprā de variis quintæ auri essentiæ olei & liquoris ejus potabilis modis scripsimus ac docuimus: & quisque ad eorum imitationem (ut repetitionem singulorum molestam omittamus) simili modo, præparationes varias oleorū & liquoris mercurii, aut mercurii potabilis aggrediatur, qui mira sua dulcedine, quam in se continet latentem, condiatur, & in usum intrò assumendum, non secus ac Saturnina essentia, adducatur.

Quod ad proprietates ac virtutes mercurialis istius olei dulcis attinet: eas abundè in Consilio nostro de Lue Venerea explicavimus, ut quod supremum curationis luis gradum occupet, tum intus assumptum, tum extrinsecus inductum. Externa enim ejus inductione quævis vel deploratissima ulcera, ut cancrofa, fistulosa, polypi prorsus absumuntur, exiccantur, & planè convalescunt, nullum à medicamento dolorem passa. Quin & citra ullum dolorem carunculas vesicæ, aliarumq; partium sensiles penitus consumit &

absorbet. Deniq; ut scribit Parac. in majore Chirurg. pag. 201. *Argentum vivum in oleum cōversum equiparatur balsamo solis.* Addit, hoc oleum coagulatum per colchotar, cum aqua parthenionis adhibitum reliquos balsamos superat: si in crocum aut in florem mutetur, tum summā curam in ulceribus omnibus perficit.

Et alibi, tomo nempè 4. pag. 91. *Oleum & quinta essentia mercurii ab amentia præservat.* Item in eodem met tomo pag. 77. *Amentiam tollit.* Ibid. pag. 88. *Insaniam curat.* Et pag. 85. ejusdem tomi: *Oleum, inquit, mercurii in suffocatione intellectus usurpatur.*

Libavius, qui ingeniosè, doctè, & accuratissimè rimatus est, ac collegit remedium metallicorum flores, quiq; ea non rejicit aut damnat, ut ex ejus scriptis apparet, quemadmodum nostri Censores summa cum inscitia respiciunt ac cōtemnunt, de quodam oleo mercuriali potabili, ejusq; proprietatibus verba facit lib. 2. Alchymia, tract. 1. pag. 95.

Quin & eodem lib. 2. & tractatu, pag. 89. videre est mercurii præparationes, ut suis impuritatibus expediatur, & philosophicus reddatur: ibidem etiam legimus mercurii præcipitati correctiones quàm utilissimas, de quibus scribit hæc verba: *Hydrargyrum præcipitatum corrigunt, spiritus vini infusione & incensione, additioneq; theriacæ.* ubi apparet, Libavium

bavium attentissimum esse ad correctiones veras & debitas præparationes præcipitati perdiscendas: ut possit administrari citra periculum, & cum utilitate exhiberi: tantum abest, ut ejus usum respuat aut damnet, & igne ac aqua iis interdicit, qui eo scitè & methodicè utuntur, quemadmodum nonnulli Censores summa cum temeritate ac improbitate crudeliter eos averfantur & abhorrent: debachanturque non tantum in omnes spagyricos seu chymicos Medicos, sed & ipsam artem spagyricam damnant, idque etiam publico decreto: quod paulò post alio decreto non tantum utcunq; temperarunt, sed prorsus etiam palinodiam canentes, resciderunt, ne videlicet tantum facinus aggressi, quod in ipsam artem Chymicam, à quibusvis doctissimis Medicis comprobata in surrexissent, in odium & acres responsiones tantę temeritatis incurrerent.

In consilio nostro de Lue Venerea, liquorem mercurialem, instar moschi fragrantissimum, tanquam præstantissimum diaphoreticum descripsimus, cujus formula fusiùs docetur in hoc tractatu capite de Antrimonio, in nostrę Panaceę enucleatione, quod eo liquore mercuriali utamur, ut sit perlarum & corallorum dissolvens, atque tum singulare in multos affectus remedium.

Postremò in conclusione remediorum v-
riorum, quæ ex mercurio extrahere novi-
mus, eis adjiciemus solarem nostrū vitæ mer-
curium, qui extremum agmen diriget: tan-
quam omnium aliorum primariū, aut ex pri-
mariis alterum: à quo scilicet admirandæ cu-
rationes morborum vel gravissimorum, ac
deploratissimorum perficiuntur.

Mercurius *Accipiatur igitur liquor mercurialis, qui ca-*
vita Solaris *pitate de Antimonio à nobis descriptus est in nostri*
polychresti Antimonii Antidoto, cui vel taniun-
dem, aut amplius etiam sudoris hermaphroditi,
virilis & fœmineæ naturæ, aqueæ & terrestris,
volatilis & fixæ, adjiciatur, ac omnia digeran-
tur, cohobentur, ac destillentur, ut dissolvens fiat
Lunare ac Solare, admirande operationis. U-
trumq; luminare sic solutum, corpus recipere po-
test, etiam cum proprio menstruo conjunctum,
atq; uno momento, nec citra admirationem in-
pulverē siccum reduci, cum liquefactivo & hu-
mectativo omniū rerum primo. De hoc pulvere
ad summam dulcedinē adducto, exhibentur
à 5. ad 7. grana ex duabus unciiis infusionis
vinialbi, aut liquoris alterius congruentis.
Ex hoc præterea mercuriali liquore, citra al-
terius dissolventis solaris aut lunaris additionē,
fit precipitationis artificia pulvis etiam candi-
dus, quem nonnulli mercurium vite vocant: qui
optimè præparatus, dulce sit vomitivum &
solu-

Solutivum medicamentum: cujus etiam vel unicum granum, linguæ tantum admotum citra deglutitionē, vires suas spirituosas stomacho impertit, lenemque vomitum provocat: quæ quidem purgatio non usquequaque clamoribus incessenda est, ut fit hodie: cum Antiqui ejusmodi vomitoriis uti solerent, & in variorum morborum curam commendarent: ut qui etiam in hunc finem helleboro albo uterentur, vomitivo quidem, ut existimo ego, longè violentiore ac perniciosiore, omni antimonii vitro, aut mercuriali præcipitato, inter vomitiva potentibus: quæ tamē, ut vulgò parantur, non admittimus nec probamus, ut sæpè alibi diximus, & varia alia longè præstantiora ac salubriora remedia, vitrificationibus ac præcipitationibus istis vulgaribus Empiricis tantum, non veris Medicis & Chymicis notis, extrahendi ex duobus illis mineralibus modum docuimus.

Sed ut solarem illum nostrum vitæ mercurium repetamus, cujus dosim diximus granorum esse quinque; ad septem ex vini infusione exhibitam, remedium est quàm rarissimè, etiam iis qui ad vomendum proclives sunt, vomitum concitans: talisq; est ejus concitatio & tam lenis, ut potius expuitio aut salivatio, quàm vomitus dici debeat: attamen per secessum electivè quidem, sed citra molestiam

humores peccantes noxios ac perniciosos expurgat. Istis enim sic vacuatis, quamvis idem remedium repetatur, & majore etiam dosi postea sumatur, nulla futura est ejus operatio, quod subjecto careat, in quod agat. Nec non & hoc maximè considerandum (quod tam huic, quam aliis remediis, quæ jam descripsimus ex antimonio, auro, mercurio & vitriolo, proprium est) spiritualiter potius ea operari, quam materialiter. Etenim si pulveri jam infusionem passo reaffundatur vinum, & iterum in eo maceretur ad aliquot horas: idque etiam si sæpiùs iteretur: semper vinum istud medicamentosum futurum est, purgans, sudorificum & diureticum, prout natura egri in earum evacuationum aliquam propensior fuerit: nec tamen pulvis (et si virtutem suam in vini infusione sæpiùs immitat & exerat) quicquam de pondere suo perdit.

Interea dum hanc metallicorum remedium sylvam complebam, & finem ei imponebam, tot ac tam variis artificiis ornata, ac tanta liberalitate nostra cumulata ac ditata: ut candidus ac æquus lector jam habeat, quod satis sit: medicaque Respubl. non mediocriter sit nobis congratulatura, ac beneficium agnitura; incidit in manus meas cujusdam intimi mei, non ultimæ notæ, nec levis

fama

famæ viri opera, libellus quidam, ex Italico idiomate in Gallicum versus, ex typographia Antuerpiana, apud Hieronymum Verdusren Anno 1603. profectus, inscriptus: *Compendium virtutum, natura, administrationis & usus cujusdam pulveris, qui pura est auri medicinalis essentia quinta, recens ab egregio viro, D. Victorio Algureto, Medico ac Physico Schola Veronensis, &c. editus.* Hunc libellum ubi statim percurri, infinitas easq; sublimes proprietates notavi, quæ huic pulveri ascribuntur, quem solarem esse ferunt, & fixum auri spiritum. Nolo hîc præclaris ejus effectis & virtutibus immorari, nec de iis dubitare, aut quidquam detrahere, cum tot tantorumq; viro- rum testimoniis, & experimentorum, quæ citantur, fide eæ fulciantur ac confirmentur: præsertim etiam cum metallicorum remediorum admirandæ vires mihi abundè sint cognitæ ex eorum usu & administratione, parva etiam dosi exhibitorum, frequentiq; sua repetitione mira operantiû, quemadmodum modò de nostro vitæ mercurio solari suprâ scripsimus.

Contigit autem, ubi primùm revolverem hunc libellum, quendam cujusdam ægrotantis honesti viri & chronico morbo languentis, quem curandum susceperam, amicum ac familiarem detulisse apud eum istius pulve-
ris

ris famam, virtutumq; ac experientię illius fidem, cujus alter vir honestus & mihi cognitus periculum fecisset felici successu: cumq; ager meus consuleret me, num eo esset usus, nec ne: respondi, ad honesti illius viri, qui tam promptum auxilium persensisset, relationem me ejus usum nequaquam esse reformidaturum: idcirco repente pulverem istum ab illo amico suo accersivit, qui habebat, rogavitq; sibi dari, quem ab illo accepit, ea lege, ut dosi granorum septem uteretur: hunc pulverem vidi candidissimū & tenuissimum, ut qui amyllum in pulverem redactū æmularetur, at qui pondus mercurii non æquaret. Hic pulvis inacerandus est in unciiis duabus generosi vini albi ad tres aut quatuor horas: deinde ab ejus sumptione dimidia post hora sorbendum jusculum datur. Hujus cras spero me operationes tanti medicamēti perspecturum, ut de ejus compositione postea possim certius quid pronunciare. Qui enim ex auro ipsum elici opinantur (qua ratione insigniunt ipsum spiritus auri fixi titulo) falluntur meo judicio.

At & in hoc fallitur ipse interpretes, aut ipse libelli author, cū scribit, antiquitati ignoratam fuisse ex uno auro fixo spirituum extractionem, omnibusque hodiernis Medicis adhuc esse incognitam, si omnes prorsus ab hac

hac cognitione excludit, nec opinatur, ingenia hodiè acutissima reperiri, quæ in anatomia metallorum interna versati, possint ejusmodi spiritus ex auro, tincturamq; illius prolectare, ipsumq; aurum in essentiam potabilem variis modis redigere, prout infinitas illius præparationes jam docuimus, ut ex eo nempè vitriolum auri educatur, sulphur solare, solaris mercurius, arcanum solis, magisterium solis, quinta essentia, liquor, elixir, & innumera alia id genus præstantissima remedia, quæ ex auro parantur, corpore auri in spiritum converso.

Quicumq; autem præter Paracelsi scripta, Gebri, Lullii, Arnaldi Villanovani, Riplæi, Rogerii Bacchonis, Alberti magni, Rupecissæ, sexcentorumque aliorum commentarios perlegerit, percipiet, ignotam illis nequaquã fuisse auri potabilis cõficiendi rationem: minusque iis incognitas illius virtutes ac proprietates, in omnes corporis humani affectus. Quin & ausim vel Chymicorum minimus affirmare, ex quadraginta vel quinquaginta spiritus auri prolectandi modis, quos calleo, Dei beneficio, omnes medicinas, quas ex illo spirituali reddito extraho, aut citrinũ floris calendulæ colorem aut subrubrum, aut purpureum, aut papaveris rheas dicti tincturam retinere. In summa, vergunt omnes ejusmodi

modi medicinæ in flavum aut rubrum colorem, utcunq; etiã præcipitatae sint ex mercurio solari, extrinsecus cãdorem maximum & albedinem referente: quod non sine admiratione observari debet, ut quæ extrinsecus tam album colorem referunt, interna scateant rubedine ac flavedine. Subitigitur mirari hujus pulvëris tantam albedinem, si auri spiritus fixus & constans est, ut volunt; Animadverti tamẽ in secunda libri authoris appendice, mentionem ab eo fieri non auri, sed marcasitæ aureæ, aut alterius mineræ, ex qua aut ex aliqua alia magnesia, aut semimetallico alio subjecto, quod radicem & primum ens auri esse autumat, pulverem illum spiritualement extrahit, cùm sic scribit: *Qui quidem noster pulvis aliud nihil est, quam quinta quedam essentia auri ab origine ipsatalis profecta: sed in fluxibus & caloribus cœlestibus ac radiis solaribus concocta & temperata: occulta & sparsa per hanc nostram mineralem materiam albam artificio ex radice & materia nostri auri. Quæ quidem materia & radix potest etiã aurum purum sufficere, si vario operationum artificio ingeniose tractetur & exerceatur: Atq; hac auri quantitas satis est ad patefaciendum hujusce rei veritatẽ, quòd nempe materia illa sit radix & veluti mater ac origo auri, unde pulvis noster propriè quintũ esse auri meritò à nobis dicitur, &c.*

Hic personam Oedipi nolim induere, ut enodem, aut enucleem, quid sit: veruntamen possim ego ex vera magnesia, quæ Paracelso est aliisque Philosophis primo auri enti par & æqualis, aliquid simile, quod utilissimum fuerit, extrahere: imò etiam ex ea potentiores ac præstantiores medicinæ educi possint, quam ex auro ipso, vel spiritualitatem adepto: utpote quæ materia nondum adhuc ignem sit experta: atque idcirco metallicis spiritibus admodum efficacibus prægnans ac referta turgat. Ex ea magnesia elicere etiam possum liquorem, quem spiritu solari imprægnare queam, ut potentior & efficacior reddatur, eamque possum candidissimam præcipitare, unde fiat præcipitatum, quod lenes vomitus citra molestiam ciat: cujus unica dosis possit non una vice tantum, sed pluribus variis operationibus commodare: quod inde apparet, magnum utique remedium & multis ac variis morbis præsentissimum esse. Nec hujus effectus ab operationibus illius pulveris albi valdè dissimiles sunt, ut observavi in nostro ægrotante post usum illius, qui corruptos admodum humores bis vomitu expurgavit.

Quæ autem hic dico, nolim sinistrè detorqueri, quasi studeam alicui detrahere, aut studia ac piam voluntatem authoris hujus pulveris

veris criminari aut carpere, qui candidè cum publicè erogavit: at majorè ille laudem mereatur, majoremq; animi gratitudinem, si ejus conficiendi, obscuris tamen verbis & velatis, descriptionem in eorum gratiam, qui illo digni sunt, traderet exemplo multorū Philosophorum, meoq;: qui libenter nostra aliis non invidemus, certi, non nobis solis, sed partim patriæ, partimq; parentibus nos esse natos.

Præquam finem faciamus remediorum variorum, quæ ex mercurio parantur, & quæ jam ego in ordinem redegi, ac scriptis mandavi: aliquid porro de cinabrio artificiali factitioq; nec non de nativo ex mineris, nobis dicendum est.

*Cinabrium
artificiale.*

De factitio quidem, quod aliud nihil est, quàm modus quidam sublimationis per sulphur factæ (sicut sublimatum mercurii, quod vocant, per vitriolum efficitur) per sulphur quidem, quod liquatur in vase terreo vitreato, cuiq; liquato sensim postea mercurius affunditur ad dimidium sulphuris pondus: ubi omnia probè spatulâ ferreâ aut ligneâ agitanda sunt & commiscenda, dum spatula illa tota calce nigra obducatur, quæ tum sublimationi, in vase congruo ad sublimandum posita, apta est. Hac ratione mercurius ruber elevatur, quod minium aut cinabrium refert: ejusq;

ejusq; est dosis pondus granorū trium, quatuor aut quinque, ut fiat medicamentum ad sudores educendos præstantissimum. Ex eodem fiunt præcipitata candidissima cum liquore ejusdem sulphuris, ex uno eodemq; fonte hausta, miræq; virtutis in purgando & sudores eliciendo, variis morbis, imò vel epilepsiis, apoplexiis, paralytibus opportunissima, si dextrè, ut decet, à Medico non Empirico, administrentur.

Quod ad nativum & minerale cinabrium attinet; Natura nobis in quibusdam auri fodinis in Hungaria profert genus quoddam mineralis cinabaris ponderosissime, ac longè artificiali rubicundioris: Imò etiam quæ usque adeò transparens ac dilucida est, ut non minoris pretii, at majoris etiam ipso auro æstimetur: quæ per se & citra ullam præparationem aliam, quàm qua naturæ coctionibus temperata est, remedium est nobilissimum & admirandarum virium adversus minores epilepsias aut analepsias: sed verum præcipuè est specificum vertiginum, tale à multis magnis Philosophis Chymicis in Germania agnitum, à quibus hoc remedium, tanquam insigne arcanum, magno habetur in pretio, cujusq; ego beneficio cum Dei gratia, quatuor aut quinque egregios viros vertigine liberavi, vel unica hebdomada, quatuor

*Nativum
Cinabrium.*

aut quinque ad summum dosibus exhibitis, etsi malum hoc vertiginosum usq; adeò interdum exacerbaretur, ut judicium omne ægris eriperet. Ejusmodi remedium conficitur, ut sequens fert formula:

*Specificum
ad vertigi-
nem;*

℞ cinabarii mineralis veri ac lucidi ℥ ℔. hoc in alkool super marmore rediges, seu in pulverem impalpabilem. Huic adjice magisterii perlarum, magisterii corallorum ana ℥ ij. croci ℥ j. folia auri decem, aut potius decem grana auri flammam concipientis: fiat pulvis, omnia fortiter super marmore agitando & commiscendo. Hunc pulverem sedulo asservabis, tanquam specificum remedium, & inter alia adversus superiores morbos præstantissimum. Dosis esto semiserupulus aut integer scrupulus ad summum, ex aqualiliorum convallium exhibitus. Magnos & copiosos sudores ciet hoc medicamentum: Quod quamvis eo pretio sit, tantiq; æstimeretur à celeberrimis Germaniæ medicis: non dubium tamen est mihi, quin cane pejus & angue Censores nostri ipsum oderint ac refugiant, quorum palato insuave est omne metallicum medicamentum. Excipient autem illi, in eo argentum vivum contineri, atq; idcirco venenosum ac exitiale pharmacum. At ejusmodi homines in perpetuis ignorantix ac superbiæ tenebris sinantur versati ac iis immori, cum perversi usq;

usq; aded sint iudicii, ut carduos rosas præferant, & vilia quæq; exquisitis rebus anteferrant, majoris facientes, quam didicerunt à quodam rustico, de pavonis stercore receptam ad verriginem, quàm vel auri essentiam, vel perlarum ac corallorum magisteria, nec non ipsius cinabaris mineralis (verè solaris naturæ) usum, à tam doctis ac celebribus Medicis ejusdem cum ipsis professionis, certa multipliciq; experientiâ comprobatum, & tanquam specificum summumq; remedium commendatum.

CAPUT XXXIV.

Victus ratio.

A Erem perpetuò calidiorem & siccio rem deligant, ac hyemali tempore, cubiculi aërem igne luculento emendent. Fugiant longiorem moram sub dio & radiis lunari- bus, non minas quàm in aëre nubilo caliginoso, aut aliàs intemperato, maximeq; si flaverit Auster vel Aquilo.

Caput semel ad minimum singulis mensibus tondeatur, quotidie verò manè depectetur, & linteorum aut spongiarum ope à sordibus & squalore probè detergatur: noctu æquè ac interdiu, ne plus justo, sed mediocriter tantum caput ipsum contegatur,

habita scilicet temporis & consuetudinis ratione: fugienda & alia, quæ illud ipsum calefaciunt & opplent, veluti balnea, lotiones capitis, & quæ sunt ejusdem generis.

Reliquum verò corpus à frigoris æstusvè injuria, quantum fieri poterit, accuratè vindicetur. Suffitus vaporum copia caput replètes, aliaq; odoramenta summo perè calida omninò vitentur. Exercitium ante cibos mediocre, depositis prius alvi excrementis, haudquaquam erit inutile: Sed à cibo perpetuò tutior erit quies, aut certè levis deambulatio, ne, quod ferè fit, semicocti aut etiamnum crudi succi intempestivè nimium à ventriculo in totum corporis habitum rapiantur, nullo verò ludo aut exercitii genere utantur, in quo vehementius caput inclinare opus sit, aut vehementer in gyrum vertere. Caveant & inspectionem è loco alto in declivè, itemq; conspectum torrentium & similium rerum: exercitii vicem interdum supplebunt frictiones linteolo asperiore factæ, primò quidem brachiorum, deinde pectoris, crurum, tandemq; ipsius capitis.

Porro sobrietatem ac temperantiam, cibivè ac potus moderationem, ut aliàs semper, ita maximè in hoc affectu, & hoc corporis statu, magnoperè utilem esse cõstat apud omnes: prandere tamen perpetuò paulò libera-

betalius, parcius verò cœnare præstiterit.

Bis enim in die solummodò cibum sumi velim, idq; ex justis intervallis, quæ concoctioni sufficiant, famem tamen æquè ac crudelitatem vitandam censeo.

Alimenta deligantur & laudabilis succi & flatus expertia, quæq; sint ad concoquendum facilia. In iisdem studiosè hic ordo observetur, ut quæ concoctu facilia sunt, reliquis perpetuò præmittantur; ac nihilo minus, quoad ejus fieri poterit, vitetur multiplex varietas. Nec enim præter rem est, quod solertissimus ait Plinius, *simplicem cibum esse homini utilissimum*. Quodd si tamen varius placeat, at certè in eo ipso similitudinem observari non fuerit difficile neq; inutile. *Nam dissimilia quæ sunt*, Hippocrate teste, *seditionem movent*, dum ex his alia citiùs, tardiùs alia & mitigantur, & in corpus ipsum dividuntur.

Jurulentis aut nunquam, aut parcè utantur, nec nisi matutino tempore: Tum verò iis incoqui poterunt, ex oleribus, hyssopus, thymus, pulegium, serpillum, salvia, majorana; A lactuca verò, portulaca, herbisq; cæteris frigidioribus & humidioribus abstinendum censeo: sed & fugiendum apium, quippe quòd proprietatem habeat excitandi & detegendi Epilepsiam.

Ex volatilibus eligendæ carnes pullo-
 rum gallinaceorum, caponum, pipionum, perdi-
 cum, attagenum, phasianorum, cæterarumq;
 avium montanarum, turdorum itidem, tur-
 turum, alaudarum & passerulorum; At dam-
 nantur carnes anserum; anatum, cætera-
 rumq; palustrium.

In quadrupedum genere laudantur vitu-
 linæ, hœdinæ, vervecinæ, & lepusculorum
 carnes. At fugiendæ vetustiorum leporum
 carnes, cervina item, suilla, aprugna, o-
 mniumq; maximè caprina. Cæterum assa-
 tæ carnes elixis perpetuò præferuntur. Pi-
 scium rarus sit usus, ac horum tantum, qui
 in fluviis rapidioribus degunt: nam fugien-
 di penitus, qui in lacubus, paludibus, aut
 stagnis victitant. Sed & illi assati super cra-
 ticula, elixis aut in sartagine frixis antepo-
 nendi.

Inter εἰχμα & εὐπρέπια alimenta non ulti-
 mum locum sibi vendicant ova gallinarum
 tremula, gammari item & ptisanarium, quod
 hordeatum vocant.

A pinguibus, falsis, piperatis, aut alioqui
 acribus, itemq; à vaporosis omnibus aliis ac
 nidorosis abstinendum, qualia sunt cœpæ,
 allia, porrum, eruca, raphani, synapi, & quot-
 quot alia vapores in cerebrum transmittere
 apta nata sunt: neq; his minùs legumina, ac

præsertim lenticula, caseus; lac, & quotquot ex lacte parantur fercula.

In fructuum genere commendantur, cap-pares, uva passa, pistacia: at nuces & palmulæ vitentur. Panis secundarius primario utilior, dummodò sit benè fermentatus, mediocriter salitus & accuratè coctus. Placentæ, lagana, farcimina, crustula, & quotquot alia è pistoriis operibus minimè fermentata sunt, summopere fugienda. In aromatum genere convenient interdum macis, nux myristica, cariophylli.

Parcior sit potus & in pastu solo, quoniam immoderatus corpus gravat, & concoctione omnem impedit, potus verò sit aqua mulsæ, aut vinum rubellum & ὀλίγηρον dilutum aquâ, in qua Coriâdrorum præparata decocta fuerint. Vaporosa & potentia vina omninò fugienda sunt.

Secundâ mensâ assumi poterit pirum asteriusculum probè coctum: aut cydoniari vel conf. ros. tantillum aut tale quid, quod os superius ventriculi claudat exactè, atq; aded concoctionem adjuvet, & vaporum ad caput ascensum inhibeat. Vitandus somnus omnis, meridianus ac nocturnus etiam immoderatio.

Alvus ut quotidie liberè fluat, diligenter prospiciendum, quòd si sopita, astricta vè fue-

rit, arte aliqua elicienda. Veneris usum lubēs sciensq; prætermitto, quia cum moderatissima & temperatissima juvencula rem esse persuasum habeo.

Cæterum vitet subitam omnem animi motionem, uti triste seu lætum nuncium, & terrorem quàm maximè. Sic & ita, graviore curæ, mœror, ac totum deniq; animi perturbationum genus maximoperè fugiendum est. A cibo statim, gravioribus studiis, lectioni aut scriptioni severiori ne incumbat.

Inter amuleta Epilepsiam inhibētia commendantur semina peoniæ collo subnexa, ut & radix ejusdem, coralli item, jaspis viridis, ita tamen ut ventriculum contingant. Ungula quoq; alcis, vel collo appensa, vel annulo inclusa & gestata accessionem Epilepticam inhibere creditur.

F I N I S.

Menda.



Menda, Benevole Lector, sic menda.

Pag. 7. vers. 8. lege *exuditates*. pag. 9. v. 24. *percelebris*. 14. 6. *Aretaus*. 17. 9. *arcus*. 23. 1. *Aretaum*. 31. 4. *excutiemus*. 39. 5. *tussiculoso*. 43. 27. *caput*. 57. 8. *abiegnum*. 64. 18. *pontica*. 66. 7. *celebriumq;*. 70. 12. *fomites & semina*. 71. 23. *fi*. 83. 16. *insidere*. 92. 12. *imprimen-
tia*. 112. 11. *aragino*. 118. 16. *subitum*. 120. 9. *exanimari*. 123. 20. *ibus*. 110. 15. *quod quidem totum vitriolatum est, nec* circa à veteribus & recentioribus Dogmaticis repudiatum, sed summè inter omnia praparrantia laudatum & celebratum. 228. 5. *se*. 233. 24. *nec*. 236. 2. *quorum*. *ibidem*. 5. *post, Catharorum genera, adde, usus evidens est*. 244. 5. *Et, abole*. 253. 2. *conquererentur*. 254. 2. *ea*. 269. 6. *scapulus*. 301. 23. *exordiamur*. 303. 3. *buxei*. 316. 25. *injieiant*. 329. 18. *etiam ad albedinem*. 336. 3. *immittan-
tur*. 359. 17. *post, vaporibus, adde, miscet*. 360. 16. *prorsus*. 377. 28. *mineram*. 386. 13. *ostendemusq;*. 393. 23. *expedie-
rint*. 418. 6. *fi*. 421. 8. *consarcinare*. 434. 10. *prorsus*. 455. 27. *nec*.

R E-





RERUM ET VERBORUM IN

Tetra de Morborum Capitis præci-
puè memorabilium

I N D E X.

A.



- Biegunum lignū sulphure scate-
tet. pag. 57.*
Aceti generatio
67. *multæ species & dif-
ferentia.* 406. 407.
Acerum Philosophicum
Quercetani. 407. *Philo-
sophicum Metallicum.*
458.
*Actionum omnium fons &
origo.* 77. 88. 90. 92. 93.
113.
*Actionum corporis humani
liturgia unde vitiatur.*
78. 82.
*Actus primi & secundi dif-
ferentia.* 110.
*Agineta de Mercurio sen-
tentia.* 451.
*Ætas puerilis variolis &
morbillis obnoxia.* 1.
*Agendi vehementia non
semper ab acri aut alia
quavis ad sensum ma-
nifesta qualitate pen-
det.* 96.
- Agentia naturalia sunt
duplicia.* 92.
Aimatonis Hepatis. 49.
Amuleta Antepileptica.
156.
Analepsia. 16. 302.
*Analogia mineralium cum
natura humana à Ga-
lenicis absurde negatur.*
98. 243. 244.
*Andernaci in investigan-
dis ad usum Medicum
natura arcanis philoso-
phia.* 168.
*Anima hominis immorta-
lis.* 112. *mundi.* 99. 100.
Animalis spiritus origo. 61.
*Annus duodecimus aut de-
cimus tertius referendus
menstruorum claustris
præfixus.* 1.
Antepilepticum Paracelsi.
370.
*Antidotus de Margaritis
iniquè Galeno ascribi-
tur.* 420.

Anti-

I N D E X.

- Antidotus antepileptica Catholica* Quercet. 203.
- Antidotus Theodoretii.* 171. 172.
- Antimonialium aquarum facultas.* 248. eas cognoscendi modus. 249.
- Antimonii anatome Spagyrica in tria principia.* 393. *antidotus Isochrysos.* 413. *lysipones.* 414. *lysipyretos.* 409. *panaretos.* 411. *panchrestos.* 400. *pantagogos.* 401. *polychrestos.* 412. *Sotterios.* 408. *Theodotos.* 409. *Theopemptos.* 410. *ζήφια* ☉. 403.
- Antimonii Panacea.* 398.
- Antimonium non est venenum.* 389.
- Antimonium à Mathiolo magnopere commendatur.* 373. *varia suppetat remedia Spagyrica.* 374. 386. 391. 417.
- Antiqui usi sunt Metallici.* 138. 139. *exitialibus violentiâq; aliis remediis, vel absq; ulla, aut saltem frivola quadam adhibita preparatione.* 218. *non habuere omnia cognita.* 450.
- Antiquorum sententia de Antimonio.* 387. 388. *de Mercurio.* 446. *Sole & Luna.* 420.
- Apoplexia quid.* 27. *desinit in paralyfin.* 29. 30. 257. *cur senibus familiaris.* 35.
- Apoplexia causa non consistit in crassitie materia.* 118. 120. *causa externe.* 32. 34. *interna.* 31. 33. 34. 117. 120. 121. 122. *fomes & minera.* 29. 74. *gradus.* 258. *discrimen ab Epilepsia.* 26. 29. 30. 117. *signa.* 28. 119. *species quaedam vena sectionem postulat.* 122. 259. *phlegmatica signa & curatio.* 266. *curatio secund. Dogmaticos.* 257.
- Appetitus unde excitetur.* 68.
- Apozema solutivum Antiparalyticum* Quercet. 276.
- Aqua antepileptica* Quercet. 211.
- Aqua à fluxu suo perenni prepedita putrescit.* 6.
- Aqua fortis qua ratione metallaresolvat.* 79. 96.
- Aqua hirundinum Antepileptica* Quercet. 148. 150.

I N D E X.

- Aqua Minerales affectibus*
quatuor, de quibus hoc
libro agitur, specifica.
 247. 248.
- Aquarum stillatitiarum*
correctio & conservatio
 149.
- Aqua Theriacalis Antepi-*
leptica Querc. 302. 303.
- Aqua vita ex Margaritis.*
 344.
- Aquila celestis. 460. vires,*
ibid. & 461. Paracelsi &
Phadronis 464. 465.
ejus vires, ibidem.
- Arabes omnium primi au-*
rum & argentum nec
non gemmas in usum
Medicum invexerunt.
 422. 442.
- Arcanum Solis simplex Pa-*
racel. 433. Vitriolatum
ibid.
- Arcana non sunt prostituē-*
da indignis. 441.
- Aretai commendatio. 137.*
- Ars natura dona ad usum*
hominum reddit ido-
nea. 339.
- Ars Spagyrica imitatrix*
naturæ. 299.
- Arsenicum cancrofa ulcera*
sanat, 361. vi magnetica
venena e corpore attra-
hit. ibid.
- Artium magna varietas.*
 188.
- Assyriorum preputium cir-*
cumcidendi modus. 32.
- Aurum potabile Paracelsi.*
 435.
- Aurum potabile veteribus*
pariter & recentioribus
est cognitum. 476. 477.
- Auri Spagyrica analysis*
 432. & seq. summa per-
fectio. 427. vivificatio.
 428.
- Avicenna de Mercurio sen-*
tentia. 451.
- Axungia serpentum morfi-*
bis eorundem vi ma-
gnetica medetur. 361.
- B.
- Balsamus & quinta essen-*
tia Hellebori nigri 311.
Plantarum. 102. Solus
Paracelsi. 414.
- Bilis est crassior Melancho-*
lia. 68. in lapillos concre-
scit. ibid. ejus officin. 66.
- Boracis facultas. 389.*
- Bulimia. 65. 79.*
- Buxi Anatome interna, e-*
jusq; natura & facul-
tas. 214. 215.
- C.
- Calcinatione humidum*
primigenium in Salibus
non absumitur. 227. 341.

I N D E X.

- Calor noster naturalis corpora gemmarum & metallorum dissolvere nequit.* 425. 426.
Camphora vis anodyna unde. 213.
Cancris centrum. 73.
Canon curativus generalis. 40.
Cassia anatomia interna. 201. *vehementia, usus salutaris & noxius.* *ibid.*
Catalepsia. 16. 302.
Catalogus Arab. Medicorum. 193.
Cause antecedentes morborum. 85.
Cauteriorum in cura Epileps. usus. 225. 320.
Chirurgica Epilepsia curatio. 224. 225.
Cinabrium factitium. 449. 480. *eius dosis.* 481. *redit in Mercurium.* *ibid.* *eius precipitatum.* 481.
Cinabrium nativum Vngaricum. 481. *Minerale apud Marpurgenses Hassia.* *ibid.* *ex eo elicitur Mercurius vivus.* *ibid.*
Citroniorum odor nonnullis noxius. 232.
Clysteres Dogmaticorum revulsioni & derivationi cause Epilepsia infer-
vientes improbatur. 319.
Clysterum in cura Apoplexia usus. 268. 319.
Colica quadam species per Crisin in Paralysin trāscunt. 274.
Convulsivi motus brevioris vel longioris, causa. 9.
Coralli anatome. 343.
Corroborantia antapoplectica Dogmaticorum. 272.
Corroborantia antepileptica Dogmaticorum 225. 226. 231. 321. *Hermetico.* 322.
Corroborantia antiparalytica tam interna quàm externa Dogmaticorum 279. 280.
Cotula foetida anatome Spagyrica. 213.
Cranii humani Epileps. specifice electio, legitimusq; ejus usus. 227.
Creatura singula natura tendūt ad perfectionem. 426.
Crocus Metallorum. 319.
Crocus Solis Paracelsi. 433.
Cruditates obstructions pariunt. 7.
Crystalli dulces ex Sale marino. 349.
D.
Dentium aqua 113.
Dia-

I N D E X.

- Diaphoretica principalia*
Dogmaticorum. 234. &
seq.
Diaeta Dogmaticorum est
irrita. 239.
Difficultas artis Chymica
neminem ab ea absterre-
re debet. 306. 307.
Dioscoridis error de Cina-
bari. 449. 450. *de Mer-*
curio. 448.
Distributio corporis huma-
ni in duos Elementorum
globos. 43.
Dogmatici in prapARATIONE
Cranii humani dissen-
tiant. 324.
Δύο ἐκ τῶν στοιχείων Peri-
patetic. 89. 110.
Dysenteria. 58. 72.
E.
Elementa Hermeticis quid.
70.
Elixir Solis. 434. 459.
Empirici notantur. 184.
Empiricorum Encomium.
181. 182. 189. 191.
Epilepsia Idiopathica. 15.
16. Sympathica. 8. 15. *fit*
duobus modis. 16. *habet*
plures sibi affines mor-
bos. 11.
Epilepsia definitio. 15. *Dif-*
ferentia. 15. 16. 75. 131.
varia nomina. 13. 114.
perniciēs. 11. 12. 26. 130.
142. 160. causa. 7. 30. 87.
114. 115. 116. non est ma-
terialis & crassa. 21. *sed*
spiritualis. 22. 26. 302.
causa externa. 18. 21. *sym-*
ptomata & signa. 17. 75.
85. 115. ejus fomes non
semper latet in cerebro.
76. curatio secundum
Dogmaticos. 129. *Herme-*
ticos. 301. & *sequenti.* *Re-*
med. specificum in spiri-
tu vitrioli viridi consti-
tit. 114. 376.
Epileptici paroxysmi radix
& origo. 9. 115.
Equus junior non minus
est equus ac atate gran-
dior. 111.
Esculenta sunt Tartarea.
64.
Essentia Solis. 456.
Exhalationum Mercuria-
lium effectus. 52.
Exhalationum sulphureo-
rum effectus. 53. 54.
Experimenta Scribonii Lar-
gi ad Epilepsiam. 177.
178.
Extractum Hellebori ni-
gri. 311.
F.
Facultates rerum non à
crassi qualitatum Ele-
men-

I N D E X.

- mentarium procedunt. 92. 108.
- Facultas Spiritus Victrioli specifica adversus Epilepsiam unde promanet: 358. 359 360. 367.
- Faginum lignum Sale abundat. 57.
- Febris definitio duplex. 83.
- Febres nonnullae per Crisin in paralyfin transeunt. 274.
- Febrilis radicus signatura. 85.
- Fermentum natura. 354.
- Ferrearum aquarum facultas. 248.
- Florum Antimonii vehementia. 96.
- Faecunditas & sterilitas avorum unde. 5.
- Fons & origo affectus nobilis mulieris. 4.
- Forma substantialis Peripatetic. 92. 93. non crescit. 112.
- Fuliginum natura 56. Diffusio. 56. 57. 124. 125. effectus. 57. 124. 125.
- Fumi carbonum & lignorum effectus. 120. 124.
- Fumi verriginis autores cur nullos dolores pariunt. 125.
- Fumus cornu cerebro fustus. 15.
- Functionum Cerebri animalium vigor languorq; unde dependeat. 32.
- Fundamentum generationis rerum naturalium. 103. 104.
- G.
- Galenici à sua opinione veteri difficulter dimoventur. 182. 295. 338. in cura Epilepsia calida & odorata remedia perperam adhibent. 232. de mineralibus perperam sentiunt. 242. cur tanto opere in Mineralia & Medicos Spagyricos debachentur. 245.
- Galenicorum fastuosa & magnifica denatura medica ex pulpitis publicis eloquentia. 186. in praxi passillanimitas. 187. Vatinianum in Paracelsum odium. 180.
- Galenicis Mineralia aspernantibus eadem sunt. extremum refugium. 139. 242. 338.
- Galenii error de causa Epilepsiae. 20. de subiecto Epilepsiae. 75. opinio de causa Apoplex. & Epilepsiae est absurda. 116. sententia de Mercurio 443.

I N D E X.

- de Vitriolo.* 355. 365. *Hydroticum antepilepticū*
Galenus in re metallicapa- *Quercetani.* 237.
rum versatus. 372. *Hysterica mulieres paroxi-*
Gallia aquarum minera- *simo epileptico correpte*
lium ferax. 249. *quomodo sint tractanda.*
Generatio corporum imper- 151. 308.
fecte mistorum. 44. *Hysterica specifica.* 223.
Generationis & perfectio. 378. 401.
differentia. 109. 110. I.
Guajaci vires. 235. *Icteria.* 7.
H. *Idiota & de a morbisica duo-*
Harmonia & conspiratio *bus modis fit.* 15.
natura in singulis rerum
ordinibus. 98. 127. *Ignis natura.* 428. *ejus vi-*
Hellebori nigri preparatio *res in Mercurio essen-*
juxta antiquos 219. vir- *ficato.* 459.
tutes. 220. *Ignis Philosophorum.* 301.
Hemiplexia 39. ejus causa. *Impressionum coelestium*
40. *causa.* 88. 89.
Hepatis scirrhus. 69. *Indicationes curativae affe-*
Hercules Melancholicus. 14. *ctus Epileptici mulieris*
Hermetica humorum ana- *dua.* 10.
tome. 161. *Indicationes paroxif. Epi-*
Historia mulieris Epilepti- *lept. respicientes 141. 142.*
ca. 1. *seminali Epilepsia fomi-*
Homo est microcosmus. 43. *tiradicitus evellendo in-*
37. *servientes.* 233. 332.
Humorum preparatio. 205. *Indicationes curativae Epi-*
Hyacinti facultas. 423. *lepsia unde variantur.*
Hydromel antepilepticum. 131. 132. 199. 207. *Apo-*
209. *ad paralyfin speci-* *plexia Dogmaticorum*
ficum Quercet. 275. *generales 257. & seq. spe-*
Hydrotica Hermeticorum *ciales.* 271.
quatuor illis capitis affe-
ctibus specifica. 333. *Infantes cur sint ad Epile-*
psiam proni. 116. 170.
correpti epileptico paro-
xismo

I N D E X.

- xismo quomodo sine tra-*
Handi. 143. 307.
Infantium Epilepticorum
cureatio. 135.
Insomniorum diversitas.
 52. 53.
Instrumenta quatuor artis.
 419.
Instrumentorum Chymico-
rum varietas tanta un-
de orta sit. 299.
 L.
Laboratorii Spagyrici varia-
yeqñ. 298.
Lac corruptum qualia in-
ducatur incommoda. 116.
 170.
Lactis anatome. 126.
Lapidis Lazuli facultas.
 389.
Laudanum Diaphoreticū
& solutivum Paracelsi.
 412.
Libavii studium Alchimi-
cum. 470.
Lien est aceti seu fermenti
natura domicilium. 66.
non est humoris crassi &
faculenti officina. 66. 68.
Lienis scirrhus. 68.
Ligni Laurini & Juniperi-
ni facultas. 236.
Lipothymia. 50.
Liquor Luna viridis, Para-
celsi. 444.
Liquor Solis Paracelsi. 433.
Liquores Mercuriales mi-
crocosmi. 48.
Loca morborum. 71. *astra-*
lium morborum diffici-
limè investigantur. 73.
 74. *methodus eadem in-*
dagandi. 72.
Loci differentia & conside-
ratio juxta Hermeticos.
 71. 72.
Lues Venerea quandoq; per
Crisin in Paralyfin desi-
nit. 274.
Luna Spagyrica dissectio.
 443.
 M.
Magisteriū Cranii huma-
ni. 325. *Solis.* 433.
Magnetica vis adversus E-
pilepsiam in Vitriolo la-
ter. 360.
Magnetica vis in plurimis
natura individuis appa-
ret. 361.
Manna facile bilescit. 201.
Margarita. 344.
Martis & Veneris Sympa-
thia à Poetis cur descri-
pta. 353.
Matricis suffocationes non-
nulla in paralyfin dege-
nerare solent. 274.
Materia prima Hermeti-
corum. 91.
 li. Mat.

I N D E X.

- Matthiolus carpit Medicos, Antimoniū ex Medicament. classe excludentes.* 373.
- Mechanicus affectus epileptici in prædicta muliere nobili processus.* 6.
- Medicatrix simplicium facultas non à qualitatibus primis procedit.* 208.
- in quo deliteſcat.* 107.
- Medicamēta extrema.* 340.
- Medici officium.* 128. *In graviorum morborum curatione ſæpius ab Empiricis ſuperantur.* 182.
- cum Ictis conferuntur.* 185.
- Medicina indies incrementum ſumit.* 450.
- Mel contra apum infixos aculeos vi magnetica auxilium præſtat.* 361.
- Melancholia Hypochondriaca.* 65.
- Melancholici humoris generatio & effectus.* 62.
63. 65. *natura & uſus.* 67. 68.
- Melancholici cur ſint Epilepſia obnoxii.* 116. 361.
- Mellus anatome.* 261.
- Menſtruum fluor in quem finē à natura deſtinatus.* 5.
- ejus retentio qualia inducat ſymptomata.* 2.
- Menſtruorum Spagyricorū varietas.* 405.
- Menſtruum Perlarum & Corallorum.* 399.
- Mercurius corrodit vacula metallica. conſervatur in ſcſtilibus.* 450.
- diaphoreticus Paracelſi.* 467. *ejus dulcificatio ſit per aquam ſaltaberi.* *ibid.* *eſſenſificatus.* 456.
- citò rapit Solem.* 457. *ejus præparatio occulta- tur à Philoſophis.* *ibid.* *Eſſenſificatus Paracelſi.* 458. *Solis Paracelſi.* 432.
- In quaſcunq; formas immutatus ſemper viribus pollet peculiariſſimis.* 453.
- Non eſt recētioribus Medicis venenum.* *ibid.* *reditur philoſophicus tribus modis.* 456. *venit in uſum Medicum.* 452.
- Mercurius vita Paracelſi.* 405. 462. 463. *Solaris.* 472. *vires.* 473. 474.
- Mercurii crudi uſus.* 452.
- præbetur infantibus & pueris.* 453. *varia conſideratio ſecundum Paracelſum.* 454. *natura.* 455.
- Ejus & Solis ſympathia.* 456. *precipitatio.* 463.

I N D E X

olea & liquores. 468.
469. 471. vires. ibid. Spiritus moschum redolens. 398. *Precipitata vera quantum differant à vulgaribus.* 468.
Mercurii Metallorum precipitati sunt diaphoretici. 466.
Metallorum in Medicina legitimus usus. 426.
Metaptoxis est duplex. 16.
Meteora Macrocosmi. 45.
Microcosmi. 46. 51. 57. 74.
Methodus curativa Epilepsie Dogmaticorū. 127.
Græc. antiquorū. 162. *Græc. Arabum.* 192. *Græc. Neotericorum.* 198. *Græc.*
Minerales spiritus in familiā vegetabilium transfereunt. 48. 99. 101. 102.
Mineralia non destituuntur vitā. 247.
Mineralium medicamentorū præstantia. 139. 181.
Minerarum morbosicarum anatomia interna & vitalis. 47.
Minium. 448. *Minium Dioscoridis.* 449.
Morbus ex imbecillitate balsami radicalis expulsionem illius molientis augetur. 7.

Morbus omnis fit vel per idionā & deīā vel per cūptā & deīā. 15. *quomodo spiritibus insit.* 83.
Morborum scaturigo. 50. 51. loca. 71. *semina & radices in corpore humano decrescunt.* 85. *radices & seminaria.* 56. 59. 60. 81. *causarum & symptomatum discrim.* 81. 82. 84. 86.

Mors quid sit. 105.
Moschi natura. 232. *ejus odoratus mulieribus hystericiis noxius.* ibid.
Motus alicujus partis potest aboleri, salvo manente sensu sed non contrā. 37.
Musici concentus vis & facultas Medica. 155.

N.

Natura erga homines benignitas. 252.
Narcotica vis cicutæ, rutæ, mandragoræ, papaveris unde dependeat. 214.
Nepenthes Quercetani est specificum Epilepsie remedium. 214.
Nervorū differentiæ. 30. 37.
Nutrimētum hominis. 103.

O.

Obstructionis apoplectica causa
li 2

- causa externa.* 32. *Inter-*
na. 33.
Odor hepatis caprini affati
Epilepsiam excitat. 19.
Oleum ligni Heraclei Ru-
landi unde fiat. 210.
Oleum scorpionum adver-
sus ictus eorundem vi
quadam magnetica pol-
let. 361.
Oleum serpentis ad paraly-
sin. 282.
Opiata corroborans antepi-
leptica Quercetani. 230.
purgatoria ad eundem
affectum ejusdem. 202.
Opiniones diversa de causis
Epilepsia. 19.
Orexis. 65.
Oxymel Helleboratum ma-
jus Iuliani. 210.
 P.
Paeonia signatura. 157. 158.
Facultates. ibid. ejus in
Epilepsia curam legiti-
ma collectio. 229.
Paracelsus interna rerum
metallicarum anatomia
peritissimus. 367.
Paracelsi aliorumq; Her-
meticorum philosopho-
rum sententia de Anti-
monio. 395. *de auri vir-*
tutibus & preparatio-
ne. 431. *de Victriolo.* 363.
de usu metallorum me-
dico. 426.
Paralyseos causa. 41. 122.
 123. 286. *Species.* 363. 8. *e-*
jus & stuporis differen-
tia. 38. *curatio juxta*
Methodum Dogmatico-
rum. 273.
Paralyseon humoralium
cura. 289.
Paraplegia. 38. 39.
Parisienses Medici nimium
ad Phlebotomiam pro-
clives. 290.
Paroxysmi Epileptici vehe-
mentia & pernicies con-
sueta curandi methodo
neglecta sine mora prom-
ptum requirit auxilium
 142. 143.
Pavoris vis. 10.
Pestilentialis veneni natu-
ra & effectus. 58. 59.
Perfectio renum. 110. 427.
Phlebotomia in cura Para-
lyseos legitimus usus. 290.
Pilula Barbarosse. 452.
Pleuritis. 58. 72.
Pleuritidis pestilentis causa
& signa. 72.
Podagrica radices sedes est
occulta & impervestiga-
bilis. 73.
Potio purgatoria antapo-
 plecti-

I N D E X

plethica Quercet. 270.
Principiosum Hermeticorum facultates. 93.
Prodromi Paroxysmi Epileptici. 2.
Prophylactica Epilepsia cura antiquorum Dogmaticorum. 162.
Prophylactices tria instrumenta. 162. *remedia.* 163. 164.
Propria & a. d. n. 110.
Psarmica antepileptica. 152. 153. 320. *non nisi caute infantibus adhibenda.* 146.
Pulvis angelicus. 464.
Pulveris Algureti potestates. 476. *unde fiat.* 478.
Purgantia antepileptica Hermeticorum. 310. 311.
Putrefactionis vis & facultas, ejusq; instrumenta. 383.
Pythagorica litera significatio. 297.
Pythia oraculum remedium antepilepticum describens explicatur. 158.

Q

Qualitatum & signaturarum vitalium fons & origo. 91. 92. 342.
Qualitates elementarium actionum vis unde pro-

manet. 83. *natura & effectus.* 92.
Quercetanus studet bene de Rep. Medica mereri. 294. *pacem & concordiam cum Dogmaticis colere.* 298. *Callet qd. modis spiritum auri prolestandi.* 477.
Quernum lignum sale abundat. 57.
Quinta essentia Solis Paracelsi. 434.
Quinta essentia ex vegetabilibus extrahenda methodus. 312.

R

Rabies. 65.
Radicales Epilepsia fomites difficulter e globis suis eliminantur. 233.
Radices seminales rerum quae sint. 78.
Radix vita. 104. 107.
Regeneratio Natura putrefactionem consequitur. 384.
Renovatio Mundi. 429.
Rex Galliarum Chymia faver. 297.
Rosa odor nonnullis est noxius. 232.
Rosarum, violarum, &c. emarcidarum resuscitatio artificialis. 352.

S.

- Sal Nature regenerationis multiplicationisq; autor in singulis rerum ordinibus est conspicuus.* 384.
Sal cranii humani ipso crudo est prestantior. 329.
Sale quæ abundat, diuturniore vita fruuntur. 329.
Salia humiditate sua quæ ipsorum malignitas obtunditur, privata, acrimoniam liberius ostendunt. 63. 65.
Salia Microcosmi. 48.
Salis Armoniaci fixatio. 398.
Salis cranii humani preparatio. 331.
Salus marini analysis Spagyrica. 346.
Salus principii hypostatici substantia fixa. 228.
Salium proprietates. 341.
Sambucus constat sulphure Anodyno. 213.
Sanguis est mare Microcosmi. 6. *purgatur per variolas & morbillos.* 4.
Ex Epileptici vulnere dimanans labiis illius inunctus paroxysmum sedare perhibetur. 154.
Sanguinis corruptio. 6. *bi-*
lis. 62. *Ichor.* *ibid.* *anatomia.* 61. 126.
Sanitatis & morbi idem est subjectum. 71.
Saturni interna anatomia. 342.
Scorpionis ictus epilepsiam infert. 22. 30.
Semina actu sunt animata. 108. 109.
Seminum fecunditas & sterilitas à presentia vel absentia spirituum mechanicorum dependet. 90. 91. 92.
Separatio puri ab impuro. 49.
Singultus ventriculi. 9.
Solis proprietates. 101.
Somni generatio. 52. 119.
Spasmus. 9.
Specifica antepileptica. 213. 226.
Specificum ad vertiginem. 482.
Spiritus sunt instrumentum Nature. 90. *Mechanici scientiâ sunt instructi.* 16. 91.
Spiritus Salis aurum solvit. 95.
Spiritus Victrioli dulcis. 375. *solificatus Paracelsi.* 369.
Spiritus Victrioli antepileptici

I N D E X.

- ptici preparatio* Paracelsi. 368. 369. *summa subtilitas.* 358. *virtus & praestantia.* 316. 357. *cum suo virore exiractio.* 376.
- Spirituum actio terrestriū corporum mole, quorum vinculo devinciuntur, impeditur.* 95.
- Spirituum duplex consideratio.* 82. *differentia & varii effectus.* 91. 94. 95. 106.
- Stillicidiorum, Italici Doules dictorum usus.* 253.
- Strumarum sedes.* 73.
- Strutio-Camelus qua ratione ferrum possit concoquere.* 79.
- Stupor membrorum.* 123. 287. *est πῆσις* paralyseos. 38. 123.
- Suffitus bituminis & lapidis Gagaris cerebro funestus.* 15. 19.
- Sulphur Solis Paracelsi.* 432. *Vitrioli Epilepsia specificum.* 215.
- Superstitiosi Epilepsia curandi modi.* 154.
- Syncope.* 32. 50. 358.
- Synochus.* 55.
- Syrupus antepilepticus Quercet.* 309. *eiusdem helleboratus purgans*
- Antepilepticus.* 222.
- ## T
- Tarantularum ictus quomodo curetur.* 155.
- Therapeutica Epilepsia curatio.* 132.
- Therma spiritibus metallicis sunt referta.* 92. 242. *earundem effectus.* 241.
- Tinctura Luna Spagyrica Quercet.* 444.
- Solis, Paracelsi.* 436.
- Quercet.* 437. 440. *Gemmarum.* 322. 345.
- Tincturarum vegetabilium origo.* 354.
- Τὸ δεινὸν τι morbis astralibus subest.* 14. 46.
- Topica antapoplectica, antiparalyticaq; Hermeti-
corum.* 344.
- Topica antiparalytica legitimum administrandi
modus.* 285.
- ## V
- Vegetativa in agrum Microcosmi transplantata
in sensitiva transeunt.* 47. 99. 101. 103.
- Vena sectio in cura apople-
xia secundum veteres.* 260. 261. *secund. Querc.* 262.
- Venarum jugularium inci-
sarum conglutinatio.* 263.
- Ven-

- Ventorum qualitates* & effectus. 89.
Verborū in spiritus nostros vis atq; efficacia. 155. 156.
Vermium generatio. 105.
Vertigo est parva Epilepsia. 8. 24. 26. 253.
Vertiginis causa externa. 24. antecedentes & conjuncta. 25. 124. 125. Symptomata. 126. curatio iuxta Dogmaticos. 254.
Videndi actus vitatur ab instrumento male disposito. 90.
Victorii Algurethi libellus. 475.
Vitriolum est sedes & habitaculum omnium spirituum metallicorum. 357. solum & integrum Pharmacepai officinam adornare potest. 362. 371. 372. ejus usum cur tantopere ignari mineraliū censes reformident. 375. & cur ex eo tot tantaq; ad quosvis gravissimos omnium ferè totius corporis humani partiū morbos specifica remedia educi queant. 356. 357. 389. ex omnibus metallis elici potest, & vicissim hac in illius familiam transeunt. 384.
Vitrioli signatura interna. 353. 354. multa sunt species. 355. Cyprii prestantia. 356. proprietates ex Paracelso. 363. 364. Magisterium. 364. 380. usus secundum veteres. 365. 366. in tria principia dissectio. 367. Tinctura Quercet. 378. Elixir. 381.
Vinum abundat sale vitriolato. 63. liberalius haustu cur somnum inducat. 119. ejus anatomia. 61.
Visci querni in epilepsia curam legitima collectio. 229.
Vitri Antimonij agendi se-rocia unde dependeat. 96. rejicitur. 139.
Vngula Alcis Epileps. specifica electio legitimaq; administratio. 226. quā occasione innotuerit. 15.
Vomitorium prestant. 153. 320. 473. 479.
Urina humana anatom. 80.
Vteri suffocatio. 32. 34. 232.